











LA CHIAQLIRA  
DLA BANZOLA

O per dir mi

FOL DIVERS

*Tradutt dal parlar Napolitan in lengua Bulghesa*

PER RIMEDI INNUCENT DLA SONN,  
E DLA MALINCUNJ

*Dedicà*

*AL MERIT SINGULAR*

DL GENTILESSEM SGNORI  
D' BULOGNA



BULOGNA MDCCCXIII.

---

Per Gasper de' Franceschi alla Clomba.

Fondo Doni XV  
83

906965



## GENTILISSIME SIGNORE.

*Scrittura*

*L*e presenti giucose favolette a noi private donne, per altro di tanto bene, e solliero, conciossiachè atte a farci passare meno noiose e più utili le lunghe sere invernali spese ne' domestici lavori liberandoci dalle molestie del sonno, quale accoglimento potranno sperare giammai da VOI, gentilissime SIGNORE, scevre da tali fastidiose cure, ed avvezze a sollevare i vostri animi nobili in magnifiche conversazioni fra sublimi, e vivaci discorsi? Parebbe certo ad ognuno, che male a proposito pertanto avessi io risoluto di farne a Voi la dedica, e tutti mi accuserebbero di troppo ardita se non facendo loro sapere, che pure una delle più ragguardevoli vostre pari, alle di cui mani per di Lei buona sorte la presente Operetta pervenne, fu Ella stessa, che tanto a me diede di coraggio per potere bastevolmente la mia risoluzione difendere. La giudicò essa spiritosa, e faceta, e atta a portar sufficiente solliero alle sublimi Vostre menti lasse, e stanche ne' domestici pensieri; onde io vedendola letta con tanto piacere da Lei, non potei a meno di non sperare, che ella potesse essere an-

cora egualmente fortunata con Voi; e quantunque le notturne occupazioni solamente proprie di noi altre non siano per esser cagione, che Voi la leggiate, pure io mi lusingo che qualche altro tempo favorevole, o fortunata circostanza mi procurerà tale onore, e le lunghe ore noiose della estate me ne hanno già quasi data parola. Queste favole sono state dall' idioma napolitano nella nostra bolognese lingua tradotte da persona a me per parentela attinente, onde volendo io darle alle stampe con qualche sicurezza di non esporle all' altrui maldicenza, non potevo miglior mezzo studiare, che di offerirle a Voi, acciocchè il vostro nobilissimo Nome sia loro di difesa, e di vantaggio. Ricevetele adunque con quella generosità tanto propria del vostro carattere, e quantunque il dono, ch' io vi presento sia picciolissimo a paragone del merito Vostro, pure non ostante potrete facilmente in lui ravvisare quell' immutabile distinto rispetto, col quale ora mi dò l' onore di protestarmi

*Umilissima Devotissima Obbligatissima Serva*

A. M. S.

## AVVERTIMENT AL LETTOR.

**M**i n' vrè, ch' al titol, ch' ha in front st Libr v' spavintass. Vù sintend st nom d' Chiaqlira capirj subit, ch' l' è sta fatt da una donna, es si mustazz d' turnarl a srrar subit ch' al avj avert senza lezzrl, pinsand dn i truar su del gnaccarat. Mo pruvà, stà paziint, lizin qualch carta; cascarà al mond? Sì ben ch' la par un' ubbligazion, ch' tutt quell, ch' fa l' donn ava sempr da puzzar sotta al nas, a vrè mò ch' sta volta am fissi servizi d' astupparval, tant ch' av dissi temp d' guardar a qualch uua d' sti Fol. Anch in dl matiri ai pò essr qualch sentenza, ch' serva alla correzion di costum. Suppost donca ch' a vladi ascoltar quell, ch' a digh, a eminarò a dir che questi in Fol, ch' in cavà dalla lingua Napolitana, e a cunfssarla cinod l'è, a sò anca mi, ch' l' faran rabbia pr essr tradott quasi sgarbament, e massm si fussu mai confrontà con al librdal qual gli in sta cavà. Quì mò vù dirj una cosa, es m' par, ch' a dirì benissim; cioè: cosa donca occorreva, ch' a fiss mi la duttora d' tradurl quand l' stevn tant ben quasi in tla sò propria lingua? A dsjal ver, e mi n' v poss dir contra; mò a dirò mò anca mi doucos (cm l' n in anch trei) pr mi dscolpa. Prima a i è queila, ch' al bsò zà sempr, ch' l' donn batto al nas dov n l' aren da battr; questa è una. La seconda, ch an è quasi facil a truar st librdal sti Fol Napolitan', perchè a sò mi, ch' fadiga fu a truaral, e mi l' av pr un favor, ch' m' fi una mi amiga, dla qual ai n' ho gran stima, e ch' s' pres li la briga d' faral vgnir a posta da Napol per farmn un don; dla qual cosa am in pregg.

Truvand donca sti Fol acquì gustosi, e v dend, ch' l'era tant difficil al psserl aver in Napolitan, a cminzò a prubar d' tradurl in tla mi lengua Bulghesa pr pssergli andar lizand a Tizi, e Simproni. L' ha mò purtà al cas, ch' essend vist, ai è sta ch' s' è miss al pinsir d' farl stampar, acciò ch' l' sippa più pales. An poss negar ch' l' gli avvn pers purassà d' quel grazi, ch' gli an in tla sò lingua natural; e se ben ch' la sostanza dla fola è l' istessa, an' i è però una somma fedeltà in tla traduzion, part pr n' aver cattà di proverbi in bulghes, ch' avvn l' istess significat di napolitan, e pò mi i n ho miss di nustr, ch' fors ben n vran brisa dir quel, ch' dseva quì; part anch pr assri multissm cos, ch' m' n' intendeva, e ch' ai ho pò cumpost alla piz, e quest arà cavsa, ch' l' sinn arinas in zà, e in là più secchi. Chi lizrà l' Napolitan' vdrà anch, ch' ai è dla robba, ch' n' è tradutta brisa, e quest, perchè gli in digression ch' ai ho stimà, ch' s' possn tralassar senza ch' s' guasta la sostanza dla fola. Insomma o sippla sta una mattiria questa, ch' ai ho fatt, o una cosa ch' possa passar, m' l' ho fatta, perchè l' serven a chi sta tant alla banzola la sira di invern, e ch' tinu aspttar la sò zent, ch' v'igna a cà, e pò ch' mai vinn, ch' l' è una cosa, ch' stufia tant, e dimandami a m' sl' è vera. Si v' piasran, m' arò accar, sl n' v piasran, a peos, ch' a n i srà altr mal, su ch' a n l' lizrj mai più cm' av i srj acchiappa una volta, e ch' a truvary evell altr, ch' v' faccia passar la sona. Adj, sta svelt, ch' ai arj gust.

## TAVLA

## PR ATTRUVAR L'FOL.

<i>I</i> ntroduzion al Fol . . . . .	a cart. 9
L' Om Salvadgh . . . . .	45
La Mazurana . . . . .	48
Al Mamalucc . . . . .	25
L' Incantà . . . . .	28
La Pulsa . . . . .	35
La Cindrella . . . . .	58
Al Marcant . . . . .	44
Al Mustazz d' Cavra . . . . .	55
La Cerva affadà . . . . .	58
La Vecchia scurtgà . . . . .	65
La Prassulina . . . . .	70
La Strà d' Cristall . . . . .	74
La Viola . . . . .	79
Mascarin . . . . .	84
Al Bisson . . . . .	80
L' Orsa . . . . .	96
La Clomba . . . . .	101
La Schiava . . . . .	109
Al Cadnazz . . . . .	115
Al Cumpar . . . . .	117
Quell, ch avè la Testa d' or, . . . . .	119
Quella dal man smuzgà . . . . .	126
Al Rumitt . . . . .	154

<i>La Saba Lcarda . . . . .</i>	<i>. . . . .</i>	<i>440</i>
<i>Al Burdigon, al Pontgh, e al Grill . . . . .</i>	<i>. . . . .</i>	<i>444</i>
<i>L' sett Sorell . . . . .</i>	<i>. . . . .</i>	<i>452</i>
<i>Al Curvett . . . . .</i>	<i>. . . . .</i>	<i>455</i>
<i>L' Ignurant . . . . .</i>	<i>. . . . .</i>	<i>460</i>
<i>Al gran Turch . . . . .</i>	<i>. . . . .</i>	<i>465</i>
<i>L' trei Fad . . . . .</i>	<i>. . . . .</i>	<i>471</i>
<i>La Preda dal Gall . . . . .</i>	<i>. . . . .</i>	<i>478</i>
<i>I du Fradj . . . . .</i>	<i>. . . . .</i>	<i>485</i>
<i>I tri Princip Bisti . . . . .</i>	<i>. . . . .</i>	<i>489</i>
<i>L' sett Codgh . . . . .</i>	<i>. . . . .</i>	<i>493</i>
<i>Al Dragon . . . . .</i>	<i>. . . . .</i>	<i>200</i>
<i>La Donna Salvadga . . . . .</i>	<i>. . . . .</i>	<i>209</i>
<i>L' dou Crssett . . . . .</i>	<i>. . . . .</i>	<i>216</i>
<i>L' sett Clombi . . . . .</i>	<i>. . . . .</i>	<i>222</i>
<i>Al Corv . . . . .</i>	<i>. . . . .</i>	<i>233</i>
<i>La Superbia castigà . . . . .</i>	<i>. . . . .</i>	<i>242</i>
<i>L' Oca . . . . .</i>	<i>. . . . .</i>	<i>247</i>
<i>I Mis . . . . .</i>	<i>. . . . .</i>	<i>250</i>
<i>Dpint Smalt . . . . .</i>	<i>. . . . .</i>	<i>254</i>
<i>La Brocca d' Or . . . . .</i>	<i>. . . . .</i>	<i>260</i>
<i>Sol, Luna, e Talja . . . . .</i>	<i>. . . . .</i>	<i>270</i>
<i>La Sapienta . . . . .</i>	<i>. . . . .</i>	<i>275</i>
<i>I cinq fradj . . . . .</i>	<i>. . . . .</i>	<i>279</i>
<i>Niplin, e Niplina . . . . .</i>	<i>. . . . .</i>	<i>285</i>
<i>I tri Cidr . . . . .</i>	<i>. . . . .</i>	<i>289</i>
<i>La Finadga d' tutt l' Fol . . . . .</i>	<i>. . . . .</i>	<i>500</i>



# INTRODUZION AL FOL.

## Fola prima.

**D**is ch' ai era una volta un Re d' Vall Plosa, ch' aveva una fiola, ch' aveva nom Zoza: questa era tant malinconica, ch' nssun s' arcurdava mai d' averla vista ridr; e quì al Re so padr (ch' n' la vdeva quant l' era lunga) s' deva all' impicc per farla star alligra, es feva andar lì da l'j, ora quell ch' fa ballar i can, ora qui dal mond nov, dl volt quell ch' avè l' asn, ch' bveva in tal bicchir, ora quest, ora ql' altr, mo l' era tutt un, ch' ai srè psù vgnir dinanz, an sarè dir cosa, ch' an i era mai dubi, che qia bocca s' arghgnass tant ch' la fess un poc zrisina, e mustrar d' ridr. Al so sgnor padr n' savand più ch' diavl s' far, al di ordn, ch' s' fess una gran fontana d' oli dinanz alla porta dal palazz, con pinsir ch' la zent ch' andava innanz, e indrì aren' fatt tant i gran sblisgun che fors ben a so fiola i srev psù scappar da ridr. Quand l' av donca fatt far sta cosa, la Zoza s' in steva alla finestra, ch' al pareva ch' l'j aviss tutt l' vui, eccett che quella d' ridr; mò al purtò al cas, ch' al vign a passar una vecchia, ch' i era andà, es avè tolt una sponga con la qual la succhiava l' oli, e pò al mteva in t' un buttazz; in qual mentr mò ch' la steva lì tutta affacindà, un cert pagg d' cort tirò con la balestra quì a pel, e segn ch' al cols just d' pnell in t' al buttazz, e s' andò in mill brisl. Quand la vecchia vist una cosa sì fatta, trà ch' l' avè una lengua maldetta, e trà ch' ai vign rablia dal so buttazz, la si voltò, e si cminzò a dir dalzà, e dal là, quant mai la psì; st' ragazz ch' era anca lù un linguazzud mo d' musch, al ti cminzò a lavar la testa a l'j, e l'j a lù, tant ch' an s' finì la fola, ch' is dìnn, mò però l' era sol la vecchia ch' arcnjeva, perchè qual pagg la chiappò a travers, e s' la trì in terra, e perchè as sblisgava, la vecchia fì tant al brutt scamazzol, ch' la puvretta, as i livò la stanella in sla testa, es mustrò (con riverenza parlando d' lor altr' sgnori) tutt quant al taffanari. La Fiola dal Re, ch' era là cmod ai ho dritt, ch' an parè brisa, ch' l'

aviss mai da ridr, quand la vist sta gnacara, la s'miss tant fort a sghernazzar, ch' i pinsonn ch' la triss un crepp. La vecchia la senti, es i vign tanta rabbia a vder ch' l' aveva al mal, e l beff, ch' la si vultò es i diss: vann: en pust mai truar mari st' n' tù al Prencip d' Camp tond. La Zoza ch' sintì sti parol', fì chiamar sù dal scal la vecchia, es vole saver che diavel l' aveva vlù dir, e la vecchia i diss: ch' la sava sacra corona, ch' et Prencip ch' ai ho nominà era la più bella criatura, ch' foss al mond: es avè nom Tadj: st puvrin ai è stà dà la mort da una fada, es l' an miss in tl' arca fora dl' mura d' una città, es' i è un pataffi scritt in t' una preda ch' dis: che qual s' vuja donna ch' impirà d' lagrm una mastella, ch' è là attaccà a un' albar la l. farà arsussitar, es la turà pr mujer; e perchè an i è mai dubbi ch' dū ucch d' una criatura possn far tant lagrm, da impir una mastella, ( perchè al bsogna ch' la sava la mi sgnora, ch' l' è necessari, ch' quest' succeda dentr da tri di a ch' vol pseri arsussitar) e quasi, digh, an i è mai dubbi ch' nsun i possa arrivar, e mi dalla rabbia ch' la m' ha fatt vgnir, quand la m' hà abuffunà, ai ho fatt st' auguraz, es prigh al cil ch' l' ariussissa quasi. Subit ch' la vecchia av ditt sti parol, la s' la fì a gamb per pora dn' esser chiuclà. Mo la Zoza quand l' av sintù sta cosa: a psi creder: l' era zuvnetta: ai vign vuja d' andar a pruar, s' la psè cattar sta sepoltura dov era st' oin; cosa filla lì? la tols una massa d' quatrin al so sgnor padr, e sn' andò fora d' cà sò: e camina, e camina, e camina tant ch' l' arrivò a un castell d' una fada, es i confidò sta cosa; sta fada, ch' vist sta gran bella zovna, la i piò subit amor, es i di una litra d' arcmandazion a una surella, ch' l' aveva, ch' era anca lì una fada, la qual i fì tant la gran cira ch' an prè mai dir, e quand l' al av tgnù una nott, la fì anca lj una litra da portar a un' altra surella, ch' era zà anca lj una fada: quand la Zoza fù in sl' uss pr andar vj da questa, la fada i di una bella nus, es i diss: tolè fiola mi sta nus: tgnivla ben cara, en l' ammaccà mai sn' in temp d' vostr gran bisogn. La Zoza la ringraziò, es av anc da questa ordn d' andar da un' altra surella, ch' anca lj i fè curtsj, es i dunò una castagna con l' istèss ordn, ch' i avè dà qu' altra, cioè ch' la n la rumpiess fin ch' la n' era in t' un gran bisogn, es i di una bona

volta una litra pr un' altra surella, ch' era cmod a psi credr anca lj una fada: Lz Zoza la basò, es andò currand da st' ultima fada ch i dunò una clura dsendi anca lj qula fola d' nasin' in stecc cmod i avè ditt quegli altr. Quand la Zoza av tutt sti cos , la s miss 'l gamb in spalla, es s' miss a caminari: e dai pur : tant ch' dop sett ann, la fù missa in sta strà dov i era sta sepoltura d' st prencip. Quand la fù là , ai era una bella fuintana, e pò li vsin ai era sta bella arca d' marm, es i era qul' albar ch' aveva attaccà qula mastella: li la dstaccò, e pò cminzò fu mj car a pianzr, e tant andò drj, ch' in manc d' du dì la l' aveva squas impi , ch' an i mancava più sn' dou dida; mò al purtò al cas ch' dal gran pianzer l' era tant strarca, ch' ai scappò durmì. In qual mentr mo ai era lì arpiattà una mora ch' era una schiava, mò la più brutta figura ch' s' psiss mai vder con du ucch, qustì avè sempr tgnù d' pista la mastella; es vist ch' an i mancava sn' dou dida a esser pina: quand la vist ch' la Zoza durmeva, caminand la s livò sù, es cors a smergular sovra alla mastella, es la finì d' impir. Appena la fù pina, al prencip just cmod s' al s' fuss dsdà da un gran sonn, s' alzò sù d' in tl' arca, es chiappò su qula brutta negra mora, es la conduss al sò palazz con una gran algrezza, es la spusò; la sira al fi trar di raz, e di murtalitt, e in somma agn' cosa battè fugh. La povra Zoza mò quand la fù desda, ch' la vist la sepoltura averta, e la mastella arbaltà (perchè qula qutalazza i avè dà dentr un calz), l' av la puvrina a cascar morta dalla stretta, es n' savè ch' partì s' aver a piar: mò al perfuind vdend ch' an i era remedi, la s aviò pian pian alla città d' st prencip, e quand la sintì dir tutt sti algrezz, ch' l' avè fatt per sta bella bambozza d' mujer, tant più i crssi la rabbia a vder chi era po qula figura, ch' i avè tolt al mari; basta pr tintar tutt 'l strà pussibl, l' andò, es tols una cà adafitt, just indritt al palazz dal prencip, ch' almanc la s consolava a vder la cà dov l' era dentr. E qustì al purtò al cas, ch' un dì l' era alla fnestra, e al prencip la vist, e puffar la nostra, al vist ch' l' era tant bella, ch' al la cminzò aducchiar: e guardi una volta, e guardi dou, tant ch qula brutta diavla dla mora, i cminzò a piar gelosj, e perchè l' era gravda la cminzò a dir a sò mari qustì in t al sò linguaz (ch' a faren mò cont ch' sippa

muresc) s' ti mai più a qula fnestra andar, e mi pugn in panza dar, e tò fiol vler ammazzar. Tadj (ch'era za al prencip) av tant la gran pora ch' l'an ammazzass verament al ragazz, ch'al cminzò a poc a poc a dscustars dalla fnestra, e an guardar più alla Zoza. Quand quest vist una cosa si fatta, ai vïgn in ment la nus, la castagna, e la clura, ch' i avè dunà l' fad, es animaccò la nus alla bella prima; subit ch' la l' av ammaccà, al saltò fora più bel papagall, ch' s' psiss mai vder, es saltò subit in sla fnestra, es s' miss a far tant i bj trill, tant i bj vers, es cantava tutt qugli ari, ch' u-avn e ch' sudevn per la strà, ch' l' era propri una maraveja, e la zent ch' passava s' incantava a guardar in sù. Quand la sposa dal prencip sintì sta cosa, la cminzò: s' ti qula bistia nm' cumprar, e mi pugn in panza dar, e tò fiol vler ammazzar. Al prencip ch' era un pò gnagn purassà, mandò subit dalla signora Zoza a vder s la i al vleva vendr: l' i fi arspendr ch' la n feva l' arvindris, mò che s' al le vleva in don, ch' la i l' arev dà. Tadj ch' aveva una pora ch' as plava ch' sta matta d' sta donna ni ammazzass al ragazz, l' aztò al partì, es al tols in don. Mò da lì a quattr di la Zoza avers la castagna, es saltò fora una tocca cun dods pulsìn tutt d' or, quistì la i miss medesimament in sla fnestra, e quand ai vist la sposa, la cminzò la fola di altr di: s' ti qula tocca nm' cumprar, e mi pugn in panza dar, e tò fiol vler ammazzar; e al marì zà crudò al armor, es mandò d' bell nov dalla Zoza, a vder s la i la vleva vendr, ch' al i aré dà tutt quell ch' l' avis vlù: e l' arspos l' istessa cosa d' prima, ch' la n la vleva vendr, mò ch' la i la darè i don. Lù armas zlà, a sintir tanta curtsj, es aztò anc questa. Mò da lì a un n sò ch' di, sta fiola ammaccò la clura, es saltò fora una bambozza ch' filava l' or, ch' era la più superba cosa ch' s' fuss vist al mond, e subit ch' la fu alla fnestra, e ch' la simona l' av vista, la chiamò al marì, e i diss: s' qula bambozza nm' cumprar, e mi pugn in panza dar, e tò fiol vler ammazzar. Al prencip s' cminzò mò a verguagnar d' andar mandand a dir a sta donna ch' al vleva sta robba, es vols andar l' i in persona a dmandar la bambozza; a gli andò es i fi dl belli cerimoni, es la pergò a scusar la sò gran impertinenza. La Zoza andava in brod d' capp dall' algrezza d' vder lì al so prencip, es arev vlù

psèr truvàr quale scusa, pr farl star lì un pezz. Al prfinid la i dunò anc la pù cmod l' avè fatt gli altr cos , mo prima d' darila , la la tols in man, es s' tirò da banda cun l'j, perchè sta bambozza era affadà , es la pregò a far vgnir vuja alla sposa dal prencip d' sintir cuntar del fol : perchè l'j mo la Zoza era la mestra dl fol , es aveva speranza d' psers pò ficcar in cà dal prencip pr vi d' sti fol. E quì donca la dè la pù in man a Tadj , al qual av una gran algrezza , es ni pars vera d' aver psù cuntintar so mujèr anc qula volta senza spendr un quattrin. Al ringraziò la Zoza , cmod s' pò credr, es i dess ch' l' era patrona d' tutt quell , ch' lù aveva, e ch' l' andass ben alla banzola da so mujèr. Quand Tadj fu turnà a cà , e ch' l' av dà la bambozza alla signora : mo bona : ai vign tant al gran asiol attorn dalla vuja d' sintir cuntar dl fol , ch' l'j assolutamente n pèva cattar lugh, es avè pora dn' s' tuccar la bocca, e d' far un tos ch' aviss una vuja d' fol in s' al mustazz : e quì una bona volta, la chiamò so mari , es i diss : st' nm' farà dl fol cuntar , mi di pugn in panza dar, e tò fiol vler ammazzar. Tadj per livars d' attorn sta todna fì trar un band con qualment tuit l' donn d' qual paes avissn a vgnir al tal dì pr dir dl fol; la mattina d' qual dì , ch' l' avè urdnà lù , ai era zò in tla cort tant al gran sfurmigular d' donn ch' an si pèva durar . Mo al prencip ch' vist tanta marmaja , n' vols mo pr dar gust a sta brutta mora , tgnir quì impedì la cà , con dla zent sì fatta ; e quì ai n' adless dis dl più snlen' , e fra questi ai intrò la Zoza, e tutt quegli altr al li mandò vè , quand al i av fatt dar da bevr. Questi donca ch' armasn , andonn con i dū spus in t' l' ort, es eminzonn a dir qu' fol ch' a eminzaren a cuntar ; la prima fu la puvrina dla Zoza , ch' diss la fola ch' a sintirj.

## La Fola dl' Om Salvadg.

**D**is ch' ai era una volta in tla Città d' Marigliàn una donna ch' avè nom Masella ; questa aveva sì fioli grandi da mari , e po aveva un fiol masch , ch' era al più gran marmalucc , e al più gran barbazagn , ch' n' valè gnanc l' bragh d' un' impieccà ; an passava d' , ch' so madr ni dsiss : mò cavt

un pò d'in cà lasagnon; vatt un poc guadagna al pan, ch' mi ent poss più far la spesa; mi cred, ch' tm' fuss barattà quand t'ir in tla cuna, perchè mi n' cred cert d' aver mai fatt un mimiron cmod t' i ti: vò mò vj: fattla: cavt ben d' quì. Mò la mamma pseva 'dir quell ch' la vleva, ch' al fiol badava a magnar, es n' pinsava dai cupp in sù: mò a l'j ai vign un dì tanta rabbia a vder, ch' al pareva, ch' al la scfunass, ch' la chiappò un pezz d' baston, es ijn dì fina ch' a in vols. Togn (ch' l' aveva nom acquì) quand al sintì sta gnacara, ai vultò un par d' garitt, es andò a far i fatt sù, e tant s' miss a caminar, ch' l' arrivò a pè d' una muntagna ch' era quì alta, ch' al parè ch' la tuccass al cil; lì in fond donca al si fermò, es vist ch' ai era una gròtta, e lì in tl' imbuccadura ai era a seder un' om salvadgh: oh s' avissi vist l' era pur la brutta figura! l' aveva la testa più grossa, ch' n' è una zucca d' India; la front tutta pina d' brgnocul; l' zii attaccà insem; al nas asquizzà, con du bns acquì largh, ch' parevn dou chiavgh; e una bocca, ch' parè quella d' un forn: ai vgneva pò fora du dint lung'h una spanna; tutt plos, stort in tel gamb; in somma al parè al gran diav, ch' l' arè fatt inspirtar dalla pora tutt i tus d' Bulogna. Togn tirò innanz con al so mocl, es abbassò quì un poc la testa digand: adj msir: cosa s' fa? cmod stat? vut niint? quant i è da quì a qual lugh dov ai ho d' andar? i' om salvadgh, ch' sintì st bell dscors, s' miss a ridr, e perchè ai piase l' umor dla bistia, ai dmandò: vut star con un patron? e Togn arspòs: quant vut al mes? l' om salvadgh diss: oss bada pur a servir onoratament, ch' an i srà ch' dir, e tn' starà mal. Quand i avn fatt st parintà, Togn arstò a servir l' om salvadgh, es magnava bocca mi ch' vut, es n' affadigava squas brisa, tant ch' in quattr dì al dvintò grass cm' un porc, ch' as i era infin cvert i ucch dal grass. Mò an passò du ann, ch' ai cminzò a puzzar sotta al nas al tropp star ben, es i vign tant la gran vuja d' andar a cà sò, ch' an pseva più. L' om salvadgh al cgnusseva a nas, es vdeva, ch' al steva ingrugnà pr sta cosa; e quì un dì al le chiamò da banda, es i diss: al mi Togu, mi so ch' t' ha una gran vuja d' andar a vder al to sangu, e mi ch' t' vui ben quant am vui pr mi, am cuntent, ch' t' arriv fin a cà tò, e ch' te t cav sta vuja; tu donca al mi asu, perchè an vui ch' t' fazz st

viaz a pi: mo badm a mì, e ap inzegn: guarda ben d' ni dir mai: arre cacavre, ch' at zur s' ti al dj; ch t' in pintirà alla fè d' dis quattrin. Togn chiappò sù l' asn senza gnanc dir, at l' jnstò, es si miss sù a cavall, es cminzò a truttar; mò appena l' av fatt cent pass, ch' al smuntò dall' asn, es cinzò a dir: arre cacavre: al n av sì prest avert la bocca, ch' l' asn cminzò andar dal corp fagand dl perl, di rubin, di smirald, di zaffir, e di diamant grand cm' è una nus: in qual mentr Togn stava lì con tant d' bocca averta, es deva ment a sti gran belli scargad ch' feva st' asn, es chiappò caminand una sacchetta, es l' impi d' sti belli zoi, e pò turnò a cavalcar, fina ch' l' arrivò a un ustarij, quand al fu smuntà, la prima cosa ch' al diss al ost fu d' diri: tù liga st' asn alla gruppia, mo guarda ben d' ni dir: arre cacavre, ch' alla fè d' dis quattrin t' in pintirà, e tinn anc adaccatt st sacchett d' zoi. L' ost ch' era un tocc d' furb mo d' quj bun, subit ch' l' av sintù sta piva, e ch' l' av vist l' zoi, ch' valevn un perù, ai vgn vuja d' vedr, ch' diavl vleva mo dir quì parol ch' an avè da dir all' asn, e quì fù mi al s' inzguò d' impizzar ben Togn, d' imbrigaral, es al miss a zazr in s' un sacc, es i trì adoss una schiavina; subit ch' al sintì ch' al runfava, al cors caminand alla stalla, es diss all' asn: arre cacavre, e subit l' asn con sta medesima fola cminzò andar dal corp, e a far di fagutt d' zoi in scambi d' quell ch' fa i altr, ch' l' era una sgnurj. Quand l' ost vist sta guixa, subit al fì i su cunt d' baratriar l' asn a Togn, perchè al vdeva ch' l' era tant al gran barbagnoc, ch' a si pseva vender del luzzl pr lantern: la mattina subit ch' st babilon fu desd, e ch' al s' fu ben ben sfrgà i ucch, e aslungà, e fatt una massa d' flat, e d' grolghèn in forma d' dialogli, al chiamò l' ost es i diss: quì camarada: cunt spiss e amicizia lunga; fam al cont, e pagat. L' ost cminzò: tant pr al pan, tant pr al vin, tant pr la mnestra, e pò tant pr la carn, cinq dal staladg, e dis dal letr, lù i di i su quattrin, es tols l' asn ch' al crdeva ch' fuss al sò; mò l' ost i avè fatt la creanza, es i aveva dà un sacchett d' sass d' quì d' savna, in scambi dl zoi. Togn sn' andò vi tutt alligr vers cà sò, e innanz ch' al ntiiss i pi dentr dall' uss, al s' niss a zigar cm' un strazzar: curj mamma, curj ch' a sen rice; dstindi di linzù, e dl traj, ch' a vdrj adess adess al tsor: la

mamma con una gran frezza cors avrir un casson, ch' ai era dentr la muvilia dl sou fioli, es tirò fora di linziù bianc, e t'vaj, ch' savev d' ros, e d' lavanda, es fì un bell appa-  
 ch li in terra. Togn i fì muntar su l' asn, e può s' miss a intunar: arre cacavre: mò arre cacavre quant t' vù, ch' l' asn feva tant cont d' quì parol, quant a in fò mi: e quì lù s' deva al diavl a replicar sti parol: mò pinsà vù: l' asn steva li dur; tant ch' ai vign rabbia, es chiappò un baston, es cminzò a mnar adoss a qula povra bistla, ch' al puvrin dalla stretta s' arsinì pr d' sotto, es fì una bella squaquarata, ch' arvinò tutta la robba bianca. La povra Masella ch' pinsava d' dvintar ricca, la vist ch' al i era vgnù arvinar la so robba, la fì tant al gran buridon a so fiol, ch' al povr diavl scappò vù, senza gnanc mustarì al sacchett dai sass, ch' lù chierdeva ch' fussn l' zoi, es s' aviò alla volta dl' òm salvadgh; al qual quand al le vù, arrivar, al ti fì una rumanzina d' altr che d' musch, perchè lù era affadà, es saveva cosa i era intravgnù; ai diss tant dal mamalucc, ch' s' era lassà gabbar da quì ost, e tanta villanj i diss, perchè al s' era lassà barattar quì asn, ch' mi cred, ch' ai sippa anc dri adess. Al povr Togn, ch' vdeva, ch' l' avè rason, i zurò, ch' mai più, mai più s' i srè lassà achiappar. Mo con tutt sti prumess, an passò un altr' ann, ch' ai vign al spasm d' turnar a vder la mamma. L' om salvadgh, ch' era pò amurevì, i di lizenzia, es i di un bell t'vajol, dsandi: tù: porta quest alla mamma, e guarda ben mo d' far d' quella dl' asn, e lassat ben mò accapunar, ch' at vui po mi arsinar, e fin ch' tu' arriv a cà tò, n' dir: avrt, e serrat t'vajol; e intend ben vè: s' at intravìn pò cvell, tò dann: vù vj, e torna prest. Acquisì subit, ch' Togn fu andà, e ch' al fu lontan dalla grotta quant è d' quì a li; al miss in terra al t'vajol, es cminzò: avrt, e serrat t'vajol: al t'vajol s' dspigò, es s' impl d' tant l' belli galantarj, ch' la fu una maravejà; quand Togn vist sta cosa, al diss subit: serrat t'vajol, es srò ogn' cosa. Lù s' aviò caminand vers quì ustarj, es diss all' ost: tolè: ignim ben adaccatt st t'vajol, e ni stissi mai a dir: avrt, e serrat t'vajol; l' ost, ch' era un bon zaquin diss lassà pur far a mi: e si di una bona cena, e pò al mandò a durmir. Al tols al t'vajol; e subit al diss: avrt, e serrat t'vajol; subit al se dspigò, es fì tant l' belli cos d' or, e d'



arzent, ch' l' era una delizia. Casp, a psi credr cosa al fi: al di d' lungn un altr ivajol a Togn, es t mi l' applicò la mattina quand al fu desd. Lù sn'andò a cà sò, es cminzò a dir a sò madr: oh sì ch' adess an bravarj mò più, ez li ren pur una volta d' in ti strazz; stà a vder: es dstend al, ivajol in terra, pò cmenza: avrt ivajol: mò al le psè dir quant' al vleva, ch' an i era cirott; a psi credr s' ai vgneva rabbia: al fè i sù cunt, ch' l' ost i aviss anc qula volta fatt la pera; e pr consolar po so madr, ai cuntò quell ch' al i avè fatt anc dl' asn: av lass dir s' sò madr i diss brisa villanj; basta in fin la i diss, ch' al si dscavass dinanz, sn' chi nò la l' arè accuppà d' bott. Al povr Togn, ch' sintì, ch' la i l' prumteva, an vols asptar, ch' la i gli attendiss, es andò vj tutt scutià con la testa bassa alla volta d' l' om salvadgh, ch' saveva zà agn' cosa; subit, ch' al fu lì, l' villanj, ch' an vols, ai l' barandò; ai diss dal chiaccaron, ch' vleva cuntar agn' cosa; ai dsè: st n' aviss zanzà con l' ost, an t' srè intravgnù quell ch' t' è intravgnù, barbazagn, lasagnon. Togn steva pò lì con la testa bassa, es ni deva arsposta; al stì quì fina tri ann, ch' an i vign mai più vuja d' andar vj; lù serveva pulid l' om salvadgh, es pinsava tant lù a andar più vj, quant a esser cavalir; mo pur dop a st temp, ai turnò la vuja pr la terza volta, es dmandò licenza al om salvadgh: lù i la di, e po i diss: tìn sod sta bella mazza, ch' è quì ben lavurà; tìola per mi memoria; mo guarda, ch' to' d' l' alzat mazza, nè azzaccat mazza, prch' mi n in vui colpa. Togn tols la mazza, es diss: eh an son miga un gonz vdi, a sò ben mi quant para fan tri bñ; oh a udirv vù al par, ch' a sì un ragazz. Oss, i arspos l' om salvadgh, a vdrèn un poc sti gran bravur, e mentr ch' l' andava anc zanzand, Togn s' era zà avià vù pr la strà; quand al fu dscost un mezz mli al diss: alzat mazza; mò catt d' dis, quand l' av ditt acquì, la mazza cminzò a mnari zò pr l' spall, ch' l' mazzulà vgnevn dal cil, e una n' asptava l' altra; al povr diavl cminzò a zigar: abbassat mazza, abbassat, e subit la s fermò. Quand Togn vist una cosa sì fatta, al diss: oh lassa pur far a mi, an è gnanc andà a lett chi ha d' aver la mala noit, e quì al s' miss a camminar vers la solita ustarij. Quand al fu là, al fu arzvù con la più gran alegrrezza, ch' s' possa inmazinà, perchè l' ost aveva speranza d' turnari a

furfgnar cvell. Subit, ch' Togn vist l' ost, ai cunsgnò la mazza digandi: guarda ben, ch' tni dsiss: alzat mazza, perchè guai a ti. L'ost tutt alligr ch' crdeva d'inricchirs la terza volta, a ni fu mai d'avis d'sbrigar Togn; al tm' l'imbrìagò dop ch'al l'av ben fatt magnar, e pò al miss a lett. Dop quest l'ost chiamò la mujer, e tutt l'sou criatur, ch' fussn ben tutt present a sta bella cosa, e pò diss l'parol: alzat mazza; mo at imprumett ch' la s'alzò pr al sò vers, es cminzò, un pzol a un, un pzol a un altr, tant, ch' in savev'n cmod s la livar dal spall, es bagnò pr truvàri remedi ch i currisn da Togn con la mazza ch' i andava tgnand dri, e ch' ji dmandassn un qualch remedi. Quand Togn vist sta cosa al diss: quì an psi far a manc, s' av vli livar d'attorn sta pitma, bsò ch' am rindadi tutta la mi roba. L'ost ch' n' vdeva l'ora d'uscir da st'intrigh, caminand l'andò a tor l'asn, al tvajol, el zoi, es i rès agn cosa. Togn vols prima ch' l'asn fiss i su bisugn pr vder sl'era pur quel, e quì quand l'av agn cosa in tl'man, all'ora al dis: abbasat mazza, e quella s'fermò: lù chiappò sù al tvajol, l'asn, l'zoi, e la mazza, es andò a cà d'so'madr. I maridonn l'surell, e so madr vist pò, ch' l'era vera ch' l'asn feva l'zoi pr d' sotto, e al tvajol tutt' quel galantarj ch' al dæva lù ch' l'avè da far, es vign vera al pruverbi, ch' dis: i matt, e i ragazzin, al cil i ajuta.

## La Fola dla Mazorana.

Ai era una volta in t'un Castell mari, e mujer, ch' n' avev'n nsun fiù, es avev'n una gran vuja d'avèrn pr psèr lassar la so roba a qualchun; e la mujer massm n'aveva un vuja, ch' la mureva, e sempr andava digandi: o perchè n' faccia cvell? s'a parturiss pur qu'elch cosa; anc ch' la fuss una pianta d' mazorana m' nm' impurtarè niint, bastarè, ch' al fuss cvell: e tant andò drj d'and sta mattiria, ch' an stà s' n' a vder, ch' la cminzò a vgnir grossa, e d' cò d'nov mis, la parturì in man alla emar: niò cosa mò v' pinsav, ch' la fiss? la fi una bella frasca d' mazorana. Quand l'av fatt sta bella cosa, l'aveva l'istess gust, cmod s' al fuss nad una bella ragazza; es s' la miss a coltivar, e adac-

quarla, es la piantò in t'un vas; la l'andava tusand, tant ch' la l'arduss a una figura d' una tstina, es i aveva cavà d' in tl' istessa pianta a forza d' tundar 'l fui, di bi masca-runcin, e la testa aveva al più bell mustàzzin, ch' s' psiss mai vder, e pò la miss in sla finestra, es aveva una premura d' guardari ben mattina, e sira, ch' al parè ben, ch' l' impurtass a cvell. Al purtò mò al cas, ch' ai vign a passar pr d' li al fiol d' quel Re d' quel Castell, ch' andava a caccia, es i piass tant sta pianta d' mazorana, ch' al mandò a dir alla patrona s' la i la vleva vender ch' ai l' arè pagà un occh. La donna fi prima dl smorfì, e pò tra ch' ai fi gola quì quattrin ch' ai prumteva, tra ch' l' av pora, ch' an s' instizziss s la ni la deva, la s lassò vinzer dai prigh, es i di la pgnatta d la mazorana, mò la l pregò a farn ben cont, digandi: ch' la sava, sacra corona, ch' ai vul ben cmod sla fuss mi fiola. Al Prencip la tols con una gran algrezza dop ch' al i av fait dar i quattrin, ch' la vols, es fi mettr la pgnatta in tla so stanza in s' un curdur, e lù con l' sou man agn' sira al l' adaquava, es la tusava. Ora al purtò al cas, ch' una sira quand al Prencip fu a lett, e ch' i avn purtà vè la lum, ch' agn cosa era quiet, ch' an s' sinteva un zitt, al Princip sintì scarpazzar pr la stanza; es sintì molt ben, ch' st scarpazzar vgneva vers al so lett, lù alla prima pinsò, ch' al fuss qualch ladr ch' i vliss andar al burslin, o ch' i vliss rubbar l' cvert dal lett; mo lù, ch' era un' om ch' an i arè gnanc fat pora, an sarè dir cosa, al fi la moca, fagand vista d' durmir, es stì asptar, ch' piga piava sta zirra; mo quand al s' accors, ch' st' armor st' accustava, e pò ch' an sta sn' a sentir, ch' l' è un sò che ch' vin a lett, es capì ch' l' era una donna, an i av pò gnanc dsgust, es pinsò ch' la fuss una fada, cmod l' era in effett, e questa stì lì da lù fin ch' fu vers di; mo subit, ch' al cminzò a lum-bergar, la fada scappò vj, ch' al Prencip n la psi brisa vedr, es mureva d' vnja d' cgnosserla. Sta cosa andò drj què sett nott, ch' al Prencip n' psi cavars sta curiosità; mo in-fin dalla gran vojà, ch' l' aveva d' vedri al mustazz, l' andò, es ligò a nn di su brazz una trezza dla fada in qual mentr ch' la durmeva, perchè la n psiss scappar, e pò chiamò al cantarir, es fi impiar del lum, es vist la più bella donna, ch' s' fuss mai psù vder con du ucc, ch' av digh

mò tant innanz ch' la sgnora Vener n' i aveva acfar ; quand al vist una cosa si fatta, l' armas lì ch' an batteva nè pè, nè pons, es i guardava, mo l'j n' s' era gnanc desda : al dse-va pò, oh vatt pur mo arpiattar madò Vener, e ti sgnora Lena, ch' t' fuss causa dl' arvina d' Troja : guarda mo s' questa è da metter con ti ; e tant in diss d' sti quità, ch' dal gran zanzar, la s' dsdò, Quand al vist, ch' l' era desda, dis : oh puvrett mè : ti sì bella, e i ucch ern srà, mo cmod faro-ja adess, ch' t' i ha avert : mè n prò far amanc du' brusar : oh movt a compassion d' mè, e vum ben. Quand la fa-da udì sti parol, la dvintò rossa, es diss : ch' l' è la so bon-tà ; l' fatt cos, cos' al dis, serva sò. Quand al Prencip l' udì parlar, ai crssi più che mai l' amor a sintir qula vos, e a udiri far quel cirimoni, es i di la man dsendi : questa è la fed ch' at dò, ch' t' sarà mè mujer, e dop ch' i funn stà lì un pzol a dscorrer, is livonn ; mo innanz la i cuntò ch' l' era lì quella, ch' era in forma d' mazorana ; is dinn al daccord, ch' li srè semper vgnù la sira ; mo perchè al nass semp di guai, quand a pinsà massm, ch' ava da seguitar gli algrezz, al purtò al cas, ch' al Prencip da lì a puc di fu invidà a una cazza d' un gran porc zingial, ch' arvinava tutt qual paes dov l' era, e pr quest al Prencip bsgnò ch' lassas la mujer. A psì credr i gran squas, ch' al fì e i gran simittun, e innanz, ch' l' andass vi, al la chiamò digandi : la mi zoja mè tign andar vi pr ubbidir al sgnor padr, es starò dū o trè di a turnar ; mè t' prigh per quant amor tm' port, a star sempr in tla pgnatta dla mazorana, e n uscir fora fin ch' an torn, ch' al srà prest. Mo ch' an s' dubita miga, i arpos la fada, ch' mè l' ubbidirò, mo a vui mò, ch' anca lù m' fazza un favor ; a vui, ch' l' attacca alla cìmma dla mazorana un cò d' seda torta, e pò a quest ch' ai li-ga un campanlin, ch' mè quand' al sintirò sunar (cmod al prigh a farel quand al torna) a capirò ch' l' è lu ch' arri-va, e mè subit saltarò fora : e 'l Prencip ubbidì, anzi, ch' al chiamò un camarir e si diss : vin ben quì : bada ben a quell ch' a digh vè : t' ha da far al mè lett agn sira cmod s' ai aviss da durmir mè : adacqua sempr sta mazorana, e stà in cervell, perchè t' ha da saver pr to regula, ch' ai ho cun-tà tutt l' fui, e em' a torn a gli armnarò, es ai n' ammanca upa, mal guai a ti. Subit, ch' l' av ditt quì, al muntò a

cavall, es andò vi: In st mentr mo ai fu sett donn ch'ern stà mrosi dal prencip, ch' as l' mantgneva lù, ch' ai deva soma, e castlà; questi s' ern zà cmenz accorzer, ch' al nì vleva più gran fatt ben, es andavn cercand da cosa psèva mai pruvgnir, ch' al Prencip s' era acquì rafferda in tl' amor. Cosa finl lor pr chiarirs? gli andonn, es chiamonn un murador, es i pagonn l' sou giornat con patt, ch' ai fìss una vè sott terra, ch' arrivass in tla cà dal prencip, anzi propri in tla stanza dov al durmeva, quì d' in cà sò senza bagnars gli andavn innanz, e indrì pr st cundott. Quand l' funn in tla stanza lor n' vistn nsun, sn' sta bella pgnatta d' mazorana; gli in dspiccon una ramadna pron, mo la più pznina d' sti donn, tols tutta la cimma dov i era attaccà al campanell. Fiu mi car, quand l' dinn in st campanell, al sunò, e la fada pinsò, ch' al fuss al Prencip, es saltò subit fora; sti marmott quand l' vistn una cosa sì fatta, gli salton alla vita digaudi: a t i quì brutta louva sì; mo vèn pur quì, ch' t' lia d' aver l' tou fadigh: bambozza, t i causa tì, ch' al Prencip n z guarda più sù pr addoss: mo lassa, ch' at arsintamn dla vera fatta: e quì l si attacconn tutti a dari di pugn, e pò chiappon un codn, es i spzonn la testa in cent pizz tulanen un pzol pron ai fu sol la più zovna, ch' ai in sav d' mal, es ni d' brisa con al codn, e gnanc vols al' so pzol d' testa, ch i tuccava: la s cuntintò sol d' tors un barr d' qui cavj ch' parevn giust or: dop che gli avn fatt sta bella impresa l' sla finn a gamb. Intant mo al vign al camarir conform al solit pr far al lett, e pr adacquar la mazorana cmod i aveva urdnà al patron; quand l' arrivò in tla stanza, e ch' al vst tutt sti dsastr, l' av a murir d' dutor, en savand cosa s' far, al ciappò quì arsui d' carn, ch' ern avanzà lì pr terra, e quì tridum degli oss, es razzò vi al sangu, e pò fì quì un muntsin in tla cimma, o per dir mli, dov arev avù da essr la cimma dla mazorana, es mss tutt sti intrigh in qula pgnatta, e pò l' adacquò, es fì al lett, e pò srò la porta dla stanza, es mss la chiav sotto all' uss, e pò vi, fin ch' l' gamb al psinn mai purtar. Ora quì l' era mo passà tutt quì dì, ch' al Prencip aveva da star fora, es arrivò qual dì, ch' era tant, ch' al bramava pr turnar dalla so bella fada; subit, ch' al fu arrivà, al tirò al cò d' seda, es sunò al campanell: ma scossa pur, e dai, ch' nsun s' moss;

sta cosa i fi vgnir tant la gran rabbia, ch' al cminzò a dar di calz in ti' uss, es n' di temp d' chiamar al camarir, ch' al le spalancò a forza d' trar zò la chivadura. L' intrò in tla stauzia, e subit andò a guardar alla mazorana: quand al la vist quasi dsfatta, al cminzò a far un lament, e del dsprazion, ch' l' andò dri dou or zigand, e tant' s' afflizzì, ch' al diviatò zall zall, es n' pseva magnar, nè durmir, nè audar dal corp. Intant mo la fada era turnà in gargam, perchè d' in tutt quì avanzui ch' avè tolt sù qual camarir, la s' era turnà arburdir; la vist tutt l' dsprazion ch' feva al princip, es n' psì più star alla pazinzia, perchè al pateva tropp, ch' la vdeva ch' an psè più magnar goanc al' mnestr; la saltò fora digand: a son quì, a son quì, nv' dsprà, ch' a son anc viva, al dspett d' quì braghiri, ch' m' missn in pizz. Quand al princip vist, ch' l' eia arsussità, l' av a murir d' algrezza, es turnò a dvintar ross, e pò s' fi cuntar da ra a ron cmod l' era stà, e quand al sintì, ch' al camarir en n' avè colpa, al le fi cercar perchè al le turnass a servir, e pò ordnò un gran dsnar, e dmandò licenzia al signor padr d' spusar la fada. In st' dsnar pò l' invidò tutt i più nobil dal Regn, mo al vols però ch' i intrass assolutament quel sett qutalazzi ch' avevn più ammazzar la fada. Quand tutt avn magnà bocca mi ch' vut, al princip dmandò, a un prun d' quì, ch' ern lì, cosa s' srev merità d' castig, un ch' aviss fatt dal mal a qia bella fiola, ch' era la sò sposa zgnand vers lì, perchè qual dì, ch' l' era vsti dal fest l' era mò anc più bella che mai: quì agnun concludeva, che chi i aviss fatt dal mal era degn d' quà s' vuja castig: chi dseva ch' arè bsgnà impiecar qual tal, chi brusarel, e chi diss, la forca, la forca. In ultim al tuccava a parlar a quì sett bon zaqlin, ch' avevn fatt tutt al mal alla fada: e a psj credr, ch' al msir i feva com s' sol dir lapp lapp; mo pur in' psion far a manc dn' arspendr quand i fu dmandà cosa l' dsevn mo lor, gli arspesn: mo nù dsen, che chi farà tort a sta bella fiola, s' merita d' esser supplì viv dentr da una chiavga. Quand gli avn dit d' sò bocca sta cosa, al princip arspesn: hum, av si cundaunà vù istessi, basta ch' mi v' fazza chiappar sù, e ch' a vi fazza trar mi in sta chiavga, perchè a si stà vù quelli, ch' avj avù tant cor d' asfrittlar sta bella ragazza in tla testa, e s' l' avj tridà just cmod s' fa la sussizza. Oh sù, just adess,

ch' l' straglin in t' una chiavga, e l' à ch' l' creppn. Subit i servitur ubbidinn; ma al prencip però salvò la più zovna, es la maridò in t al so camarir, perchè l'j n' era stà d' accord in t al tridar la fada; ai di una bona dota, e pò mandò sempr pan, e vin al padr dla mazorana, e lù campò sempr alligrament con la fada.

## La Fola dal Mamalucc.

Ai era una volta una bona donna, ch' aveva nom Chiccarella; questa aveva un fiol, ch' la i avè miss nom Pront: mo l' era al più gran babion, al più solenn incantà, ch' s' vdiss mai da quì di. La puvretta d' sò madr avè po dsgust, es i vgnè rabbia d'aver fatt un' aneroja sì fatta, e sì ben, ch' la i cridava tutt al di, lù an' i impurtava niint, es tirava innanz al fatt sò. Un di la i diss: vâ un poc a cattar dū sticc, o un fass dalla stanga, ch' ai ho quì un pò d' pasta, ch' a vui far dou cresent, ch' a li vui po cusar; vâ al bosc, e guarda ben mo dn' ti dscurdar tutt' ancù, ch' a vui, ch' a dsnamn, perchè l' è tard. St mamalucc andò vi, mo al pareva ch' al camminass sù pr degl' ov tant andava pianin, es andava cuntand i pass abalasi abalasi vers st bosc dov l' avè po d' attruvar sti fass; quand al fu in mezz a un prà, al trovò trei zuvnetti, ch' durmevu quasi lì dste in al' erba, es i deva adoss un sol, ch' l' sudava, ch' ai vgueva zò l' gozz pr al mustazz. St pover guai d' Pront, i av cumpassion a vder, che gli ern lì morti dal cald, es andò a tajar con al sò falcinell ch' l' aveva a gallon, dl brocc d' quenza, e pò i fì sovra alla testa una cosa a fuza d' una pergo-la. Intant sti donn s' dsdonna, e quand l' vistin st servizi, ch' i era stà fatt, gli aguron a qual tal ch' i avè fatt st benefizi, ch' psiss semper aver tutt quel ch' al saviss dmandar. Sti donn gli ern mò fioli d' una fada vdi, e per quest il l' affadonn anca lù. Quand Pront i av fatt st servizi, al an' andò per la sò strà, ch' lù mo n' saveva ngotta, es arrivò al bosc, al tajò zò una tridla d' legna acquì granda, ch' ai arev vlù un carr con trei, o quattr para d' bisti pr portarla; lù ch' vist ch' an i era mai dubbì, ch' l' sou spall psiss purtar qula macchina, al diss quì per mattiria: oh se

sta legna m' purtass pur mè, ma an stà sn' a veder ch' la legna just cmod s la fuss stà un cavall s' cminzò a movr, e lù s i mèss sù, es andava ch' al vulava, e quand al fu dinanz al palazz dal Re, sta legna feva i più bi salt, e i più bi zugh ch' aviss mai psù far un cavall. L' dunzell dla principessa fiola dal Re eru alla finestra, quand l' vista sta cossa, l' corsn a chiamar la patrona, (ch' aveva nom Vastolla) ch' anca l' s' fì alla finestra, es cminzò a vder tutt sti prillamint, ch' feva st pezz d' albar, es i scappò da ridr purassà, cosa mo ch' la n sulè far, perchè, l' aveva sempr al grugn. Pront alzò la testa, es vist ch' i al buffunavn, ai vign rabbia, es diss: oh Vastolla, Vastolla, pust dvintar preгна d' mè, e pó seguitò a correr in sta legna vers cà, es aveva drl tutt i ragazz dal filatui, e tutt qui dl scol più ch' i zigavn drì, ch' quand al fu a ca só, se so madr n'era presta a srar la porta, mè cred ch' i l'aren' annmazà a forza d' mel cott. Intant mo la fiola dal Re cminzò aver mal, e s' n' pseva più magnar ngotta; la sbadacchiava, es i vgneva fastidi, insomma a l' ai pareva d' esser gravda. La s inznò fin mai ch' la psì d' n' dir ngotta, mo sì bona lucj la cminzò tant a star mal, ch' al sgnor padr sn' accors, es fì di pladur dall' alter mond; al chiamò tutt i cunsijr dal Regn dsandi: a dsi zà saver al bell' unor ch' m ha fatt la m'j fandsina, la vol far un ragazz sta marmota; ora mè v' ho mandà a chiamar perchè an cunsiadi cosa ai ho da far d' qustj; per mè a srè d' pinsir d' mandarla a pilasirlu innanz ch' la m fìss quì pr cà-st bambozz, ch' di sà mai d' ch' razza l'è, e che l' avìss l'j prima la mort innanz ai dular da parturir. I cunsijr ch' era drj a prubar s i psevn pur salvar sta povra ragazza, i arspesn: sacra corona l'j dis benissm, e certo la sgnurina s' merita un gran castigh, mò ch' la s' arcorda ch' s' al la fa murir adess, ch' l'è gravda, al scapparà vj qlù, ch' ha fatt al mal; nù pr nù dsen, ch' al srè mè asprar, ch' l' avìss fatt fìu, e pò all' ora vder d' dscavar chi è stà al malfattor, e all' ora pò considrar cosa s' ha da far dla tósa. Al Re ai' piasl purassà st cunsli perchè al vist, ch' al fu dà con gran prudenza; intant quand la sgnora fu d' có di nov mis, ai vngn du dularlitt, es fì camminand d' i più bi pattachiun d' ragazz ch' s' psìss mai veder. Al Re ch' era arrabbià cm' un can, turnò a chiamar



i cunsijr es i diss: mò e quisi cosa fenìa? am par mò ch' fusa ora d' accupar quistj mì una volta. No, sacra corona, i arpos qui signori, ch' l' aspetta prima ch' i fandsin sippn un pò grandsin, tant ch' s' possa vder, a chi is arvisn, ch' aqusi a cgnussren chi è al padr. Mò lor qui vechiun fevn quisi perchè i avevn speranza, ch' ai passas pò la stizza, e ch' la fiola s' salvass: al Re donca sti pazient, mò con una gran fadiga fin ch' sti tus avn cumpl i sett ann: mò dop sti sett ann, al s mis ben pò in voita es diss: oh l' è ben mò adess, ch' a la vui finir; nn d' qui consijr diss: zà ch' l' j n' ha psù dscavar dalla bocca dla fiola, ngotta, a faren una cosa, ch' l' ordna un poc un bell dsnar, e ch' la faccia ch' i vigna tutt i cont, i marchis, i milord, e in somma tutt i più nobil dla città, e nù staren cun tant d' ucch avert, pr vder a chi guarda i dū fandsin, ch' al sangu i tirarà a far cira a quel ch' srà sò padr, e all' ora pò as i darà al castigh, ch' al merita. Al Re ai piass al cunsii, es urdnò al dsnar, ch' ai vigh tutt i nobil; quand i avn magnà, al Re i fì mettr tutt in fila, e s' andavn passand dinanz ai dū fandsin: mo piosà vù, lor i ni guardavn in vers. Al Re sbatteva i pi in terra, es dsè dla robba dsfatta. I cunsijr dissn: mo caist, sacra corona, ch' l' ava un pò d' paziozia, dinan ch' la faccia un altr dsnar, e ch' i vigna tutta la marmaja, perchè, chi vol saver? dl vòlt l' donu s' attaccn al sò piz, al prev essr, ch' a trovassn quel, ch' s' cerca tra d' quì, ch' lighn l' zucc, tra i aguzz, tra quì, ch' vendu l' rocc, e mesquì, e cucchlar, più tost che tra i cavalir. Al Re sti pazient anc pr sta volta, es mandò un band, ch' a st dsnar i aviss a vghir tutt i ragizz dal filatui, tutt i biricchin, tutt i spurtari, insomma tutta la zent più bassa, ch' s' püss trovar, e s' i finn mettr a sedr a una tavla lunga lunga, e quì i cminzonn a taffiar, ch' at sò dir, ch' ij tiravn dentr. In st mentr mò ch' tutta sta zent s' omiezava ardur, al purtò al cas, ch' la Chiccarella sav sta cosa, ch' e a zà la madre d' quel barbagnocc, la i diss: vatt un poc a mettr la tò gabana d' tiritena, ch' a vui, ch' t' vagh anca tì a magnar là, dov và i altr, e tant andò dri rumpandial ch' trarìn, ch' Pront se vstì con la cularina, e ogn' cosa, es andò vj: mò bona, subit ch' al fu là, su dū ragazz si missn a correr in contra, es al cminzonn a basar, e abbrazzar digand; adj

pà, nona pà. Quand al Re vist una cosa sì fatta, an prè mai dir comod al saltó in furia a vder, ch'quell, ch'lù crdeva al mros d'so fiola, era un quia ch'feva vgnir ingossa sol a guardari, es diss: ah m'j fiola fufanta! cosa s'aspetta mò più pr dart al castig ch' t' merit? sù concludj cvell, e ch la m's' liva dinnanz ai ucch. Quand i cunsijr visien ch' l' era pur arsolut, e ch' in la psèn più salvar, i conclusn, ch' l'era m' a mettr al malfaitor, i ragazz, e la signora asrà in t'una bott, e trari in mar, perchè quisl al padr n'se srè inspurcà l'man in t al sangu dla fiola, e li srè morta. An fu sì prest dà la sentenza, ch' al vign la bott, es i ficconn li tutt quattr; mo innanz ch' i la srassn, l'dunzell (ch' pianzevn a cald ucch) i volsn mettr dentr un barill d' U passa, e di figh sice, perchè gli ern mo cos ch' piasevn alla sò patrona, e pò finn anc perchè la campass un pò più a forza d' sù galantarj. Quand fu srà la bott, l'andò lá alla furtuna, segond ch' al vent la prillava. In st mentr mò la signora n' feva altr' tutt al dì, che pianzr, ch' i sù ucch ern dvintà dou funtan, e un dì la diss a Pront; mo ch' diavl emod ella stà sta cosa? mò a vre saver da ch' lez ai ho mó m' da patir pr una cosa, ch' an ho brisa fatt; dim un poc a m' barbazagn, quand t' oja mai vist ti? e emod pò essr ch' sti ragazz sijn tu fiú? tm' dj aver fatt una qualc striarj, perchè l' an pò esser in altr mod, mo di ben sù in malora. Pront stl un pezz li qued, ch' al pareva ch' an i udiss, e pò all' improvis l' arspos, dan d' U passa, e di figh ch' m' subit pò t' al digh. La Vastolla, ch' an i pareva vera d' pser cattar un remedi da saver cvell, la i fccò zó per la gola una zemna d' un, e di' altra, e lù subit ch' l' av taffià ai cuntò dal principi di' istoria: quand al cattó l' trei zovn a durmir, la cosa dla lengua, e pò ai diss perchè l' aveva vist ch la rideva ch' al s' l' era avù per mal, e di' agurazz ch' al i avè fatt. La signora ch' sintì sta tania la diss in cor sò, oh bon donca, quasi ch' è quì pò tutt quel ch' al vol; oh lassa far a m' ; la si vultò dsendi: an : a digh m' cuslin; vlènia mo star in sta bott fin ch' a campen? perchè n' ditt, ch' sta bott diventa una bella nav, e ch la vaga in altra part? e Pront diss: dan d' U passa, e di figh, ch' m' adess adess al degh: la Vastolla iju di quant al vols, e lù diss sti parol: mo bona,

la bott dvintò la più superba nav ch' a vlessi mai veder , con tutt i sù furnimint, e tutt i marinar ch' bisugnavn; chi steva alla vela , e chi al timon , chi feva una cosa , e chi l' altra. La Vastolla era in t' un algrezza strampalà a veder ch' l' aveva un marl , ch' pseva aver agn' cosa a so mod ; la i diss d' bell nov : mo al mi maridin fa dvintar sta nav un bell palazz , ch' acquì a vivren più sicur , perchè an sò st' sav ti qual pruverbi ch' dis : loda al mar , e tìnt alla terra ; e Pront arspus zà al solit : dam dl' U passa , e di figli ch' mi adess adess al digh ; li ij impl l' bisacc , e lù dmandò al palazz in scambi dla nav , e li puntual cumpars al palazz tutt addubbà , ch' an s' psè vder la più bella cosa ; i sù scrannin , l' purtir ai uss , l' sou scrann , l' sgett , al tulir , la spartura , i sù piatt d' terra , e d' majolica , e in somma agn cosa. Quand la Vastolla víst una cosa s' fatta , at lass dir , alla prima la n' s' psè vder al mond , nió all' ora la in insteva alla più gran Regina ch' i fucs ; e ij era servì o trattà cm' un' Imperatriz. La turnò d' cò ( per hè sempr l' aveva vuja d' cvell altr ) dsend a sò marl : mò a vrè pur ch' a dvintassi bell , e garbat mí ; dmandà un poc sta cosa caro vù , perchè se ben ch' al pruverbi dis : l' è mii un marí brutt , che un' amigh sgnor dal tutt , in t' agn mod a sent , ch' arè molt ben accar , ch' a dvintassi un bell zovvú mí. Pront zà con la solita cantafola : dam dl' U passa , e di figli , ch' adess adess al digh : la ijn di , e Pront la servi , e subit ch' l' av pronucià l' parol , al dvintò al più bell om , e garbat ch' avissi vlu vedr : al parè un cavalir , al savè far l' riverenzi , e balar , al parlava tu-can per quinci , e quindi , ch' an pareva mai , ch' al fucs stà s' grau babion La Vastolla n' psè star in t al bust dall' algrezza : la pianzeva infin dal gust. In tl' istess temp mò al Re padr dla sgnora , ch' era sempr sta più fin alla gola d' lassnt star , da quel di ch' l' aminulò zò pr al mar sò folla , al fu tant struffinà dai sù d' cort , ch' l' arduvan andar a una cazza perchè al sla passass un bris : ora al purtò al cas ch' al vign la nott , es víst in luntauanza st palazz pr vj d' una lum ch' era in sla suestra d' cucina. Al mandò un servitor a vder s i al vlevu alluzzar ; lor i fiun dir , ch' al ygniss pur , ch' quella era una cà ch' ai pseva far alt , e bass. Al Re vign , e quand al fu lì , e ch' l' av fatt l' scal , e assa

pr tutt l' stanzi, lù n' vist mai anma viva, altr che qui dù bi fandsin ch' i andavn saltand d' intorn, es ignen ditt: sgnor nonn, sgnor nonn. Al Re stava lì tutt incantà, es n' saveva cosa s' pinsar; al s' miss a seder stracc mort, es vist dstender la più bella tvaja d' tela d' olanda, mo lù n' pseva vder chi la dstindiss, e pò cminzò a vgnir dl piatanz bocca mi ch' vutt, tant ch' lù magnò, es bvl verament da Re sempr servì da qui dù bi fandsin; mentr ch' al magnava, ai fu sempr di bi sun, cioè: dl chittarr, di calissun, dl tronh, e di tambur, ch' l' era nna cos: ch' i deva un gran gust. Quand l' av znà, al cumpars lì un bel lett tutt lusent, e s' aveva la cveria d' filigrana d' or e al Re quand al s' fu fatt cavar i scfin, i andò dentr a dormir, e qui fu subit anc ammauvà per tutt i su servitur, i qual zà avevn molt ben anca lor magnà. Quand fu di, al Re vols andar vj, mò al vleva tor sigh i tu-itt ch' i ignevn drj da pr tutt, e s' andavn digand: nunin nunin. Quand la Vastolla vist ch' al sgnor padr vleva partir, la cors diuianz a lì con sò marì, es si trè in znoech diuianz, cuntand tutta l' istoria cmod l' era stà, e cmod la n' era stà. Al Re ch' vist, ch' l' avè guadagnà sti dù bi nudin, e un zenr, ch' era un fadon, al i abbrazzò tutt, es av tant la gran algrezza ch' l' av a creppar; i andonn tutt inseme alla cuta, es fè far gli algrezz in piazza, e la sira i buratùn, ch' i andonn drì quasi una man d' di. As vist po ch' l' è vera, ch' l' on proponn, e al cil disponn.

## La Fola dl' Incantà.

**A** I fu una volta una donna ch' aveva nom Granonia, ch' aveva un gran judìzi, mo s' av cuntintà, l' aveva mò un fiol ch' era quai simplizin, ch' an feva mai sn dl mattiri; à lì però an i pareva tant goff quant l' era; l al scusava sempr, e in somma la feva cmod fa pr la più l' donn ch' an di fiù, l' cos ch i faan i parn tant miraculin. La s al mtteva pò a lissar, e a pulir, es in era quai cuntenta cmod s l' aviss avù un fiol ch' fuss stà duttur. Sta donna aveva una chiozza, ch' cuvava, e li pinsava pò d' vendr tutt i pulsìn cm' i era grand, e d' far un gran guadagn: e

quasi un dì, ch' l' aveva d' andar vj pr una cosa ch' impur-  
tava, la diss a so fiol: vìn quí bell al mī fiol, stà ben a  
udir: ay la cura a sta chiozza, es la s liva d' in t al nid,  
fai la ben turnar vè, perchè as arsurarev pò gli ov, es n'  
aren' nè quell, nè quì altr; lassà far a mī mamma, i ar-  
spos quì, an l' avj mīga dītt a un matt. Os un' altra cosa.  
(diss so madr) guarda ben fiol mī, ch' là dentr in qula  
cassa, ai è dīa robba attusgà, ch' al diavl n' vīss ch' t' in  
scappas magnà, perchè t' apparzarīss i pì; al cil m' in guar-  
da i arspos Vardell (ch' era al so nom) oh dis dal tosgli!  
mò alla laiga, manc mal, ch' am l' avj dītt, ch' an s' psè  
saver, ch' an i fuss andà a ruspar, Quand sò madr fu au-  
dà, lù andò in t' ort, es cminzò a far dī bus in terra, e  
pò l' crueva con dī brocc d' alber per farj acchiappar i  
ragazz, ch' i cascass in sti bus: menter ch' l' era in t al  
più bell dal lavurir, al s' accors, ch' la chiozza spaszava pr  
cà, e ch' la n curava più gli ov; al cminzò a zigar: chis,  
chis, passa là: chsò, chsò, mò la chiozza ns' muveva brisa;  
Vardell, ch' vīst, ch' la steva lī innuccà dop ch' l' av fatt  
sti santanamīnt, al s' mīss a sbatter i pì, e pò a trari al  
capell, ai tri dri una legna, ch' i arrivò just in sla schina,  
es la sfrittlò. Quand Vardell vīst sta dsgrazia, ai vīgn in  
ment d' vder s' a s' psè rimediari; al dīs: bsò mī ch' am  
inze gna tant, ch' n' s' arsora gli ov; al s' mandò zò l' sou  
bragh, es andò a seder in t' al nid, mò in t al sedr al cal-  
cò tropp zò al taffanari, es asfrittlò tutt gli ov; quand al  
vīst sta cosa, ai vīgn rabbia d' aver fatt anc questa; tutta-  
vī la i passò prest, es dīs: mī n in vūi mo saver mī, in  
t' agn mod con più ai pens manc i trov al remedi; a farò  
una cosa mī, zà ch' ai ho fam, am magnarò la gallina in  
t al sped; al sla mīss a plar, es l' inspdò, es fè un fugh,  
ch' andava all' ajar; quand la fu mezza cotta pr far ben l'  
cos con garb, al tols vī al sped dal fugh, perchè l' arost n  
s' brusass, mētr ch' lù dsindeva una tvaja bianca in s' al  
tulit, e pó tols la mizetia, es andò in cantina a trar dal  
vīn. Quand l' era lī ch' l' avè in man la burchetta, al sin-  
ti un fraccas, una vergna, un flazell dal diavl sù in t' al  
camīn; cos' el? cosa n' el? ai vīgn una pora da inspirtar,  
e iō t' andar vers la scala al vīst un gatiazz grand grand,  
ch' feva tantara con la sò chiozza, es i purtava vj al sped,

e agn cosa, e un altr gatt i era dri pr torila. Vardell s' tri subit al gatt pr aver indrij la sò gallina; al cors tant ch' al l'av, inò an s' accors mai, ch' l' aveva in man la burchetta dal vassell, sn quand al fu turnà in cantina, ch' al vist ch' al vin andava tutt vi; lù capì zà ch' al vin s' era andà a far bndir, es s' missa pianzer digand: quì al bsò aguzzar l' inzegn, e vedr s' as pò far in mod, ch' la mamma n s' accorza d' tutt sti dsastr. Al tols un sacc d' farina ch' era pin ras, es la spargujò sovra a quel mui pr sugarel, mò ern tutt quest, sì ben, ch' ai pareva d' aver in part accomodà sta cosa, al n' pseva star quèd, es cminzò a far al cont in s l dida quant dsgrazi i ern' intravgnù. Al dseva pò in cor sò: ah pinsa vù, la mamma sn' accurzurà, es bravarà; mì certo n' vui ch' la m trova viv, es andò a qula cassa dov i aveva ditt so madr, ch' ai era qula robba attusgà, mo ch' altrament n' era miga robba cattiva, ch' la i aveva dà quì ad intendr, perchè al n' andass a magnar agn cosa; dal rest l' era una pgnatta d' licca bon di miur ch' s' cattassen. Lù andò a stà cassa pinsand d' attusgars, e quand al sintì, ch' l' era una cosa sì bona, at imprumett ch' an alzò mai p'ù la testa, fin ch' an s' fu attusgà dal tutt. Quand al i av finì, al s' andò a srar in t' al forn. Intant vign so madr, es cminzò a battr; e batt, e batt, e dai; quand la vist ch' nsun i aveva, la dì tant al gran calz in t' l' uss, ch' la l battì vj, e pò cminzò a chiamar al fiol: e quì lù ni arspundeva, e lì s' inmazinò, ch' l' aviss fatt qualch btiarj, es cminzò a zigar più fort, e a dir: Vardell, oh Vardell: it sord? e lù qued, tant ch' a l'j ai vign rabbia, es i vign rabbia d' bon; la cminzò a dir: dov it fiol razza d' becc, cm t' fussia affugà sotta quand a t' fi, es era quì instizzì, ch' lù capì ch' la dseva d' bon; al i arspos con una vuslina suttila suttila; a son quì mamma, a son in t al forn, an m' vdi più, ne v dubità. So madr ch' sintì sta nova, ai dì una fitta al cor, es diss: oh puvrina mì, mò perchè sta cosa? mò perchè, l' arspos lù, am son attusgà, e lì i dmandò, chi t' ha dà al tosgn al mi fiol? cmod at fatt; e Vardell i cuntò a una pr una tutt 'l belli pudezz, ch' l' avè fatt, e quì, dis in ultm zà ch' ai ho cognussù, che gl' in tutt cos, ch' v' faran vgnir stizza, a l' ho vliù finir, es son andà a qula cassa dov avevi qula robba

attusgà, es m' son avvelenà. La povra so madr s' algrò quand la sintì, ch' razza d' tosgn l' avè tolt, es s' di all' implec a fari capir ch' al n' era miga stà tosgn, mò ch' i ern stà liccabun: la si miss a dunar dl galantarj da magnar pr fari credr, ch' l' fussen remedi contra al mal, ch' al s' era fatt, zà ch' al n' vlè credr dn' s' esser attusgà; la l consulò tant, ch' ai passò pur l' affann, es vign fora d' in tal forn. Da lì a un poc, la i di un bell pezz d' tela ch' al l' andass a vendr, es i diss: guarda ben dn' far cuntràt con quì ch' zanzn vè, perchè i t ingannaran; caspitagna (diss Vardell) anson miga un' oca, n ev dubità miga la mi mamma. Al chiappò sù la tela, es miss a zirar pr Bulogna, es andava gridand: tela tela; oh la bona tela! ch' vol dla tela? e quì ch' al fermavn pr dmandari quant brazza l' era, e cosa al la vindeva, e sl' era d' garzol o d' lìn; lù i parava vl digand: và mò d' lungh, ch' tn' fa pr mì, ch' t' ha tropp l' gran zanz. Un' altr i arè dmandà: el garzulin schiett? e lù i dsè villanj digandi: mò am vgnì mó dond s' sol dir mì chiaccaron, a dighi ch' am fa vgnir tant d' testa; basta dop ch' l' av asià, e asià, e ch' al fu stracc madur, l' arrivò in t' una cort d' una cà dsabità, dov i era una statva d' preda; lù s' miss a sedr sovra al murel d' un pozz, es steva a vder s' al passava nsun: quand al vist ch' dop esser stà lì un pzol an arrivò mai anma viva, al s' vultò tutt incantà lì a qual bambozz, es i diss: ubi camarada stà nsun quì in sta cà? Quand al vist ch' st bambozz ni arspondeva, ai pars ch' al fuss un cin d' garb, es diss; al vui dar a lù la tela mì; lù n' parla, quest n' n' è om da zanz, es i diss: vut cumprar sta tela? ai la darò a bon mercà, è quì zà al bambozz n' zireva; Vardell diss: oh in malora, ai ho pur accattà quell ch' a vleva; iù dis, st tursell d' tela, e dam quel, ch' t' vù, falla prima veder, e pò dman à turnarò a tor i quattrin; al lassò la tela in s' al murel d' quel pozz dond l' era sta a sedr, e cmod a pes ben credr, al prim ch' intrò lì dentr, s' la cuccò. Quand Vardell turnò a cà senza la tela, e senza i quattrin, e ch' l' av cuntà a so madr d' cosa al n' aveva fatt, ai av a vignir la fivra dalla stretta; mò però la s deva più la colpa a l'j, che a lù; la selamava po sigh dsendi: mò guarda nu poc quant tin' n' ha fatt! quand mtratt mai una volta al matt a cà? ah a son

mì, ch' son matta a fidarm d' ti: a son tropp amurevla, ch' al bagnarè bastunarm. Vardell la consulava, es dseva: tasj mò mi madr, ch' an è tant brutt al diavl quant al s' dplnz; n' vdriv, ch' dinattina andarò a tor i quattrin; avà un pò d' pazinzla. Quand fu vgnù la mattina Vardell andò là a qula cà dov i era al bamb:zz; ai diss: adicumpar, m' pssiv dar adess quì quattrin d' qula tela? e quì zà nsun i arspundeva; lù stì un pzol a aspitar la rposta, e pò i vign rabbia, es chiappò un baston gross cm' un inattarell, es tm' cminzò a mnar a travers dal bambozz, ch' al le spzò in tn' so quant pzi; mò in t al spzarl al vst, ch' ai era stà murà dentr una gran pgnatta d' quattrin, ch' ern tutt lì scnd d' or. Catt d' dis; quand Vardell vst acqust, al ni mssà sù nè oli, nè sal, es corsa cà zigand: oh mamma mamma; oh i gran luò zall? oh guardà quant in' è quì! so madr ch' vist quì lì scud, n fu brisa minchiona, es i chiappò sù, mò perchè l' avè pora ch' qu' instrument d' sò fiol n s mttis a cuniar pr Bulogna sta cosa, la i diss: an sent Vardlin: stà lì zò in sla porta fin ch' passala donna ch' vend gli arcott, e al latt, ch' at in vui cumprar un bell pgnattin. Lù ch' era un pappon, s' mssà a sedr in el' uss, e sò madr andò d' arpiatt sù alla finestra, es trì zò per più d' un pavl tra figh sicc, e U passa, es treva zò sta robba tant spess, ch' al pareva just ch' la pioviss, o almanc qual barbazagn s' al crdeva; al cminzò a zigar: oh mi madr: ammanvà di bigunz, di tinnazz, di panir, ch' s' al dura un pzol st' acqua, a dvintaren ricc, e quì al s' in fi di zibbon, mò dalla chiavetta, e quand al fu pin, ch' al tirava là panza, ch' an s' psè più movr, al tols sù es andò a durmir. Al purtò al cas ch' dalla quale di dū lavurant truvann da dir pr un scud d' or, ch' i avevn accatà in terra ch' agnin pretendeva ch' l' aviss da essr al sò: Vardell arrivò lì; es sinti ch' i fevn st pladur pr sta munedà, al diss: guarda mó tì i gran squas pr una quia sù fatta; mo s' a in nuovò m' d' qu' pastacc una pguatta pina, es n in fazz nn cas al mond. La cort sav sta cosa, e al gindiz s' al fì vgnir dinnauz, es al cminzò a esamiar, dov l' avè truvà sti quattrin, chi era sigh, e qual di al fu. Vardell arspos: al trovò dentr in t' un palazz, es i aveva murà in tla panza un' om mut; es fu qual di, ch' puvì l' U passa, e i figh sicc. Quand al giu-



diz sinti sti belli arspost, ch'ern da con tant judizi, al diss: oss quest e un matt: mandal ai mendicant ch'al n'ha bisogn d'alter; e quai la mattiria dal fiol fi dvintar ricca la madr, e al só inzegu d'lj rimediò alla sò asnarj d'lù, es vegu ver al proverbi ch'dis; la nav ch'è ben guernà, mai darà in scui.

## La Fola dla Pulsa.

Ai fu una volta al Re d'Altmont, ch'fu pzigà da una pulsa; lu la piò quai con bella manira, e quand al l'av in man, al vist, ch'l'era tant bella, ch'ai pars un peccà ammazzarla, es diss, ch'al la vleva tgnir; al s'fi dar una caraffina, es i la mess dentr, e agn di al s'attaccava a un brazz, percli' la succhiass al sò sangu, e ch'la campass acquai; da li a sett mis l'era dvintà tant granda, ch'al bsguò ch'ij mudassn lugh, e al prfinid, la dvintò granda cm' un castron. Quand al Re vist, ch'la dvintava si gran macchina, al la fi scurdgar, es fi cunzar la pell, e pò mandò un band, ch'dseva, che chi aviss savu dir, ch'pell era quella, lù i arè da so fiola pr mujer. Quand s'fu spargujà sta vos, la zent curreva in piazza cmòd s'fà al di dla purzlina, es in vgneva anc d'luntan luntan pr tintar la sò fortuna; chi dseva ch'l'era gatt maimon, chi un lov, chi un coccudrill, chi una bistia, e chi un'altra, mò za nssun i cneva. In ultim al vign un'om salvadgh, ch'era al più brutt diavl, ch'foss all'ora al mond, es v'digh cert s'di ragazz pznin i avissn guardà, ch'a sl srè moss i bigatt dalla pora. Qstù cminzò a tirar d'nas, e pò diss: saviv d'chi è qula pell? l'è dal prior d'tutt l'puls. Al Re ch'sinti, ch'al i aveva accolt, pr n'mancar d'parola, al fi subit chiamar Purzella, ch'era mò sò fiola, ch'aveva nom acquai; l'era li, ch'l'era un latt, e un vin: bella: la più bella bocca, i più bi uech, in sonna an v'srissi mai sazià d'guardari; e quai donca al sgnor padr la fi chiamar, es i diss: fiola mi t'sà zà al band, ch'ai ho mandà, e t'sà chi a sou mi, parola d'Re n'po turnar indrj. al bso, ch'a la mantigna, am in creppa ben pò al cor, mò chi s'aveva mò da imazinari, ch't'avviss da tuccar all'om salvadgh? mo t'

sà zà fiòla mì , ch' quel ch' è destinà n' po mancar , a vui mò vgnir a dir , ch' bisogna , ch' t' av pazinzia , e quand t' sipp una bona fiola , tn ha da dsubbidir tò padr , perchè al cor m' dis , ch' tn' starà pò gnanc tant mal. Quand la Purzella sintì sta cosa , ai vign smort 'l massell , es i vign una trimari in tl gamb , ch' la sdundlava tutta , e pò dè in t'un rott d' piant , es cminzò a dir : mò cosa i oja mai fatt mi sgnor padr da meritar d'esser trattà in sta manirà? oh puvretta mì , guarda un poc al bell cont , ch' al fa dal sò sangu ; quest è l' amor , ch' al m' ha? mò dov el mai nad ? mò an m' par zà un padr mì , ch' am par un can , mò d' quì ben rusdgazz : e pò gnanc : ah cosa a digh ! mò l' è ben piz ; eh povra Purzella ! mò almanc fussia morta quand m' vign i varù , zà ch' avè d' aver sta bella fortuna a mari-darm , oh guardà al garbat spos , ch' al m' dà ! La vleva anc andar dri , mò sò padr i dè in sla vos , ch' an pèl più star pazient , es diss : an : pr un' insulenta sat ? s' a vign lì , at farò ben mì ficcar la lengua tra i dint , vè , sfazzadazza , linguazzuda , ch' la n' ha gnanc tutt all bligul , es m' voi far a mì la braghira : quell ch' a fazz mi , è ben fatt , madò simona , es tm' rumprà nìnt nìnt al chittarrin at alzarò mì su la stanella , es t' darò una massa d' sculattà , sgnora bambozza ; allon : tocchi just adess la man , e fattla : porta ben vj la puzza , innanz mì ch' at smasslona , brutta cutà. La povra Purzella , ch' s' vist a sti cavj tirà , l' armas , cmod fa un , ch' s' in man ai confurtadur , con i ucch mort in tla testa ; la s vist tra l' forc , e al pont d' ren , l' aslungò la man all' om salvadgh , e lu la chiappò sù senza nssuna cirimonia , esenza ch' i fuss sigh gnanc un can , es la strassinò ( la puvrina ) là in r' un bosc , ch' an i era dubbj , ch' i passas mai una spira d' sol , es era tant alt i alber , ch' i fevn un bur , ch' al bsgnava andar a tastun , e l' bisti salvadgh n' aven' pora , ch' i fuss mai dà drj , perchè al era tant i grau arpiattun , ch' an i era dubbj a vderi. In sta bella delizia donca , l' om salvadgh i aveva la sò cà , ch' era tutta addubbbà d' intorn d' oss d' mort , ch' gli ern zent , ch' al s' era mò sguffla lù. Cunsidrà mò l' mì criatur , ch' al-grezza vegn alla povra Purzella , ch' vist st bell ammanv ; as tratta d' dir , ch' la dè la lunga dstesa , ch' an i arstó una gozza d' sangu addoss. Mo questi mò ern ros , e fiur ; al

piz fu quand al turnò a cà lù dop essr ussì d' cà, ch' al vign, ch' l' avè una gran sporta sotto al frajol, ch' l' j pin-sò, ch' al fuss cvell d' bon da cenna, e quand al dscruv i lù pizz d' zent morta, es ij di lì dinnanz tutt alligr dsend: tu mi mujèr, to' t' pù zà lamintar, ch' an t' daga da magnar; quì i è dal cumpanadgh, tù sguazza, en t' dubbitar ch' at purtarò sempr dla robba sì fatta, basta sòl ch' tm' vui ben. La puvrina s' vultò in là, es miss a spudar cmod fa una donna gravda; l' om salvadgh, ch' vist sta cosa, diss: oss, 'l nus muscat n' in fatt pr i purc zinghial; àv mò un pò d' pazinzia, ch' dmattina a son stà invidà a una cazza just appunt d' porc salvadgh, ch' àt in purtarò una chioppa, es faren nozz; a invidarò un poc tutt i mi parint, es zugaren all' oca, tant che t' la pass. Quand fu la mattina, lù marchiò la pr al bosc, e l' j arstò a pianzr alla fnestra. Al purtò mò al cas, ch' al passò pr d' lì una puvretta vecchia, ch' aveva una gran fam: la dmandò la carità a Purzella, mó a psi credr cosa la i arè psù dar; la i arspos: oh surella mi cara, al cil sà mó lù s' arè al bon cor, mó mi n' son patrona d' ngotta, perchè i m' an maridà quì con un diavl, ch' nem porta a cà alter, che di quart d' zent ammazzà, o impiccà, ch' mi n' sò cmod ai ava stomgh a vder qul spurcàizzi; oh av imprumett, ch' a fazz una vittina d' garb mi; e pur an son m' lga stà allivà acquì, ch' a son sola d' un Re, es era in t' una cà, ch' in m' vdevn quant ai era lunga; in t' al dir sti cos, la pianzeva cmod fa una quand i l' an sculattà. La povra vecchia s' moss a compassion, es i diss: mò ch la n pianza la mi fandsina, ch' la dvintarà secca, ch' la n s' inquieta, perchè la sava, ch' l' ha trovà sò fortuna; mi son quì pr ajutarla a spada tratta. Ch' la senta ben; mi i ho sett fiù masch, ch' in (an fazz per dir, ch' am sta mal a mi) i in sett zoi: i in pizz d' ummazzun tant alt; un ha nom Mas, quì altr Nard, e pò Cola, Micc, Ptrull, Ascadi, e Ziccon, Quisti an agnun d' lor virtù d' far qualc bella cosa. Mas agn' volta ch' al mett' un' urecchia in terra, al sent quell, ch' s' dscriv luntan trenta m' lja. Nard agn volta ch' al spuda, al fa un gran mar d' savon. Cola cm' al trà un stecc in terra, ai nass un camp d' spin. Micc tutt l' volt, ch' al trà una brocca d' alber, ai dvènta lì un bosc, ch' an

s'trova più la vj d'ussir. Ptrull quand al trà in terra una gozza d'acqua, al fa un fium grand grand. Ascadi agni volta ch' al fa un ghrlinghin al fa nassr una torr fortissima, e Ziccon tira qust drütt con la balestra, ch' al cuirè in t' un' occh a una gallina luntan un mli. Qust donca con l'ajut d' sti ragazz, ch' in tutt amtrevol, e galaut, es àran compassion d'lj, a vui vder d' livarla d' in t' l' man d'om salvadgh; ch' l' è mill pcà, ch' una zovna sì fatta i sì tuccà a ló. Oh: diss la Purzella: l' è adas al temp lù, ch' am fadi scappar, prch' l' è andà vj qual trenta para d' mi mari, es n' torna che sta sira, e qust a voi dir, ch' az la prèn far a gamb: mò nò sta sira, diss la Vecchia, perchè a stò luntan, mò ch' la n s' dubbita, ch' duattina a bunora a srò quì con i mi fiù, es i prumett d' livarla d' in st travai. Quand l' av fatt sta zanzada, la s n' andò, e la Purzella fi un cor tant fatt, es durmì pur un pò quela nott. Mò bona, la mattina subit ch' fu dì, al vign vj la Vecchia con i su fiù, es tolsn in mezz la Purzella, es andonni allà volta dla città; mò in ern gnanc luntan quant è d' quì a lì, ch' al vign pinsir a Mas d' mettr gli urecch in terra, es cridò subit: alto: l' om salvadgh è andà a cà, es ha vist ch' an i è la signora, es è quì, ch' al zampiga pr arzunzerla. Quand Nard sintì una cosa sì fatta, al spudò in terra, es fi un mar d' savon. Quand l' om salvadgh fu arrivà lì, al turnò a cà, es tols un sacc d' reml, e tant s' impàstruchidò i pì, ch' finalment al passò. Da lì a un poc Mas turnò a mettr l'urecchia in terra, es diss: l' è quì, l' è quì ch' al vln; subit Cola trì vj al stecc, es nassì un camp d' spin. L' om salvadgh ch' s' vist srà al pass, cors un altra volia a cà, es se vstì tutt d' ferr, e pò passò fra i spin, ch' al pars unt. Mas müss una bona volta l' urecchia in terra, es zigò: all' erta patroni; l' è quì l' om salvadgh, ch' al vola. Micc camminand con la broccà d' albar, fi vgnir un bosc tant fess, ch' an i era mai mai dubbi a furarel, mò però quand l' om salvadgh fu lì, al cminzò a tajar con un curtilazz, ch' l' avera, quì una querza, là una fioppa, quì d' zà un olm, lì un castagn, tant ch' al s' fi larg in quattr, o in cinqu culp, ch' al dì, es cumpars lì tutt svel. Mas turnò a zigar: an l' è quì: oh adess an i è miga mó più rimedi. Ptrull ch' sintì sta gnaccara, tols un pó d' acqua, ch' era

lì in t' una funtana , es la cavò con un pgnattin , e pò l' arbalto in terra . e subit vign un gran fium. L' om salvadgh ch' vist st' altr impediment , ch' an trovava lù tanta carn , ch' lor n' avissn tant anzìn , cosa fil lù ? al s' dspujò nud nad , es passò a nod con i pagn in sla testa da qu'altra banda Mas ch' metteva l' urecchia in terra in tutt i bus , al sintì l' om salvadgh , ch' batteva i pi , es diss ; oh sù : l' è ben mo address , ch' an i è pió ziorit ; l' è quì , ch' al vin , ch' al diav! al porta , s' an psèn scappar , aven pers agn' cosa. Quietà mo , diss Ascadi , ch' address address a farò mi veder a st' inguangul , ch' al hò dov s' sol dir ; e ditt , e fatt al fil un ghirlinghin tant grand , ch' an s' è mai più sintù al sì tamugn , e subit compars lì una torr , ch' i si ficconn tutt deotr , es s' assronn lì. Quand l' om salvadgh arrivò lì , al vist , ch' an i era dubbi a intrar , cm' an andava a tor una scala ; l' andò currand a torla , es in tols una d' quelli , ch' s' addrovn a vindmar , al sla mlss in spalla , e pò andava , ch' al vulava. Mas sintì con gli urecch , ch' al vgneva , es diss : oh av digh ben d' bon sta volta , ch' a sèn fritt ; fin address an l' ho miga crdù , mò sta volta a ved , ch' an i è più remedi , a sent propri ch' l' mi gamb s' dondlin fort fort dalla pora. Ah ; il pur al gran arpegh , diss Ziccon , lasa far a mi , ch' address l' è ajustà ogn' cosa. Appenna l' avv ditt aquì , ch' l' era lì l' om salvadgh , ch' appunzava la scala , es s' cminzava a rampigar , mò Ziccon al tols d' mira e con la balestra ai cols just d' posta in t' un' occh , es di là lung distès c' mod fa una pera marza. Quand i al vistsn in terra , i ussinn d' in tla torr , es i tajonn al coll con un curtlaaz just cmod s'al fuss stà d' furmai tmìn , es purtonn la testa al Re padr dla Purzella tutt insem con la sguora. Al Re av tant la gran algrezza d' aver indrj sò fiola , ch' an prè mai dir , perchè al s' era pinti mill volt d' averla dà all' om salvadgh , e pò ai vgneva rabbia quand al s' arcurdava d' averi squas dà dl sculattà qual di , ch' l' andava a marì. Fra puc di ai trovò un bell spos , e pò di semper pan , e vin , fass , e pison a quì sett fradì , e alla mamma , e pò anc i metteva , al purzlin , perchè al si trovava ubbligà , ch' i aven fatt un gran servizi a sò fiola. I finn l' nozz , e un dsnar , ch' durò degli or ; ch' l' è un miraquì , ch' an senta d' quì l' udor.

## La Fola Dla Cindrella.

**A**i era una volta un Prencip, ch'era vedv, es aveva una fiola, ch' l'era propri al sò occh dritt; lù n la vdeva quant l'era lunga, es in feva un carr matt. Sta tosa al la mandava a scola da una mestra dl più sullenn, ch' fna-  
 sn in tla città: la i insegnava al punt franzes; i marlitt in s' al dsegn, la i insegnava i guant, l' calzett con qui scajon d' or, e d' seda; in somma l'era un vas d' virtù, es mu-  
 strava d' vler al gran ben a sta fandsina, ch'an s' prè mai cuntar. Mò intant al purtò al cas, ch' al sguor padr turnò a tor mujer, es tols la più mala femmna, nujosa, ch' an s' srè cattà la cumpagna. La cminzò subit, ch' la fu in cà, a urtar la povra fiastra, ch' la i feva sempr al grugn, es n i vleva dar da far qulazion. Sta povra ragazza s' la-  
 mintava sempr oom la sgnora mestra, es i cuntava tutt i sù affann, e pò dseva: oh cosa srè mai stà al sgnor padr a torla l'j pr mujer, ch' m' vrè tant ben? l'avissal pur tolta, ch' an srè in cà st diavl, ch' m' fa dar alla fortuna; di an-  
 cù sta zanza, e dilla dman, tant ch' la mestra un di i ar- spos: mò s'a vli far a mi mod, mi a dvintarò vostra madr, es sò cert, ch' a farò cont d' vù. Quand la Zizola (ch' l' aveva nom aquì la tosa) sintì sta cosa la i saltò dentr a pì par; mò sù pur la diss: ch' la diga pur cosa ai ho da far, ch' s' an la fazz pò mè, am cuntent, ch' la m muda nom. Ossù, diss la sgnora mestra, quand ussiss fora d' casa al sgnor padr, avj da dir alla sgnora madr, ch' a vli qual pettanler più vecch, ch' stà in qual casson grand, ch' è dla in tla stanza dla farina, e ch' a fà pr asparmiar sti an-  
 drienn d' mora, ch' avj adess in doss; lì ch' vrè vder, ch' a fussi sempr strazzà, l' andará currand al casson, es dirà: tin ben sod al cverch, e vù al tgnarj sod assà, mò in qual mentr ch' la starà zò in gufflon a psccar li denter, e vù lassai cascar al cverch in sta testa, ch' la s' rumpirà al coll. Quand arj fatt stà cosa, a savj zà, ch' vostr padr pr vù al farè l' cart fals; quant donca al v' farà del carezz, ai avj da dir: oh sgnor padr ch' al tuga la sgnora mestra pr mu-  
 jer, quand al s' farà al spos; e mi v' imprummett, ch' s'

a dvent vostra madr, biada vù, a farj alt, e bass, es sri vù la patrona. La ragazza n i miss sù uè oli, nè sal, e fi puntualment quell, ch'i aveva insegnà qula zaqlina dla signora mestra, e la madregha s'n'andò a far terra da pgnatt; i finn al currott, e agn' cosa, e po la ragazza cminzò con al signor padr a diri ch' al spusass la signora mestra. Alla prima al prencip la i pars tant la gran mattiria, ch' al s'miss a ridr, es n i di arsposta; mò la Zizola andò tant spunchiunand, e spunchiona ancù, e spunchiona dman, ch' lla fetta al cascò all' armor, es tols la Carmesina, ch' era la mestra, ch' aveva nom acquasi; i finn d'gran algrezz, es andonn alla cume-dia, e agn' cosa. Quand sta donna fù in cà, la cminzò alla prima a far blin blin alla Zizola, es i dèva i miur beccun dla tavla; la la mandava vstl d' seda, es i fèva al guocc, e l'uccarina agn volta ch' s' fèva pan; mò an fu passà quattr di, ch' la s' dscurdò al servizi, ch' la tosa i avè fatt; es cminzò a tor in cà sì fioli, ch' l' aveva lì, ch' an s' era mai savù, es fì tan con sò mari, ch' ai pres a vler un gran ben, anzi ch' al cminzò a vler mii al fiastri, ch' an vleva alla fiola, es i fèva di pagh bj, e la Zizola cminzò a cascari zò dal garett, tant ch' la vign al punt, che dov l' era avvià a star in t' un bell lett, ch' avè la cverta d' seda, i la missn in t un, ch' l' aveva d' buccia, e dal landò d' stoffa, la i in fì un d' tela d' llin, e in somma dal belli stanzi tutt addubbà, la s' arduess a star in cusina, es la chiamavn la cindrella. Mò am son mò dscurdà d' cuntar, ch' alla prima quand vign in cà sta fetta, la Zizola era un di sù a un fenstron dl' antana, es i vulò lì vsin una clumbina, la qual i parlò digandi: an Zizulina, quand t' ha vuja d' cvell mandl a dmandar alla Clomba dl fad dl' isola d' Sardegna, ch' t' l' arà subit. Ora mo da lì a un temp sò pader av just d' andar in Sardegna pr di cos, ch' impurtavn: l' andò a dmandar a una pr una al fiastri, cosa l' vlevn, eh' ai purtass d' bell, quand al turnava, chi i dmandò un bell tai d' vesta, chi dla bella curdella pr una scuffia, chi dal blett da dars in sal mustazz, chi di bambuzzin da passarss al temp, e chi una cosa, e chi un' altra; tant eh' in ultim l' andò pur pò da qula puvretta d' sò fiola bona, mò al parè ch' al s' vergognass, es i dmandò quesi sbuffunzand cosa mai la vleva l; l' arepos: ngotta, ngotta al

mond , sn' che al m' arcmanda alla Clomba del fad , e ch' ai diga , ch' la m manda qualch cosa , e s' al diavl purtass mai , ch' al s' dscurdass sta cosa , ai angur , ch' al n' possa andar nè innanz , nè indrj ; ch' al s' tigoa a ment quell , ch' ai digh : anima tò , mandga tò. Al prencip andò , es siù un pzzol là dov l' aveva da star ; al fi tutt quell , ch' l' aveva da far , e pò cumprò tutt qul zirandl , ch' i aveva urdnà 'l fiastri , e la Zizulina i uscì d' in tla ment ; mò cosa ? quand al s' fu imbarcà , an i fu mai dubbi , ch' al vassell s' vliass movr , ch' al pareva incullà lì in t' al mar . Al patron dal vassel ai vign sù la luna , es s' addurnintò dalla rabbia , e in qual mentr ch' al durmeva , al s' insunjò una fada , ch' i diss : cnslin , sat perchè st vassell n' va nè innanz , nè indrj ? perchè qual tò prencip dl' alba ch' i è dentr , ha cumprà tutt l' gargantilli , ch' i ha dmandà l' sou fiastri , e pò s' è dscurdà dal sò sangu , ch' l' è una vergogna . Subit al patron dla nav s' dsdò , es andò a cuntar sta cosa al prencip , ch' armas tutt vergognos , es cors alla grotta dl fad , es l' salutò da part d' sò fiola dsendi , che gli mandassn qualc galantarj . Appenna l' av ditt aqusi , ch' ditt e fatt , al saltò fora da una spelonca la più bella zovna , ch' s' psiss vder con dū ucch , es aveva un cerch , ch' piava tutta la cà : questa i diss : oh baslamàn a sgerj ; mò ch' miraquì è mai quest ? cosa fa la sguora Zizulina , puvrina ; però puvrina sonja mi , mò a digh mò quì ... oss , diss , ch' al la ringrazia ben dla memoria , ch' l' ha d' nù , e ch' ai daga sta bagattella , ch' la la goda pr amor mj ; dsand acqusi , la i di in man una bella pgnatta d' savurizn , una zapptina d' or , un calcedrin d' or , e un cvertur d' seda per sugar la savurizn . Al prencip tols tutt sti tattar che gli parsn mattiri . La fada i insgnò pò , che la zappa era pr armovr la terra , e al calzedren pr adacquar la savurizn , e al cvertur , cmod ai ho ditt , pr sugarla ; al prencip s' tols licenza , es turnò al so paes . Quand al fu a cà al di agn cosa al fiastri d' qula robba , che gli avevn urdnà , e pò di alla Zizola al regal dla fada . Sta ragazza ai pars d' aver un lion in cadena , tant erla alligra ; la s müss a zappar agn di sta savurizn , es l' andava tusand , tant ch' in t al cressr la prèss la figura d' una bella istina : la la adacquava , e pò mattina , e sira la la sugava con qual cvertur d' seda , es



dvintó prest prest alta quant è una donna. Un dì ch' l'era dri a coltivarla, al saltò fora d' in, sta pgnatta una bella fada, es diss: cosa vut Zizulina? e li arspos: a vrè un pó dl volt andar fora d' cà mj l fest, es n' vrè, ch' qul braghiri dl mi surell al savissn; la fada arspos: agn' volta ch' t' ha vuja d' andar vj, vin quì dalla savurizn, e di: savurizn mi indurà, con la zappina d' or at ho zappà, con al calzedrin d' or at ho adacqnà, con al cvertur d' seda at ho sugà, dspujat ti, e vestm mi; e pò quand te t' vù dspujar, baratta qul' ultma rega, e in scambi d' dir: dspujat ti, e vestm mi, t' ha da dir: vestet ti, e dspujim mi. E quì la prima festa ch' vign, l' fioli dla mestra s' cunzonon con al pìrucchin, e la scuffia da quattr cò, e nna bella part d' fiur in s'al bust, e l' andrienn, e lassl pur far a lor, es andonn a una festa da ball. La Zizola, subit ch' gli avvn vultà i garitt, cors alla pgnatta, es diss l' parol, ch' i aveva insgnà la fada: subit la s' vist vstì, e compì cmod è una Regina, es cumpars. li un copè, e dods pagg con dl livrè, ch' al parè, ch' avvìs a intrar al Cunfalunir. L' andò dov era l' sou surell, ch' a vder arrivar una cosa sì bella, gli avvn a cascar mortì dall' invidia: oh và pó se gli avissn savù chi l' era! Al purtò mò al cas, ch' a qula festa ai era al Re, al qual quand al vist sta gran strampalà blezza, al sn' innamurò quì fort, ch' an pseva più, es diss a un servitor, chi i feva anc da secretari, ch' al s' infurmass un poc dov la steva d' cà, e chi l' era. Al servitor i tign dri quand l' andò fora, mò lj, ch' era un tocc d' furba, ch' saveva al fatt sò, la sn' addi, e cosa filla lj? la trì in terra un pugn d' muned da quattr bulgnin, ch' la s' era fatt dar dalla savurizn, e al servitor ch' vist sta bella robba, ai pars mill peccà a lassar st' uccasion, es lassò andar la signora pr al só viaz, e quì cminzò a imbissaccar i quattrin, e lj av temp d' correr a cà, e d' dspujars innanz ch' arrivass a cà l' sou donn: in t al dspujars zà la diss quell, ch' i avè insgnà la fada. L' sou surell mò, quand l' funn a cà, gli cminzzonn a cuntar d' sta bella signora, che gli avevn vist, mò lj n i badava. Intant qual servitor andò dinanz al Re, es i cunfessò al verr, che gli eru sta causa qul quità a quattr bulgnin, ch' an avè psò tgnir dri a qula fiola; al Re saltò in dl furi dall' altr mond, es i diss, ch' i tutt i mod al s' inzgnass qul' altra festa d' saver dov la sta-

va d'cá, è chi l'era, sn' cli nó s'al i aviss fatt al barbazagn, al i aré pò pinsà lù. Al vign intant qu'altra festa, e quand l' surell funn andà, ch' l' s'ern più che mai attilà, es n' guardavn in vers alla Zizola, ch' era là in sì rustizz a crudar dalla sonn, l'j cors subit dalla savurizn digand la solita cantafola: fradell mi car, l' ussiss fora dl dunzell, chi con al specch, chi con la caraffina dall' acqua nanfa, una con al ferr da far i rizz, un'altra con la polvr d' cipri, chi con i pettn, e pò gli agocch, e i pagn, e l zoi, es la finn bella, ch' la pareva al sol; e pò la missn in t' una carozza da sì cavall, con di staffir, e di pagg con la livrè, es arrivò dov era l' surell, ch' arnasn tutt incantà, e al Re ai crsseva al brusor in t' al stomgh. Quand fu finì la festa, e ch' la Zizola andava vj, qual servitor si miss a gallon pr n' la perdr d' vista, mò l'j s miss a correr quant la pseva, e pr n' essr arzunta la trè vj un pugn d' perl, e d' zoi, e qual povr om ai pars un pan unt, es cminzò a cujrl sù, ch' ai aré pars d' essr più matt lù, ch' n' era al Re, ch i feva tgnir dri, sl' aviss lassà andar qula congiuntura. Li av temp d' ficcars camminand in cà, e d' dspujars in tal mod ch' la solè far. Al servitor turnò tutt imbrnjà dinanz al Re, es n' savè da ch' là s' cminzar a diri, ch' an l' avè psù arzunz: al Re ai vign tant la maldetta rabbia, ch' ai trè squas una pgnatta in t al mustazz, e pò i diss: pensi mo tì: s tn trov qustj, mì t' darò tant i gran calz dedrj, ch' t' n n' ha cert tant pil in' tla barba, quant at in vuì dar; fà mò tì i tù cunt s' t i pù star, e sav ben, ch' an son un bambozz; e ch' t n' ha mnà assà pr al nas. Oh intant vign la festa, e quand l' surell funn andà vj, l'j zà, cmod a psi credr, andò dalla savurizn, e al success zà la solita fola d' nasm' in stecch, ch' la fu vsti quì strampalament ben, e missa in tant la gran bella carozza, e tant servitur attorn, ch' la pareva ... an sarè mò dir cosa; l' andò a far vgnr l' acqua in bocca al sou surell. Quand la fu stà là al temp solit, la s n' andò vj. Al servitor dal Re dalla gran pora ch' la n i scappass anc sta volta, s' attaccò lì alla carozza, ch' ai pareva cusì a rev doppi. Quand l'j vist che qstò n l' abbandunava, e ch' ai srè stà dl' imbroy a ecappar, in t al muntar in carozza, la zicò: tocca cucchir, e la carozza s' miss a vular, tant andavla fort, e l'j n' psi saltar dentr tant prest, perchè la intrò dentr

sì ben ch' la carrozza andava, ch' ai cascò in tla gran frezza una pianella fora dla carrozza, ch' era la più bella cosa, ch' s' psiss vder. Al servitor al puvrett n' psì arzunzr la carrozza, perchè la fulminava, mò al ciappò sù la pianella, es la purtò al Re, cuntandi la rason cmod l' era. Al Re tols in man sta zavatta, es diss: mò s' è sì bell la scarpa, a psì mò credr cosa di essr al pdin, ch' i sta dentr; oh bella la mì zavatta ch' t' tìn dentr da tì qual bell pdin; zà ch' an poss accustar al nas a sintir l' odor d' quell, at annasarò almanc tì, ch' t' i la causa, ch' la dj anc essr più bella, perchè con la zuntfina d' st tacc-la dventa più granda; basta a in diss tant d' sti mattiri, ch' finalment quand al fu stuff, al fì chiamar al scrivant d' cort, e pò al trumbetta, ch' s' miss a sunar: terè terè terè rè te rè rè rè rè rè re, es fì trar un band, ch' tutt l' donn dla città avissn andar a una festa, e a un dsnar, ch' ai vgn in testa d' fari un tal di, ch' al nominò. Quand al fu vgnù: oh gran bisbii! oh gran magnar! ai fiuccava i pastizz d' maccarun, l' tort, gli uffell, e pò d' agn' cosa, ch' ai arè psù maguar un esercit. Al vgn tutt l' donn, e sgnori, e zttadin', e ricch, e puvrett, e vecchi, e zovni, e belli, e brutti, e al Re quand gli avv dsnà con una gran pazinzia pruvava la zavatta a una pr' una, pr vder s la s' addattava a nsun pè, e s' as fuss psù capir dalla forma dal pdin, al garb dla vita d' quella ch' l' andava cercand. Quand al vist, ch' la n steva ben a nssuna, al di in ti rutt, es s' vleva dsprar, mò pur al diss: a vui mò anc pruar a turnar a invidarl dman, es diss: turnà duatìna a far penitenza con mì, mò s' am vlì ben, e s' avj accar d' cuntintarm, n' lassà nssuna, nssuna a cà, sìppla mò cli s' vuja. Al prencip padr dla Zizola, ch' era lì, e ch' aveva cundutt l' son donn, diss: ai ho lassà un altra fiola mì, mò l' è tant sgarbà, ch' la sta sempr là in cusina in sì rustizz, es n' è bona da ngotta, ch' an' è creanza a cundurila dinanz, prch' la n al merita. Al Re arspos: oh just questa a vui, ch' la sìppa d' cò dla lista I andonn vj, e l' altr di al vgn la mestra con 'l fioli, es i era sigh la Zizola; quand al Re la vist, al diss in cor sò: stà, stà, ch' mì cred, ch' la sìppa quella, mò an diss altr pr allora. Quand i avv finì d' maguar, al Re cminzò a pruar sta zavatta, e in somma a far la fola lunga, e curta, quand al fu

dalla Zizola, e ch'lj aveva al pè in ajar, la pianella saltò da pr lj in t al pè. Quand al Re vist una cosa sì fatta, al cors abbrazzarla, al la fi mettr sotto al baldachin, es i mès la corona in testa cmandand, ch'tutt si inchinassn, es diss: questa è la Regina. L'surell avvn a crppar d' rabbia, es n' volssn gnanc star più lì a vder, mò gli andonn vj lott lott, cunfssand a sò marz dspett ch' i in d' gran matt quì ch' cuntrastnn con l' strell.

## La Fola dal Mercant.

Dis, ch' ai era una volta un Mercant ricc ricc, ch' aveva nom Tugnol, es aveva dú fiù masch'; un aveva nom Zinz, e quì altr Minz; is arvisavvn tant fort insem, ch' in s' cgnussevvvn un dall' altr. Al purtò al cas ch' Zinz, ch' era al più grand zugava un di al piastrell con al fiol dal Re d' Malalbergh, es fu tant sgarbadazz, ch' in t al zugar a in trì una in fla testa, es i la sbrindalò. A psj credr quand Tugnol sò padr sav sta cosa, s' ai vign la terinarj attorn per pora dal Re; al chiamò só fiol, ei i diss: t i ben mò purtà bnin; at dichiar, ch' t i un garbat ragazz; questa è ben mò una cosa da far mettr in si avvis, e ch' è pr fart un gran unor, pezz d' dsgrazià; mì n' t darè gnanc trj quatrin dla tò vita, perchè t' pù ben pinsar, ch' al Re n' starà lì innuccà lassandt andar pr i fatt tù vè; t n' sà chi as sippa quì anigh zrisa, e d' sti rason a gli in diss mò a gli in diss. Zinz stì un pezz alla pazinzia, es lassò zigar un pzol so padr, e pò finalment a gli arspos: mò ch' am staga a udir pà; ai ho sempr sintù dir, ch' l' è mii, ch' al mal sippa a cà di altr, che all' uss propri mì; oh questa è bella! an srev mió stà piz, ch' s' fuss rott la mi testa d' mi? am è mò scappà fatt stà cosa, cosa i oja da far? mì son da cumpatir, perchè a son zovv, e chi vol saver, ch' al Re nl' intenda pr al sò vers; e pò cosa m' faral, anc ch' an l' intindiss? a dirò com diss quì altr mì: qula scudella ch' am dava pina, ch' am la daga sol mezza, e pr mì tutt al mond m' è paes: ch' diavl m' faral? Cosa al t' farà? cosa al t' farà; i arspos sò padr: mò al t' farà immpiccar lù, s' an t' è d' incommod, o almanc almanc at mandarà in galè; ora guar-

da mò tì, ch'è baza è questa! pr mi st'vù far a mi mod, mi vrè, ch' t' andass vè la bell' oia d'adess, ch' an s' saviss mai più dov t i ficc; perchè l'è mii cent volt essr usell d'campagna, che d'gabbia: tù: quèsti in quattrin; e s' miss la man in bissacca, es i, dè un livurnin; tù un d'quì d' cavall, ch'aven affadà, e una d' quel' dou cagni anca li affadà, ch' t' sà zà ch' ai aven, e và vj fina ch' l' gamb t' portu; ai di la sò bendzion, e Zinz andò vè a cavall: es tols in brazz la cagna, e vj fora d' città; mò appenna al fu ussì al s' vultò indrj a guardar alla città dsend: oh bella la mi città! mi vagh, e s' n' sò dov, e tì di sà mai più quand at vdrò: oh! oh! quand magnàroja mai più d' q'la bona murta-della, ch' s' fa quì da tì? mò dsì mò d' quì mistucchin? e quì al puvrett pianzeva, ch' as i srè lavà l' man sotta ai ucch. Basta al s' miss a camminar, e cammina, e cammina, tant ch' l' arrivò in t' un bosc, ch' l' era zà vers un' ora d' nott; là ai era una torr, e in t al pè d' sta torr ai era una casuppla vecchia; l' andò, es batì alla porta pr dmandar servizi d' essr alluzzà. Al patron d'la cà, ch' aveva suspett d' essr cerca lù, perchè l' aveva di nmigh, al an i vols altrament avrir, e quì bsgnò, ch' al pover Zinz arstass fora; l'ammulò al cavall là in mezz a un prà, e pò tols in brazz la so cagna, e s' dstès in s' d'la paja, ch' al trovò vsin alla casetta; al n' av s' prest assrà i ucc, ch' la cagna s' miss tant fort abbajar, ch' lù s' dsdò, es sintì scarpazzar li vsin a lù. Lù ch' era ardir, camminand s' livò sù, es miss man alla spada, e pò cminzò a mnarla quì all' orba, perchè zà an si vdeva una gozza; quand al sintì, ch' an cujeva a nssun, e ch' al tirava just al vent, al diss, eh a son' pur al bell matt, s' an i è nssun. Al s' turnò a dstendr, e da lì a un altr poc al s' sintì tirar pr i pj adasi, adasi, pianin, pianin; lù turnò a tor la spada, es s' livò sù un'altra volta digand: an, a digh mj una mj cosa, a ch' zugh zughenja? t' m' ha mò rott al clittarrin assà, an serv far l' arpiattarola, lassat vedr con al tò moccl, s' t' ha stomgh da farel, ch' t' priss trubar con ch' far i tù: Finì sti parol, an sià sn' a sentir una gran sbaccalarata d' ridr: e pò una vos d' un ch' pareva in zò in zò, ch' d'is: vèn quì zò da bass, ch' at dirò chi a son. Zinz n s pers brisa d' anm, es arspòs: aspettam pur, ch' a son lì lampant nà; al s' livò sù prest, e quì a tastuu

con i pì al trovò una scala, ch' andava a una cantina; quand al fù d' cò, al trovò una lumizzina dall' oli impresa, è lì al vjst tri zuvn, ch' pianzevn a cald uclh, es tgnen' replicà: oh bell' al nostr tsor cmod at perdn! Quand Zinz i vjst smergular sì fort, al s' miss a pianzr anca lù pr conversazion; dop ch' l' av piant un bon pzol, al cminzava pò a lumbrgar un poc la lum dal di; quisti i dissn tutt trj: oss anim: tù st' tsor, ch' l' è destinà pr ti, e savvtal mò mantgnir. I n' avn finì sta parola, ch' i sparlnn vj cmod fa una loena. Zinz cminzò a vder un bus ch' l' era in cantina, e ch' al cminzava a lusr al sol; al diss: cosa fazzia mò qui? mi n' vui saver d' tant tsor, es andò alla volta d' qula banda pr dov l' era vgnù con pinsir d' andar vj pr qula scàla; quand al fù lì; cerca, cerca, la scala n i era più lj; lù s' miss a chiamar con quant fià l' avè in tla gola, che qualcun al vgniss a tor vj d' lì. Al patron d' qula torr sintist' gran ziggar, es capì, ch' l' era un, ch' n' pseva più turnar sù, e ch' i cuntava, ch' l' era stà chiamà la zò pr cavar un tsor; quand l' udì sta tanja, l' andò in frezza a tor una scala da pirù, es andò là zò anca lù. Là i truvonn un tsor, mò e ch' tsor! lù pò st patron vleva, ch' Zinz tuliss la so part, cioè la mità, cmod era al dver, mò an i fu dubbi, ch' al n' vols niint, gnauc un bagaron. Al tols sù la sò cagna, es muntó a cavall, e pò cammina, e cammina, l' arrivò a un bosc dsert dov an s' i vdeva squas lum; lì ai era un fium, e lì vsin ai era una fada, ch' aveva atorn una massa d' zuvnazz, ch i vlevu far degli insulenzì. Zinz ch vjst tutt sti impertinint, al miss man alla spada, es i fi in mill brisl. La fada, ch' vjst ch' gran servizi i aveva fatt st zvon, la l ringraziò tant, e s' vleva, ch' l' andass in t al sò palazz, ch' l' aveva lì poc luntan, e s' l' assicurò, ch' certo la i arev anca lj res i servizi, ch' al i avè fatt, pur ch' ai cmandass, es vleva in tutt i mod, ch' al stiss lì da lj, mò Zinz arspos, ch' baslainau a sgnerj, e ch' al i era ben tant ubbligà, mò ch' l' andava vj d' frezza pr una cosa ch' impurtava, e ch' un' altra volta pò al srè ars' à, es tols bona licenzia, e pò vj, es cminzò a camminar, e quì cammina, e quì cammina, tant ch' al trovò un palazz d' un Re, ch' era tutt addubba d' negr, ch' al féva vgnir la malincunj a guardarj. Zinz dmandò cosa vleva dir qula cosa: ai fu arspost ch' li

in qual lugh a i era un dragon, ch'aveva sett test; ch' l'era la più gran bistia, ch' s' fuss mai vist al mond; qustor i disson ch' st' animal aveva la panza d' gall, la testa d' gatt, i ucch d' fugh, la bocca d' cagnazz, gli ali d' parpajon, el zamp d' ors, e la cò d' bisssa. Ora mò st bell zett s' magna agn' di una criatura lù in sanità d' tutt, e agn' di as i in dà una d' una cà: óz i àn miss alla bûschetta a chi l' ha da tuc-car, es è vgnù fora la fiola dal Re, ch' ha nom Minghella, e pr quest ai è tutt st pladur pr la città, es è acquì accurrutà la cà dal Re; l' è verament mill peccà, l' è la più bel-la ragazza, la par propri un buttir, es in creppa al cor a tutt, ch' l' ava d' andar in bocca d' gula bstiazza. Zinz ste-va a udir agn' cosa, e pò s' tirò un pò da banda, ch' al vist arrivar la Minghella, ch' era tutta vsti da currott, con una cò lunga, lunga, es avè sigh tutt l' sou dunzell d' cort, e pù del cinquantin d' donn, ch' fevn un chiaccarament, e un zigalism: l' s' tiravn i cavj, l' sbattevn l' man, es fèvn un smergulament, e un suspirar, ch' ns' pò descriver, e pò dsevn: oh puvrinat! oh chi l' avlss mai ditt? oh ch' peccà, ch' l' è lì un latt, e un vin, oh guardà pur lì! e tant l' in dsevn, ch' l' fevn pò anc rabbia pr i gran squas. Basta mentr ch' st badanaj era in t al sò furor, al saltò fora d' in t' una busa al dragon. Oli! ch' an prè mai dir la pora ch' al feva. Tutta gla zent s' miss a scappar, chi in zà, chi in là, e squas tutt s' andonn a far cavar sangu dalla pora. Zinz, ch' vist sta bstiazza, camminand miss man alla spada, e taffi: al ti fi saltar una d' qu' tstazzi pr terra, mò al dragon cam-minand se sfergó dri a una cert erba con al coll, un' erba ch' era lì poc lontan, e subit s' i turnò a attaccar gula tstaz-za, cmod s' la i fuss stà inculà. Zinz, ch' vist sta cosa, diss ubi allon, a chi dighia? es striccò i dint insem dalla rab-bia; e pò alzò un colp acquì d'sperpustà, ch' ai tajò vj tutt in t' una volta l' sett test, ch' salton vj d' attacc al coll, es ruzzlon cmod fà i pancucc; lù cavò da qu' test tutt l' lenga, es s' l' miss in bissacca, e pò trl vi l' test lontan un mili, prech' l' av pora sl' stevn lì vsin alla bistia, ch' n s' tur-nassn a attaccar; al tols pò una gran brancà d' qu' erba, ch' aveva attaccà la testa dal dragon, e pò mandà la Min-ghella a casa dal signor padr, e lù andò a alluzzar all' usta-rj. Quand al Re vist arrivar só fiola, as pò credr gli al-

grezz, e l'cos ch' al fi; al s' fi cuntar cmod l' era stà liberà, es fi trar un band, che dseva, ch' vgniss subit quell', ch' avè ammazzà al dragon, ch' lù i are da sò fiola pr mujer. Al purtò al cas. ch' un villan ben zancud sintì dir sta cosa; an fi nè alter ben, nè altr mal, s' n' ch' l' andò là dov era stà ammazzà al dragon (cioè dov i era tutt l' test), es l' tols sù tutti, e pò andò dal Re; es i diss: l'è stà st mustazz qui lù, ch' ha salvà la sgnora Minghella; sti dou man àn salvà la città; vdj qui l' test, ch' an crdissi, ch' av vindiss dl' lucchin'; e per tant ai fazz saver, es i mett in ment ch' parola d' Re n' pò turnar indrj. Al Re, ch' sintì sta gnaccara, s' tols d' in testa la curona, es la miss in s' al zucc d' q'la bella figura, ch' la zigava misericordia tant stevla mal. As pubblicò da pr tutt sta cosa, tant ch' Zinz l' udì dir anca lù, es diss in cor sò: a son un pó verament, un pò mammalucc mi; ai ho un mezz tsor, an al vui: qula fada m' vol far dal ben, e cundurmi in t' al sò palazz, e mi oibò; adess a son quì pr dvintar zendr dal Re, e mi stò quì con i dint in bocca, es comport, che qula bella tosa sippa d' un' altr, quand l' arè da essr mj; e pò a chi' la va a tucçar! mò s' a digh, ch' al bagnarè darm in sla testa. Quand l' av ditt quasi, camminand al tols un calamar, una penna, un fui d' carta, es cminzò a scrivr:

St babi che v' scriv, e lù, ch' v' ha salvà;

Mó cmod i entra mó donca qustù, ch' è quì?

Oh guarda, ch' razza d' becc! ch' villan sguajà!

Chi s' ch' al fazz cajar mi, s' a vègn li?

Sgnurina: vù che vdissi al mj mustazz,

Al só moccl s' arvisal brisa a mi?

Cuntà un poc al sgnur padr quà fu al brazz,

Ch' v' liberò; mi intant ho mó finì.

Quand l' av scritt la littra, al biassò un pó d' pan, es la bulló, e pó i fi al sovra scritt, ch' dseva: Alla bellissima zoja l' infanta d' Pardsin. Al miss pò sta littra in bocca alla cagna digandi: và vj currand, e portla alla fiola dal Re, mò guarda ben dn la dar s' n' a l'j vè. La cagnina ch' era zà, cmod a diss, affadà, la cors vj, ch' la vulava, es andò al palazz dal Re, intrand in sala la trovò là al Re, ch' feva dl' cirimoni con quì babuin dal spos. Quand al Re vèst sta bstiola, ch' aveva una littra in bocca, al di ordn, ch'



la i fuss tolta, e ch' i la lizissn, mò la cagna n la vols dar a nessun, sn' ch' la saltò in brazz alla Minghella, es i la miss in man. Lj s' livò sù d' in tla scranna, fagand un bell inchin al sgnor padr, es i di la littra da lezzr; quand al l' av letta, al di ordn a dū di sù curtsan, ch' tgnissn dri alla cagna pr vder dov l' andava, e pò ch' i cundusissn li da lù al sò patron. Quis s' fi, es arrivonn all' ustarij, es dissn a Zinz quell, ch' i aveva diut al Re, cioè, ch' sò maestà l' aspittava. Subit Zinz s' incamminò con lor, e quand ai fu alla presenza dal Re, lù i dmandò cmod al s' vantava d' esser stà lù, ch' aveva ainmazzà al dragon; diss, cosa è mò sti simittun mentr che qust om, ch' è quì, ch' ha spusà mi fiola, è stà lù, ch' ha purtà l' test? guardai ben, vdil quì al babi, ch' ha fatt lù l' ovra. Zinz arspos: chi? st villan dal boja? oh a in vrè lù! qustù, ch' è quì s' meritarè ben una mitra d' asn in sta testa, mò nò zà qula curona, ch' la i ha fatt mettr, perchè l' è stà quì insolent d' dari ad intendr di luzzi pr lantern; e pò volal vder sl' è vera, ch' a son stà mē, e nò st mimiron? ch' al fazza in mod, ch' sippa purtà quì tutt l' sett test dal dragh, ch' la vdrà, ch' nssuna ha la lengua, e perchè la veda ben, ch' l' è ver quell, ch' a digh, ecco quì l' lengu, ch' al i ho in bissacea' e dsand quì al li tols fora, e al villan, arstò lì un bell stival, es n' sav, ch' diav! s' arspondr; tant più pò perchè la Minghella saltò sù digand: oh l' è ben stà quest quì, ch' m' liberà; e nò brisa st villannazz! Al Re sintand sti contrassign, tols subit d' in testa la corona a qulù, es la miss a Zinz, e pò vleva mandar in galè al villan, mò Zinz al tols in grazia pr farel verguagnar dila sò curtsj. Al Re pò fi purtar in tavla, es magnonn d' bon, e d' mior, es tm' i appunzò la Minghella pr mujer. Quand fu ora i andonn a durmir. La mattina pò in t al livars, Zinz s' era miss dinaoz a una finestra finand d' vstir, es vist li indritt alla cà la più bella zovna, ch' s' psiss mai vder; al dmandò alla Minghella chi l' era mai qula bella cosa, ch' steva lì indritt? ossù arspos la mujer, av cinenza a dspiaser al brod tropp grass, n' è vera? cosa è mò st cercar sti si quattrin? stà pur a vder, ch' av vin altr pr la testa. Zinz abbassò i ucchi, ch' al parè una marmotta, es n' diss altr. Quand al fu vsù, al dess, ch' l' avè bisogn d' ussir d' cà, e pò d' lungi al s' ficcò in tla cà lì indritt pr an-

dar da qula bella zovna, ch'era verament un beccunzin da Re; l'era una cosa, ch'pareva una zuncà: l'aveva un' alzada d'ucch, ch'innamurava; e agn volta, ch'la parlava, la feva armagor incantà la zent, tant erla mai graziosa; in tl' andar pò la pareva una Regina; in somma la più bella ens pseva vder, e sn s deva cas, ch' nssun d' qul, ch' l'aven' vista, l' aviss scappà dn' sn' innamurar, perch' oltra a tutt sti gran blezz, l'aveva unavirtù (o fussl un vizi) ch' sempr agn volta ch i pareva a lj, la ligava, es incadnava la zent cun i sù cavj, perchè mì pò in sustanza a cred, ch' la fuss una strija. Acquisl intravvign al povr Zinz, ch' al n' av sl prest miss pì in tla so cà, ch' l' arinas incantà, es ns' psì più tor d' lì, ch' al pareva involuppà cm' è un pulsln in tla stoppa. In st' mentr mò, ch' intravgneva tutt sti cos, Minz, ch' era qul' altr fradell' ch' aveva Zinz, e ch' av diss zà, ch' s i arvisava tant, ai vgn vuja d' cercar nova d' st fradell, es dmandò licenza a sò padr, al qual i la dì con un' altr cavall affadà, e un' altra cagna affadà, just cmod l'avè dà al prim, e qul al s' miss a camminar, e cammina, e cammina, tant ch' l' arrivò just a qula torr, dov era stà Zinz. Al patron criss, ch' al fuss qual prim, ch' fuss turnà, es i fi tant curtsj, perchè al s' arcurdò qul negozi d' qual tsor, ch' al i avè lassà anc la part, ch i srè tuccà, es i esibì quale quattrin, dsend: ai n' arissi mò da tor sta volta, ch' l' altr diazz an vliss ngotta: Minz n in vols, sn ch' ai vgn speranza, ch' forsi sò fradell dseva donca esser passà pr d' lj, perchè a s udeva parlar da quest, cmod s' al l' aviss vist un' altra volta; al diss in cor só: bon bon: a dó bella a truvàr Zinz alla fetta. Quand al s' fu tolt bona licenza da quest, al s' miss a camminar, e s' imbattì mò just a vder qual palazz d' qla fada, ch' Zinz aveva liberà da qual prigul; lj crdend'al Zinz, perchè, cmod ai ho ditt, al s' i arvisava tant, la i fi tant l' gran curtsj, es i diss: mò ch' al vigna ben qul, ben turnà sgnerrj, ai son tant ubbligà, ch' am salvò l'unor, mò a vui ben mò sta volta, ch' al vigna a far penitenza da mì. Oh sgnora nò vedla, (i arspos Minz) perchè a vagh pr una cosa, ch' m' importa, ch' an poss affirmarm, eh! a turnarò ben, a vgnarò tant, ch' a la stuffarò, es andò vj tutt alligr, perchè agn volta più al capeva, ch' só fradell era oltra lì. Al seguitò la strà tant ch' l' arrivò al pa-

lazz dal Re just qula mattina, ch' Zinz era stà ligà dai cavj d' qu' anquana. Quand l'intrò in palazz, al fu arzvù con gran unor, perchè zà tutt al tulevn pr al mari dla signora; la i vlgñ incontra lj, es' i diss: mò ch' al vigna ben, avevn pora, ch' an vgnlss a dsnar, cmod polal mai star luntan dalla só Minghella? al sà pur, ch' al fu lù, ch' m' salvò dà qual diavl d' dragunazz, es' s' inzgnò, ch' al fuss ben savù la verità, e adess mò al par, ch' ai puzza sotta al nas. Minz, ch' sinteva tutt' sti còss, miss insem, ch' questa senza altr dsèva esser la mujer d' sò fradell' es' s' vukò alla Minghella digand: oh eh' la m scusa mò, ch' an ho psù far amanc d' n' andar vj, mò an i andarò mó più. Intant i vignèn a dir, ch' l' era in tavla la mnestra, e s' andonn a dsnar. Quand fu sira, e ch' i avvn znà, al vign ora d' andar a lett, mò Minz, ch' n' vlè star vsin alla cugnà, cosa fill? al tols un linzol pr lù, e un pr lj, e s' fi la sacchetta pr stari più luntan. La Minghella, ch' vùt sta cosa, diss, an qual zovn mò cosa è sti simittun? cosa? sonja arabià, ch' an m possa star avsin? oh aviv mai vùt plz! a digh, ch' al stà volt in là. Minz, ch' s' saveva dszamplar da tutt i intrigh, i arspos: mì n' ho colpa, l' è causa al duttor, cm' ha urdnà un siropp, es diss a sta maniera, ch' an m' zuvarà, cm' an fazz la sacchetta, e po a dirila mì n' ho vuja d' zanzar, ch' ai ho tropp asià. La Minghella, ch' era un pó gnagna s' bvé sta sfrappla, es s' addurmintò. Ma la mattina, quand fu ora, ch' Minz se vetiss, l' andò la dalla fnestra, es vùt qula sì fatta, ch' aveva accappunà so fradell; la i piast fora d' mod, es diss con la Minghella: mò chi è mai qula bella parigina? a la Minghella i vlgñ sù i chiù, es arspos: oss: am vgnj mò dond s' sol dir mj: anc jir i fu sta dmanda, la lengua dà dov al dent dol, mì m' maravei, ch' an v' vergugnà, ch' am arissi da purtar rispett essend quella, ch' a son, a vui mò dir fiola dal Re, es par, ch' avadi un stronz sott al nas; eh: nt' maravjar se sta nott è andà in volta la sacchetta, questa è mò la purga, ch' v' ha urdnà al duttor, n' sì? hum; pover siropp, guardà cmod l' ha bon spall! mo sintj, s' am poss accorzz d' evell, aj vui far dar tant l' gran bastunà, ch' a là vui fiaccar, e pó vù m' sintirj; basta, an digh mò altr, an m' avj gnanc anasà. Minz s' inzgnò d' quietarla, es l' assicurò, ch' an l' arè gnanc lassà lj pr la più gran donna da

bon tonn, ch' i fuss da qui di, e ch' l' era l' la bona, e lassaj pur dir a lù, tant ch' la s' acquodò, es andò a fars i rizz, e a sgurars con dla chiara d' ov per far anca l' al sò smecco, e parer più bella a quest, ch' la pinsava, ch' fuss sò nari. Minz intant sintand tutt sti chiaccar, ch' avè ditt la Minghella, l' intrò in suspect, ch' là da sta femmina i fuss sò fradell; cosa fill lù? al tols in brazz la sò cagna, es andò fora d' cà, e pò li indritt. Mo bona: appena al fu li, che qulj subit diss: ligà qustù i mi bj cavj, e Minz arspos: la mj cagna manza qustj. La cagna ubbidi, ch' la s' j tri addoss, ch' la pars una losna, es la tridò in null beccun in t' un tratt. Quand sta femmina fu crppà, Minz s' miss asiar pr qula cà, es trovò sò fradell, ch' era là incantà com' un' oca; ai vign in testa pr dsincantarà, d' tajar d' pil dla cagna, e mettrii addoss: quai fi, e subit, ch' sti pil al tucconn, al pars un, ch' s' desda da un profond sonn, al cgnussì Minz, es i cun-tò tutt quell, ch' i era intravgnù. Minz anca lù si miss a dir, ch' l' avè just avù tutt qui incuntr medesm, ch' i ern intravgnù, e pò diss, in t al palazz dal Re a son stà tolt acquai strampalament pr vù, ch' la Minghella ha infin durmì migh. Al vleva seguitar, e dir la diligeuza dla sacchetta ai linzù, mò Zinz n i di temp, ch' al saltò sù tutt arrabbì udand sta zizla, ch' l' avè durmì con sò mujer, es diss: oh questa m' brusa, oh l' unor è andà! e senza pinsar altr con un solenn deprupust, al miss man alla spada, es i tajò al coll. A s sintì st gran zigar là indritt d' in tla cà dal Re, al qual s' fi subit alla finestra con sò fiola, es vistn, ch' Zinz aveva ammazzà un' altr om, ch' pareva just lù. La Minghella zigò dalla finestra: mò perchè mò aviv fatt sta mattiria? Zinz arspos: lei povra inunziutina, la n sà miga li d' aver durmì con mj fradell vdi, eh pinsà vù! Oh puvrina mi! i arspos la signora, guardà quanta zent è ammazzà a tort! avj ben fatt una bella ovra, am' in dechiar, ch' av sj merità al premi, an in' eri degn d' un fradell sì fatt, an accorz mò adess pr cosa al puvrin fi la sacchetta al linzol, ch' am av tant pr mal, ch' an m' vliss star avvin. Quand Zinz udì sta cosa, ai vign un grau d' ulor d' aver fatt st gran mal, al batteva i pj, es se strazzava i cavj d' in sta testa. Mò al s' arcurdò pò, ch' l' aveva in bissacca d' qu' l' erba, ch' al tols fin quaud l' ammazzò al dragon, ch' fi turnar la testa attaccà

al coll a qula bstiazza, al la sfrgò ben ben attorn all' istess coll dal fradell; e sùbit dütt, e fatt al gl' insdì la testa, ch' l' era più soda, ch' la n' era alla prima. A psj credr la gran algrezza, ch' l' av; an s' psè saziar d' abbrazzaral, ai dmandò perdunanza dal dspapust, ch' l' avè fatt, e al Re tutt d' ghirigaja fì subit attaccar un sterz, es andonn vj tutt a spass. I turnonn pò a palazz, e da lì a poc i mandonn a chiamar sò padr dl' lor, ch' i volsn, ch' l' arstass sempr li in cort con lor, e al Re i vleva un gran ben. Al padr cgnussì agn' volta più la verità d' qual pruverbi, ch' dis: con più l' è rotta la s conza mli.

## La Fola dal Mustazz d' Cavra.

**D**is, ch' ai era una volta un villan, ch' aveva dods fio-  
li, es ern tutt pznini, pznini, ch' una n' pseva gnan pur-  
tar in brazz qu' altra, perchè da una all' altra an i era mai  
sn' un' ann. St povr om pr campar unuratement andava a  
ovra a lavurar, ch' al sudava, e pò cosa guadagnaval? una  
milza, ch' appenna ai psè cavar al pan per tutt qu' criatur.  
Ora una mattina, ch' si' om era a lavurar a pè d' una muntagna  
ben alta, al vist ussir fora da una gran busa, ch' era  
sotta a sta muntagna una lusertona verda verda quant è un  
cuccudrill, mò granda talment, ch' al povr cuntadin av a  
inspirtar d' pora, es era armas li incantà, ch' an s' pseva  
più movr; lù s' aspttava d' esser magnà da sta bstiazza tutt  
in t' un boccon. Mò al luserton, ch' cgnussì, ch' l' era quì  
inspuil, parlò, es diss: mò n' aver pora al mj ben, mi n'  
sòn quì pr altr, che pr zuvart. Quand Masnell (ch' era al  
sò nom) sintì, ch' la parlava: al s' i trì in znocch dinanz  
es i diss: signora qutalina (ch' an sò al so rom) mi son  
quì in ti' sòu brazz, ch' la m' ava carità, ch' a son un pu-  
vrett, ch' ho dods criatur da fari la spesa. Oh just pr quest,  
diss la luserta, just pr quest am son mossa pr ajutart! fà una  
cosa, portm dmatina la più pznina dl' tou ragazzi, ch' an  
la vuj allivar in ti mj cstum, es la turò pr fiola, es t' assic-  
cur, ch' la n' sarà d' ch' fatta s' in vler. Quand al pà sinì  
sta bubla, al diss in cor sò: oh at busc buferla! quest' è un'  
altr son d' chittarra, sicura sta bistia nem la dmanda pr altr,

sn pr magnarsla; cosa oja da far? s' mi i dò sta ragazza, la m porta vj al cor, s'an i la dò, cosa m' farala pó a mi? ah puvrett mi, ch' partì oja da piar? a n m' pseva zà intravgnir più gran disgrazia d'questa! es feva tutt sti dsprazion present la luserta, ch' steva pò lì a aspttar la rsposta, la qual i diss: oss mi n' vui vder sti tintinaghism: o dam sta ragazza, o ch' ti pinsarà ti; acquì vui, e quìl ha da esser. Masnell s' strinzi in tl' spall es andó a cà, ch' l' era più mort che viv, es n' psi brisa dsnar. Sò mujer s' accors, ch' l'avè cvell pr la testa, ch' i deva nuja, e la i dmandò: cosa aviv mi mari? aviv fatt al bott con qualcun, o el vgnù al mess a truvav? o pür (ch' srè piz d'agn cosa) s' srè mai accuppà l'asù? nò, nò, nsuna d' sti coss, i arspos Masnell, mò l'è stà una luserta dal boja, ch' m' ha nuiss in st' affann; perchè la dis a sta maniera, ch' s' an i port dmattina la nostra ragazzetta più pzinna, la farà dl cos dall' altr mond; ora mi sta cosa m' dà tant al gran impazz, ch' av digh, ch' am prilla la testa, ch' al vá vj agn' cosa, mi n' sò a ch' partì am trarrò; da una banda a vui un gran ben a sta tosa, mò dall' altra pò a pens, ch' s' a psiss ancà mi arburdirm un poc arè accar, perchè la m ha prumiss, ch' la m' ajutarà, e mi son quì adess adess alla pison, es n' ho un quattrin pr la pesta; cosa oja da far? dam consii in st gran affann. Sò mujer arspos: pr mi i la darè, che diavl pol mai essr? dl volt anc' l'intravvin, ch' a truvaren' qualc furtuna, e perchè an la saven piar, la z scappa. Eh purtajla, ch' al par ch' al cor m' diga, ch' al srà cvell d' bon pr sta povra nida! Sti parol piassin a Masnell: e la mattina subit ch' fu livà al sol, al tols la pzinna pr man, es la purtò alla grotta. Al luserton steva lì aspttar; subit ch' la i vist, la saltò fora, es fi vder: la diss: oh guardá nmamj la bella fandsina! cmod ala nom? Masnell arspos: l' ha nom Rizzola al só servizi. La luserta la chiappò sù, e pò dl in man al pá un sacchett d' flipp, es diss: tù, addrovi da maridar quel j altr, perchè in quant a questa at assicur, ch' l' ha trovà la mamma: biada l'j; at imprumett, ch' l' ha cattà so lola ia gufflun' Quand Masnell av in man sti quattrin, an i pareva vera, es pianzeva dall' algrezza: al la ringraziò, es cors a cà da sò mujer tutt alligr a dari sta bona nova, e a mustrar i flipp, ch' i addruvonn una part pr dota d' quìl ragazzi,

e un' altra part i avanzò da mettr in cà quell, ch i bisu-  
gnava. La luserta pó subit ch' l' av la Rizzola in tl' man,  
(la qual luserta era una fada) la fi comparir lì un bellissim  
palazz, es i la miss dentr, e pò la cminzò allivar da dama:  
eh qua dama? da Regina; es l' aviss dmandà dal latt d' gal-  
lina, l' era sicura d' aveiral! L' aveva una tavla, ch' ai arè  
psù magnar qua s' vuja gran cavalir, l' andava vstù da prin-  
cipessa; l' j aveva cent danzell al sò cmand; in somma l' era  
trattà propri da signora; e pò avià in si fiocchi, ch la savè  
far l' riverenzi, e i cumpliment, e agn cosa, e in puc ann  
la dvintò granda, bella, ch' an s' pœva vder la più garba-  
ta zovna. Al purtò al cas, ch' una sira al Re andand a cac-  
cia, s' arradgò strà lì pr qui bosc, es n' saveva nè lù nè i  
servitur dov s' battè la testa pr aver allozz; i vistin da lun-  
tan un pò d' lum in s' una finestra d' st pallazz, es mandò  
un servitor a prgar quì, ch' stevvn lì, ch i fissn la curtsj d'  
torl in cà; quand al servitor fi st' imbassà, la fu la luser-  
ta, ch' l' arzvi, mo l' era dvintà in forma d' una bellissi-  
ma zovna; l' j arspos, dis: mò ch' al s' serva pur, m' am  
dspias, ch' an srà trattà cunform i sù merit, mò almanc al  
srà vlst vluntira, es i srà dal bon pan, e dal bon vin. Da  
lì a un poc l' arrivò al Re, es fu arzuu verament da par  
so; cent pagg i andonn incontra cou l' torz impres, ch' al  
parè, ch' i andasn a supplir un mort; altr cent purtavn l'  
vivand tutt pr ordn, ch' l' era la più bella cosa da vder,  
ch' an s' pse far d' più; altr cent sunavan, e tra quisti ai  
era anc chi cantava d' musica, in qual mez, ch' al Re zna-  
va: la Rizzola era l' j, ch i deva da bver, ma con una gra-  
zia, ch' al Re armas s' fort innamorà, ch' an trovava lugh.  
Quand fu finì la cenna, e ch' fu purtà vj la tvaja, e la taz-  
za dai bicchiir, al Re vols andar a lett, e la Rizzola i an-  
dò a tirar zò l' calzett, mò la feva quj fattizzin con tant  
garb, ch' lù lù . . . an sarè mai dir cosa, tant erl innamu-  
rà, e all' ora, all' ora al fi ehjamar la fada innanz ch' l' an-  
dass a lett, es i dmandò la Rizzola pr mujer. La fada ch'  
n' cercava s n' d' maridar sta ragazza in t' una bona cà, la  
diss: mò signor sì, sacra corona, ch' ai la darò, es farò  
quell, ch' a poss da para mj. La i di in dota sett milla scud  
d' or. La mattina subit ch' fu livà al Re, la i armnò li i  
quattrin in sla man, ch' al Re n' saveva dov s' star dall'

algrezza; e la camisa n i tucava con riverenza parland al msir; al chiappò sù la Rizzullina pr man, es la cunduss vj. Sta manigolda, quand la fù pr andar, la n s' vultò gnanc indrj a dir alla fada, at n in stò di gran benefizi, ch' la i aveva fatt, la n i diss niint, né baslaman a sgnernj, né ai son tant ubbligà; niint, quand s' dis niint. La lusesta s' av tant pr mal sta cosa, ch' dalla gran rabbia cosa filla lj: la i fi st' agurazz: la diss, t' possa vgnir al mustazz d' cavra; la pronunziò sti parol da pr lì, ch' la tosa n' sintì, e subit la Rizzola dvintò una cavra bella, e bona, mò sol in t al mustazz: as i slungò al mus, es i vign tant d' barba, a si strinzì l' massell, la pell dvintò dura, e l' trezz dvintonn dou corn, ch' an s' pseva vder l' più belli. Quand al Re vist sta figura, l' av a inspirtar dalla pora; es diss: nió cos è stà quest, mo l'era pur bella lj qustj, mò dov mò enl audà tutt' sti blezz? oja mò mì da esser mari d' una cavra? mì cert n in vui saver; al feva tutt sti discurs mentr, ch' i s'ardusevvn vers al só palazz. Quand i funn a casa, lù n' vols brisa, ch' l' audass in tl' sou stanzi, es la miss a cum-pagnj d' una dunzella in t' una cusina, es i di a tutt dou dis lir d' lìn da filar, digandi, ch' al vleva, ch' al fuss finì in qula stmana. La dunzella s' miss d' lung'h a inruccar la rocca, a filar, e far l' gavett, tant ch' al sabbat sira l' av finì ogn' cosa; niò la Rizzola crdeva d' pser far la sgnora, cmod la feva in cà dla fada, perchè la n s' èra miga lj gnardá in t' al specchi, ch' la n' capeva la rason, ch' aveva al Re d' andari d' bruse; ai vign stezza, e quand al Re i di tutt qui ramdj, la i buttò zò d' una finestra, (dis): oh adesso sì, ch' a vui mì filar, e quajo, s' al vol dl camis, al s n' ha da far lù, nió nó zá con al lìn, ch' a filarò mì, cosa: m' al tru-và in sl stnr? an son miga mi una serva, s' al la pinsass mai al Re, es ho purtà in cà sett milla scud d' or, an sò mó s' al sl' arcorda. Mò tant, e tant si ben, ch' la bacca-java, in t' agn mod quànd la vist, ch' la dunzella aveva filá al sò lìn al sabbat mattina, l' av però un pò d' scurizz, ch' al Re n l' arsintass, es andò al palazz dla fada a cunta-ri la sò dsgrazia. La fada l' abbrazzò con un gran amor, es i di un saec intir d' lìn munachin filá tant suttil, ch' la pa-reva bavella d' fulsell, es i diss: tolè fiola mj, dal mò a vostr mari, e purtav ben, e sià ben una donna da cà: al Re



s' algrarà a veder, ch' l' ha una mujer, ch' fila tant. La Rizzola, quand la i av sgarbì d' in man al fil, la n' diss gnanc at n' instò, es i vultò l' spall, es andò vi a cà dal Re, e la fada batteva fugh dalla rabbia. La dseva, guardà un poc, ch' ingratazza! al ho cavà d' in ti strazz, ai ho dà la dota, es i ho fatt insgnar d' agn cosa, ch' la mett l' man da pr tutt, e pò m' tratta a sta manira? cuslazza! Intant la Rizzola turnò a cà sò, es di al Re tutt al fil, e lù i di un can a lj, e un alla dunzella, es i diss, ch' al vleva, ch' i allivassn, e ch' i fissn vgnir inton. La dunzella cminzò a far agn mattina la supplina al sò, es al pitnava; la l' aveva avià a ussir dalla stanza agn volta, ch' al vlè far la pissa, al saveva dar la zampina, al cavava la scuffia d' in testa cm' as dsè, ch' s' aveva cald, al purtava la sporta, e in somma l' era un vas d' virtù, e sta zovna i vleva ben just cmod s' al fuss stà so fiol; mò la Rizzola zà al solit quand l' av al sò, e ch' al Re n' fu più li, la diss: oh guardà mò vù! cosa sonia dtintà, una cagnattira? catt d' dis: an vrè, ch' al Re m' fiss dir cvell mì: an sò s' al s' arcorda d' qula gnixa d' qu' sett milla scud d' or, e adess mò ai ho da pttnar i can, e conduri a cagar; mò dis: stà a veder cmod s' fa, e taff: tassa al can zò da una fuestra, ch' at imprumett, ch' al fu altr, che dir barba alla zè; al puvrìn andò in mill brisl. Quand fu passà n' sò quant mis, al Re fi saver, ch' al vleva i can; quand la Rizzola sintì sta piva, la s' cminzò a grattar; perchè s' ben, ch' la feva da brava, la n' feva però tutt qu' smargiassat an' quand al Re n' udeva. Quì n' savand, ch' parti s' piar, l' andò currand a cà dla fada, es trovò alla porta un vechìn, ch' era lù al purtunar, e s' era zà in cà anc al sò temp d' lj; quest i dmandò, chi la vleva? lj arpos: tn m' cgnuss più barba cavron? ah bon bon, arpos al vecch, oh questa m' pias! a son mì barba cavron, al lavezz crida drj alla padella, dis, tì t' i una cavrazza pr la tò superbia, e pr esser quasi argujanta, t' i merità quest, e altr, aspetta un pucchin, quia zovna, ch' adess adess at chiarirò, e t vdrà un poc dov t' ha arduitt al tò fum. L' andò in t' un stanziol a tor un specch, es al miss diinnanz al mustazz dla Rizzola: quand la povra ragazza s' vist, l' av a cascar morta dall' affann. Al vecch i diss; mò fiola mj av avevi da tgnir a ment, ch' a

eri una povra villana, e ch' a magnavi, quand ai n' avevi, dal pan d' furminton, e ch' la fada v' aveva ardudda a port, ch' ai eri dvintà Regina, e vù l' avj pagà d' sta bella muneida; qual di, ch' la sbursò la dota in man al Re, vù n i dsissi gnanc ubbligà al sou grazi, e pò tutta qula bella muviglia, ch' la v fì, ch' era fior d' robba, ch' gradiment i aviv mustrà? gnanc ditt una volta una parola, ch' apa garb d' ringraziament: adeas a sj mò li vù con un bell' mustazz d' cavra: oh tolè mò sù, av al psj mò sbatter in dond s' sol dir vù; mò però sintj, s' a vlissi far a mj mod, av insgnarè la strà, ch' a prissi turnar in grazia alla fada, mò vù n la vrj intender, ch' av parrà d' abbassarv tropp, mò fa a senn d' un matt, provà. Andà a trovar la fada, e travi in znocch dinanz, e dmandai perdunanza, dsend, ch' an al farj mai più, ch' lj pò è tant la bona pastona, ch' la s muvrà a cumpassion, es v' turnarà al vostr mustazz. Sti parol piasinn alla Rizzola, la fì quell, ch' i diss al vecchin, e pù d' zunta la basò anc la man alla fada, dmandandi mill scus. La fada l' abbrazzò, la la basò, e pò i accommodó al mustazz cmod l' avè alla prima, la i miss indoss una vesta, ch' steva in pj dal gran or, ch' i era tsù, es la fì viuntar in t' nna carozza squarchiosa accompagnà da una gran massa d' servitur, es andò sigh anca 'lj pr condurla dal Re, al qual n' steva in lo dall' algrezza a veder la so Rizzola, ch' era turnà bella. Al s' magnava l' man d' averla trattà sì mal, ai dmandò mill volt scusa, es i diss, ch' l' era stà qul' essri vgnù al mustazz d' cavra, ch' l' aveva fatt' esser quì crud con lj. Quì pò la Rizzola fu semper cuntenta, es ylè un gran ben a sò mari, es andava agn' mattina alla stanza dla fada (ch' era zà rstà lì da lj) a basari la man, e a interrogarla el' avè durmì ben la nott; a quel vecchin pó ch' i di qual bon consì, la i feva dar dal brod la mattina quand i n' avanzava; es imparó a sou spes, quant è mai da ludar chi è curtes.

## La Fola dla Cerva affadà.

**A**i era una volta un Re, ch' s' chiamava quell d' Pergola lunga: qnest aveva nom Zanon. St sgnor aveva un

gran desideri d'aver di fiù, es s'arcmandava semper a una statva d' Giov, ch' l'aveva in tla stanza, acciò ch'la i fiss grazia, ch'sò mujer fiss una volta un qualc ragazz; al s'arcmandava anc ai altr, ch' prgassn anca lor Giov, ch' i fiss st servizi, e pinsand d' pser uttgair più facilment la grazia, al s' miss a dar allozz a tutt i viandant, ch' passavn pr al sò regn, e anca lor pó l'ajutavn a andar rumpend al chittarin a Giov, prgandel, ch' vgniss alla lus un fiol. Mò quand fu passà un temp lungh, e ch' al Re vist, ch' l'ave lasi d'alluzzar, ch' lù n'aveva fiù, al diss: oh a son pur mi al bell matt a strassinar acqui al mj, lassa pur far a mi, da quì innanz an vgnarà gran fatt d' sti birb all'uss. Al steva all'erta, quand s'accustava quale un d' sti pilgrin pr aver ricovr, e lù da una fnestra i tirava con la balestra, es n i lassava vgnir. Ora mò al purtò al cas, ch' al passò un gran birbant, ch' n'saveva, ch' al Re n'vliss più dar allozz, o pur s'al le saveva, ai vleva remediari. Quest andò a truvà al Re prgandal a torl in cà, cmod l'era solit; al Re s'vultò con un zuff, ch' s'arè ligà con un cavzal, dsendi: oh st' n' ha altr moccl, t'andarà ben a lett al bur vè, an è più al temp, ch' Berta filava, an son miga più minchion; al birbant arspò: mò la causa mo? e al Re i cuntò, ch' lù aveva tolt a dar allozz a qustor, sperand, ch' Giov i fiss sta grazia d' sti ragazz, e quì, dis, con l'uccasion, ch' la m'è andà busa, av vui mandar al boja tutt quant a sj, perchè a far st mstr am i è andà al cott, e al crud, ch' ai ho impgnà agn cossa. Qual birbant i arspò: mo s'la n ha altr ch' la travaja, ch' la m'lassa pur far a mi; e chi s' ch' l'arà di fiù quì pr cà magari, tant in vlissla? Al Re arspò: oh s'at bast l'anm d'far ch' succeda sta cosa, mi t' d'ò parola d' dart la mità dal regn. Al birbant arspò, ch' am daga ben ment sacra corona; lù ha da far in mod, ch' una persona i porta al cor d'un dragh marin; quand l'ha st cor, al l'ha da far cusr da una, ch' sj putta, e ch' sj prumissa pr sposa; l'j vdrà, ch' sta ragazza subit, ch' la sintirà l'udor d' qual fum, ai vgnarà una panza grossa grossa, ch' la parrà d' nov mis; quand st cor srà cott, ch' al le daga da magnar alla Regina, ch' la dvinterà gravda. Mò cmod pò mai esser (diss al Re) ch' l' dventu mó quì gravdi? la m sà pur la gran mattiria. Al

birbant arspos : eh ai n'è stà degli altr ; a só mè d' una , ch' un dì quand la passava pr un prà vsin a dl ros, in t al fermars a sentir qu' udor , la fi subit un bell fandsin. Oh vj donca, arspos al Re, a vui, ch' just adess un d' sti omn vagha a truvà st cor dal dragon, ch' diav! sral ? a vui mò pruvà mè. Subit mandónn in vola tant i gran pscadur, e tanta zent, ch' finalment i trovónn un, ch' cantó al cor, es al purtónn al Re, lù al di a una putta d' quelli d' cort , ch' s' avè da spusar un d' quì di. Sta zovna s' srò in t' una stanza, la tols dou znis tant ch' l' impió un fass, e in s' qu' bras la i müss sù al cor. Tant quant al cminzó a fumar , ai vgn strett al bust, es dvintó grossa, e al perfinid l' eia gravda l j , tolè. Mò al mal n' sti mo quì : al dvintó gravd agn cosa , tutt quell, ch' era pr cà , tutt i mobil , e da lì a puc di i parturinn. La trabacca fi un trabacchin, al tavlin in fi un pzoìn pzoìn , al tulir fi un cuslìn, ch' n' era d' piú lunghin , la sgietta in fi una tant galantina, ch' an s' pseya vder d' mèi , e al cantr in fi un tant garbadin, ch' al feva vuja. Subit ch' fu cotti al cor , i finn dal guaz-zett , es al purtonn alla Regina in s' un piatt ; a questa ditt, e fatt ai vgn strett al bust ; e da lì a quattr di in tl' istessa ora l j , e gula dunzella finn un b-ll masch pron , es s' arvisavn sì fort insem, ch' an i era dubbi a cgnossri un dall' altr. I funn allivà insem , es s' vlevn fra d' lor tant al gran ben, ch' in pseyn star lontan un dall' altr gnanc un mument ; s' amor, ch' i s' ayeyn era tant grand, ch' la Regia cminzó avern gelosi , perohè sò fiol cercava sol d' star in cum-pagnj d' qu' altr , ch' era fiol d' una sò serya, es inustrava dn' s' incurar gran fatt d' l j . La s miss in testa d' strulgar al nod d' cavars d' in ti ucch al fiol dla dunzella. Un dì ch' al prencip sò fiol vleva andar a cazza con al cumpago, innanz d' andar vj , al fi impiar dal fugh in tla s'auzia, es cminzonn tutt dū a dsffar dal piomb pr vder quel mattiri, e quì zuglin, ch' ygnevn da qual piomb dsfatt ; ai mancava un fass, perchè i vlevn far dl' altr fugh, al prencip andò lù in s' al granar a torel, e iu st mentr arrivò là Regina, ch' vist al fiol dla dunzella, ch' era lì da pr lù ( al qual aveva nom Candlor ) ai vgn in pinsir d' fari qualch schiurz pr livarel dal mond, es chiappò camminand la paletta , ch' era infughintà , es i la batti vers al mustazz , mò lu quand

al vist sta cosa, al s'abbassò un poc con la testa, tant ch' la n i psi cujir sn vers una zija, mò la i fi però un brutt segn, es vleva seguitar a danzaral, mò la siotì arrivar Fonz, ch' era mò sò flòl d' l'j, ch' avè st nom, es lassò quai; la si accustò quand l' av miss zò al fass, es diss, ch' l' era vgnù li pr veder cosa al feva; la i fi d'ù simittun dsivd dsivd, e pò andò vj. Quand Candlor av arzvù st bell regall, al s' calcò al capell in sla front pr cruvr la magagna dla scùttadura tant ch' Fonz n' sn' addiss, perchè al s' srev po afflit, mò al crppava dal gran mal, ch' i feva la botta d' fugh; pur al se sfurzò; e quand l' av finì d' far qu' chimir con qual piomb, al s' tols licenza dal prencip; dsend, ch' al vleva andar vj pr al mond. Fonz arinas tant innuccà a sintir sta cosa, ch' an sav cosa s' pinsar, es i dmandò: mò d' algrezza d' che vliv mò andà? Candlor ar- spos: n' cercà altr; e savà sol, ch' a vagh perchè a son sfurzà a far quest, e savà ai vagh ben mal vluntira vdi, perchè av vù tant al gran ben, ch' a sent propri cm' av srò luntan, ch' an arò più quiet; avam in memoria, e ar- curdav dl' amor, ch' az sen avù. Dop quest is abbrazzonn pianzand tutt d'ù; ch' i muvevn a cumpassion. Candlor andò pò in tla sò stanza, es tols un' armadura, e una spada; ch' era nada da un' altra qual di, ch' tutta la robba fi fiù, es s' armò tutt, e pò andò a tor un cavall d' in tla stalla. Quand al fu li, ch' al vleva metter i pj in tla staffa, ai arrivò li Fonz, ch' pianzeva, e ch' i diss; mò zà ch' am vlj abbandunar, lassam quale arcord dal vòstr amor, tant ch' am la passa un poc. Candlor aveva zà, cmod ai ho d'itt, l'armadura indoss, es aveva a gallon un' pugnai; as al livò dal fianc, es al piantò in terra drùt, e d'li i ussì una bella fontana. Al diss: vdi prencip, quest è la più gran memoria, ch' av possa lassar; dalla maniera, ch' currà sta fontana, a sarì cmod v' i fatt mj: s' la srà chiara, e tran- quilla, al srà segn, ch' a son cuntent, s' la srà torbda, l' è segn, ch' arò di guai, es la srà secca, ch' al cil n' al vùja, l' è al segn dla mj mort; e pò s' cavò la spada, es la battì in terra; li i nassì una brocca d' usmarin. Candlor seguitò: dis, cin' l' usmarin srà verd, mi starò ben, cm' al srà pass, an i srà miraquì, es al dventa secc dal tutt, l' è dà l' uli- va, ch' a son andà dal corp. Quand l' av finì sta zanzada,

i s' turnonn abbrazzar, e lu s' miss in viaz; e cammina, e cammina. In t' andar pr al mond ai intravvign vari coss, ch' mi n' starò a cuntar, perchè an l' só pó gnanc. A só, ch' l' arrivò alla città d' Longa Pergolana, in temp ch' s' aveva da far una bèlla giostra, es aveva da tuccar pr mujer la fiola d' qual Re a quell, ch' vinziss la giostra. Candlor andò anca lù tra quj, ch' avevn da giustrar, es i la fi vder in candela, ch' al vins lù, es fi armagnr con tant d' nas tutt qui cavalir, ch' ern vgnù d' inzà, e in là pr al mond; e quì ai fu dà pr mujer la fiola dal Re, ch' aveva nom Fenizia, es finn un gran star alligrement. La sira sempr s' feva trebb, es zugaven a raffa, e a prit, e chiergh, e agn' cosa andò ben pr n' só quant mis. Al vign pò vuja dop st' temp a Candlor d' andar a cazza, ès cuntò st' só pinsir al Re, al qual i arspos: oh nò vdì, ch' al diavl n' ev tintass a far sta cosa, perchè ai è quì drj a sti bosc l' om salvadgh, ch' agn di v' piand la figura d' qui animal, ch' i par a lù, ora d' lov, ora d' lion, ora d' cerv, ora d' asn, ora d' quest, ora d' quell, e con sta finzion al i acchiappà la zent, ch' v' a cazza; lù pò i ficca in t' un sfundrion, quand a gli ha tirà alla tajola, es i tlan li fin ch' è ora, ch' al si magna, sicchè mi v' torn a dir, ch' an stadi a far sta matiria, ch' ai lassarj la pell. Candlor, ch' n' avè pora d' fum d' lasagn, n' badò brisa a quell, ch' i dseva sò mssir, e la mattina ben a bunora al s' n' andò vers un bosch dov i era just d' mala fortuna l' om salvadgh, al qual vdend vgnir st zovn da luntan, al s' fi in forma d' una bella cerva. Quand Candlor la vist, ai cminzò a correr dri, e la cerva innanz, e lù dri, tant ch' la l' arduss in t' al mezz dal bosc, e pò fi vgnir tanta nev, e tanta timpesta, ch' al pareva, ch' l' cil cascass. Candlor s' trovò dinnanz alla grotta dov steva l' om salvadgh, es s' ficcò li denter pr n' s' bagnar, l' aveva pò un fredd, ch' l' inspirtava, al tols un pzzulin d' legna, ch' al trovò la dentr, e con al batt fugh, ch' l' aveva in bissacca, e d' sticc, ch' ai miss sotta, l' impió al fugh, es fi tantara con una bona sfiammarata, es s' andava sugand i pagn. In st' mentr al vign alla bocca dla grotta la cerva, es parlò dsend: qual signor m' farel mai la carità d' lassarm vgnir quì dentr, perchè a son morta dal fredd? Candlor s' maravjò alla prima a sintir, ch' la cerva parlava, mó al

diss pó in eor só : ah : l' dinn far aquì quelli d' sti pais ; al si vultò tutt curtes , cmod l' era solit , dis , mó si ben : vgnj pur denter , povra bstiola ; a vign nil , i arspòs la cerva , mó ai ho pora , ch' an m' ammazà po : nó nó nt' dubitar , i arspòs Candlor , vin pur sovra la mj parola. La cerva turnó a replicar : mó s' al vol , ch' a vigna , a vui , ch' al liga i can mì , ch' i n m' mursgassn , e anc al cavall , ch' an m' diss di calz ; e Candlor ligò i can , e al cavall'. All' ora la cerva diss : oh adess a stò mo quieta un poc , mó però s' an liga anc la spada , mì n' vign dentr pr dis bacc abbaccà . Candlor , ch' aveva un gran gust d' smesdgar sta bistia , ligò anc la spada , es la miss in là arpiattà , cmod fa quì , ch' àn pora , ch' i sbìr n i trovvn in ca gli arm. Quand l' om salvadgh , ( ch' era zà lù sta cerva ) vist Candlor senza nssuna dfesa : al turnó a dvintar om salvadgh , es l' aggranfló ; ai ligò una corda a travers , e pò al mandò zò in t' una fossa , ch' era in fond alla grotta , es i miss addoss una gran preda , perchè an s' palss più movr fin ch' an l' andava a tor pr magnarsel. Instant mó Fonz , ch' andava a visitar agn matìna , e agn sira l' usmarin , e la funtana , al trovó la funtana torbda , e l' usmarin pass ; subit al fi i sù cunt , ch' Candlor avìss di guai , es diss : o car al mi Candlor , at vji ben vgnir ajutar vè , oh lassa pur far a mì . e senza dinandar licenza nè al signor padr , nè alla signora madr , al s' miss a cavall , es s' armó tutt d' ferr , al tols sigh du can affadà , es andó vj pr al mond senza saver dov. Al ziró tant d' zà , e d' là , ch' l' arrivó a Longa Pergolana , es sintì , ch' tutt l' campan sunavvn da mort pr Candlor , ch' s' erdeva zà fora dal mond. Quand Fonz arrivò , tutt al tolsen pr quest , ch' s' erdeva zà mort , perchè , cmod a diss alla prima , i ern similissm. Ai fu chi cors a dar la nova alla sposa pr aver la manza. La puvretta , quand l' udì sta nova , la s' av a ruzzlar zó pr l' scal , ch' an i era mai d' avvis d' vderl. Quand la i fu vsin , la si trè al coll digand : mò dov siv stà al mj ben ? daj sù al mj car mari , dov avviv abità tutt st temp ? Fonz s' inmazinó , ch' lì i fuss donca stà Candlor , e ch' allora al fuss zà pers , al fi pinsir d' prubar s' al psè dscruvr paes quì sott' acqua , e tant andó drì con maniera dscalzand la principessa , ch' al capì da ra a ron agn' cosa , e ch' l' era stà qì a rualanaza cazza la só arvipa. Lù dubitò , ch'

al fuss mort infallibilment, mó al tasi pr n s'dscrivr lù, zà ch'al cgnusseva, ch'i al tulevn pr qu'altr. La nott, quand l'andó a lett con la sposa, al fi vista d'aver mal in t' al corp, es diss, ch' an avè bisogn d'chiaccar, es miss la spada d' sopra dal cvert in mezz al lett, dsend alla signora, ch' al feva perché l' cvert n'al tuccassn, e ch' l' era pr quell, ch' ai metteva qula trammieza. La mattina seguent all' alba lù diss, ch' al vleva andar a cazza, e ch' in i stissan mó a dar d' nas com s' sol dir. La sposa s i cminzó a arcmandar, e al Re bravava, c' al pasè, ch' vgniss zó la cà; mó al fu tutt un. Al s' miss a cavall con i can affadà, es andó al bosc dov i intravvign tutt qu' cos, ch' ern intravgnù a Candlor, e quand al passò lì dalla grotta. l' arvisò gli arm, i can, e al cavall, ch' ern là ligà; al diss in cor so: certo Candlor è quì. La cerva i diss cmod l' aveva ditt a qu' altr, ch' al ligass gli arm, i can e al caval. Fonz in scambi d' ligari, al gli ammulò addoss tutt sti bisti, ch' i in finn fass e fassulin, ch' an fu mai più om salvadg ai sù dl. Fonz era pó quì, es vleva saver nova d' Candlor. D' fortuna al sinti la sò vos zò in t al foss, ch' al dscurreva con di altr, ch' ern anca lor in conversazion aspttand d' essr magnà dall' om salvadgh, ch' ai tgneva lì a ingrassari. Fonz i cavò fora tutt. Av psj imazinar, ch' algrezza i avvn, e massm Candlor, e Fonz a turnars a vder. I andonn tutt dú a palazz dalla sposa d' Candlor. Lj era pó intrigà ch' la n saveva più qua s' fuss sò marì vdandì tutt dù insem dal gran arvisars. Candlor pó i mustrò al segn d' fugh ch' l' aveva in tla front, e a qula manira la cgnussì qua era al bon. Fonz sti po lì da lor un mes, ch' ij dinn tutt quant i spass, ch' s i psinn mai dar. Al vols po turnar a casa, e Candlor i di una littra da purtar a sò madr, dov ai dseva, ch' l' andass a star lj da lù. Lj i andó, e mai più s' è savù, ch' a lu i turnass vuja d' andar a cazza, perché al s' tign a ment qual pruverbi, ch' dis: l' è un gran mal castigare a propri spès.



## La Fola dla Vecchia scurtgà.

Al stevn artirà dentr in t' un zardin dou vecchi, cioè, gli abitavn in t' una casuppla, ch'era in st zardin, dentr a st sit ai guardava una fazzà dal palazz dal Re d' Rocca forta. Sti dou vecchi ern l' più brutt figur, ch' s' füss mai vïst al mond; gli avevn l' zii grossi com' è un cavicch; la front tutta crespà, e brgnuquolosa, i palpidr d' i ucch sempr pin d' arcotta, i ucch stralunà, al mustazz stort, una buccazza, ch' i arrivava da nn' urecchia all' altra, con la barba, al stomgh tutt plos, l' spall avvincà, l' brazz, e l gamb fatt a cavriol. Sti puvretti, ch' cgnussevn quant dffett gli avevn, stevn sempr arpiattà in cà pr pora dn' esser vïst, massm pò da quì dla cort, ch' l savevn, ch' zaqulin i in pr dar la quadra. Ma con tutt ch' n s lassavn vder, l s fevn dir perchè gli ern tant nujosi, ch' gli avevn sempr cvell da brunìlar, ora dseven, ch' un zesmin d' qui vas dal Re era cascà zò, e ch' in t al dari in sla testa al gli avè fatt una brgnucula, ora ch' una littra strazzà, ch' era stà tratta zò, i aveva nizzà una spalla, ora ch' un pó d' polvr i era andà zò pr la gola, e ch' n' psevn più tragondr; in somma agn di ai era qualch scena nova da lanintars; tant ch' al Re sintend sti gran delicatezz, argumentò, ch' fussn cuslin tant zintil ( perchè zà lù ne gli avè mai vïst ), e ch' l' fussn tant belli. ( s la blezza avè da corrispondr a sti gran simitun ), ch' ai vïgn vuja d' prubar s' al li pseva vder. Al cminzò agn di cm' l' avè dsnà, a spaszar ionnaz, e indrj pr un curdur ch' i era indrìtt, a sburgars, e trar di suspir, ch' aren' passa l' murai, e pò in ultim a parlar. Al cminzò a dir: dov stav mai arpiattà l' mi belli zoi? vgnì fora: vgnin', ch' a posça almanc vder al mustazzin; a dsj pur esser belli, n' è vera? Al dsè dl cos in st' andar, mò a in pseva dir quant al vleva, ch' l' vecchi tgnevn dur, es n' vlen brisa dar fora. Sta gran sudezza fava cressr la vuja al Re ch' al tgnè verament suspttà, ch' l' fussn belli; an s' pers d' ann, quì al seguitò a far, agn' di tutt sti sburgamint, e sti suspir, tant ch' l' vecchi, sburga ancù, e sburga dman, e dai e dai, finalment l s' arresn, es pinsonn, ch' l' era una gran mattiria a perdr un' uccasion sì fatta quand gli avïssn psù

minchiunaral. Un dì, ch' al Re era là sù a fari la solita preghiera, ch' l' s' lassassn mò vder, gli diassn dalla fessa dl' uss con una vuslina suttila, suttila, ch' al più gran favor, ch' gli avissn pussù far, srè stà da lì a ott di d' mustrarì sol un did d' una man. Al Re, ch' s' intindeva d' sti cos, saltò tant alt, perchè al diss lù: eh! as cmenza prima dal did, e pò al brazz, e pò alla spalla, e vá pur là; bon bon, dis, a farò com dis al praverbi: tù, e pò dinanda: e quì l' arma: d' accord d' là sù d' in s al curdur, ch' fra ott di al srè andà lì zò alla cà, e ch' lor i areu' mustrà un did. Intant sti vecchi n' finn altr in sti ott di, che andar sgu-rand st did tut dou, es ern armas d' accord, che chi l' avè più liss, quella l' arè mustrà. Al Re andava cuntand i di, ch' un' ora i parè cent ann. In malora: al vign qual di, lù andò zò in tal zardin, es battì all' uss, dis, a son quì. La più vecchia aveva conclus, ch' l' era più liss al sò, ch' n' era quell d' so surella, e quì la l miss fora pr bus dla chiavadura. St did mò, s' av cuntintà, feva tant la bella figura, ch' al Re dvintò innamorà mort lù, tulè: ai cmin-zò a far sovra di discurs, e degli espression amuros, ch' l' era una blezza a udiral. Al si arcmandava dsend: mò ch' la sta-ga a udir, cosa i el mió a l; zà ch' la m ha mostr al did, a mustrarim anc la man? oh zò ben mò, i fatt simittun, la n sà, ch' a son al Re, e ch' a poss far, e dsfar? e ch' s' la n' al farà pr amor, ai al poss far far pr forza. La vecchia, ch' saveva quant para fan trì bù, la vols prima vder, ch' al fuss cott, e pò da lì a un pezz l' arspos con una vusletta suttila, dis, sacra corona, l' fatt cos, ch' al dis, m' parn inat-tirì mi, ai son tant ubbligà, ch' mi n' sarè cosa m' dir: al Re arspos: mó a vui, ch' la sippa mi mjer vedla; la vecchia diss: mò a srò mi zà ch' al cmanda aquì, cosa oja da dir? basta sol, ch' am fazza una grazia: a vui, ch' pr segn dl' amor, ch' al dis d' avrem, ch' al fazza in mod, ch' quand a vign in tla so stanza, e lì dal leit, ch' an i sippa brisa lun, perchè am tem mò d' esser vista da un' om cm' a srò dspujà. Al Re, ch' ai bastava d' arrivar averla, arè fatt d' agn cosa, ai prumiss d' sì, d' sì, ch' ben e vluntira la srè ubbidì, es andò vj tutt alligr, basand quì l' uss dov l' avè par-là alla vecchia, es n' vde l' ora, ch' fuss sira. La vecchia mò in st mentr era tutta intrigà, perchè la cgnusseva ben

anca l'j cmod l'era mai crespà, es era tant passa, ch' ai cas-  
cava zò la carn, ch' la s svintlava. Sò surella i deva man  
accummudar sta carn; i in chiappavn di pzigutt, es la ligavn  
con di chiappitt tant ch' la n cascass quì zò da tutt i là; mò  
as pò credr, ch' bella figura la feva. Finalment quand fu ora,  
al v'ign un camarir al bur, es chiappò la vecchia pr man,  
es andonn quì a tastun là dal Re, al qual era là a lett as-  
pittar la vecchia, ch' lù stimava, ch' fuss zovna. Quand la fu  
lì, la trè in terra la sò stanlazza, e al sò bustizzazz, es mün-  
tò a lett. Al Re mò pr esser ben anca lù attilà, al s' era dà  
l' oli d' zesmin, e la polvr d' cipri, ch' al saveva d' mill  
udur, e manc mal, perchè quì ammurtonn la puzza, ch' nna-  
va la vecchia dalla bocca, dai pì, dal lasin', e in somma da  
tutt i cù. Quand al Re cminzò a sentir tutt sti chiappitt,  
l' armas cm' una statva, es n' saveva cosa s' dir; mó al stì  
aspttar, ch' la vecchia runfass, e pò tols al batt fugh, ch'  
l' aveva lì dal lett, es impres la lum, ch' al la vols vder a  
sò mod; quand al v'ist qula brutta strija, ai v'ign al diavl at-  
torn; al pinsò subit d' vlerla ammazzar; mò al diss: l'è mli,  
ch' a chiama i mi servitur. Al cminzò a sbattr tutt i uss, e  
a gridar: siv l'ì? eh dov siv? tant ch' i saltonn tutt fora in  
camisa, es v'ign n' a vder cosa era st burdell. Al Re i diss:  
vdiv la bella fetta cm' è tuccà? guardà la brutta lova, oh  
quest è un beccunzin da Re! mò, dis, e savj s' l' ha fatt al  
pccà, la farà ben anc la penitenza vdi, perchè l'j m' aveva  
da dir liberament, ch' l'era vecchia, e n m i acchiappar a  
sta manira: razza storta! sù, ch' la s' tuga just adess da quel  
lett a quì bella, e dspujà, e ch' la s' tassa zò dalla fnestra:  
sù cavt d' quì, e cmenza ben a purtar vj la puzza, fattla, e  
pensa ben, ch' at la fazz a bon mercà, s' an te tratt pizz.  
La vecchia, ch' s' era zá dsdà, cmod s' pò credr, cminzò  
a dar di calz, e di pugn a quì servitur, ch' la vlevn chiap-  
par sù, es i mursgava, es tgnè d'itt: oh questa è bella! mó  
chi l' ha fatt vgnir lù al mi uss? oja d'itt m' ch' al m' v'ì-  
gna a far tutt quì smorfì? l'è pur stà lù, ch' m' ha tirà quì,  
guarda mó al gran mal, ch' ai ho fatt, perchè an i ho cont,  
ch' a son vecchia; mò ch' al s'ènta: mai guai a qula cà, ch'  
d' vecch n' sà. Eh! i in quì lor sti zuvnazz, i vren dl pa-  
rigin' con al p'irrucchin, e al pattanler, e ben brlicchi; mi  
mò, ch' vagh lá alla bona, ai ho avù sta bella fortuna. Mò

i servitur la lassion gracchiar, es la pionn d' peis, e taff zó a rompicoll dalla fnestra ch' guardava in t un zardin. Lafù mò la só furtuna ch'la n precipitò zò a fiacc, perchè l' armas attaccà pr qui splaccar d' cavi a un' alber d' figh. Al purtò mò al cas, ch' al passò pr d' lì la mattina a bu-nora dl fad, perchè l'era un zardin d' passagg; sti donn parev d' una malinconj grandissima, a segn, ch' nssun s' arcurdava d' averl mai vist ridr. Questi vdend qual spindai attaccà al albr, e qela figura quai ridiculosa, l' s' müssn a ridr d' un gust quai grand, che gli avvn a crppar, ch' n pssevn più aver al fià; l' s' dsevn fra lor: guarda! qustj z' ha fatt ridr; cosa ch' n' ha psù far tant duttur, ch' z' in stà attorn, mò bisogna ch' ai pagamn st spass, ch' la z' ha dà. Una diss, mi i dagh la mi fadazion, ch' la dventa zovua, e bella bellissima; e qu' altra, e mi, dis, ch' la dventa virtuosa tant, ch' l' sou man savn far tutt quell, ch' lj vrà, e pò, ch' la sava trattar tant ben, ch' la para nada nobil; e l' ultma diss: (perchè gli ern zá trei) a vui, ch' la sì la più fortunà donna, e la più vlù ben, ch' sia mai stà al mond. Quand gli avvn dà sti agurazz, gli andonn a far i fatt sù. La vecchia subit ditt e fatt s' trovò a sedr in s' una cariga d' vlud con la franza d' œ, e l' albr era dvintà un baldachin d' vlud verd con al fond d' or, al mustazz era cmod è quell d' una ragazz a d' quinds ann, mò d' una biezza, ch' n s' prè mai descrivr; tutt quelli, ch' allora avvevn nom d' essr belli parevn strazz; l' era pò cunzá quai ben, ch' an j' è dunzella al mond, ch' in saviss far altrtant, la tralluccava da tutt i cù pr l' gran zoi, e al gran or, ch' l' avè in sì pagn, e pr i spillun, \*ch' l' avè in testa; l' avè pò attorn tant servitur, e dunzell, ch' fevvu a gara a servirla, chi drì alla cò, chi a sfrgarla; insomma la in insteva a una Regina. In st mentr mò al Re ai vegn' curiosità d' vder dalla fnestra d' ch' era dvintà dla vecchia; al s' miss l' pianell in pì, es s' avvluppò in tla everta, e pò smuntò zó dal lett, es s' affazzò alla fnestra. Quand al vist sta cosa, l' armas con la bocca averta, inuccà, ch' al parè un stlon. L' andava guardand dalla testa fin ai pì a sta bella fiola; ora guardava ai cavj, ora contimplava i ucch, ora l' spall, e insomma da un cò all' altr. Al tgnè ditt: mò lassa ben, ch' am sfrega i ucch: dormia, o sonja desd? sonja imbriaigh? mò cosa è quest? ch' diav! d' dov è nad sta

bella cosa? cmod èlla vgnù li? quand ai n' av ditt, e ditt, al cors camminand alla scala, ch' al s' av a ruzzlar zò a cò fitt; es cors in t' al zardin dinnanz alla vecchia arzuuvù, ai fì una riverenza, ch' al battì squas al mssir pr' terra, es i diss: mò al mj bell mustazzln cmod siv dvintà sù fatta? a son pur innamurà mattament, avàm cumpassion, dàm almanc dl bon' parol. La vecchia steva pò quì mezza in sla só, mò ai vgn pò tanta pora, ch' n i scappas al partì, ch' la s arès, es l' azztò pr mari; la s livò sù, lù la pres pr man, e pò mandò a tor una purtantina da cundurla sù pr l' scal, es andonn tutt dū insen al palazz. Quand li fù smuntà d' purtantina, l' era preparà un dsnar . . . mò e ch' dsner! Al Re mandò a invidar tutt l' signori, e la sposa vols, ch' vgniss anc sò surella, ch' era za, cmod s' diss alla prima, la più gran spurchizia, ch' andass in s' dū pì; a trovarla pò qustj, ai vols i savi, e i niatt, ch' la s era andà a intanabuser pr n' vgnir. Basta quand al cil vols la s' accattò, es la missn a tavla vsin a sò surella, ch' l' n la cgnusseva più, es n vlè credr pr nssun mod, ch' la fuss l'j. I s missn a mgnar, mò nò za la vecchia, ch' n psi mai magnar un becon, ch' la rabbia la ruscava, a vder cmod era mò dvintà sù bella st'altra, ch' era pò verament sò surella, e l'j s' cgnosseva d' esser anc quì brutta. Agn bris la tirava la sposa pr una mandga dmandandi: mò cmod at fatt? cmod at fatt? oh biada tìl ch' t' ha trovà al remedi. La sposa i arspundeva sutta sutta: eh! attend mò a magnar, ch' at' al cuntarò pò: Al Re i dmandava cosa la dsè, e s' l' avè bisogn d' cvell; la sposa i arspundeva: eh signor nò? l' è, ch' ai è vgnù vuja d' un pò d' pulent, e al Re subit iijn fì far, e s i fì purtar di pir secc, dla favetta, e del frittell pr aguzzari l' apptit; mò pinsà vù, l' era tuttun, la n pseva magnar; e quì turnava a tirar sò surella pr la stanella, es i turnava a dmandar; mò e quì cmod at fatt? la sposa i arspundeva: zit mò, ch' ai è dal temp da dscorrerla. Al Re turnava a interrogar cosa la dseva, e la sposa insfilzava qualch busj, mò l' era pò intrigà. La i d' pò ad intendr, ch' l' avè vuja d' cvel d' dolz, e al Re fì far di castagnazz, e s' i fì cusr una pgnatta d' marun; mò aibò: in fevvn un prò al mond alta vecchia, ch' turnò a tirar sò surella, alla qual i vgn tauta la gran rabbia, ch' la i arspos: oh t m' ha pur mò tant rott com' sol dir! vut

saver cosa am son fatt? am son fatta scurttgär. Quand la vecchia udi quai, la diss in cor sò: oh lassa pur! tn' l' ha miga ditt a un sord vè, anca mi son pò d' carn, es son ubbligà a inzgnarm; oh a vui ben pò vder cmod l' ha d' aver nom! Quand l' av fatt sti cunt, e ch' fu tirà vj la tvaja, la fi vista d' aver frezza d' andar a cà pr cvel, ch' impurtass, es andò d' lungli da un barbir, es i diss: mi ho quai cinquant ducatun, cminzà a scurtgarin dalla testa fin ai pi, e n' stà a cercar altr. Al barbir i arspos: andà fiola m j, andà in ti midicant, ch' av insignarò mi la strà s' an la savj, perchè vù sj zà bella e matta. La vecchia argujanta i arspos: mo t' i ti, ch' t i un matt, ch' tn cgnos la tò furtuna, perchè at mantign, ch' s' am vā ben una cosa, a i srà altr che cinquanta ducatun, ora mi n' digh altr pr adess: sù sù pur cuncludila, sù mittj man ai fir, e n prdj temp, ch' biad vù s la cosa vā ben. Quand al barbir avv raggagnà un gran pezz, e ch' al gli avv turnà a dir n' sò quant volt, ch' l' era matta, in ultim al fi cmod dis al pruverbi: liga t' asu dov vol al patron; al la fi sedr in s' una scranna, e pò cminzò a razzar vj qula piazza quai negra, es cminzò a spissinar zó tutt al sangu, e lj steva dura, es andava digand: mò chi vol dvintar bell, bsò, ch' s' fazza razzar vj tutt la pell: e al barbir tirava innanz al fatt só, e lj s' arrauzinava tutta, es andava replicand: mò chi vol dvintar bell, bsò, ch' s' fazza razzar vj tutta la pell; quai andonn dri tutt dū, lū razzand, e li zanzand fin ch' la scurdgadura arrivò al bliguel; quand la fu lì, la vecchia fi l' ultma . . . . con riverenza parlando, es fi cgnosr, ch' al mstir dl' invidios, n' è nilqt' affatt gustos.

## La Fola dla Prassulina.

Ai era una volta una donna gravda, ch' aveva nom Psadozza; questa aveva una dl sou fnestr, ch' guardava in t' un ort, ch' era d' una donna salvadga; in st' ort ai era tant al bell quadern d' prassù, ch' propri i fevvn vgnir vuja d' magnari. Sta donna gravda, cmod fa tutt qualli, ch' in in qual stat, a i n' era vgnù vuja, perchè zà as usa, ch' ai vln desideri d' quell, ch' l' veddn. Ora, cmod a digh, alla

Pscadozza a i n'era vgnù tanta vuja, ch'la s'sinteva murir s la n in magnava. Cosa filla l'j? la stì aducchià quand la donna salvadga andò fora d'cà, e pò appunzò una scala alla fuestra, es andò zò in tl'ort, es s in fi una gran panzà. Quand la donna vgn a cà, innanz dsnar l'andò in t'l'ort per cuil di prassù, ch'la vleva far dal savor verd da bagnari dentr dl lumagh, es vist, ch'ai era stà attorn dla zent; ai vign tanta la gran rabbia addoss, perchè l'era un diavl d'femmina, ch'di n in guarda, es diss: m' possa esser rott l'oss dal coll, s'an fazz una frittella d'qulù, o d'qulj, ch' m' vinin attorn a i prassù; lassa pur far a mè, ai vui ben mè insgnar d' magnar a cà sò, s' i an vuja d' prassù. Mò la povra Pscadozza andava drì agn di fagand sta musica d' andar a rubbar, tant ch' una mattina la donna salvadga i l'acchiappò. La s i trì addoss cm' fa un sbirr, quand al vol piar un, ch' sia un pezz, ch'ai corra drì; l'era arrabbià com' un can, la diss: ah! at i ho acchiappà ladra dal boja; cosa? paglit tì la pison d' st' ort? cos'è st vgnir a rubbar i prassù a cà di altr? mò tn' l' ha mèga fatta a un'oca vè. La povra Pscadozza i andava digand, ch'la i prdunass, ch' l'era sta cava l'esser gravda, e la pora, ch' l'aveva avù dn far di prassù in s' al mustazz alla criatura, e ch' al diavl l'aveva tintà, mò ch' la n l'arè mai più fatt. Oss: arapos la donna salvadga, mè n' ho bisogn d' sti chiacciar: t' i bella e morta, s' tn imprumett d' darm qual ragazz, o ragazza, ch' t' vù far. La povra Pscadozza, ch' era lì tra l' fore, e al pont d' ren pr la gran pora, ch' l'aveva dn' esser ammazzá, la i zurò, ch' la i la darè, e quasi la donna salvadga la lassò andar. Intant al vign al di, ch' la Pscadozza fi fiù, es fi la più bella fandsina, ch' avissi mai vlù vder; questa aveva una bella brocca d' prassù in mezz al stomgh, e pr quest ij missn nom Prassulina. Sta tusetta crsava a guardari. Quand l' av cumpl i sett ann, la mamma la cminzò a mandar dalla mestra a imparar i scffun, e agn volta, ch' l' andava a scola, la donna salvadga, ch' steva zà lì a mur, i dseva: an cuslina di ben alla mamma, ch' s'arcorda d' quell, ch' la m ha prumiss. La tosa al dsè sempr a sò madr, ch' la s stuffava, tant, ch' un di, ch' l'aveva su i chiù, e ch' vign a cà la ragazza con la solita pertanteigula, la i arapos tutta instizz: tin' ha mò tant rott la divuzion. . . sat ch'

t' fa: la prima volta, ch' la tal diè più, e ti arspondi, ch' ai hò ditt, ch' la s la tuga. La povra Prassulina, ch' n' sa-  
veva cosa aviss po da intravvgnir, la prima volta, ch' la  
donna i di la solita incumbenza, li arspos subit: la mamma  
dis, ch' av la tuladi. Subit, ch' la donna salvadga sintì sta  
cosa, la n i miss sù nè oli, nè sal, es la chiappò sò pr i  
cavj, e pò la purtò in t' un bosc lontan lontan, ch' an s i  
vdeva mai al sol. La fi naassr li in qual sit una torr, es i la  
miss dentr; pr intrari; an i era nè uss, nè scal, mò sol un  
fnstrin pznin, mò pznin la sù in cimma, e d' lì s i intrava;  
sol la donna salvadga l' addruvava, perchè l' j era sol quella,  
ch' intrava, e ch' usseva; la s feva mandar zò con l' trezz  
dla Prassulina, ch' aveva una testa d' cavj, ch' n s' vdrà più  
i cumpagu; trezz longh dou brazza, e pò biund just com' è  
l' or; con st' istessa manira la s feva tirar sù quand la vgne-  
va a cà, e la povra Prassulina steva sempr li asrrà. Al pur-  
tò al cas, ch' un di, quand la donna salvadga era fora d' cà,  
ch' la Prassulina s' putnava qui bi cavj all' occh del sol attes  
a qual fnstrin, al sol deva sù in qui bi cavj, ch' la i avè tutt  
sparguja con l' trezz dsfatt, ch' ai feva luser, ch' al pareva  
or. Al passò pr d' lì un fiol d' un precip, ch' s' era inean-  
tà a guardar a qual fnstrin dov s i vdeva st gran lusor; al-  
la prima l' armas maravjà a vder la blezza d' qui cavj, mò  
al sè stupì ben pó molt più quand al vist al gran bell mu-  
stazz, th' era patron d' qui cavj, l' armas subitt cott dal gran  
amor. Al cminzò a sospirar, e pò turnò a dar l' volt qu' l'  
altr di, e dalli oz, e dalli dnan, tant' ch' la Prassulina cmin-  
zò aveir al ticc tocc anca l' j. I s cminzonn a far di basa  
man, e pò di inchin, e pò l' ucchett, e in ultim a parlars  
con di zign, e a qula manira i s dlon al daccord, ch' al srè  
vgnù alla banzola una sira, quand la donna salvadga era an-  
dà a lett, e ch' la Prassulina arè da la dormia alla vecchia  
tant ch' la n i sintiss far di smauniz; e ch' al srè sta tirà sù  
con 'l trezz cmod la feva la vecchia, e ch' quand l' aviss vist  
spindlar l' trezz fora dal fnstrin, quell era al segn, ch' la  
vecchia durmeva; acquì arstonn. Al precip pruvvìst una  
cartolina d' dormia, ez la trì dentr dal fustrin, li la miss in  
t al mnestr dla donna salvadga, e quand la l' av miss a lett,  
ch' la fu subit addurmintà, la cors alla fnestra, es ina mò zò  
'l trezz pr tor in cà l' amig zrisa, ch' era li aspttar. Al



princip stì po li da l'j fin vers di; l'andò vj all' istessa manira attaccà al trezz. Sta musica andò dri n' sò quand volt, ch' l'andava benissimo, ch' nssun s' n' era accort; mò una mattina quand al princip andava vj innanz di ai fu una donna lì vsina, ch' s' era livà a bunora pr far al pan, es al vist andar. Questa era cmar dla donna salvadga, es vols l'j metters la plizza, e far la madò zelant d' avvisar la vecchia, ch' aviss al cor alla Prassulina, perchè la feva l' amor con un zovn, e ch' la saveva cert cos... e ch' in somma la n' aveva sn' pora, ch' la ragazza foss pr far sanmichel innanz ai ott. d' Maz. La donna salvadga ringraziò la cmar, es i arspos: eh! al srà mò in j pinsir a lassari la libertà, perchè cert la n' prà andar cm' au i insegn mì al secret, perchè av digli mò a vù sposa in cunfidenza, ch' ai ho fatt un incant, ch' la n' pó piú scappar, quand la n' tulliss vj trei jand, ch' in assrà in t' un trav dla cusina, e qnsì a vui dir, ch' la s' pò ben ben spazzar la bocca, ch' d' in sta cà la n' i ussì brisa: mò nò vè. Intant mò ch' la donna salvadga feva sti chiaccar con la cmar, la Prassulina steva a udìr agu cosa, perchè quand la vist alla prima discorrer qula braghira d' femina cou la donna salvadga, la s' miss in suspect, ch' i fuss dl chimir, e ch' la la mittiss su, perchè la saveva, ch' l' era una ptegula. Ora quand l' av sintù la gnixa d' sti trei jand, la s' inzguò la prima volta, ch' vign al princip, ch' l' andass sù pr una scala attes a qual trav, es l' cavò fora; tutt sti smanniz s' finn mentr ch' la vecchia durmeva, perchè zà i lavuravn d' dormja. Quand la Prassulina gli av in tl man, l' av anc la nutizia d' saver cmod l' s' adruvavn; i fion una scala d' corda, es scapponn vj vers la città dov steva qual princip, mò in t al scappar, in psinn far sì pian a scussar qula scala d' corda, ch' in fussn udi da qula solita cmar braghira, ch' s' fi alla finestra, es i vist scappar. La s' miss a zigar cm' un' anima addannà: oh cmar, oh cmar, la Prassulina vè; l' andò dri tant zigaland, ch' la vecchia s' arsinì, e quand la sintì sta gnaccara, la sbisgò zó pr qu' istessa scala d' corda, ch' i aven lassà lì attaccà alla finestra, es i cminzò a correr dri. Quand i mrus la vist vgnir da lontan, ai cascò al bussl, mò la Prassulina s' arcurdò al negozi d' jand, es in trè una in terra; subit ussì fora un cagnazz barbon, ch' feva pora cou tant d' buccazza averta, es ste-

va li aspttar la vecchia pr magnarsla, mò l'j la vecchia, ch' era zà una diavla, ch' andava alla malizia, la s' miss l' man in bissacca, es tirò fora una pagnotta, es la trì al can, ch' la magnó. Lì seguitò a correr dri ai mrus, quand' la Prassulina s' la vist avsin, la trì in terra la seconda janda; al vigho fora un lion, ch' scossava la cò, e la testa, es steva lì a gola averta pr far nozz dla vecchia; mò lì furba com' è al diavl, turnò indrj, es scurtgò un' asn ch' era in mezz a un prà, es miss addoss qula pell; e pò cors là dal lion, ch' a i l'acchiappò, ch' lù pinsò, ch' verament al fuss un asn, e al puvrì av tanta pora, ch' l'è anch dri a scappar. Lì turnò a far arrabbir quì dū zuvitt, ch' quand i la sintinn scarpazzar, es vistr la gran polver ch' s' livava pr ajar, i diss: mò l'è quì lì a darz un pò dal nas dedrj. La vecchia aveva semper tgnù addoss la pell d'asn dalla pora, ch' al lion n' turnass indrj, e ch' an la magnass, e quì la i curreva dri vstì da asn. In ultim la Prassulina adruvò l' ultima janda, e s'ussì fora un lov, ch' n' di brisa temp alla vecchia d' scappar, es la sguflò tutta in t' un becon. I du mrus funn fora da st' intrigh, es andonn a sò commod al principat d' qual signor, al qual dmandò licenza al signor padr d' spusar la Prassulina, lù i la di, e pò finn l' nozz, ch' a in tuccò a chi n' in vleva: s' ai capitava mì fors ai n' aveva.

## La Fola dla Strà d' Cristall.

**A**i era una volta una madr, ch' aveva trei fioi: ai n' era dou, ch' ern tant dsgrazià, o pr dir mii sguarbà, ch' an ijn vgneva mai una fatta pr al sò vers; lor rumpevn i bicchir cm i avevn in man, s' l' devvn alla polvr, l' stlavvn la robba, l' n' tuccavvn una pgnatta, ch' i u' la rumpissn; insomma la dsgrazia era sò cumpagna. L'altra surella mò più pzinna, ch' aveva nom Gnella, era tutt' al arversa; questa era sempr furtunà in t' agn cosa, e certo la diss nassr a bona luna, perchè ai piuveva addoss tutt gli algrezz. L'era pó bella, ch' an s' psè vder la più garbata ragazza; s' la feva un fattizzin, l' innamurava a vderial far, la n feva un lavurir, ch' n' ariussiss dl ultima perfezion; s' la s' mteva a ballar, la feva i minuè, ch' al parè, ch' l' aviss avù al mestr dis ann,

e quì per tutt sti cos la zent i era matta drj . mò 'l son surell n la psevv suffrir; i alter la purtavn in cima dla testa, e lor l' aren vlù psser mettr in tl'arca. Ora ai era in qual paes al princip fiol dal Re , ch' era affadà . e ch' era cott spant d'amor pr sta ragazza. L'andò drj tant fagandial dir, e dsendial, ch'anca l'j pò, ch' era d' carn , la cascò all' armor, e s'pres a vleri ben; mó pr pssers vedr quand i vlevn, senza ch'la mama s'accurzias, al princip s'vals d'una polvr, ch'al dì alla tosa, e pò fi far una strà d' cristall sott terra, ch'arspundeve dal palazz dal Re fin alla cà dla Gnella, e fin propri in tla sò stanza; anzi sotta al lett , es era mò luntan al palazz fina ott mija. Al gli aveva pó dà sta regola: dis, agn volta, ch' t' ha vuja d' vderm, mett un pocctin d'qla polvr , ch' at ho dà , in s' al fug , ch' mì n' prò far amanc dn' correr da tl, es vgnarò pr qual condutt d' cristall, es staren insem; quì agn nott quand l' surell ern a lett con la mamma, ch' steva in tla sò stanza d' lor, la Gnella treva la polvr in s' al fugh , e lù curreva. L' surell mò, ch' ern sempr dri a cercar cosa feva la Gnella, perchè in la pssevn suffrir, l'finn tant, e tant sbraghironn, ch' l' s' addinn d' agn cosa, es finn i sù cunt d' vler romper st filatui. La prima cosa, nu di ch' la Gnella n' era in cà, l' sfraccasson da uu cò all' altr tutta la strà d' cristall. La Gnella la sira trì al solit la polvr in s' al fugh pr dar al segn al mros , lù, ch' curreva a gamb, s'cunzò pr l' fest, perchè tutt qui vidr rutt s' i ficcon in tla vita, ch' l' era una cumpassion a vderal; an psì gnanc arri-var alla mità dla strà, perchè l' era infrant , ch' al spissinava sangü da tutt i cù; qui frantum arrivonn prest a tridaral, perchè l' era dspuja dal tutt, ch' l' aveva cald, e la carn era tajà a tajadell cmod è i bragun di tudisc; al turnò donca indrj, es miss a lett bell, e arvinà. Quì as chiamò tutt i duttur dla città, mò pinsà vù, ij fevv just vent; al cristall era affadà , e tutt quì frì ern acquì mortal, ch' mai ai nj dì. Quì an i zuvava nssun remedi, e al sò sgnor padr era dsprà, ch' an s' psè cunsolar. Quand al vist, ch' i midgh n' i pssevn cavar i pj, e ch' anzi ij dissn liberament , ch' l' ammanvass pur al candlett, al fi trar un band, ch' dseva a sta manira: ch' s' ai fuss stà qualchun, ch i fuss bastà l' aum d' guarir sò fiol , l' era una donna aj l' arè dà pr marì, e s' l' era un om al j arè dà la mità dal regn. La Gnella, ch' sintì st band,

essend zà dsprà dal tutt pr la mort dal sò mros, la diss in cor sò: mi al vui andar a vder innanz ch' al mora, zà mi son arviná: s' an al poss far guarir, perchè an in sò tanta, almanc a vui la cunsulazion d' vderal anc una volta. La tols só l' sou pallin, es si vsti con di altr pagn, e pò s' tinzi tutt al mustazz, es andò vj d' arpiatt, ch' nssun sn' addi; mò la nott l'acchiappò pr strà, perchè, cmod ai ho ditt, l'era lontan ott mija. Quand cminzò a vgnir bur, l'era in t un bosc, ch' ai arspundeve la cà d'un om salvadgh; l'j pr esser più sicura dai mursgutt dl bisti, la s arrampigò pr un' albr. Ora st om salvadgh era a tavla con só mujer, es tgneva l'fnestr avert pr sentir dal fresc, perchè l'era cald. Quand i avvn finì d' magnar, e ch' fu vud la mzetta, i s mssn a chiaccarrar, e la Gnella udeva tutt quell, ch i dsevn da star in sl'abr. La donna salvadga dseva a sò mari. e quai i è nlint d' nov pr al mond? oh, diss l'om salvadgh, cosa i ha da esser? agn cosa vò alla strappj zà cmod è sempr andà: quest è quell ch' i è lù. Mò pur (tgnè ditt la donna salvadga, ch' dse mò essr una braghira) ai di pur essr evell da dscorri sovra; lù arspos: mò ai srè quì pò d' coss, manca la robba, mò cosa serv? gli en cutà, ch' m'faren' ussir dal mandgh mi, s' a vliss cuntar quell, ch' s' ved, e quell' ch' s' sent: an i è fortuna sn pr i buffun, quì in regalà, e quai anc i furfant, e sn' stiumm sn i ignorant, e quì, ch' an cervell n' in cunsiderà; eh s' a digh, ch' l' è una babilonia, ch' an i vui pin-sar, perchè am vin rabbia: mi am in dspias, mò però am dspias più d' gula dsgrazia, ch' è intravvgnù al fiol dal Re. Al s' era fatt fabbricar una bella strà d' cristall sott terrà, es andava pr d' lì dalla mrosa, a quai mi n' al sò, ai è sta rott la strà, s' è tridà d' maniera, ch' ionanz, ch' al s' cunza, a vui mi, ch' al s' insunia. Al Re mò ha speranza, ch' daga fora qualchun, ch' al sava guarir, mò pensa tì, l' arà lasi d' trar al band, cmod zà al l'ha tratt, ch' al vol dar mezz al regn a chi l'arsana, eh al s' pò spazzar la bocca lù, in quant a quell, ch' l' amnianva pur al vel da mettrs in tal capell, perchè al fiol è zà andà. La Gnella mò, cmod a digh, sinteva agn cosa, es capì allora, ch' l' era sta causa al vgnir da l'j, ch' al s' era ammalà st prencip, perchè la savè sol, ch' l' avè mal, e ch' l' era frì, ma la n saveva pr cosa; la s miss a pianzr pian pian, es dseva: mò ch' srà mò sta qual batt nas,

ch' ha rott la strà? la s acqndò pò subit, perchè la sintì la donna salvadga, ch' seguitava al dialogh, e ch' dmandava a sò mari: mò es è donca pussibil, ch' st sgnor ava da murir acqui zvon? mò cosa sta a far qui duttur, ch' n i dan cvell da faral guarir? L'om salvadgh arspors: oss vù altr donn sj matti: cosa i ha dafar i duttur, s' l' è un mal, ch' è vgnù per vj d' striari. L' n in miga d' quì frì quelli, ch' ai zova un pò d' oli dla lum vdi; eh cosa penset, ch' i' sin' per da mundar? lor tutt qui pacchiugh ch' ij fan indegnin' più al mal jost cmod s' ij mitissn sù dal sugh d' civolla, perchè quì incant, ch' era in qui vidr frantumà, fa just, cmod ai ho ditt, quell' ch' farè la civolla in t' una frì fatta da una frizza, as fa agn volta più la piaga incurabil; eh quel lì ha pigà i usvii lù; ai srè sol sol una cosa, ch i salvarè la vita, mò an la dirè gnanc s' a crdiss d' guadagnar un tsor. La donna salvadga s i miss drj, es cminzò: oh sù al mi maridin, coss el mò, ch' am al dsadi, eh am al dirj ben, s' an vri, ch' am instizzissa, ch' am vln pò al mi dutor, oh sù ben mò al mi vcchln dam st cuntent. L'om salvadgh, ch' i avè pò troppa fed, e ch' s' arbaltava ai simittun, cminzò a capitular, es i arspos: at al dirè mi, mò vù altr donn sj tant l' gran zanziri, es bsò, ch' t' sav, ch' s' qualch un al saviss, la srè la dispiantazion dla nostra cà, e anc dla vita, ch' è piz: at ben intes? mò nt' dubitar, arspos la donna salvadga, ch' an i è dubbj, ch' al diga a nssun, pust prfundar ti, e tutta la cà, ch' a digh s i fatta parola, s' al cont a nssun, at zur, ch' an i è dubbì. L'om salvadgh i diss allora: t' pù saver, ch' an i è prigul, ch' al prencip guarissa, ch' i àn mò lasi d' scussar, quand in l' unzn da un cò all' altr con dal grass d' un d' uù, quest è l' unic remedi ch' è pr lù. La Gnella, ch' sintì tutt sti dsscur, sti aspttar, ch' i avvissn finì d' zanzar, e pò sbligò zò dall' alhr, e con al só moccl la s ff anm, es batti alla porta gridand: oh lustrissm sgnor om salvadgh, un pò d' carità, un pó d' misericordia a una povra zovna, ch' è dspersa pr al mond, luntana dal sò paes, senza padr, e senza madr, e ch' n ha sn pora d' andar adamal, e d' essr magnà dal bisti quì pr sti buse; un pò d' limosna, ch' a son morta dalla fam: tacc, tacc, tacc, e quì batteva. La donna salvadga, ch' sintì sta pertantegula, i vlè dar una mezza pera, e mandarla vj, uò sò mari, ch' s' deltava d' ma-

gnar la zeit cm la i vgnè fatta, avè più vuja lù, ch'la vgniss in cà, più ch'n'ha un gatt d'aver un pondgh; al diss a sò mujer: lasla vgnir in cà, puvretta, ch'la n foss magnà dal lov, es diss degli altr rason, tant ch'la donna salvadga s'arduss a torla in cà. Quand l'om salvadgh la vist, ai fi addoss i su cunt d'magnarsla in quatr, o si beccun; mò un cont fa l'ost, e un'altr al viandant. L'om andava stagand lì a tavla, e la Gnella i deva dl zanz, mentr ch'lù vudava la mzetta, es la vudó tant fort, ch'al s'inberiajà, e pò cminzò a crudar dalla gran sonn, e infin, al s'addurmintò lì a tavla; la mujer era zà andà a lett. Quand là Gnella vist, ch'al durmeva, la i sbatì con quant fià l'av la mzetta in s'al zucc, es l'instriminti, e pò al sgarguzzò con un d'quì curtj, ch'i avvev li, ch'era sta aguzz d'fresc; la i cavò pò dal grass d'attorn al budell, es al ficcò dentr pr al bus dal fiasc, ch'i avvev l'j pr cà, e pò vj alla volta d'qula città d'qual Re padr dal mros. La dmandò d'esser cundutta d'inmanz a sò maestà, es i diss: mi son quì, ch'a vui guarir só fiol. Al Re s'allgrò, es la cunduss in tla stanza dl'ammalà. L'j cminzò a unzral dalla testa fin ai pì; ditt, e fatt cmod s la fuss sta una granà al s i andava aserand tutt l'piagh, es dvintò san cm' un pess. Quand al signor padr vist sta cosa, al diss: mò fiol m'j a savj, ch'ai ho prumiss in t' al band d'darv pr marì a quella, ch'v' guarirà, e zà, cmod a savj, parola d'Re n' pò mancar. Al prencip arspos: mò mi cin'an m'taja in d'ù pizz, an i è zà dubbi, ch'a in possa tor un'altra lù, perchè mi l'ho zà mujer, quant è, ch'a in spusò una? quella ai ho d'aver fin ch'a camp, e gnanc s'al cascass al mond an m'dmudarò d'pinsir. La Gnella, ch'sinteva sti coss andava in gloria, cgnussand, ch'al tgneva sod a vleri ben, e pr faral dir, la i diss: an s'arè gnanc d'arcurdar quella, ch'l'è stà l'j la só arvina. Al princip arspos: eli l'j n' n ha colpa, gl'in stà qul bon'zaqulin' dl sou surell, ch'an fatt al mal, mò av imprumett, ch'se gli an magnà l'candel, a vui, ch'l'caghn i stuppìn sicura. (Ma turnò a dir la Gnella) lù i vol donca anc sì gran ben? al prencip arspos: più ch'an m'vui pr mi. Oh cm l'è donca quì, diss la Gnella, zà, ch'am daga la man, ch'a son mi q'la dessa; lù i arspos: mò an sì zà matta nò? oh pinsà s la m'j Gnella ha l'j una carn sì fett, la par d'cira, guardà mo vù: fav ben in la limbrusa, ch'an

m'tinzadi. Quand' la Gnella sintì, ch' al mal batteva in tla carn, ch' n la lassava cgnossr, la s fi purtar dl' acqua fresca in t' un cadin, es s lavò al mustazz. Allora al princip la cgnussì, es vols, ch' al sgnor padr i accurdass al spusalizi. Al fi pò brusar l' surell dla sposa a bon cont dal bell servìzì, che gli avevn fatt, e quì as vist, ch' l' è vera, ch' quand s' è fatt un qualch mal, al cil castiga.

## La Fola dla Viola.

Ai era una volta un' om, ch' aveva trei fioli, e lù aveva nom Cola Agnell; i num dl fioli ern quisti: Rosa, Garofala, e Viola. La Viola era la più pzinna, mò l' era quì strampalament bella, ch' l' zent sn' innamoravn sol a vderla. Fra i altr, ch' cascavn mort d' amor pr l' j, ai era Zullon, ch' era al fiol dal Re, al qual era in pè d' ammattir. Quest agn volta ch' al passava dinnanz all'uss d' sti ragazzi, al s' fermava in tla strà a dirì cvell, perchè al la vdeva lì in tl' andit con gli altr sou surell, ch' l' lavoravn lì zò l' estad; e quì donca agn volta ai dseva: bondì, bondì Viola; e l' j i arspondeva, bondì fiol dal Re d' sta città, a in só più d' ti purràssà. A quegl' altr surell mò ai dspiasseva, es i devvn: oh tì pur pò la gran zuffona mal creà, nù z maravjen: tì t vù, ch' al princip s la liga al nas, e ch' al z' daga al malann. Mò la Viola n i badava, es tirava innanz al fatt sò. Cosa finnl lor, quand l' vistn, ch' la feva gli urecch da mercadant, gli andonn a dir a sù padr: diss: oh pà l' ha da saver, ch' la Viola è tant sfazzà, e rubesta, ch' l' arspond sempr con un' argui al princip, cm' ai dis cvell, ch' gnanc s' al fuss sò fradell', nù uz' asptten altr sn', ch' un dì i scappa la pazinzia, e ch' as metta a far dal pladur, e ch' a buscamn anca nù, ch' n' n' aven colpa d' ngotta. Sù padr, ch' era un' om d' gran judizi, pr cavarla d' in cà al la miss con una sò zè, ch' avè nom Cucca Panella, es i diss, ch' d' grazia la tulesse sta ragazza, ch' la i arè lavorà pr l' j, e ch' la i fiss mò s t servizi. Al princip mò, ch' seguitava a passar pr quela strà, e ch' n' vdeva più la Viola, al fi dl cos dal altr mond, e tant andò domandand ai vsin, e cercand d' l' j, ch' ai fu pò ditt dov la steva, e in cà d' chi l' era capità. Quand al sav sta cosa,

l'andò a truvàr sta vecchia, es i dïss: madonna zà a savj chi a son, quest basta, perchè a intindadi, ch' s' am farj servìzi, biada vù, an v' mancarà mai più ngotta. La Cucca Pannella arspos: mò pur ch' a sippa bona, ch' al cmanda pur. Al prencip dïss: mò mì n'vui altr da vù sn' ch' ain lassàdi vder vostra nezza, ch' ai vui parlar; mò mì (lj soggiuns: ) pr servirl ai pinsaró, mò ch' l' intenda ben lustrissm, ch' au vui, ch' la ragazza s' accorza, ch' ai tign d' man a lù, perchè an ho bisogn, ch' vaga fora sta chiaccara, ch' ai l' ho lassà vder, sì ben ch' a sò, ch' la n vol altr; che parla i: ch' al fazza donca quì, ch' al vaga zò quì in sta stanzola, ch' guarda in tl' ort, e mì piarò scusa con la Viola d' vler cvell, ch' sj lì zò, es i la mandarò. Quand al prencip sinti la nova, an fu nè mutt, nè sord, al s' andò camminand a srar lì zò. La vecchia piò scusa, ch' l' avè bisogn dal pass pr misurar dla tela, es dïss alla tosa: cara tl Viola fam servìzi d' andar zò a tor al pass, ch' a vui, ch' a misuram la tela; subit la Viola cours zò in tla stanza: quand la fu lì, la vist l' amighi zrisa, ch' i cminzó a far curtsj, mò lj sguilò vj cm' una luserta, es tal piantò lì tutt arrabbì. Quand la vecchia la vist turnar sù quì prest con al pass, la s in-mazinò, ch' al n' aviss avù temp d' parlari, es turnò a dir; oh Violina a vrè, ch' t' turnass zó, e ch' tua purtass qual ghmissell d' rev griz, ch' è in s' al tulir; la Viola turnò zó, la tols al rev, es turnò a piantar al prencip. Quì la vecchia s' arrabbiava a vderla turnar sù acquì prest, ch' la capeva, ch' qual signor n' i psseva parlar. La turnò a mandar zò la Viola una bona volta dsendi: mò fiola mi, mì am dspias d' mandart tant innanz e indrj, mò sti diavl d' sti zesur n' tajin' brisa, mì vrè quelli, ch' in zò sotta al sdazz, cara ti fainn anc st servìzi, perchè mì n' poss far amanc; la Viola andò zó, e d' bell nov al prencip av la terza ripulsa. Quand la ragazza fu sù, subit la tajò con l' zesur un pzzol d' urecchia alla vecchia digandi: tulì zilna d' vostra fadiga, ch' am avj mandá tant volt zò da qual signor, quest è in scambi d' sinsalari, perchè agn fadiga merita premi, anzi che l' arè bñgnà, ch' av aviss anc tajà al nas, mò an sintirissi pò la gran puzza, ch' mena i vustr vizi: oh questj in vecchen' da cunsgnari dl zovn! mò stá mò a vder s' am la cui; es andò a cà d' sò padr, e la vecchia armas con un urecchia



smuazzà. Al princip era arrabbia cm' un ture perchè la cosa era andà mal. Quand la ragazza fu a cà, la turnò a lavar in tla loza, e lù puntual turnò a dar l' volt con la solita cantilena, bondì, bondì Viola: e l' con qu' altra: bondì fiol dal Re d' sta città, a in sò più d' ti purassà. L' eou surell battevn fugh, ch' la i parè tant la gran mattiria, es s' accurdon insem d' far in mod, ch' la s' i dscavass d' tra i pj. Sti donn avvevn una fnestra, ch' guardava in t' un' ort dl' om salvadgh; coca fini lor? l' s' l'asson cascar a posta un maratell d' curdunzin, che gli adruvavn da perfilar un pettanter alla Regina; cmod a digh st fagott d' perfil fu tratt zò a posta dalla fnestra, la qual era d' una gran altezza pr arrivar zò all' ort. L' cminzonn pò a far vista d' esser tutt d' sprà, es cminzonn a dir: oh puvrett nù: mò cmod farenia, ch' az è cascà st curdon, es n' pren finir a temp al pettanter d' la Regina, ch' bso, ch' la l'ava pr dman d' sira? al vol bagnar, ch' la Viola, ch' è la più alzira d' nù, s' lassa mandar zò con una curdisina, ch' nù la tgnaren soda, e l' turà al curdon. La Viola, ch' l' vdeva quasi accurà, s' i accumulò subito, e lor i ligonn una corda a travers, es la mandonn zò dalla fnestra, e pò quand la fu zò i l'asson la corda, e l' armas li senza pseir più turnar a cà. In t' l' istess temp, ch' la tosa armas, lì, l' om salvadgh vign fora dal purton dl' ort pr piar un pò d' fresc. St' om avè pres dal vent, e dl' umil, es fì tant al d' sprustà fiat, ch' an s' udirà mai più una cosa sì tremenda. La Viola trè tant al gran trmlott, ch' la zigò dal spavent: oh pà ai ho pora. L' om salvadgh, ch' sintì st zigh, s' vultò, es vist, ch' l' aveva lì dedr una bella zuvnetta; al s' arcurdò, ch' l' aveva sintù dir quand l' era pzin, ch' ai è dl cavalli in t' un lugh, ch' s' impregn' con al vent, al fì i sù cunt, ch' s' landava pr vj d' vent, ai n' aveva lì fatt un allora acqui tecch, ch' al dseva esser stà quell, ch' aveva imprgnà qualch' albr, e ch' d' li i dseva esser ussi stà bella tosa. Pinsand, ch' sta cosa fuss vera, ai pres a vler ben cmod s' la fuss stà sò fiola, al l'abbrazzò dscendi: oh fiola mj, ch' t' i ussi dal mj fià, chi arev mai cri't, ch' da quel i avvis a nassr sì bell mustazzu. Al la di pò in cunsegna a trei fad, ch' stevvn in tl' istessa cà, con ordn d' allivarla, e d' farn cont, Infant mó al princip, ch' en vleva più la Viola, e ch' n in saveva più nè in rega, nè in spazi, l' av a murir d' af-

fann; lù n' pseva più magnar un becon, al dvintò zall, i ucc hi si ern incavà in tla testa, i labbr ern vgnù bianc, e insomma l'era un'ancroja. Quì al cminzò a prumettèr dl manz a chi i avìss savù insgnar dov era la Viola, e tant andò d'ri cercand, e dmmandand, ch' in fin al sav, ch' l' era in cà dl' om salvadgh. Subit ch' al sintì sta cosa, al le mandò a chiamar, es i d'iss : mì sò, ch' avj tant al bell urtsin, e mì son quì ammalà mort cmod a vdj, ch' la n è cosa, ch' av daga ad intender: ora mì vrè vgnir a dscredm un poch in st ort, e star in cà vosira sol un dì, e una noit; mì ain basta, ch' am dadi una stanziola pr qula uott, sìppla mò d' ch' fatta la s vuja, e nò altr: mì n ev vui dar fastidi. L' om salvadgh era imbrujà, perchè al Re zà era al patron, e quì s' al dseva d' nò a só fiol, l' avè pora, ch' n i nassiss dal mal; basta lù pres al partì d'esser curtes, es i d'iss, ch' s an bastava una stanza, ch' al l' darè tutti, e ch' magari, e tutt sti cos. Al princip al ringraziò, e quì istessa sira al fì purtar là i sù linzù, e i cussin, es andò là a durmir. Qula stanza, ch i fu assignà, era mo just d' bona fortuna a mur a quella dl' om salvadgh, al qual steva a durmir con la Viola in t' un' istess lett, perchè al feva cont, ch' la fuss sò fiola. Quand fu ammutà la lum, al princip s' livò pian pian, es andò lì dla dall' om salvadgh, perchè l' era avert l' uss, ch' l' era un cald, ch' se schiuppava; al princip andò a tastuu dalla banda dov l' aveva sintù la sira la vos dla Viola, es i di d'ù pzigutt, mò dalla chiavea; l' s' dsdò, es pinsò, ch' l' fussn puls, la scussò l' om salvadgh dsdandal pr dari sta nova, e pr diri: oh nunù, nunù, l' gran puls; a n i poss durar. L' om salvadgh la fì andar in t' un' altr lett, ch' era in qula medesima stanza. Da lì a un' altr poch al princip turnò, es andò al lett dla Viola (ch' l' aveva sintù, ch' l' era andà da pr l' j) es i turnò a dar di pzigutt, e l' j turnò a cridar cmod l' avè fatt alla prima. L' om salvadgh i fì barattar al tamarazz, e pò da lì a un poch i linzù, e pò l' banchett, perchè al princip andava pzigand, e l' j zigand, e l' om salvadgh crdeva ch i fussn i linzù, o i tamarazz, ch' fussn avvlà in tl puls, quì passò tutta qula noit, ch' i n sronu mai un'occh. Subit ch' fu di al princip s miss a spasszar pr l' ort, la Viola anca l' j s' era livà a bun' ora, es era lì in s' al purton dl' ort a dvvanar. Subit ch' al princip la v'ist, la lu zà

la solita fola dal bondi, bondi Viola, e l'j diss qu'altra: bondi fiol dal Re d' sta città, a in sò più d' ti purassà, e al prencip soggiuns: oh nunin nunin l' gran puls, an i poss durar. La Viola, ch' intes, che gli ern gl' istess parol, ch' l' avè ditt l'j la nott, la dvintò rossa cm' è l' bras dalla rabbia, perchè al prencip i l' avè fatta star, e ch' l' avè fatt lù da pulsa: la diss in cor sò: lassà pur far a mè, at la vui ben sunar vè. L' andò sù dal fad a cuntari sta cosa; l' fad arspesn: eli pian pur, s' lù v' n' ha fatt una a vù, al bsò, ch' ai in famm mò a lù una più plenta: vù n' avj da far altr, ch' dir all' om salvadgh, ch' a vlj un par d' pianell tutt pinn d' campanin, e pò quand al i avj, savvazal dir, e n sta a cercar altr, ch' at al faren ben nù armagnar curt. La Viola subit dmandò sti pianell all' om salvadgh, e lù j' l pagò. Quand fu sira, al prencip turnò a cà sò: al diss sol all' om salvadgh, ch' s' al cuntintava, al srè vgnù di dopp dsnar a spasszar pr al sò ort. Quand l' fad, e la Viola savvn, ch' l' era andà a cà, l' tolssn sù d' rundella tutt quttr, es' andonu al palazz, e pò s' arpiattonu in tla stanza dov propri al durmeva. Subit ch' al prencip fu andà a lett, o ch' l' av pres un poch al sonn, l' fad cminzonn a sbatr l' man insem, e a far di zighi, e la Viola sbatteva i pj scussand tutt qui campanin, ch' al prencip av una pora da ispirtar, es cminzò a zigar: oh signora madr, ch' la m ajuta; lor stevvn quel quedi un poch, e pò turnavn a far l' istess armor quand agn' cosa era quiet; l' finn qu' l dou o trei volt, e pò s' la finn a gamb, e nssun l' vist pr amor dla 'virtù, ch' aveva in lor l' fad. Al prencip pò la mattina cuntò: ch' l' aveva avù una gran pora; ij finn subit far la sò urina, es i dinn tri guzzin d' vin. Quand al fu livà, mò bona, an sti gnanc aspittar al dop dsnar, ch' l' andò in tl' ort dl' om salvadgh, perchè lù n' psseva star luntan dalla Viola. Al la vist, e zà cmod av psj inmazar al diss la fola eterna d' nasminstecc dal bondi, bondi Viola, e l'j bondi fiol dal Re d' sta città, a in sò più d' ti purassà, e lù: oh nunin, nunin l' gran puls, an i poss durar; e l'j: oh signora madr, signora madr, ch' la m ajuta. Quand al princip sintì sta tanja, al capì al trionf, es diss, ah tin' l' ha fatta, at ced, a cgnoss, ch' t' in sà più d' mè, e pr sta rason at vui pr mujer. Al fi chiamar l' om salvadgh, es i la dmandò; lù i arspes, ch' al l' aré fatt sayer

a só padr, perchè just qła mattina l' avè savù d' chi l' era fiola, es s' era pó chiari, c' h' n' era brisa sta qual vent, ch' lù avè tratt, ch' l' avíss fatta nassr li allora; e quí donca al mandò a tor st padr d' la ragazza: lù an n' è da cuntar s' l' avè a car d' far un parintà sí fatt. Al prencip la spússò, es fiün la fesia da ball. Larga la fuja, stretta la vù, dsi mò la vostra, ch' ai ho düt la mj.

## La Fola d' Mascarin.

**A**i era una volta un povr om ammalà, ch' aveva düt fiù; st mal andò tant crssand, ch' finalment al vign a murir. Quand al sintì lù, ch' l' era dccò, al chiamò li da qual strazz d' lett i sù düt fiù, es diss: mì son quì, ch' a vui murir, mò quest n' è mìnt: al mal è, ch' an v' poss lassar ngotita, e vù rstà quì, ch' an avj nè ch' pest, ne ch' pistar, mì n' v' in lass, perchè an poss, a savj, ch' l' era più i dì, ch' a feva senza pan; ch' quj, ch' ai n' aveva, pur perchè a vda di, ch' a sou un padr amurevl, e ch' av dagh tutt quel, ch' av poss dar, sintj la disposizion, ch' ai ho fatt: tì Urazi, ch' t' i al più grand, t' ha da tor al vall da mundar, ch' è là attacc alla muraja, e inzeñnat d' andar valland al furment, e dl grau, tant ch' t' camp: tì mo Gajos, ch' t' i al più pzuin, tù al gatt, ch' l' è quant at poss lassar, e arcurdav tutt du d' voster padr, ch' n' ev n' ha dà d' più, perchè al n' i n' aveva; dsend stü parol al s' miss a pianzr, e s' i vign una susta, ch' al purtò vj. Urazi al fì supplir pr limosna, e pò chiappò sù al vall, es andò vj pr al Moud lavurand, tant ch' al campava. Gajos chiappò al gatt in brazz, es s' i miss a guardar, es dseva: mò ain in dechiar, ch' mj padr m' ha lassà un gran suiliv a lassarm al gatt, oh vut altr, ch' a farò di quattrin! o questù èn eredità vè! an ho tant pau pr mì, ch' a possa campar, es bisò, ch' a in trova pr al gatt. Ora bsò mò saver, ch' st gatt era la più amurevla bstiola, ch' s' psiss immazar: l' era bianc, e neigr, dsmesdgh, ch' al feva festa a tutt, es steva l' j pr la strà, ch' tutt l' areu psù chiappar, al steva in sl spall, es srissi psù andar lontan dl mija, ch' al tgneva drj cmod fa un cagnol, e pò d' zunta l' aveva una virtù, ch' al parlava, es aveva nom Mascarin.

Doncá quand st gatt sintì, ch' Gajos s'aggrava, ch' ai fuss tuccà a lù, al si vultò, dis: mò cos è sti simittun? ti t' lament dal brod, ch'è tropp grass, mi am basta l'anm s'am i aumett, d'fart dvintar ricc magn, e ti cosa diut? Gajos, ch' sintì sta nova, s' aguzzò tutt, es s'al miss a ringraziar, e a sfrgarl' in sla schina, arcmandansi con tutt al cor, ch' an l'abbandonass. Mascarin cminzò a andar agn matina vsin a una pschira: al s' agufflava lì, ch' al feva vlista d'durmir, e pò aducchiava quand i piss mitevn fora la testa, e lù prest con la zampina i agguantava; al steva asptar, ch' vgniss qualch bella tenca grossa, o dl bel acquadell, o di gambarus, e pò i chiappava sù in bocca, es i purtava al Re dsendi: al signor Gajos i manda sta pò d'bagatièla, es dis acquai, ch' la n s in fazza mò beff, ch'al sa ben, ch' un par sò merita quest e altr, e ch' al scusa mò s' an n'è un bell present. Al Re i feva cira cmod s'fa sempr a quì, ch' portn a dunar dla robba, e pò dseva a Mascarin: dl ast signor (ch' mi n' sò chi al slippa) ch' al ringrazi ben purassà. Mascarin curreva a cà, es steva quasi qualch di, e pò andava dov i fevvn la cazza, es steva d'aguaitun dop al zad, e pò top-pa, al sgraffignava qualch spipla, o di sturnj, o dl passr, es i purtava al Re con l' istessa zanzada, ch' l' avè fatt alla prima. L' andò tant drj fagand sta cosa, ch' al Re diss un di: mò a vui ben pò cgnossr sia persona, ch' m' manda a regalar mi, ch' ai vui render l' curtsj, ch' al m' fa, ai son tropp ubbligà. Al gatt arspos: oh l' fatt cos, am maravei mi, cosa al dis mail in quant al signor Gajos n' desidera altr, che d' mettr tutt quell' ch' l' ha per sò servlzi, dimattina donca quand l'j sacra corona s'rà livà, lù vgnarà quì a dari al bondisgnerj. Quand i funn alla mattina seguent, Mascarin cors dal Re digandi: oh mò an. sà? e al Re diss: mò mi nò, cos el sta? al gatt diss: mò d' qula dsgrazia; e al Re sogginns: mò quala? e Mascarin: mò an l' ha sintù dir? al Re arspos: mò mi n' so ngotta: Mascarin diss: mò adess ai la cuntarò ben mi: oh s'a digh, ch' a st mond an s' tro-va su di furfant: mò ch' al diga mò, ch' al j' era tant ubbligà: basta. L' ha da saver, ch' sta nott l' è scappà vj un cammarir dal signor Gajos, e s i ha purtà vj infina la camisa; per tant al m' ha diut, ch' ai vigne a dir, ch' al cumpatissa mò, s' a n' vìn, perchè l' è causa sta cosa, ch' al n i pò

vgnir dinanz acquì d'spujà. Quand al Re sintì sta cosa, al fi subit tor dalla sò guarda robba du o trj abit un più bell' dl' altr, e una duzzìna d' camis, es mandò un con al gatt a purtar sta robba al sgnor Gajos, al qual an passò dou or, ch' al cumpars a palazz con Mascarin, ch' al precedeva. Al Re i fi tant l' gran cirimoni, es al fi mettr a sedr lì da lù, e pò al fi star sgh a dsnar. Intant ch' i ern lì a magnar, Gajos s' andava vultand a Mascarin (ch' era zà lì anca lù) es i dseva sott vos: àn Mascarin at arcmand quel strazz d' camisa, e qul bragh, ch' am son cavà, an vré, ch' ngotta andass adamal' al gatt dseva: eh stà mò qued n' parlà d' sti berchiar! Al Re ch' i udeva parlar insem, dmandava s' i avvevn bisogn d' cvell, e Mascarin dseva: eh sgnor nò, l' è ch' ai è vgnù vuja d' un limon d' quì dal zardin, subit al Re in fi cujìr una panirina, es i la dunò. Da lì a un poc Gajos turnava a dir al gatt: àn Mascarin qu' bragh vè, at arcmand qu' bragh, e Mascarin turnava a trovar qualch scusa con al Re, ch' i tgnè dmandà s' l' avè vuja d' cvell. Basta quand i avvn magnà, e brù, Gajos vols andar a visitar l' sou bragh, al fi l' sou cirimoni con al Re, al qual i dlss tant: ch' al vigna ben da mè, e Gajos i diss, eh al vdrà ben, a vgnarò tant, ch' al stuffarò, es andò a cà: mò al gatt armas lì a d'scorrer con al Re dal gran inzeugn, ch' aveva Gajos, ch' al le mteva ai sett cil. Al desva: ch' al creda sacra corona, ch' l' aveva qual gran judizi anc da pznin, al cminzò a dir la cacca, ch' an saveva gnanc parlar, e quì anch al Santiri al le lizeva ch' an saveva gnanc dir una parola; e pò, ch' la diga mò d' qula ricchezza: l' ha tant la gran robba in t' al pian, e in tl muntagn fora d' galira, ch' an s' pò dir: oh certo quell, ch' è lì meritarè d' imparintars con un Re d' corona. Al Re i dmandò: mò cosa pollal mai aver da press a poc? Mascarin arspos: mò mi n' al só, perchè an i è dubbi, ch' s' possa armnar tutta la robba, ch' l' ha e in cà, e fora d' cà; quand ai digh, ch' l' è al più gran riccon, ch' sj al mond: s' l' j mò sacra corona al vliss saver d' cert, ch' al fizza una cosa, ch' la manda migh qualch un di sù omn, ch' andaren fora dal regn, e a sta manira ai farò mi vder, quanta robba l' ha. Al Re, ch' la vleva saver tutta, fi chiamar dla sò zent dandi ordn, ch' i tgniss dri al gatt, e cli' i vdlissn ben cosa aveva st Gajos, e cosa l' n' aveva, e pò ch'

i j al savissen dir; qustor partinn, e al gatt andava sempr un puchtin innanz con la scusa d'truvari allozz. Quand i funn fora dal cuntà, Mascarin andava vdend di branch d'pigur, d'vacc, d'purc, d'cavall, e lù a tutt quicuntadin, ch' badavn a sti bisti ai dseva: an stam a udir cuslù: al vln a tutt andar una massa d'malandrin, ch' volu rubbar tutt l' bisti, ch i ponu buscar, e nù digh mò una cosa, s'av vlj salvar, basta ch' a dsadi, ch' agn cosa è dal sgnor Gajos, ch' a vdri, ch' an j'è dubbi, ch i tocchn ngotta, perchè qual nom i fa tropp la gran pora. Anch in quì camp duv al passava, ch i avvevn al furment lì in t' ara, al gl' insegnava d' dir, ch' l' era dal sgnor Gajos, s' in vlevvn, ch i fuss dà fastidi. Quand cminzò arrivar l' zent dal Re, i truvon, ch' l' era una cosa universal, ch' agn cosa era dal sgnor Gajos; e quì asija, e asija, e agn cosa è dal sgnor Gajos, tant ch' is stuffonn d' dmandar più altr, es turnonn dal Re a dari la risposta, e a diri ch' l' era ricc sfundà st Gajos. Al Re, ch sintì quì, prumiss una bona manza al gatt, quand l'aviss trattà al spusalizi d'só fiola con al sgnor Gajos. Al gatt i dì tutt i garb, mustrand ch i fuss da superar qualch altr trattat con dl zent, ch' fevvn tanta calca pr dari una qualch gran riccona: degl' altr volt al mustrava, ch' i ostacol fussn zà superà pr la só industria; basta alla fin al cuntratt s' stabill, e al sgnor Gajos vign diinnanz al Re, al qual tm i appunzò sò fiola, con sigh una gran dota. I stinn pò lì in cort un meis alligrament; quand al fu d' cò dal meis, Gajos diss, ch' al vleva andar un poch d' fora a vder l' sou pussion, al sgnor padr vols accompagnar la fiola ai cunfin dal regn, e pò s'lassonn. Quand al Re fu anda vj, a psj credr, ch' Gajos n' savè da ch' banda s' prillar pr cattar sti pussion, es era imbrujà pr amor d' n' aver una bella cà da cunduri la sposa. Mò Mascarin al dsbrujò, ch' al saveva, ch' ai n' era una bella da vendr, es la cumpronnn con d' quì gran mjara d' lir, ch' l'av in dota. Al le fi anc cumprar di lugh, e dl pussion, e un marchsat, e gn' cosa. Ora quand Gajos s' vlst acquì ricc, al mustrò gratitudn a Mascarin, es al ringraziava tant, dsen-di: eh sintj Mascarin, a cgnoss ben, ch' a sj stà vù la mj fortuna vdi: casp: s' an v' aviss avù, mó cmod areja fatt? a srèv anc un povr bambozz, ch' n'arè pan da magnar: mò l'asta: vigoa ch' a muradi, a vui, ch' a vdadi cosa a farò,

av vui far imbalsamar , e pó mettrv in t' una bella gabbia d' or, lassá pur far a mi, n' ev dubbità miga, sta gabbia pó a la vui tgnir in tla mj stanza prum' d'scurdar mai d' vù; oh av son tropp ubbligà! Mascarin, ch' sinti sti gran sparad, ai vïgn vuja d' prubar s' al dseva d' bon, o da buita. Cosa fill? un di al s' dstes lung'h lung'h zó in tl' ort, es n' battè nè pè, nè pons, ch' al feva vesta d'esser mort. La sgnora , ch' al vïst quì là tratt, ch' al parè verament mort, la chia-mò camminand sò mari, es i diss: oh sgnor marchès la gran d'sgrazia! l' è mort al gatt; Gajos arspos con dal dspett: oh s' l' è mort cosa importa? ai srà di gatt, ch' an i srò mi, d' piz an z incontra; oh vut altr, ch' questa è una gran d'sgrazia! oh a crdeva, ch' fuss cascà la cà mi quand l' ha fatt sti gran d'sprazion. La sgnora dmandò: mò cosa in' avenja da far? e lù arspos: chiapparal pr una zampà, e trarl in ren. Quand Mascarin sinti sta piva, ch' al s' era just immazinà, ch' al srè sta pagà d' sta muneda, al saltò su, es cmin-zò a dir: eh al mi zaquulin, quest è la ricumpensa d' quell, ch' at ho fatt, n oì! quest vā mò a cont d' tutt quì bducch, ch' at ho livà d' attorn, e di strazz, ch' at ho cavà: an i era zà al mond al più randlent d' tì; bravo, quì m' pias: l' è pur causa mj, ch' t' ha tant murbin, adess: mi son stà quel, ch' t' ho procurà la ricchezza, ch' t' ha adess, e poch fa an j' era al più mindic d' tì al mond! oh dat mò al diavl a far dal ben alla zent! insomma l' è vera, ch' chi lava la testa all' asn trá vj l' alsj, e al savon; e in t al bravar al s' miss a correr vj d' in cà, ch' an s' vultò gnanc indrj a guardari. Gajos era pò lì tutt cnufus, ch' an savè, ch' scusa s' piar, perchè al vdeva ben anca lù, ch' an j era pezza da mettri; tuttavj, ai cors drj, ch' al le vlè fermar, es j andava digand: vgni quì, ah si malanaza, ai ho burlà vdi: crdiv mò, ch' a sì sì matt da dir d' bon? vgnj vj, turnà in cà, i fatt simittun; mò al gatt: sgnor nò, an i fu più remedi, al n' vols mai più turnar, es audò vj digand: ai ho imparà a mi spes, cosa s' guadagua quand s' è tropp curtes.



## La Fola dal Bisson.

**D**is, ch' ai era una volta un' urtlanà, ch' n' aveva fiù, es arev vlù avern; l'era sempr malinconica pr sta cosa, mò l'avè l'asi d'avern vuja, ehibó: nessi vos. Un dì ch' l'era andà al bosc, la vïst un bell bisunzin tra dl fiasc, la trì un gran suspir dsend: guarda! infin l' bïss fan i bïssin, e mi n' poss far un strazz d' fiol. Qual bïssin, ch' aveva udi tutt sti laminturi parlò, es diss: ma sposa, zà ch' an avì fiù, tulim mi pr fiol, ch' a vdrj s' a farò bona riussida, es ve vrò ben tant quand a fussi la mi mamma. Sta donna, (ch' avè nom Sabadella) av a inspirtar dalla pora a sentir zauzar una bïssa, mò pur la s' fi anm, es i arspos: mò sol per la tò amurevlezza, povra lhtiola, at vui tor in cà, es t' turò pr fiol; e qual la s' al purtò a cà in 't' un corgh da iussalà, es i dli pr ricovr al bus dai sulfanj, dsendi: stà mó lì puvrìn, questa srà la tò cà: La l gvernava pó, ch' la i deva da magnar d' tutt quell, ch' la magnava lì, es al trattava con un amor, ch' n s' pò descriver. St bistiol in poch temp dvintò grass, lusent, e grand, ch' an s' psè far d' più. Un dì sta bïstia chiamò pr nom al marì d' sta donna, al qual aveva nom Cola Mattj, es i diss: pà a vui mujer. Cola Mattj arspos: oh d' un' altra fatta! es, dis, a vdren d' trovar qualch bissetta, es t' la purtaren quì. Al bisson arspos: cosa? a vlij cercar una bïssa? mó as ved ben ch' asj un zuccon vdì, ch' an cgnussj al pau dal pred: mi vui pr mujer la fiola dal Re, es vui, ch' jüst adess al andadi a dmandar al Re da part mï, e dsij pur liberament, ch' al la vol un bisson. Cola Mattj, ch' andava alla càrlona, ch' era un umazz tajà zò alla piz con un falzon, andò dal Re senza pinsar s' l' era una mattiria, o s la n' era; al fu introdutt, e quand ai fu dinanz, al diss: mi son quì a dir un dsperpust, mò zà, sacra corona, la sà mji d' mi, ch' ambassador n' porta pena. Ch' al sava sgnor, ch' ai è un bisson, ch' vol só fiola pr mujer. Al Re ch' cgnussì, ch' st' om era un mammalucc, pr livarsal d' attorn, al diss: và a dir a st bisson, ch' s' am fara i frutt dal zardin tutt d' or, allora ai darò mï fiola, e pò j vultò al taffanari con dri una gran sgherguazzada. Cola Mattj reis st' arsposta al bis-

son, al qual diss: mó an occorr altr, andá pur vù pà dmat-  
tina a cujir tutt'gli anm d'prugna, d'zrisa, d' mandl, d' mu-  
gnagh, d' persga, quant a in psj mai truvàr, cujili in t' una  
sporta, o dou, e pò andà a arbaltar sti anm là pr al zardìn,  
e cruvj tutta la terra, ch' a vdri pò cosa intravvgnarà, per-  
chè an sò mi s' a savadi, ch' a son affadà ch' a vù dir, a  
sò cmod l' ha d' andar. Cola Mattj n' stì a cercar altr, e la  
mattina al s' insfilzò in t' al brazz dou sport, e pò s' miss a  
cujir tutt sti zirandl, ch' j avè ditt al bisson, e pò gli ar-  
baltò là in t al zardìn. Subit ditt e fatt al dvinò i trunch  
d' qui frutt, l' fui, e i fiur tutt d' or massizz, ch' an s' pse-  
va vder la più bella cosa, d' mod tal, che quand al Re i  
vist, l' armas cm' una statva, ch' al crdè d' insuniars. Al bis-  
son da lì a una stmana turnò a mandar Cola Mattj dal Re  
con ordn d' diri, ch' al bisson aveva fatt dalla só banda quell,  
ch' al i aveva cmandà; ch' al steva mó a lù a mantgnir la  
parola. Cola Mattj tols sù, es andò dinanz al Re, diss, bas-  
laman a sgnorj; am manda quì al bisson, es i fa tant tant  
riverenza, es dis acquì, ch' al vrè mò sò fiola. Al Re ar-  
spos argujant, mò pian un' poch, cos è mó sta frezza? s' al  
vol mi fiola, a vui un' altra cosa, a vui, ch' al fazza in mod,  
ch' l' murai, e l' salgà dl stanzi dl palazzin dal zardìn sippn  
tutt d' pred prezios, e pò allora a la dscurren. Cola Mattj  
reis st' arposta al bisson ch' diss: mò sì ben, mò sì ben: an-  
dà pur dmatina pr la città, e cujì tutt i sghduzz, ch' s' ponn  
mai attruvar, e cruvj tutt la salgà, e inzgnav d' mettr quj  
tridum tramezz al fess dl pred, e dl crppadur dl murai, e pò  
n ev dubbità, ch' at al vui far armagnr mi con tant d' nas.  
Cola Mattj subit la mattina chiappò sù una gran panirazza,  
e pò s' miss pr om mort a tor sù tutt i sghduzz, ch' l' incun-  
trava: di pzzù d' tist, d' pgnatùn rutt, di coll d' fiasch, di  
pizz d' tei, di miz cantar, e insomma tutt quant i tridum,  
ch' al cattò, e pò fi cmod i avè ditt al bisson. Subit al dvin-  
tò l' murai, e salgà d' tutt l' stanzi cvertì d' zoi, mò tant  
fiss, ch' la pareva una sola, sn ch' as vdeva, ch' gli ern varj  
dalla varietà di culur, mò l' era un iusor sì grand, ch' as  
imbarbajava. Aj era di smirald, di diamant, di rubin, di  
tupazz, dgl' ingranat e d tutt quant l' pred prezios, ch' s  
sin' mai udì numinar. Al Re, e tutta la só cort, quand vi-  
stn sta cosa, is guardavn l' un l' altr, es n' savvevn cosa s' dir.

Mò al bisson n' vlè più star alla pazlinzia, es mandò a dir al Re, ch' al vleva, ch' ai mantgniss la parola. Lù i fi arspendr, ch' al fiss pur cont, ch' tutt quell, ch' l' avè fatt n' era just ngotta, quand al n i feva dvintar tutt al palazz d' or. Cola Mattj diss: oh una busca! oh quest è altr che dir torta! basta, dis, mi j al dirò. Al diss donca anch questa al bisson, ch' arspos: oss sù pur, quì al bsò far anch questa: andà dmattina, e tulj una gran braucà d'erb d'vari fatta, e pò striccali tant, ch' i ussissa qual sugh, e pò struffunali, e sfergali ben id t al pè dl murai dal palazz, tant ch' a cuntintamn anch sta volta sta todna. Cola Mattj con la só gran pazlinzia s' miss in volta, es cminzò a cujìr dl fui d' ledra, dl plozzl, dl vett d' razza, di radich, dl fui d' bu-razz, dla pinpinella, dla barba d' prit, dla purzzlana, e las-sla pur far a lù, tant ch' a in fi una gran braucà, e pó l' struffunò, cmod avè dritt al bisson, d' sotta dal murai, e su-bit l' eminzonn a lusr, ch' l' traluccavn dal tassel fina in ter-ra, ch' an s' psè vder la più superba cosa, tutt or, tutt or, ch' l' innamorava qual palazz. Intant da lì a un dì, o dú al bisson mandò Cola Mattj dal Re a diri, ch' al le salutava tant tant, mò ch' an vlè più essr mnà pr al nas. Al Re ch' vist pó verament, ch' lù n' avè dmandà cosa, ch' an l' aviss avù, arspos: aspttà un puch'in, ch' av sarò dar qualch arspo-sta. Al chiamò sò fiola, ch' aveva nom signora Grandona, es i diss: la mi Grandunzina mi m' son andà pruvand d' abbufun-ar sta bistia, ch' t' vrev pr mujer; ai ho dmandà dl cos, ch' au arè mai crìtt, ch' al li psiss far, mi feva pr tirar ben in lunga al parintà, mò adess a son quì con la cò tra l'uss, es u' só più, ch' scusa m' truvàr, perchè verament am i trov ubbligà: ora cosa vuia mò concludr? ch' t m fazz cgnossr, ch' t m vù ben, e ch' t m ubbidiss, tant ch' a possa mantgnir la parola, spusandl, perchè mi n' poss più far a manc, e pò zà al dì essèr scritt in cil, e quell, ch' è scritt n' pò fallar. La Grandona arspos, mò ch' al fazza pur quell, ch' al vol lù signor padr, ch' mi l' ubbidirò in t agn' cesa. Subit, ch' al Re av st' arsposta, al s' allegrò, es diss a Cola Mattj, ch' fi pur vguir al bisson, al qual subit, ch' l' av sta novà, s' par-tì d' in cà muntà in s' un carr tutt d' or ch' cumpars lì a un sò cmand; l' era tirà da quattr elefant anca lor tutt d' or; es presentò dinanz al Re. Da pr tutt dov al passava l' zent

cridavn: ajut, ajut, es i fu ch' s' fi cavar sangu dalla po-  
 ra, ch' i avvevn a vder un bisson ocquisl dspurpustament  
 gross, e pó a vder con ch' aria al marchiava. Quand al fu  
 a palazz, tutt qui, ch' al vdevn, ern innuccà dalla pora, e  
 tutt qui d' cort scapponn. ch' an i armas gnanc qui, ch' sevn  
 da dsnar. Al Re, e la Regina s' andoun arpiattar in salva  
 robba; an i fu su' la Sposa, ch' stì soda, es n' aveva brisa  
 pora. Sò padr, e sò madr zigavn dla d' in salva robba: mò  
 sù Grandunzina scappa, sù ben cavv d' in mezz; mò l'j signor  
 nò, an i fu dubbi, ch' la n vols tors d' lì, es asspundeve:  
 mò s' a scappass, al spusarè pò cmod s' sol dir: lor n m l  
 avvevn da dar, si vlevn pò ch' a curris vj cm' l' arrivava.  
 Intant al bisson smuntò zó d' in tal carr, e pò andò in tla  
 stanza dla Sposa, al la chiappò a travers con la cò, es si  
 atruvvinò attorn al coll, es s la miss a lccar. Al Re ch' era  
 là in sl' uss d' salva robba, quand al vist, ch' l' aveva quì  
 ligà al coll a qula ragazza, l' av a murir d' stretta. Al bis-  
 son di pò un spinton all' uss, perchè al s' assrass; (am intend  
 all' uss dla stanza d' sò mujer) quand al fu lì assrà, al s' di  
 un scussot, es i cascò in terra qula scorza just cmod s la fuss  
 sta una camisa, ch' s' cavass, es armas al più bell zovn,  
 ch' an vdrj mai al più bell. L' aveva una testa d' cavì tutt  
 rizz, biund cm' è l' or, e pò dū uech nigr, ch' incantavvn.  
 Quand la Grandona vist sta piva, an i pars vera d' aver sì  
 bell mari, es era molt ben cōtenta d' star lì da lù. Al Re  
 mò ch' vist, ch' i avvevn srà la stanza, diss con la Regi-  
 na. eh al cil daga ben a qula puvrina d' nostra fiola, ch' l'  
 è zà andà in calicutt, perchè qual maldett bisson l' arà zà  
 ammazzà, e in t al dir quì al guardò pr al bus dla chia-  
 vadura, pr vder sl' era là lunga dstesa in terra; mò quand  
 al vist la gran blezza d' st zovn, e la gussa, ch' era lì pr  
 cà, al di un calz all' uss, es intró dentr, es chiappò sù cam-  
 minand qula gussa, e in t' un batt d' occh al la trì in s' al  
 fugh, ch' era impres lì d' là. Al zovn, ch' vist sta cosa, di  
 in di ruit d' rabbia, ch' n' s' ponn dir. Al cminzò a cridar:  
 ah can bech curnù, am l' avj fatta, e subit al s' fi in forma  
 d' una clumbina, es vlè vular vj, mò l' era assrà l' vedrà dl  
 fnestr, e lù i di tant dentr con la testa, ch' a in sfundò una,  
 es andò vj: mò che mò? al s' sbrindalò talment la testa, ch'  
 an in' armas un becon dla sana. Sta cosa vlgñ purassà in ga-

rett alla Grandona, es cminzò a far un pladur con al signor padr, e con la signora madr con l'man in si gallun, dsend: oh guardà qui al bell servizi, ch' i m'àn fatt! un pò d'un mari, ch' i m'avven' dà, e ch' m'piaseva mò tant, i m'al van a sfraccassar pr causa d' vgnir quì lor a battr al nas. Lor pò dsevn: stà inò queda, nù n'avven colpa, an l'avven miga fatt a posta: inò l'j ns'psì mai quietar, a la nott seguent, quand tutt ern in t' al prim sonn, la tols sù tutt l'zoi, ch' l'aveva in t al cantaran, es ussì pr la porta de l'ej, con pinsir d'zirar tant al mond, fin ch' l'avlss accattà st bell zovn, ch' i piase tant. Qui la cminzò a camminar, e cammina, e cammina, tant ch' la trovò una volp, ch' parlava, e ch' i dmandò s la vleva, ch' la i flss cumpagnj. La Grandona i arspos: mò sì ben cmar, ch' a vgnarò vluntira vosch, perchè m' n' son tropp pratica d' sti pais. Quand gli avvn camminà un gran pezz, gli arrivonn in t' un bosch, es s' missn a sedr sotta a un' albr, perchè gli ern stracc madur; ai era lì vsln una surzrj d'acqua, e lor s'dstesn in sl'erba pr durmir, perchè l' armor d' quì' acqua i fi vgnir sonn, es n' s' dsdonn sn' infina, ch' n' fu livà al sol. Quand l' funn dest, l' seguitonn a star lì, perchè ai piaseva d' udir cantar tutt' qui usj, ch' ern in s' quì albr, ch' la Grandona i aveva un gust matt. La volp ch' s' accors, ch' la i aveva gust, la dls: mò ai crssrè ben al dilet s' la intindiss anch quell, ch' i disn, cmod a intend mò mi. Quand la Grandona sintì sta cosa, ai vlgn vuja (zà all' usanza dl donn) d' saver cosa i zanzavn, perchè m' (la i dseva) a son amiga, es m' piase qui, ch' zanzn, e quì fam mò servizi d' dirmal. La Volp s' fi prgar un bon pzzol pr dari ben tutt i garb, e pò cminzò: dis: sala cosa i disn, i contn d' una dsgrazia, ch' è intravvgnù a un fiol d' un Re, ch' era bell com' un sol, e una fada s' era innamorà dl' lù, mò l' ave lasi d' scussar, ch' al zovn n in vlè brisa saver, es disn, ch' l'j pr rabbia l' avè fatt dvintar un bisson, es i aveva dà sta maldzion, ch' avlss a durar sett ann sta dsgrazia: i contin, ch' l' era vsln a furnir st temp, e ch' lù al bisson s' era innamorà d' una fiola d' un Re, e ch' mentr ch' l' era sigh in t' una stanza, al s' era dspujà dla sò gussa, e ch' al padr dla Sposa i vlgn, diss, a dar d' barba, es i brusonn la pell, e ch' lù vols scappar in forma d' clumbina, e ch' as i è sbrindalà la testa in tl' vedrà

e ch' tutt' i duttur l' àn miss spidi: la Grandona ch' sintì , ch' l' era just in punt quell , ch' era intravvgnù al so Spos, la prima cosa la dmandò alla volp s' qui usj arvevn mò brisa ditt d' ch' Re l' era fiol: la volp diss: mò an ha pars , ch' i dighn , ch' l' è fiol dal Re d Vallon gross: es àn ditt, ch' an i è altr remedi pr guarir al mal d' st prencip, che bagnari qul frì con al sangu d' qui istiss usj, ch' an ditt sta cosa. La Grandona s' trì in znocch dinnanz alla volp , es cminzò a dir: oh cara vù fam servìzi d' piar qui usj, tant ch' arcuja qual sangu, ch' av dunarò i mi urchin d' or, e pò a vdrj: mi n' son d' questi, ch' s' tigna 'l man sicura. La volp arspos: eh l' fatt cos , mò l' è , ch' al bsò aspttar ch' i s appullarn, asptten, ch' vigna la noit, e pó m' arrampigarò sù pr l'albr , es i striccarò la testa a un a un; e quì l' stinn pó lì tutt qual di a zanzar, e la Grandona prumiss alla volp , ch' s la psseva guarir st prencip , la vleva partir sigh al guadagn, e pò dscurevvn dla gran mattiria dal padr dla Sposa, ch' l' era stà causa qula só curiosità , ch' l' era success tutt st mal, e quì in t al dscorrer, ai arrivò la noit , ch l n' s' addinn. Quand la volp vist, ch' tutt i usj durmeven, la sarrappò pian pian sù pr l' albr, es cminzò a striccar la testa a di gardlin, a dl passr, a di sturnj, adi beccafigh, e pó quand la i n' av ammazza, e ammazza, l' missn qual sangu in t' un fiaschett , ch' aveva la volp, e la Grandona n' tuccava terra dall'algrezza. Quand la volp vist , ch' l' era in tanta ghirigaja , la j diss: oh sì, oh ch' la s alligra pur, ch' la in farà dla fissa : ch' la sava, ch' tutt quell, ch' avven fatt, è just un vada, an serv un corn, perchè quand la n' ha con qual sangu d' sti usj, anch al mi, o pur d' un'altra volp, agn' cosa è tratt al vent; appena l' av pronunzià sti parol, ch' la s miss a scappar. ch' al diavl la purtava. La Grandona , ch' vist , ch' an serveva donca a ngotta st pacchiugh d' sangu quand la n' avè qustj, la s miss a far la rasa, es feva vista d' pianzar , la i dseva: mò stam a udir la mi cmar, a sàvj pur quant av eon ubbligà, n' stimav donca sì cruda da farv un qualch tradiment? a dirissi, ch' an i è dl volp, ch' magari in vllasia: n in previa ammazzar un' altra? oh zó ben mò : n' fa cmod fa l' vacc , ch' dan un calz alla pgnatta dal latt quand l' è pìna , adess ch' avj cminzá, finì mò anch, vgnì migh fin là da st Re, ch' av imprunett d' n ev far nssun tort. La volp u' arè

mai crìtt, ch' i fuss una donna più furba d' l'j, e quìs la turnò indrj, es turnò andar pr viaz con la Grandona, mò l n' avv'n fatt cinquanta pass, ch' la Grandona t m i saltò addoss, es i di una gran bastunà in s la testa, es miss lì la povra volp, e pò la scannò, es abgujò qual sangu con quell d' qui usj, es andò vers al regn d' Vallon gross. Quand la fu in t la città dov abitava al Re, l' intrò in palazz, es i fi dir, ch' l'j era una, ch' era vgnù pr guarir sò fiol. Al Re s la fi vgnir dinnanz; es s' maravjò a vder una ragazza, ch' s' deva st vant d' far quell, ch' n' avè pssù far tant duttur, ch' ern i più brav dal mond; mò pur, al d'iss; zà quest è dsprà, cosa perdroja a tintar anch questa? e quìs al j arspòs: oh sù donca, ch' a veda st miraquì. La Grandona i d'iss: mò sacra corona, ch' l'intenda ben: s'al guariss al voi pr marì vedal. Al Re ch' avè zà fatt dsmurar l' arca, e agn' cosa pr mettri al fiol, al j arspòs: mò pur ch' am al dadì san dal tutt, s' m' i, ch' av al darò, perchè an n' è gran cosa, ch' av al daga, mentr ch' a s' r' vù, ch' l' arsussità. I andonn iu da stanza di ammalà, e la Grandona n' av quìs prest imbusmà con qual sangu, ch' subit al saltò sù cmod s' an aviss mai avù un mal al mond. Quand lo signora Grandona al v'ist in pj, la s' vultò al Re dsend: àn, a d'igh m' cmod la m'ittenja pr v'j d' mantgnir la parola? Al Re d'iss a sò fiol: vù sj viv, mò al par, ch' an al creda, tant era dsprà la vostra vita, ora m' i ho promiss qu' a sta fiola, ch' av i darò pr marì s' la v guariss, za a sj inton, e quìs cmod fenuja? m' i vrè mantgnir la parola, e pò agn fadiga merita premi. Al prencip arspòs: l' è vera assà lù, mò cmod volal ch' a fazza signor padr, s' ai ho zà tolt mujer? m' i n' vui far tort alla prima; es n' vui nudar pinsir. La Grandona tettava a sintir sti parol, ch' la v'ist, ch' al prencip i v'leva anch ben, la dvintò rossa rossa, es d'iss: mò s' a fiss mò m' i in mod, ch' qu' a zovna s' cunctintass, allora pò m' turel? mò nò v'è, arspòs in frezza al prencip, mò quest nò, an j è mai dubbì, ch' a scanzella dalla m' i nent la memoria d' quella; e s' a fuss anch cundutt alla forca, sempr dirò, ch' an v'ni altr. La signora Grandona n' ps' i più star ai sign, es d'iss: a' son m' i, ch' am veda qu' l, l' è causa l' fnestr mezz aserà, e l' essr impacchiugn i sù ucc'h, ch' al nm' pò cgnosr: ch' am guarda ben, a son mò quìs travvsti, mò dal rest, ch' al staga pur quiet, ch' a son m' i.

Al princip s'sfgrò pò ben i ucch, es la lumó, es vist ch' l' era verament lj, al la abbrazzò, es cuntò a sò padr chi l' era, e chi la n era, e al patiment dal viaz, ch' l' avè fatt pr vgnirl a guarir. I mandonn a chiamar al Re, e la Regina padr dla Grandona, es finu d' nov al spusalizi, e un gran bell dsnar; e pò basta dir ch i fin l' belli nozz, e l' belli cos.

## La Fola dl' Orsa.

**D**iss, ch' ai era una volta al Re d' Rocca aspra, ch' aveva per mujer la più bella donna, ch' s' fuss mai vista. Ora sta sgnora vign a murir, si ben ch' l' era anch zouvna; quand la sintì, ch' l' era dccò, la chiamò lì dal lett sò mari, es i diss: mì só ch' al m' ha sempr purtà un gran amor, ora adess ch' a son pr murir, a vui, ch' al fazza in mod, ch' al agnussa più che mai: mì vui una grazia da lù, ch' è questa, ch' an tuga più mujer, quand an in trova una bella cmòd a son stà mì, sn chi nò, s' al farà altrimenti, ai dagh la mì maldzion, ch' an possa più aver ben, es l' udiarò fin a qu' altr mond. Al Re ch' i vleva verament un ben spasimà, a sentir sti cos, al s' miss a pianzr, es sti un pzzol, ch' al n i psseva arspendr gnanch una parola; in ultim pò al diss: mò ch' la n crdiss miga, ch' mì vliss più saver d' mujer, oh questo nò; oh s' a in tugli più mì, ch' al brice m' corra, ch' la gnarda mò, ch' a digh si fatta parola, oh an i è miga mò più dubbi, ch' a possa vler ben a nesuna donna; lj è sta la prima, e la srà anch l' ultima. Mentir ch' lù feva tutt sti squas, alla sgnora i vign una susta, es andò a far terra da pgnatr. Quand al Re vist, ch' l' era morta, al s' miss in t' una volta d' far di zigh, e di sbattimint, ch' tutt i vsln corsn pr saver cosa era mai st gran burdell; mò però con tutt st gran pladur, an passò dou stinan, ch' al cminzò a far di cunt. Al dseva: um: mì son quì vedv, es n' ho sn' una fiola; al bsagnarè pur ch' aviss anch un masch; a star acquì l' è una mattiria: mò al mal è ch' an cattarò una mujer bella cmòd era qu' altrà; eh pinsà vù, tutt l' donn m' parn spurchizi rispett a quella: ah s' l' è stà una mattiria a ligarm quì mò; però al dseva, an m' vui perdr d' anm, a vui cercar, diav! l



ha mò da essr finì al mond? guanch s' as fuss pers la stampa dl belli donn. Cosa fill? al tri un band, ch' dseva, ch' tutt l' belli donn dal sò regn vgnissn a fars vder, ch' a in vleva tor una pr mujer. Quand sta cosa s' fu spargujà, an i fu nssuna, ch' n'curiss, perchè zà l'donn a in vol pochi a credr d'essr belli. Ai n'era una quantità zò in t'al curtil, ch' al parè un furiniglar. Al Re l'fi mettr tutt in rega, es l'cminzò a lunar a una pr una; mò pinsà vù, an in' era una, ch' fuss a sò mod. Una era tropp pznlna, qu' altra tropp granda, una negra, qu' altra avè i brutt ucch, un' altra al brutt nas, chi era tropp grassa, chi tropp secca; tant ch'al diss, ch' al n in vleva più saver, es diss: mò sonja matt? s' a l' ho quì in cà la mujer, es vagh ammatand: perchè cerchia al treds in dspar? mò n'oja nù la Preziosa mi fiola, ch' par just tajà in s' al mudrell d' sò madr? mò ai ho da tor questa, e n star a cercar altr nù, e quì al fi intendr a sò fiola st bell pinsir, ch' i era vgnù, la qual sintend una cosa sì fatta, la ti fi una rumanzlna, ch' la i è anch dri. Al Re n' av brisa pora, es i arspos: oss manch argui, nm' star miga ti a far la braghira, fà ch' au t' oda mai più mmar tant la lengua, e cmenza a taser: limbrusa, crit ch' an sava mì quell, ch' a fazz? oh: adess adess bsgnarà, ch' a vigna da ti a scola; oss fà ch' an t' l'ava più da dir; sta sira vin in tla mì stanza, cm' a vagh a lett; li at spusarò; es t n vin, al più gran pezz d' tì srà un' urecchia. La Preziosa, ch' sintì sta cosa, s' andò a srar in tla sò stanza, es cminzò tant fort a pianzr, e a sbattr, ch' la parè una tosa quand l' ha avù l' sculattà; la s strazzava i cavj; insomma la feva dl cos, ch' n' s' ponn dir. Intant ch' la feva tutt sti dsprazion, l' arrivò lì da li una vecchia, ch' vgneva cm' i vlevn far bugà; la i dmandò cosa l'aveva? e quand la sintì cosa l'era, la s la miss a cunsolar, es i diss: oss, ch' la staga queda sgnurina, ch' an srà ngotta, an bisogna miga dsprars vedla; la n sà, ch' ai è remedi a tutt i mal, eccett che alla mort: ch' la m staga a udir, ch' la fazza a mi mod: sta sira quand al sgnor padr l' arà fatta andar in tla sò stanza, e ch' al s i vrà accustar, e li ch' la s metta in bocca st stecch, ch' ai dò mì adess, e ch' la m creda, ch' quest, ch' è quì la farà parer un' orsa; la s metta pò a scappar, ch' lù certo an i è dubbi, ch' l' impedissa, perchè l' arà una pora da inspirtar, e pò ch' la vaga

in qualch bosch ; em l'è pò là, ch' vol saver, ch'la fortuna n l'ajuta? chi scappa un punt in scappa cent: ch la tuga donca: quest è al stecch; e quand la vra turnar a parer una donna, ( cmod la srà sempr ) e lì ch' la s liva al stecch d' in bocca, ch' la turnarà quella d' prima. La Preziosa abbrazzò tant sta vecchia, ch' l' aveva livà da st gran intrigh , es i fi dunar un bell pezz d'panzetta, una travajulà d' farina, e una zucca d'vin, es la mandò a cà. Quand cminzò a vgnir sira, al Re fi chiamar l' om , ch' feva gli algrezz , es vols , ch' s' triss i razz in piazza, e pò fi chiamar tutt i cavalir , es fi far di falò , e pò i vols tutt sigh a cenna , dandi la nova , che gli ern l' nozz dal spusalizi , ch' al feva con sò fiola. Quand i avvn magnà , e magnà , al Re s' fi mettr a lett , e pó fi chiamar la signora Preziosa , es i fi dir , ch' l' andass lì da là ; la i andò , mò in tl' intrar in tla stanza , e lì ben vslu al lett , la s miss in bocca al servizi , es dvintò un' orsa tal e qual an da essr , ch' al Re armas con la bocca averta , perchè al vlè zigar dalla pora , mò an psi , al saltò fora dal lett , es s' agloppò tra i tamarazz , e mai piú n' ussì fin alla mattina. Intant la signora Preziosa andò fora dal palazz , ch' nssun certo s' inzgnò d' tgnirla , es andò in t' un bosch luntan purassà da qual paes ; st sit era tant um-bros , ch' an s i vdeva mai al sol , e la puvrina steva là in cumpagnj d' quì gli altr bisti. Da lì a un temp al capitò là in qual lugh al fiol dal Re d'Acqua corrent , ch' vlst st' orsa , es av a ispiritàr dalla pora ; mó quand al vist , ch' sta bstiola era quasi smesdga , ch' la i andava currand drj , ch' la scussava la cò , es i vleva andar alla bissacca pr vder s' a gli aveva dal pan , al pres anm , es cminzò a fari carezz , es l' andava chiamand , e dsend : tò tò , vin ben , vin ben , oh guardà al bell grugnì ; l' i tgneva drì just cmod s la fuss stà un can , e quasi andò drì d' st gust fin in cità , e in t al palazz dov abitava st Re. Lù di ordn , ch' i l'avvisssn da trattar just cmod i al fevvn lù pr cont dla tavla , e ch' s in fiss cont , e vols , ch' i la mttissn in t al zardìn pr pserla vder dal fuestr , es vols ch' si fabbricass un bell stanziulin. Al pur-tò mò al cas , ch' una festa , ch' tutt ern andà vj e ch' an i era altr , che al prencip in cà , lù s' fi a una fnoetsa , ch' guardava in t al zardìn ; la Preziosa , ch' n' crdeva mai , ch' fuss in cà al prencip , s' era cavà al stecch d' in bocca , es

s'era dscunzà, ch'la s vleva pttnar un poch i cavj. Al prencip vist sta gran bella zovna, ch' avè pò di cavj just cm'è l' or, al s'av a pfundar zò dal scal pr correr zò in t al zardìn, mò la Preziosa ch' al sintì scarpazzar, subit s' miss al stecc in bocca, es turnò a dvintar un' orsa. Al prencip, ch' n' trovò piú quella, ch' l' avè vist d' là sù, al diss; oh deni mó dal nas; quì ai cminzò subit a vgnir una grandissima malincunj. perchè in t' un batter d' occh al s'era innamorà d' la zovna, al s' cminzò a sentir mal, e da lì a puch di a i vign la fivra; es s' miss in t' un fond dl' lett; an feva mai altr, che andar digand: eh quì orsa, quì orsa. La só sgnora madr, ch' n' sintè mai sn' sta cantilena, ai vgn suspett, ch' l' orsa i aviss fatt pora, es di ordn, ch' la fuss quant prima ammazzà; mò i servitur, ch' vlevn tant ben a quì bstiola, perchè la s feva amar dal pred pr la sò smesdchezza, ai sav d' mal ammazzarla. es la cundussn sol vj, là in quì istess bosch, dov i la truvonn alla prima, e pò dinn ad intendr alla Regina, ch' ij avvev mnà in sla testa. Quand sta cosa vgn a gli ureccli dal prencip, al fi un fugh dal diavl, es livò dal lett acqusè bell e ammalà pr tridar in brisel tutt i servitur, mò lor i la cunfoun cmod l' era, tant ch' al s' acqudass. Quand al sintì, ch' la psseva anch essr viva, al s' miss pr om mort a cavall, es andò là in qual bosch, mó ai vols dal bell, e dal bon a trovarla, perchè la puvreina s' era straffantà. Finalment quand al la vist, as la chiappò sù in brazz, po i dseva tant l' cos pr ch' la turnass a dvintar una dona, ch' l' andò drì tutt al viazz fina ch' al fu in t' al só palazz, e s i dmandava pr cosa la feva mò quasi e ch' ticc tocc, ch' mai dū, e guardà pur quì: mó questi in mò mattiri, oh zò ben mò; mò l' dura: oh sgnora nó: al stecc steva sod. Quand al prencip vist acqusì, al s' afflizzì tant, ch' ai vgn un gran accident, ch' i servitur al purtonn a lett, ch' lera bell e mort; i cminzonn a trari in t' al mustazz dl' acqua fresca, e pò fari anasar la janda dal balsam, e stricarì dla gussa d' limon sotto al nas: ehibò l' era tuttun; quand fu arrivà i duttur, i conclusn, ch' lera sbrigà. La sgnoura madr, ch' pruvava si gran travai pr st fiol, an i era cosa' ch' la psiss quietar, e un dì, ch' l' era a seder lí dal lett dal fiol, mentr ch' i servitur ern a dsnar, la i cminzò a dir: mò fiol mè a vrè pur, ch' an dsissi da cosa dayin sta gran malincunj mè,

vù sj zovn, vù sj ben vlù da tutt, a sj riech; s'avj vuja d' cvell dsimal: vrissi forse mujer? tullila, basta ch' am dsadi chi a vli, ch' mi subit v la fazz aver, n' vdiv fiol mi, ch' a vedrev vù quasi ammalà, an' n' ho ben gnanca mi nè di, nè notti? e tant ijn diss dl cos in st'andar pr mustrarli la premura, ch' l' avè d' lù, ch' finalment al princip i arspos cosa al vleva. Al diss: eh signora madr ai dirò ben mi cosa m'vrè: sala cosa l' ha da far s la vol, ch' a guarissa? l' ha da far in mod, ch' a possa vder l' orsa quand m' par, es vui, ch i la mettù quì in t la mi stanza, a vui, ch' la sippa lj, ch' m fazza al magnar, e al mi lett an vui, ch' al sj fatt pr altr man, che pr l' sou; s i faran qu-ì, a sent, ch' a guarirò subito. Alla Regina ai pars un dsprpust tant grand a sintir, ch' al vleva, ch' l' orsa fissa lj da cuigh; e da camarir, es diss in cor sò: oh puvrin al vè in aiadgh, mò pur dalla gran vuja, ch' l' aveva d' consularal, la fi subit vgnir li l' orsa. Quand sta bistia fu li dal lett, la s' alzò su in sl zamp dedrj, es tuccò al pons al princip con una d' quelli dinnanz. La Regina s' plava dalla pora, ch' la n l' asfrittlass in t al nas, o ch' soja mj. L' ammalà dmandò all' orsa: e ben la mi bastiulina m' vut far tì al menstrin? m' vut tì gvernar da ammalà? l' orsa abbassò la testa con dir d' sì. Allora la Regina fi subit purtar li dl gallin, e di pullastr, e lassla pur far a lj, es impresn dal fugh, e l' orsa miss su lj la caldarina pr psser plar sti bisti. Alla prima la s miss drì a una gallina, la la pllò, e pò i cavò l' budell, la spzzò i quart, i dú dedrj la i fi arrostit in t' al sped, quì dinnanz con al magon, e al figadett la i fi tratt in sù in t' un pgnattin con di' usmaren, e dla salvia, ch' av sò dir, ch' al princip taffiava, es s' leccava l' dida, ch' l' era tant, ch' in t la sò bocca an i psseva intrar carn. Quand l' av magnà, l' orsa i purtò da bevvr, mò con tant al bell garb, ch' la Regina la basò pr al gust, ch' la i deva. Da li a un poch l' ammalà s' vols livar alla sgietta; l' orsa in qual mentr, ch' lù andava dal corp, la fi al lett, e s cors zò camminand in t al zardin a cujir tutt i fiur d' mlaranz, e d' ros, ch' la passì mai, e pò spargujó sti fiur sù pr al lett pr dar dl ndor alla stanza, ch' ai era dla puzza pr' amor d' quela cosa d' essr andà dal corp l' ammalà. La Regina n' s' in psseva dar pas a vder tutt sti miraqulin, ch' feva sta bastiola, es tgueva ditt a sò fiol: mó

tarusla, avj ben pò rason d' vleri ben, mò an i aveva mai vist far sti cos mè, e al prencip s' n' innamorava agn volta p'ù, es vultò vers la Regina, es i diss: oh sgnora madr mè sent, ch' s'an poss dar un bas all'orsa, a murirò prest prest, sò madr, ch' vlist po verament, ch' l' era dvintà un bsudi, ch' pareva argità, la diss all' orsa: basal la mi vecchina, n' vitt, ch' al t'vol tant ben lù a ti? L' orsa, s' i accustò, e lù la chiappò pr al mus, e tant la basò, e tant i fì fest, mò che mò? In t al sfergarla in t al grugn, ai cascò d' in bocca al stecch, es arstò l' tra l' man dal prencip dvintà zà una bellissima zovna. A pssì credr, ch' al prencip n s la lassò più scappar; ai diss: oh adess t n' m' scapparà più, la mi furba. La Preziosa dvintò rossa, ch' la parè pò anch più bella, es diss: oss l'è ajustà, quì an i è più remedi arpiattars: ai arcmand l' unor, ch' n s vaga a far bendir, dal rest an cerch pò altr. La Regina, ch' era zà present a sta scena, i dmandò, mó chi ela mó l'j? La Preziosa i cuntò da ra a ron la cosa d' sò padr, e la Regina pò guardandi, dseva: guardà ch' peccà: la garbata fiola! es la ludò dla sò saviezza, e pó diss a só fiol: mò tullila. Quand al prencip sinti st' cunsi, al n i mss su nè oli, nè sal, es la spusò, e la sgnora madr andò in cusina pr urdnar una bona cenna; al prencip s' fì dar i sù pagu, ch' l' era zà bell, e guarì, es finu nozz, e quì finì.

## La Fola dla Clomba.

Ai era in t' un paes, ch' mè n' sò cmod as dmandass, un bosch, ch' era tutt pín d'albr, es ern tutt figh, e fiopp, umbros pò a segn, ch' an si vdeva mai capitar al sol. In mezz a st bosch ai era una cattapeccchia d' una cà tutta sgarujà, ch' era al più gran tanabus, ch' s' pssiss vedr; l' era pò abità da una vecchia, ch' accompagnava anca l'j la blezza d' sta cà, perchè l' era una dl più brutt figur, ch' camminassn in s' du pì. L' era zoppa, grinza, plà, e pò era quì miserabil, ch' la n aveva con ch' vivvr, m la n in cattava a forza d cercar la limosna. Mò perchè anch allora l' cos' dsen' andar mal cmod l' van anch adess, es n' è piú al temp dla cuccagna, as abbatteva, ch' sta povra donna asiava di di in-

tir innanz, ch' la psiss truvà un becon d' pan. Un dì zirand second al solit pr cercar la limosna, ai fu dunà dú fasù da far in mnestra, e pur mó quì ann ai n' era un abbondanza, ch' i i trevven dri a chi n' i vleva; mó cmod a digh a io fu dunà sol arisgh da far un mnestr, Quand la i av, la s' i purtò a cà, es i miss in t' un pgnattin' e pò andò a brusqlar dù stecch, tant ch' la i psiss cusr, ch' an i era mai d' avvis d' magnari, ch' ai pareva d' aver a andar a nozz. Innanz d' andar vj, la miss al pgnattin fora dla finestra, e pò la srò; mò guardà ben al dsgrazi dan semper dri just a quì, ch' in più miserabil. Al purtò al cas, ch' passò pr d' li Dardanell al fiol dal Re, ch' andava a cazza, es vist st pgnattin in sla finestra, ai vign vuja d' far un bell colp, es zugò una bella cosa con i servitur, ch' al l' arè vinta, chi aviss tratt mi con la balestra in mezz al pgnattin; e quì eminzon a trar in st povr pgnattin, es l' andavn sgduzzand, mò in ultim al fu Dardanell, ch' i cols just in mezz, e i fasù andonno al boja. La vecchia turno a cà, ch' sti zent ern just andà vi dop ch' i avvn fatt sta bell' ovra. Quand sta donna vist i fasù, e al pgnatin andà adamal, là d' in dl rabbi, ch' la parè un diavl d' infern, es cminzò a aggurar dal mala chi i avveva dà st' dann, e ch' al psiss esser impicà, e tant i diss dal furfant, e pó soggiuns: zà ch' tn' ha vlù aver cumpassion a mì, at aggur, ch' t' poss innamorar d' una fiola d' una dona salvadga, e ch' l' j sta donna s' l' vadga t' fazzo ballar in s' un quattrin, e ch' t' casch mort d' amor dri alla ragazza, mò ch' t' av tant i gran dsgrust dalla vecchia, ch' tn' i puss durar: brutt zaltron, sippt mò chi t' puss essr' n' pust mai aver ben, pr cava tò a son mì quì senza i mì fasù. Orasi ben ch' al dis al pruverbi. ch' rang d' asn n' arriva al cil, sta volta mò al j arrivvò lù, ch' intravvign mó just dal mala qual povr princip, perchè an passò gnanch: cosa? dou or' ch' al s' pers pr un bosch, senza ch' al psiss più truvà i servitur; quì l' incuntrò la più bella zovna, ch' s' psiss veder, Questa cercava dl lumagh, e quand la li avveva in nian, la i recitava quela preghiera, ch' s' i sol far: cioè luniaga lumaga butta fora quattr corn dou pr mì, dou pr mi mari. Al princip, ch' vist sta tridla d' blezza, armas innuccà, e subit al s' innamorò; e la Filadora (ch' l' avveva nom aquesè quela zovna) u' mundava nespl, ch' anca l' j ai piasì tant al princìp,

perchè l'era uu bell zovn purassà, tant', ch' i s' cusinn si fort un dl' altr, ch' i n' psevvn più. I stevven pó tutt d'ù quid quid guardands l'un l' altr, es n' battevvn nè pè nè pons, tant ch' in malora al fu al prencip al prim a parlar, ch' cminzó dal salutarla, dsend: a la riveriss, e lj: serva sù; lù replicó: mó l'è una gran garbata zovna, mì starè di di a guardari, e d' zunta a starè fin senza magnar pr n' perdr qual temp senza vderla: oh nmamj, s' aspò far d' più! oh ch' fortuna d' gula cà dov la stà! sj benedett la mamma ch' i di la tetta, e lj arspos: eh l' fatt cos, l'è la só buntà, ch' al fa parlar acquì, mì n' son bona da nient' mo s'a fuss bona, ch' am cmanda; al prencip arspos: mó un corn ch' la n' è bona, basta ch' la s' cuntenta, ch' mì i vuja ben, ch' ai pru-mett d' spusarla, e dsend quì, ai chiappó la man, es i la basò. La Filadora, ch' n' era mó avvjà gran fatt al cirimoni, n' savè pó dov la s' avvìs d' andar a batt, es dvintó rossa rossa. Dardanell arev pó ditt cveil alter lù, mó an psè, perchè ai fu sgumbià al filatui. Siccom i vicch in al flazzell di mrus, l' arrvó lì la madr dlla Filadora, ch' era una donna salvadga, mó la più brutta vecchia: an digh altr: l' andava al cà a far da borda quand i vlevvn far pora ai ragazz. L' avveva dis' o dods cavj gross cm' e la lazza, sgarblà in tì ucch, avvincà, di dintazz d' cagnazz, e pò d' zunta l' era la più mala spirta, ch' fuss al mond. Quand al prencip vist st gran spetraquel, al diss, oh lassa pur, ch, a beva tri guzz d' vñ subit ch' a son a cà, a sent, ch' am son pres una pora. Quand la vecchia al vist con só fiola, la si vultó mó con un grugn, e quì arguianta, ch' an s' pó dir, es i dmandó: cosa i vol quì a lù? sù ch' al s' la fazza. Al prencip, ch' sintì st brutt tratt, s' l' avv pr mal purassà, es vlè mettr man alla spada, mó tra ch' ai era la ruzzn, tra ch' la vecchia era affadà, an pssì movvr l' man, es arstó lì, ch' al pars just una statva, ch' al parè incullà con dlla oola garavel-la. Vdandl arduitt a qual mod, la donna salvadga la l' cargó cm' un asn, pln d' tattar, es al fì andar sigh a cà só, e pò i diss: badm ben a mì, e fà, ch' an tì' ava da dir dou volt, mì vui, ch' sta sira quand a vgn a cà sippa zappá tutt l' ort, ch' sj fatt i quadern, e semmnà i radicch, e prassù, e s' an srà fatt quest, ch' ai ho ditt, mì t' magnarò in tri o quattr bccun; e pò vultands a sò fiola la i diss: e tì braghira bada

alla cà. Quand l'avv fatt sta bella rumanzlù, la sn'andò a cunversazion da dgli altr donn salvadgh. Dardanell ch'sintì, ch' la cosa piava brutta piga, cminzò a dir: eh sj maldett quand a son mai vgnù in sti quartir; mò la Filadora al cunsulava, es i dseva: i fatt smittun! cosa vola aver pora? n' sal, ch' pr lù m' dspujarè in camisa? mi i vui tant ben a lù, es ho tant accar d'esser dov l'è lù, e pr cosa donca s' aggrival lù d' essr vgnù in cà mi? Dardanell arspos: eh sgnora Filadurina, an m' dspias miga d' aver lassà l' mi belli stanzi pr sti bus quì, vedla, oh sgnora nò, ch' la creda pur, ch' pr lj a farè d' agn cosa, mò am dspias d' aver a zappar, ch' mi n' sò far, es n' farò sn dl sgarbarj, e pó la vol, ch' sj finì sta sira: oh ch la tuga st prillin, la dis, ch' s' an ar-rò finì la m magnarà: oh ch' la magna pur su; am dspias sol perchè s' la m magnass, an i prè più esser vsin a lj, ch pr altr pò sti quità m' fan vent. Eh ch' an dubbita, dsè la Filadora: innanz sira l' ort srà zappà, es srà fatt quell, ch i vol; sal lù, ch' mi son affadà? a vui mó dir, ch' a poss far alt, e bass. Dardanell, ch' sintì, ch' l' era una fada, ai diss: mò donca cosa stenza quì a faucchiar? perchè n'scappenja vj, ch' a la cundurrè mi dalla sgnora madr, ch' la srè lj donna, e madonna. La Filadora arspos: mò an è gnanch arrivà qual punt, ch' m' darà sta libertà d' pser scappar, dal rest al vdrà ben lù, s'a farea pulid. Intant al vign sira, e la donna salvadga turnò a cà, es chiamò sò fiola, ch i mandass zò l' trezz di cavj, cmod l' era solita pr torla in cà, perchè an i era scala d' andar sù, e lj s' attaccava ai trezz dla ragazza, ch' l' aveva una testa d' cavj biund cm' è l' or; lì vign donca in cà pr sta vj, es cors subit in il' ort; quand la l vist quì ajustà d' pnell, ai saltò addoss al diavì dalla rabbia: la dsè: mò cmod è mai pussibil, ch' un zovn aq' zintil ch' l' è lì, ch' al par un latt, e un vin, ai sippa bastà l' anm d' far qula fadiga? os basta la soggiuns: alla vdren. Quand fu la mattina, subit mai ch' fu di, la t al fì saltar sù, es i diss: udj Dardanell: mi vui, ch' sippa stlà quaud a vign a cà sta sira sj carra d' legna, e agn pezz d' legna a vui, ch' al sippa partì in quattr pizz, es an srà fatt cm' a vign a cà, vù sri al mi cumpanadgh da ceuna. Quaud Dardanell sintì st' antifona, al diss: oh a stò just fresch cm' una rosa mi, es era tutt dsprà, mò la Filadora andò lì da lù a dir: oh! mò



comod l'è mai spuros! mò n' i oja ditt, ch' an s dubbita: mò diavl! d' cosa al pora? ch' al staga quiet, ch' l' legn sran stllà, e lù n' durarà brisa fadiga, e quasi fu. La sira quand vign a cà la vecchia, l' legn ern stllà, e miss in s' al granar, e agn' cosa, ch' a vder una cosa sì fatta qula tamplona d' qu'j, la n' savè dov ficcars dalla rabbia, es diss: ossù, au ho su' poia, ch' mi fiola i appa man mì in sti miraql, mò lassa pur, dis, a vui anc pruvàrn' un altra. Quand la fu al terz dì, la diss ch' la vleva, ch' al vndass una cisterna, ch' tgneva mill bott d' acqua, e ch' la fuss vuda la sira, sn' chi nò ai era zà la solita mnazza dal magnarl. Quand la fu andà vj, Dardanell cminzò a far l' laminturi, e la Filadora avvè dparer; mò diavl, la dsè: mò n' al mò vlist s' agn volta al ho ajutà: oss ch' al tasa pur, ch' l' è arrivà qual punt, in t' al qual mì poss scappar, e quasi az la cuirenn, e mì vgnarò a star in ca sò, s an poss da viva, almanch da morta. Al prencip saltava tant alt, es diss: oh quasi sì, oh adess a son ben cuntent! La Filadora al conduss pr un cuudutt, ch' as i andava pr un dirupp, ch' era d' cò d' l' ort, e quest cunduseva forà d' città acqul sott terra; quì i cminzonn a camminar, e cammina, e cammina, e quand i funn a un ustarj, Dardanell diss: mò signora Filadurina, an vui miga, ch' l' arriva a casa mì quasi a pj, vedla, ch' an vui, ch' al para alla rgnora madr, ch' appa tolt una scagnuzzanta pr mujer; ch' la m' aspetta quì in sl'ustarj, ch' a turnarò subit cun dl carozz, di cavall, e di servitur, e un pettanler da mettri attorn, ch' an vui, ch' la vigna acqsi in annina. La Filadora donca arstò lì, e Dardanell s'avviò vers al so regn. In st nientr mò al turnò a cà la donna salvadga, es chiamò sò fiola comod la suleva far, perchè la mandass zò l' trezz, mò l'avv l'asi d'aspttar, ch' la n' vlist ngotta. Quand la s accors, ch' la n i dseva essr, la diss: tint a ment, che qustj m la fatta, es andò al bosch a tor una gran perdga, la l' appinzzò alla finestra, e pò s i cminzò a rampigar sn' comod farè un gatt. L'andò in cà, la cercò da pr tutt i bus, e d' sovra, e d' sotto fin dop al cass: finalment la vlist al sfundrion, ch' era fatt là in tl'ort, es i guardò, o per dir mì, la i andò dentr, es vlist, ch' al purtava fin in piazza, perchè l'j mò n' saveva, ch' i fuss in cà sta vj secreta. Quand la vlist sta cosa, la s cminzò a tirar i cavj, a sbattr i pj,

ch' la dsè d' la robba dsfatta, e pò diss: a ti brutta furfanta d' mi fiola at aggur, ch' al prim, ch' basarà al tò mros sippa causa, ch' al se dscorda d' ti, e ch' an t' appensa mai più. Oss a lassaren mò la vecchia la dà pr lj a dir i sù dsperpust, es turnaren la dal prencip, ch' aveva lassà la mujer là in tl' ustarì, e lù andò a casa só. Quand i su servitur, e l' sou criatur al vistnn arrivar, i finn di OO, e di miraqul, perchè tutt crdevvn, ch' al foss mort: i i vgnen tutt incontra, dmandandi: mò dov èl mai stà? Quand al fu sù pr la scala, ai vign incontra la sgnoura madr, ch' s' al niss abbrazzar, es al basò, es i fi istanza, ch' ai dsiss dov l' era stà, e cosa i era intravvgnù. Al prencip n'saveva cosa si arspendr, perchè in quant a lù, i arevv vlù cuntar l' sou dsgrazi, mó al s'era dscurdà agn cosa pr causa d qia malj, ch i avè fatt la donna salvadga, ch' al prim bas, ch' l' arzveva, i fiss dscurdar agn cosa. Lù n' pinsò più, n'è più s' arcurdò nè d' Filadora, nè d' fila d' arzent, e intant, la sgnora madr i diss: mò a sj just arrivà a ora, perchè mì, ch' n' vui più, ch' andadi a cazza, v' ho ammanvà una bella sposa: la turriv? casp s' a la turrò, i arspos Dardanell, dis, dov èla? mó quand la sgnora madr cmanda, an si dis d' no. La Regina arspos: ch siav bendett fiol mi l fra quattr dì l'è quì: questa è una sgnora ricca purassà, e quì a v la vui dar pr mujer. In effett da lì a puch di la sgnora arrivò, e Dardanell la spusò, e magari ijn fuss stà dì mujer, con quant al i arè tolt tutti, senza arcurdars più dla povra Filadora, ch' era là in sl' ustarj. Quand sta povra diavla vist, ch' al ritorn dal prencip tirava in lunga, la cminzò a cercar quì sott' acqua d' chi n' era mai d' st om: la sintì dir, ch' al s' era molt ben fatt al spos lù. Qand la s fu assicurà d' la cosa, ch' fuss verament tal, e qual, la diss: oh lassa pur far a mì, an vui miga star' quì a guardar al prugn nò, la s' fì dar, 'bragh, e la gabbana dal camarir dl' ost, ch' la barattò con la sò stannella; quì vstì da om: l' arrivò alla città, ch' ai n' era patron Dardanell, l' arrivò just in qual dì, ch i fevvn i nozz, ch' ai era una puledma d' cugh tutt in faccend: l' andò zò alla cusina, es dmandò s i avvevn bisogn d' un sguattr; lor dlsan d' sì, e li cminzò, a far cvell. Mentr ch i cminzavvn a purtar in tavla; la Filadora fì lj con l' sou man una clumbina d' pasta, ch' i era dentr al grass, e pò avers un pa-

stizz, es i la srò dentr. Sta clomba mò era affadà, perchè emod a diss, zà l' era affadà anch la Filadora. Quand al scalch avers st pastizz per cminzarl a tajar, la clomba saltò fora, es fì arinagnr tutt' incantà a gnardari pr amor dla sò gran blezza: tutt arstonn innuccà, e nssun magnava più: mò al più pó fu, quand i la sintinn zanzar. Dop ch' l' av dà un svulatton, o dū, la cminzò con una vos da micclina a dir: (volta a Dardanell) mò a digh mè al mi zaqlin, an v' arcurdà più d' qula puvretta dla Filadora nò? mò n' sat s' l' j la povra diavla ha fatt pr lù più, ch' n' fì Carl in Franza, e po la pagà d' sta bella muneda? cuslazz: quest è al regal, ch' ai fa pr averv tolt d' in tl man alla donnà salvadga? e pò: ch' a sò pò mè tant altr benefizi: mò basta al n' è gnanch andà a lett chi ha d' aver la mala nott; taffia pur sù al mè lov, e tut bon temp quì con sta simona d' sta sposa, e la povra Filadora starà a sbadacchiar. Quand l' av una volta finì sta gran zanzada, ladi un gran svulatton, es andò a far i fati sù. Al princip armas più mort che viv, ch' an psseva gnanch parlar: quand i turnò la luquilla, al dmandò subit chi aveva fatt qual pastizz, e qula clomba, ch' i era dentr; ij arspesn; ch' al l' avè fatt un sguattr, ch' era vgnù ajutar al cugh zo in cusina: al princip diss, ch' al le vleva vedr. La Filadora (ch' era zà l' j al sguattr) s' tri in znocch dinanz a Dardanell, es cminzò a smergular dsandi; mò cosa i oja fatt mè a lù? m' sonja merità d' esser trattà emod am tratta? um; ingratazz; ch' al diga ben sù, cosa i oja fatt? Al princip allora vign in lù, perchè la Filadora i diss partecipar d' qula virtù dla sò fadazion d' l' j, es s' vign arcurdand tutt gli ubbligazion, ch' al j aveva, al la fì livar subit in pi, e pò cminzò a cuntar alla signora madr tutt i servizi, ch' la j aveva fatt, e pò diss; mo emod faroja, perchè questa è mj mujer anca l' j, e mè nm' arcurdava sta bagatella, es in ho tolt un' altra? La signora madr diss, mo fiol mè, mè v' lass far a vù, quest è un gra intrigh: perchè mè n' vrè, ch' s' ds gustass sta signora, ch' avven quì in casa. La sposa ch' aveva zà judi tutt sti squas, ai avè zà cmenz a vgnir su i chiù, es arspes: eh, ch' in spiijn miga fastidi d' mè, perchè a dirila, ai hò tant pìn al fus d' sta sò cá, ch' un' ora m' par mill ann d' cavarm d' quì mè con tutt sti simittun; tolè; mè vagh vj just adess a casa mj, Quand Dardanell vist, ch'

verament la s livò sù , e ch' l' andava , ai vign tant d' cor dall' algrezza , es n i pareva vera d' passers dszampelar da sì gran garbui. Ai mandò sigh di servitur, ch' l' a accompagnassn a casa, es i diss: ch' la cumpatissa mò; mò l' n vols mò cumpatir altr, es andò vj tutta dsparirosa. Dardanell pò fi vstir la Filadora in andrienn , e pò fi far gl' algrezz la sira. In tal più bell ch i purtavvn in sala l' torz impres, as sintì sù pr l' scal una gran sunà d' campanin. Al prencip diss con sò madr: questa è mò una qualch bella mascarada, ch' vin sù: eh insomma sta nobiltà m' vol pó ben vdl. Intant ch' i andavvn strulgand cosa al dseva essr, al cumpars in mezz alla sala al piú brutt mascarunazz, ch' s' psiss vedr: al n' era gnanch alt un mezz brazz, mò l' era più gross d' una bott. Qstù andò dinnanz al prencip, es i diss: sal lustrissm chi a son mí? a son l' ombra d' qula Vecchia patrona d' qual pgnattin, ch' era pin d' fasù, ch' al rumpì lù: mì n' aveva altr dssegn d' magnar qual di, e in effett n' cattand chi m' diss un boccn d' pan, a chigu murir dalla fam pr cavsà d' vu sgnerrj lustrissima: ai auguró, ch' al psiss cascar in man dla donna salvdga, e quì intravvgnù; sì ben pó ch' pr causa d' sta ninfà d' alba, an i è intravvgnù qual mal, ch' arrev vlù mì, es è stà pr causa d' qustj, ch' al j è scappà d' in tl' man. La donna salvadga pò i fi un' altr agguraz: cioè, ch' al s' dscurdass dla mrosa, quand al fues basà, e al sà zà, ch' subit ch' la sgnora madr al basó, an s' arcudò mai più d' qustj; ora adess a son mò quì pr farjen un' altr di agguraz, ch' l' è quest: ch' al possa sempr aver dinnanz ai ucch quì fasù, ch' am mandó adamal, e ch' vigna vera qual pruverbi, ch' dis: chi somna i fasù, ai nass l' corn. Subit ch' al mascaron avv pronunzià sti parol al spari vù. La Filadora, ch' vist, ch' al parè, ch' al prencip fuss armas inspuri, la i fi anm, es diss: mò ch al staga pur alligr, qula vecchia è matta lì. Dop quest i purtonu in tavla la cenna, e l' algrezza fi dscurdar tutt i guai.

## La Fola dla Schiava.

**A**i era una volta al Cavalir d' Selva Scura ch' aveva una surella putta, mò una bellissima zovna', verament bella. Sta ragazza l' fest la steva sempr in cà, perchè al vgneva lì in t al sò ort degli altr zovn sou amighi, es sevvu alla strlja, alla pgnattazza, all' agocchia dspuntà, e in somma l' s' passavn quàs al temp. Al portò al cas, ch' una volta, mentr che gli ern vsin a una bella zeda d' ros, ai vign in ment d' far a gara t chi d' lor fuss bastà l' anm d' saltarla netia, ( perchè l' era bassa dri a terra ) e chi aviss passà pr d' là senza tucarla, arrev po vint una gavetta d' sussizza. Quì tutt' sti tosi s' cminzonn a prubar, mò tutt i devvu dentr, ch' l' tucavva qualch poch l' fui, mò quand tuccò all' Ancilla, ( ch' era mò sta surella dal cavalir ) la s tirò quì un poch indrj, e pò pres un gran slanz, es saltò pr dlà dalla zeda; mò el ben ch' a tutt ai pars, ch' la la passass netta, in t agn mod la s tirò drj una fuja, mò la fu tant svelta, ch' la s la miss in bocca, ch' nssun s n' addì, es guadagnò l' la sussizza, ch' la s l' andò subit a cusr, es la magnonn tutt insem. Mò an passò mò trè dì, ch' la s accors, ch' l' era gravda l' : tolè. Qand la s' accors d' una cosa sì fatta, l' avv a murir d' d'ulor, perchè l' savev d' cert, ch' la n avè da essr, es andava pinsand cmod psseva essr sta cosa; basta pr n saver cosa s' far, e pr consolars, la tols un dop dsnar al sò lavurir, es andò a star da cert donn sou amighi, ch' ern fad, es i cuntò sta cosa: lor i d'issn, ch' la n s' dubbitass, ch' al n era ngotta, ch' l' era dvintà gravda pr causa d' qula fuja d' rosa, ch' l' aveva stragualzà, e ch' al dseva essr stà al pccà, perchè l' aveva fatt qula pò d' fuffigna addoss a qugli altr, ch' la i aveva vint la sussizza, ch' d' cunsinzia n era sò. Quand l' Ancilla sintì quì, la s quietò, es inzzgnava d' arpiattar la panza, e sn s in mteva mò più fastidi, perchè la cunsidava in tl fad, ch' l' aren' ajutà. Quand fu passà nov mis, la fì quì d' arpiatt, ch' nssun sn' addì, una bella fandsina ch' era la più bella mammina, ch' avissi vlù vedr, es i miss nom Bìsa, e pò la mandò a quel fad. Questi tutt insem i dinn la sò fadazion, e la più pznina d' sti don vols

correr pr vder sta zaqulina, es scappuzzò quì mattament, ch' la sè stravultò un pè; quand la sintì, ch' la s'era fatt mal ai vègn tanta rabbia, ch' la diss: eh: pr causa d' sta cagona am son fatt st schirz, oh lassa pur far a mè, ch' at farò ben mè un' agguraz, ch' t' priss chiarir: oh vut altr, a stò tanton a vendicarm. L' agguraz fu quest: dis, t' possa intravvgnir, ch' quand t' arà sett ann, tò madr una mattina in t al pitnart t' intriga tant i cavj, ch' al petn s' agluppa dentr, e ch' t' chign murir per quell. Quì appunt intravvign. Quand la Bisa avv sett ann la sò mamma la pitnava, e un dì la intravvign tal, e qual, e la ragazza mors. Sò madr s' dsprò tant fort a vedr murir sta ragazza, ch' la n savè, ch' partì s' piar, es avv aurbir dal gran pianzr, mò zà an i era più remedi; e perchè nssun s' accurziss d' sta morta ( perchè la ragazza n' era mai stà vista da nssun ) la fi far sett cass d' cristall una dentr in t' l' altra, es l' miss in t' l' ultima stauzia d' una sfilza, ch' era in t' al sò pallazz; in qula prima cassa la i srò dentr la Bisa, e pò s' miss la chiav d' sta stanza in bis-sacca. Mo cosa mò? da lì an sò ch' di sta povra sgnora Ancilla s' miss in t' un lett pr al gran travaj, ch' la smiss pr la mort d' sta tosa; al mal crssi a segn, ch' l' arrivò a murir. Quand l' s' accors, ch' verament an i era più cirott, la chiamó só fradell, es i diss: mè son quì cmod a vèl, ch' a vui murir, vù pssj torv tutt quì pù d' strzzz ch' ai ho, com patron, mò a vui ch' am prumttadi una cosa, cioè dnavric mai pr quà s' vuia pretest quì ultima stanza d' st appartament: e d' tgnir vù sempr sta chiav, ch' av dò, in bissacca. Sò fradell, ch' i vleva un gran ben, i prumiss quell ch' la vleva, e la sgnora Ancilla andò da lì a un pucùn a far tera da pgnatt. Passà un'ann, st cavalir tols mujer, e puch mis dop al spusalzi ai vègn bisogn d' andar in viaz; alchiamó la sgnora, es i diss: mè vagh vj, ch' l' ava ben mò al cor alla casa, e ch' la fazza ben in mod, ch' s' fazza cont dla robba; questi in l' chiav d' agn cosa, mò ch' l' avverta ben d' n andar mai in qula stanza là d' cò; ch' l' intenda ben, vèdla, sì ben ch' ai dagh la chiav, an vui ch' lai vaga: ch' la n staga mó a cercar altr, su' ch' la n i ha d' andar. Lù partì, e l' j prumiss d' ben far, e d' ben dir; mó piusà vù: al n' avv sì prest vultà i garitt, ch' ai vègn tanta la gran cnriosità d' saver, ch' diavì dseva mó mai esser là d' cò, ch' l' j n'

psseva più, e d'lanza lunga l'andò là 'es avvers la stanza ar-  
 rabbia pr di suspectt, ch' i ern vgnù in tla testa. Quand la  
 vist tutt sti cass, la i cminzò a gnardar quasi pr d' fora, per-  
 chè l' trasparevvn; es si vdeva dentr qula tosa, ch' al pare-  
 va just, ch' la durmiss, mò l'era granda, e grossa cmod l'  
 avè da vgnir, perchè l'ers crssù con l'cass, e agn' cosa,  
 ch' s'ernn' anca lor aslungà second ch la tosa crsseva. Sta  
 braghira d' sta sgnora, ch' aveva una gelusj dal diavl a so  
 mari, e ch' vist sta zovna ch' era mò li bella, mo cmod vò,  
 la diss; sì nmamj: ai ho mò capi address da cosa vgneva sta  
 gran pora, ch' avè al sgnor cont, ch mi n' intrass qui dentri:  
 bon, bon, oh ai ho dscvert la quaja, e la robba, ch' la n  
 diss, al cil al sà pò lù. La sfundò pò l' cass, es di un gran  
 tirott pr i cavj alla Bisa. La ragazza mó s'arsintè li, per-  
 chè la sgnora i di st tirott con tanta rabbia, ch' la i fì batte  
 la testa in terra, e in t al dar qual colp, ai saltò fora al  
 pettn d' in ti cavj, es pars, ch' la s dscass: subit ch' là fu  
 vgnù in lj, la chiamò; oh mamma, mamma: qula sgnora  
 diss: eh at vui ben mi dar la mamma, ch' t' va cercand: la  
 la chiappò pr un brazz, e pò s la miss a schiaffzar, es i ta-  
 jo tutt i cavi, e pò i miss indoss una brutta stanella, es la  
 trattava cmod s'farè una schiava, tutt al di là i dseva di  
 strapazz: e pò n i dava da magnar. Da li a puch di al tur-  
 nò d' vj al sgnor cont, es dmandò cli era mò qula ragazza  
 novà, ch' era lj pr cà: la sgnora i arspes, ch' l' era una  
 schiava, ch' i avè mandà la so sgnora zè, mó ch' l' era un'  
 insulenta, ch' al bgnava tgnirla bassa, e dumarla a forza d'  
 dari di chiuccl. Da li a poch temp al signor cont vols andar  
 a una fira, es dmandò a tutt qui d' cà pr fìn ai gatt, cosa  
 i vlevvn, ch ai purtass d' in sla fira, ch diss a vui quest, chi  
 a vui st' alur; in ultum al vgn a dmandar alla schiava, ch'  
 la dss cosa la vleva. Quand la sgnora al savv, la pars un  
 diavl dl' infern, ch' se dscaddnass, es cminzò a dir; ch' madl  
 sì, e zà, e là, ch' la n vlè miga lj, ch' al la mtiss in duz-  
 zina, ch' l' era una sfazzà, ch la piava tropp argui, e las-  
 sla pur dir a lj; via al patron la lassò battlar, e s vol in  
 tutt i mod saver dalla Bisa cosa la vleva, perchè lù era amu-  
 revvl, ch' an psè vedr sti quità. La Bisa diss, ch' la n vleva  
 altr sn' ch' ai portass una più, un curtell, e una preda d' a-  
 guzzar, e s' al vgniss mai, dis, a dscurdars d' pruvvedr quest

ch' ai dmand , n' possal mai passar al prim fium, ch al tro-  
 va. Al sgnor cont andò, al cumprò agn cosa, eccet che quell,  
 ch' i avè urduà sò nezza. Al turnava zá indrj: mò boña :  
 quand al fu li da qual fium , an fu mu pussibil , ch' al le  
 passiss passar. Al s' arcurdò d' qu' agguraz , ch' i avè fatt  
 qula ragazza, e d' lungn al turnò indrj, es andò a una but-  
 tega a cumprar tutt quell, ch' i aveva urdnà la Bisa. Quand  
 al fu a casa , al di agn' cosa a chi l' aveva d' aver. La Bi-  
 sa s' andò a star dlà in cusina, e s' miss in znocch in terra  
 dinnanz alla bambozza , es cminzò a pianzr, e a cuntar tutt  
 i su guai, perchè la s' arcurdava quell , chi aveva cuntà la  
 mamma da ra, fin a ron, cmod l' era nada, e cmod la n era  
 nada , e quasi donca la cuntava tutt sti pùt a qula qu' d'  
 strazz , just cmod l' arevv fatt cun un , ch' intindiss , e pò ,  
 perchè la vdeva, che qustj n i arspundeve, la chiappava al  
 curtell, es l' aguzzava in s' qula pìeda , e pò dseva: an: a  
 digh mè cusslina: st n m' arspond , mè m' insfilz vè , ch' l' è  
 pò finì la festa, e la bambozza s' inclinava zó a poch a poch,  
 es dseva: sì, sì, ch' at ho intes, t' m' ha mò rott com s' sol  
 dir mè. Ora al durò st' dialogh una man d' di. Al sgnor cont  
 aveva mò una sò stanziola , ch' ai capitava dè volt , ch' era  
 just attaccà alla cusina , sintì una volta sta pertantegula ;  
 al s' vols chiarir cosa era mai sta zanzada acqsi addulurà ;  
 pr sintir mèi , al s' accustó all' uss, es' guardò pr al bus dla  
 chiavadura , es sintì , ch' la Bisa cuntava alla bambozza tutt  
 quel , ch' era intravvgnù alla sò mamma. La dseva: mò la  
 mamma la saltò qula zeda d' ros , e pò dvintò gravda d' mè,  
 perchè la magnò qula fuja: mò e l' fad pò mè finn quesi , e  
 quesi, e in fin basta dir, ch' la i cuntava agn cosa: la cmin-  
 zò pò a scartar contra alla sgnora, ch' la cavò d' in tl cass,  
 ch' in fi fass, e fassulin, e quand la cuntava sti cos, la pian-  
 zeva , ch' as i srè lavà l' mau sotta ai ucch, e pò dseva al-  
 la pù: sù ben mò arspondm, s nchì nó mè m' ammazza con st  
 curtell vè , e pò la i cminzzava aguzzar , e feva just cegn  
 d' vlers ammazzar. Al sguor cont, ch' vist al scurzì dè cam-  
 minand un calz in tl' uss d' cusina, es intrò dentr, e con frez-  
 za ai tols al curtell d' in man , e pò s' fi contar agn cosa.  
 Lj pò i basò la man quand l' avv finì d' instruir, es i diss:  
 oh s' al saviss sgnor zio cosa ai ho mandà zò; lù pò la miss  
 fora d' cà a duzzina da cert donn, fin a tant, ch' la fuss un



poch arfatta, ch' l' aviss magnà, perchè l'èra tant secca, ch' la fava pora. Da li a puch mis, quand al vist lù, ch' l' era divntà grassa, e intunarln, al vols ch' la vgniss una mat-  
tina a dsnar, es diss alla sgnurazza, ch' al vleva invidar una  
sò nvoda, as fi al dsnar, e dop ch' i avvn dsparchià, al sgnor  
zio vols, ch' la Bisa cuntass tutta la sò vita, e tutt l' stra-  
niezz, ch' l' aveva arzvù lì dà qula hambozza d' sgnora, ch'  
steva pò lì con tant d' nas; tutt quì, ch' ern a tavla pian-  
zevn dalla cumpassion. Al sgnor cont parò vj d' in cà sò mu-  
jer pr castigarla, ch' al vols, ch' l' andass a cà di sù; al di  
pò un bell spos alla Bisa, es fi cgnosssr, ch' l' è vera al  
pruverbi, ch' dis: quand manch as aspetta, al cil fa la vin-  
detta.

## La Fola dal Cadnazz.

Ai era una volta una donna, ch' aveva trei fioli, es  
ern puvrettì miserabil, ch' n' avvevn nè con ch' magnar, nè  
con ch' vstirs; l' sta povra donna d' sò madr andava a cer-  
car dl volt tra dal rusch, ch' era in tla strà s la trovava  
qualch cosa da magnar. Una mattina la trovò del foi d' col,  
ch' ern sta tratt vj da un cugh, la l' iols, e pò diss al sou  
ragazzi, ch' andassn nna d' lor alla funtanina a tor un pò d'  
quì acqua, perchè la deva amor alla robba, ch' la i vleva  
cusr sti fui d' col: mò quì lor n' cuncludevvn ngotta, una la  
deva all' altra, es n s trovava chi vlss far st servizi, tant  
ch' sò madr chiappò l' al calzedr, es diss, quì bsò far d' quel-  
la dal pudstà d' Sinigaja: emanda, e fa; ai andarò mò mè,  
cosa vliv, ch' a fazza? se sti carogn n i voln andar, es ve-  
don, ch' a son quì vecchia, ch' an n' poss tirar dri l' gamb.  
La più pzznina d' sti surell, ch' aveva nom Luzla, la diss; da  
quì a mè, mamma, ch' sì ben ch' ai ho poch fià, am in-  
zgnarò ben d' purtar al calzedr, es andò alla funtanina; quand  
la fu là, ai vign incontra un schiav, ch' i diss: o bella put-  
ta vliv vgnir migh quì in t' una grotta? l' è quì vsin, vsin  
vdi, oh av dunarò pur l' belli cos s' a vgnarj. La Luzla, ch'  
era una limbrusa erdita, la i arspos: lassà, ch' a porta a cà  
st' acqua, perchè i m aspettn, ch' a turnarò subit, la cors a  
cà, e quand l' avv miss zo al calzedr, la pres scusa con quel

donn, ch' la vlè turnar vj per cercar quattr sticch, es turnò là dov i era qual schiav. Lù s' avviò innanz, e lj i tign dri, es andonn zò in t' una grotta, ch' era tutta verda, perchè ai zirava attorn una vidalpa, d' li s' arrivava in t' un bell pallazz, ch' tralluccava dal gran or. Subit ch' la fu lì, ai fu apparchià una tavla, ch' ai era d' agn sorta vivand, ch' at imprumett, ch' la Luzla s in fi un zibbon, perchè la n' avè mai magnà un bon boccon, dop ch' l' era nada. In t' al mezz, ch' la fineva d' magnar, al di fora dou dunzell, ch i cavonn d' indoss tutt qui strazzazz d' pagn, ch' l' aveva, es la vstinn d' un bell durant nov d' zecca: la sira i la missn in t' un lett tutt arcamà d' perl, e d' or. Quand fu ammutà la candela, la Luzla sintì, ch' al vign n sò chi sigh a durmir, mò lj n' saveva nè che, nè com, perchè tutt quì, ch' l' aveva vist, e ch' la sinteva, n' dsevv nient: lor navvrevn la bocca nssun. Sta cosa durò quì: n' sò quant di. Intant a lj ai vign vuja d' andar a vedr la mamma, es al diss a qual schiav, ch' l' aveva vist là alla funtanina; quest andò in t' una stanza, e s' parlò a n sò chi, e pò turnò fora, es i dunò una gran bursa d' ducattun dsendi: tulè Luzla, dai alla mamma, mò guardà ben d' turnar prest vdi, e n' sià a dir dov a vgnadi, nè altr. La Luzla andò vj tutta alligra, es arrivò a cà sò acquì vstì ben, ch' l' sou surell alzonn un grugn dalla rabbia, ch' n' pssen più, n' savvevn cmod s' fara saver pr cosa l' avè mò qui bi pagn, perchè zà da lj an s' psè saver ngotta. Quand la fu sta lì a sedr un puchtin, la vols andà vj, dop ch' l' avv dà alla mamma qia bursa d' ducattun. Sò madr, e l' sou surell la vlevv accompagnar, mò lj n' vols brisa nssun, es turnò là in quia grotta, e in qual bell pallazz, es stì n' sò quant mis queda, ch' la n' diss mai d' vler andar a cà. Mò dcò d' sti mis ai in vign vuja, e quì l' andò in tl' istessa maniera con qia bursa d' quattrin, ch' i funn dunà da purtar a cà, e sta cosa intravvign trei, o quattr volt, e sempr l' surell crppavn d' rabbia, perchè en' pssevn saver cmod andass sta cosa. Basta al prfinid, l' braghironn tant, e s' missn in volta tant ptegegul, ch' pr vj d' una donna salvadga l' savvn agn cosa, e la prima volta, ch' vign a cà la Luzla, gli diss: oh stizza rabbia, si ben mò, ch' an z avj mai vlù cuntar dov andà, in t' agumod avven mò savù agn' cosa, sguora squinzia, anzi che a in savven più d' vù; sta ben a udir:

vù agn nott, innanz ch'andadi a lett i v dan la dormia, e l'è pr quell, ch'an pssì mai cgnossr chì vin vosch a durmir; mò s'a vli far a nostr mod, av chiarirj d'agn cosa, perchè a pssadi saver anca vù in quant pl d'acqua a sj, perchè a pssì ben credr, ch'finalment al sangu n'è acqua. Sava donca, ch'agn nott al dorm con vù un più bell zovn, ch's' possa vder, mò vù n'arj mai al gust d' pserl vder, cm' an fa quell, ch'av diren: vù quand vin la sira qual schiav a purtarv l'acqua d'vita dop cenna, (ch'l'è allora ch'ij mettn qual servizi) avj da dir: an cusslin, andam a tor un tvajol da spazzarm la bocca, e in qual mentr ch'lù va in là, e vù avl d'arversar al bicchir, ch'acquist a prì star desda la nott, e quand pò a vdrj vostr mari addurmintà, tuli st cadnazz, ch'av den in man, e appunzel a qu'uss, ch'avj lì vsin al cavzal, ch'allora al sò marz d'spett, as d'sfarà l'incant, e vù pò vdrì, ch'ben temp arj pr l'avvgnir. La po-vra Luzla, ch'n'cgnusseva, ch'gli ern dri a fari al so mal, la i saltò dentr con algrezza, e subit ch'la fu turnà alla grotta, e ch'fu vgnù la nott, la fi quell, ch'i diss qu'ptte-gul dl sou surell. Quand agn cosa fu quit, la tols al batt fugh, es impres la candela, e pò andò a guardar a qu'om, ch'era sigh a durmir, es vist, ch'l'era la più bella criatura, ch'l'aviss mai cgnossù, la vist, ch'l'era on om, perchè l'aveva la perucca, ch'pr altr lj n'avè mai pssù vder cosa al fuss; l'aveva dl carn, ch'parevn ros, e zli; al pareva un latt, e un vin. Quand la Luzla vist acquisti, la s'aguzzò, es diss: o lassa pur far a mi, tn'm'scapp miga più vè, ch'a vui ben mi d'sfar l'incant: aspetta pur, avrirò ben mi st'uss. La tols qual cadnazz, cmod i avvè d'it l'surell, es l'appunzò all'uss, ch'era lì vsin al lett, al qual s'avers arisgh a appunzari quì al cadnazz: quand al fu avert, l'intrò in tuna stanza, es vist tant l'gran donn, ch'av-vevn in sla testa dl panir pín d'gavett d'lin bell e filà, e suttil cm'è la seda, es i n'era tanta la gran quantità... oh nmami: as srè pur fati la bella rela! In qual menter mo ch'la steva lì incantà a guardari, ai fu una d'sti donn, ch'ai cascò in terra una gavetta, senza ch'la sn'accurziss: la Luzla, ch'era servizial. ns'arcurdand, ch'la psè d'sdar qual zovn, la zigò fort: o sposa tulj sù qula gavetta, ch'v'è cascà; in t al trar st zigh, as dedò qual bell fiol, ch'era lì

a lett. Quest avv tanta la gran rabbia d'esser vist, che d' lungh subit al chiamò qual schiav; es-fì mettr in doss alla Luzla qui sù strazz d'pagn, ch' l'aveva alla prima, es vols, ch' la mttiss zò tutt quì belli cos, ch' l'aveva attorn, es i diss, ch' la s la fiss pur mò a gamb. La Luzla andò vi pianzand, es andò a cà sò; mò quand la fu là, l' sou surell la cminzonn a svillanzar, es n la volssn incà, e l'j la puvretta chign andar pr al mond cercand la limosna, ch' la feva di strassin da bistia, e pò d'zunta la vlè far un fandsin. Basta la s' mïss a camminar, e cammina, e cammina, tant ch' l' arrivò alla città d' Torr lunga, es andò dentr in t al palazz dov stava la Regina; quand la fu lì, la dmandò pr carità, ch' i la mttissn in s dla pajà a durmir. Una dunzella d' cort s' moss a cumpassion, e s' i assignò un busamin d' stanza da stari a durmir. Da lì a puch dila fì al più bel pacchion d' ragazz, mò bell purassà. Ora la prima nött, ch' era nad st tuset, quand mai più agn cosa era quiet, ch' tutt ern in tal prim sonn, l' intrò in tla stanziola dla Luzla al più bell zovn, ch' s' ples vder con dñ ucch: mo quell mò ch' feva marajar la Luzla, quest intrò con tutt l' fnestr, e l' uss assrà; quand al fu lì, al s' agguflò dinnanz a qual tuset, dsendi sta pertantegula:

*Oh mi fiol, ch' l'è tant, ch' at brama*

*La to nonna, la mi mamma,*

*T i vgnù al mond bell al mj tsor;*

*Mò s' la l' sà, la t' vin a tor,*

*E pò t' lava in t' un cadin*

*D' or, d' smirald, d' perl, e d' rubin,*

*E l' tou fass sran arcamà,*

*Quand l' n in d' ganz, o d' bruccà,*

*Mì n te vrevv abbandunar,*

*Mò al gall canta, es bsogna andar.*

Quand l' av recità sta bella poesj, al stì a guardar a st ragazzett sina vers di, cioè fina ch' cminzò a cantar al prim gall, e allora al sparì just cmod fa al vent. Qula dunzella, ch' aveva dà qual bus d' stanziola alla Luzla sintì st chiac-carament, es usservò ch' sta cosa intravvign n' sò quant nött, cosa filla lì? l' andò, e s al diss alla Regina, digandi, che quest spareva subit, ch' cantava al gall. La Regina mandò un band, ch' assolutissimament s' avvìss d' ammazzar tutt i

gall, ch'ern in tla città, e pò stì adducchiari l'j, e la sò dunzella s'al vgneva st zovn; mò bona: quand fu quasi la mezza nòtt, al cumpars l'amigh zrisa. La Regina cgnussì sùbit ch' l'era sò fiol, perchè bisogna saver, che quest era qual zovn, ch' stéva là in t' al palazz dla grotta, dov i era sta la Luzla, e perchè ai era sta fatt una malj da una strija, conqualment l'aviss d' andar a mattezz pr al mond, e ch' al n'aviss più da psser turnar a cá, fina ch' n' era success sti zirandi: cioè, ch' fuss andà là la Luzla, nad al ragazz, al gall ch' cantass, e tutt sti zìrr, e pò ch' la mamma l'aviss cgnussò, e quì quand fu intravvgnù tutt sti cos, as dssfì la malj. La Regina s'allgrò a vder, ch' l'aveva sì bell nvudin, e la Luzla s'truvò dessr mujer d'un Re. L'sou surell, quand gli avnn la nova d' tutt sti squarch, l' la vignin' a trovar, mò l'vistnn ch'an i era tren da far ballott. La Luzla i trì in ti ucch tutt i mal trattamint ch' ij avven' fatt' e quì l' turnonn a cà più confusi, che ubbligà, es cgnussinn, ch' l'è pò vera: che chi mal fa, mal sempr sempr arà.

## La Fola dal Cumpar

Ai era una volta un' om, ch' aveva nom Cola, e sò mujer aveva nom Tmasella; st om era ricch, mo ricch purassà, sì ben ch' al viveva. com s' sol dir, d' pan, e d' spudacch, e pur l' arevv avù al mod d' campar quì bnln, ch' l'aveva tant i gran purzj, e dl vacch, e del pigur, mò pur an s la saveva godr. St om mò aveva un cumpar, ch' aveva adducchià agn mattina, (mò a digh ben agn mattina) quand era ora d' dsnar, sempr cumpareva l'j da st' marì, e mujer, e tant steva lì dur a sedr in s' una scranna, ch' lor d' dsprazion (s' i n' vlevvn dsnar con la lum) bsgnava, ch' i magnassn in sò presenza; lù in qual mentr i steva a guardar, ch' al pare just, ch' l' armnass tutt' i beccun, ch' i magnavvn, e pò andava fagand dl riflessione sovra a quell, ch' i tulevvn in bocca. L' arè ditt; oh la d' pur esser bona gula panzetta! un' altra volta l' arè ditt: oh avj dla favetta! oh l' è pur tant, ch' mi n' n' ho magnà, es i n ho tanta vuja, e in somma an la fineva mai d' trar dl sprunà, tant ch' lor pr riputazion arrivvavu a dir: mò s a vlj star a far penitenza, cumpar,

a sj patron, e lù d' lugh n' replicava, su' ch' al s' mteva li alla tavla, e pò taffiava a dou ganass, e finach' i n era l' andava drj, e pò s' attaccava al fiasch al coll, es al vudava, ch' al parè ben, ch' al fuss ubbligà a far quisl: Quand l' avè fatt la sò bella funzion, al s' n' andava pò vj senza gnanch dir: at n' instò, e la mattina seguent i ero sicur, ch' l' era li pùntual. Sta cosa, cmod s pò credr, vgneva in qual servizi a Cola, e alla Tmasella, es maravvjava a vder sta poca dscherzion, ch' aveva qustù, es n' savvevn cmod s far a livarsel d' dond s' sol dir. Una mattina mò, ch' i aveva savù pr cosa certa, ch' l' era andà d' fora, i ern tutt alligr, perchè i speravn d' psser una volta arrivar alla cuntintezza d' magnar qual becon, senza ch i fuss lì un, ch i armnass i beccun: a quisl Cola dsè con sò mujer: oh sj ludà al cil, dcò d' tant ann aren pur la grazia d' n aver quì tra i pì: sù, Tmasella, impjà un poch al fugh, ch' mi in st mentr andarò a cumprar qualch cosa, e quisl fì, e dal gran gust, ch' l' aveva d' essr in libertà, an digh mò altr, su' cha l' uscì dalla sò solita regula in t al cumprar, perchè zà, cmod a diss alla prima, Cola era un' arsurà, mò qula mattina al fì tantara, es turnò a cà con una bella anguilla. Al cumprò pò dla pasta dal furnar d' quella da far pan, es vols, ch' sò mujer fìs una bella cressent in t al buttir; l' avè pò trovà un pò d' bon vin, ch' ai n' avè compr un fiasch, e in qual mentr, ch' l' j feva la crssent, lù frizzava l' anguilla, es era tutt d' ghirgaja. Quand fu cott la robba, i s missn a sedr; mo che? subit subit fu battù; lor avvevn just in man la furzina, pr cininzar a magnar, la Tmasella la mett zò, es vā a guardar sovra al bus, mò bona, l' è al cumpar lù. La Tmasella diss; mò l' è quì lù; sò marl zigò, ch i possa vgnir la pest, mò ch' diavl è quest? e pò diss a sò mujer: arpundj ben agn cosa, ch' al n' in veda una, ch' a vni, ch' para, ch' avammn dsnà, e pò, cm' avj arpos, andaren avrir, ch' al pó essr, che quand al vdrà, ch' an i è nilnt da magnar, ch' al s la cuja, e nù pó allora turnaren a prubar d' dsnar, e quisl la Tmasella arpiattò l' anguilla in tla scaffa, al fiasch sotto al lett, e la crssent tra i tamarazz. Cola s' arpos sotto alla tavla, ch' era cverta con un tapped, ch' arrivava fin in terra, es i era un bus, e lù s' miss a guardar pr d' lì, pr vder cosa aveva da intravvgnir. In st mentr mó, ch i fevn tutt

sti arpiattun , al cumpar , ch'era anch fora , guardava pr al bus dla chiavadura , perchè sta stanza da sti smanezz era propri indritt alla porta , e l'uss era avert ; ora , cmod a digh , guardand pr al bus , al vist tutt quell , ch' i avvevn fatt. Quand la Tmasella i andó avrir , lù intró dentr tutt smarri , es termava cmod a l'aviss avú una gran pora ; la Tmasella i dmandó : cosa avviv , cumpar , ch' a aj quèl inspurì ? lù arspos : oh s' a savlssi ! in qual mentr , ch' am avj fatt tant aspttar , am è vgnù tra i pi una bisssa : oh la brutta bisssa ! l'era grossa . . . . cosa : l'era più grossa , ch' n' è qu' anguilla , ch' avj assrà vù in tla scaffa ; mi ch' ho vist al prigul , ch' era poch luntan d' aver a essr magnà , pr trovar qualch arpigh , cosa oja fatt ? ai ho tolt d' in terra un codu grand , cmod è al voster fiasch , ch' avj sotta al lett , e taff , a t m l' ho asffrittla , giust cmod è qula crssent , ch' avj tra i tamarazz , e in qual mentr , ch' la mureva sta diavla , la m guardava cou dù ucchiaz , just cmod è qui dal cumpar , ch' m' guarda lí sotta alla tavla , es v' digh , ch' an m' è avanzà una gozza d' sangu addoss. Quand l' av finì sta zenzanda , Cola n' psi più star alla pazinzia , es ficcò fora là testa dsend : mó che nova ? a eh' zugh zughenja ? v' avenja da rendr i vùstr quattrin ? eh am parj la bella splorza ! sù favvla , ch' ai n' aven assà dl vostr finezz , ficca nas , andan' , e purtà vj la puzza , e n stà mai più a vgnirz tra i pi , piltma , arsura dal boja. Al cumpar , ch' vist pò finalment avrirs al scattlìn dal cirimoni , sn' andó vj con la testa bassa , es n' vign mai più ; lor s' turnoun a mettr a sedr , e a magnar l' anguilla , e la crssent :

*E qual cumpar , ch' buscò qula gran filà ,*

*Capì , ch' an s' vò vj a dsnar , cm' an s' è invidà .*

## La Fola d' quell , ch' avè la Testa d' or.

Ai era una volta al Re d' Belpuz , ch' aveva tant la gran vuja d' aver di fiù , ch' lù n' i psseva durar , es andò , es s' avvudi alla Dea Strenga , ch' s la feva in mod , ch' l'aviss almanch una ragazza , al gli arè pò miss nom Cannarella , in memoria , ch' lj , sta Dea , s' era fatta una volta al temp

antigh in forma d'una cauna, e quasi tant andò drì tudnaud sta Dea, ch'finalment la sgnora sò mujer fì una tosa, es i nùssn al nom, ch'sò padr aveva prumiss. Quand sta ragazza fu sù fattarina, al Re i diss un di; oh fiola mj, t j mò quì grandsina, mi t'vrè maridar, perchè, an s'pò mai saver, ch'mì n mora, e ti t armaguriss pò quì in ass, e pò a dirla t'n i mò brutta, e quì donca at vrè un bell spos, tant ch'andass durand la nostra razza: mò perchè at vui un gran ben, at in vrè mò dar un, ch'fuss a tò mod; di donca sù, d'ch'fatta al vut? vut un, ch'sìppa stà al duttòr, o un, ch'n cgnossa gnanch i libbr? al vut zovn, o vecch? bianch, o negr? grass, o secch? grand, o pzznìn? dimm: al vui quì, e quì, e pò n' t' dubbitar, ch' t' l' arà. La Cannagella, ch'sintì sta gran curtsj, arspòs: oh l' fatt cos! sgnor padr, cosa al dis mai, ai son ubbligà, mò mi n' vui mari, ch'am vui far sora. Quand sò padr udì sta cosa, al cminzò a dir. e ch'an vleva miga lù, e ch'mai dù, e tant i diss dl belli rason, ch'la s dvultò, es diss, ch'l' are fatt quell, ch'al vleva lù, mò con st patt, dis, sgnor padr, ch's' ai ho da tor mari, a vui ch'al sia un, ch'an' i sìppa al mond al cumpagn. Quand sò padr udì quì, al s'allgrò molt, es cminzò a star alla finestra dalla mattina fin alla sira, pr squadrar tutt quì, ch' passavn. Uu di al passò un, ch'aveva un bell garb, al Re ai pars, ch'al fuss a proposit pr sò fiola, es cors dìa camminand a chiamarla, dsend: vin vj, corr ben prest, Cannarllna, a vui, ch't' ved un, ch'passa per piazza, mi quell' m'pàr ben pò, ch'l' ava àssà garb mì: l j arspòs; oss ch'al le faccia vgnir sù, ch'acquist ai guardarò a mi comd; al Re al fi vgnir, es vols, ch'al stùss sigh a dsnar, es fi andar a tor dla robba al pastizzir. Quand i dsnavvn, vers la fin, a st'om ai cascò d'in bocca un balus, al le tols con manira, es al nùss sotta al tvajol, e pò seguitò a magnar: mò ai tirava dentr. Quand fu finì al dsnar, al Re andò a interrogar la fiola, diss, e ben, t'piala? li arspòs mò mi nò, ch'al n m pias: i par mò a lò? un om grand, e gross cmod è quell n sa gnanch magnar, al s'lassa cascar d'in buccazza un balus: oh, dis, sgnor nò, sgnor nò, ch'ai daga pur al vió. Al Re al mandò vj, es turnò alla finestra, e la mattina seguent al vùt passar un'altr, ch' i pareva bell, e grazios; al turnò, a chiamar la fiola, dis,



guarda mò , quest qui m' par ben pò , ch' possa passar mì ; la Cannarella soggiuns : um , ch' al le faccia vgnir sù , ch' a vdren , al Re al fi vgnir , tgnagand anch quest a dsnar. Cni' al fu dsparchià , e ch' l' om fu andà vi , al Re dmandò alla tosa : e ben , cosa ditt ? t' piasal ? Ij arspos tutta ingrugnà , oh brisa : d' cosa volal ch' a in faccia ? al n' ha gnanch uu servitor , o dū , ch' i cavvn al frajol d' attorn. Al Re i scappò la pazienza , es i dïss : oss tm' par una matta mì , mò cosa è quest ? vrist dal mel in gavett ? simona ; pensi mò ti : mari tì t' l' ha da tor ; quì zà an i è ch' battr , ch' t' ha mò lasi d' scussar ch' mì vui , ch' dura la nostra razza. Quand la Cannarella vïst , ch' verament al tirava d' brusch , la i arspos : oss mì sgnor padr i la dirò fora di dint , es t' m i la cantarò schietta : mì n' vui mari , quand al n m' attrova un , ch' ava la testa , e i dint tutt d' or masslzz. Al Re s' strinzì in tl spall , es i dïss dla bambozza , mò pur al fi trar un band , che dseva , ch' l' arè dà sò fiola pr mujer a chi s' fuss sintù la vuja d' fars la testa d' or. Bisogna mò saver , ch' al Re aveva un gran nmigh , ch' avè nom Fiuravant : quest' era un negromant , mò d' quì bun , al qual sintend st band , mandò a tor d' quì sù cumpagn in tla negrumanzj , es i dí ordn , ch' subit ij fïssn una testa con i dent d' or ; qustor i arsposn : mò la n' è miga una busca , nè una zizla ; basta nù s' inzgnaren. Fiuravant fï però tant da brusch , ch' al bgnò , ch' i puvr diavl s' inzgnassn , e a forza d' striarj ij la finu. Quand qustù av sta testa con i dint , al vign alla città , es cminzò a spazar sotta alla fnestra dal Re , e al fu subit vïst da lù , ch' zigò : oh nmamj ; s' pò far d' più ? al chiamò la tosa , ch' dïss : oh l' è just just in punt quel , ch' a vleva , guanch s' am al fuss fatt mì con l' mi man ; i al chiamonn su , e al Re i cunssgnò la fiola per mujer. Subit ch' Fiuravant l' av toltà , al vleva correr yj con lj inuanz dsnar , e al Re dïss : mó catt sì , cosa è sta furia ? al par , ch' avadi dri i sbirr : aspità uu poch , ch' ammanvamm' al cantaran dla tosa , es vui , ch' vigna quale servitor con lj a accompagnarla. Oss av rest ben po ubbligà , i arspos Fiuravant , manca zent , ch' ai ho mì là pr cá : mì an basta , ch' i m daghn' un cavall , ch' i vaga su la sposa , dal rest pò ai ho là in casa di cantaran , ch' as in cargarè dl carra. Lor , quì dla sposa , vlevvn pur , ch' l' aspttass , es ragagnonn un pezz ; basta Fiuravant la vinzi lù in t' al

litigar, perchè al la tirava da brusch, al la miss in groppa al cavall, es andó vj. Qui al s' miss a truttar, e tant andonn zìrand, ch' i arrivonn a una stalla dov Fiuravant la fi smuntar, al la fi intrar dentr, e lì i magnava n' só quant cavall, es i diss, ti t ba da arar pr al dritt, mi ho d' andar fina a cà ruj, ch' ai vol sett' ann arrivarì, e quasi cosa vuja mò dir mi? a vui dir, ch' t m' ha d' aspttar qui dentr in sta stalla, e d' quì t n' i ha da nssir: fà, ch' n' t' veda anma nada, perchè t' arà da far niigh. La Cannarella arspos. mó al va ben agn' cosa lù, mó chi m' darà da magnar? Fiuravant arspos: tn' arà d' avanz, basta, ch' t' magn la biava, ch' avanzarà ai cavall. Av psj mó figurar cosa dseva la povra Cannarella: inmazinavv s la maldeva l' ora, e al punt, ch' i era vgnù vuja dla testa d' or, massm ch' la s arcurdava cmòd la steva ben a casa sò, e pò s vdeva arddutta in t' una stalla. Basta, quì n' i era altr remedi, e s' la vleva magnar, bsgnava verament, ch' la tuliss d' qula biava, ch' era purtà lì ai cavall, mó l' j n' psè vder chi i là purtava. Sta cosa andó dri n' só quant mis. Un dì la vist pr un busamin, ch' era in t' una muraja al più bell zardìn, ch' s' psiss vder, es vist, ch' ai era tant l' gran spallir d' limun, e d' mlaranz d' Portugall, ch' fevven vgnir l' acqua in bocca, e pó i era tant i gran albr cargh d' frutt, e di quadern d' fiur, e di pergol pinn d' u . . . oh vita! quand la vist tutt sti cos, l' j, ch' era lì morta dalla fam, la diss: mó a vui ben pó inzgnarm d' andar a garavvlar cvell mi, oh a srè ben matta, intravvìgna mó quell, ch' vol, s' as n' addà mí mari sò dann, e pó chi i l' ha d' andara dir? e quì la s' inzgnò tant, ch' la passò per dlà, es v' só dir, ch' la fì tant d' panza. Da lì a puch di l' arrivò al mari, ch' al n era brisa vera, ch' l' aviss a star sett ann; e un cavall, d' quì dla stalla, ch' era affadà, cuntò al patron cosa avè fatt la Cannarella. Quand Fiuravant sintì sta cosa, al s' miss l' man in bissacca, es tols al timprareln pr vlerla ammazzar, mò l' j s i trì in znocch dinuanz dsandi: mò tarù, an' avi mai sintù dir, ch' la fam cava al lov d' in tal bosch, ai vol pò dscherzion. Con sti rason quì in st andar la i fi mettr zo ai curtell, mò al seguitò però a esser dsperpustà, es i diss: vei, mi t' don' la vita pr limosna: mò un' altra volta, ch' al diavol n t tintass a dsobbidirm, perchè la n' andarà quì vè, ch' at al digh mi,

intend ben , e ch' an t' l' ava da dir sn' una volta: mi adess a vagh vù , es digh mò d' bon , ch' a starò vù sett ann , guarda dn' fallar , fà quell , ch' at ho cmandà , n t movr d' quì , perchè mi al sarò cm' a torn , es tn' arà ubbidì , at tridarò com s' fa la sussizza. Quand al j avve fatt sta bella rumanzina , l' andò vj , e la povra Cannarella armas li a smergular , ch' la n feva mai altr mstr di , e nott. Oh vliv altr , ch' la s aggurava d' aver tolt più tost quell dal balus , o quì altr dal frajol ; la dseva : eh puvretta mi , am batterò mò dond s' sol dir la testa d' or , a magnarò mò d' quella , mò la m stà ben , perchè a son stà una matta , e quì pianzeva , e quì batteva i pj , e pò se strazzava i cavj , e dalla fam , e dal pianzr cuntinv , l' era dvintà secca , zalla , brutta , ch' la n s' cgnusseva più , la feva pora ; oh puvrina ! es era sì blina ! basta lj fi sta vita un ann intir da dop ch' partì sò marì l' ultima volta. Quand fu passà st temp , al purtò al cas , ch' al passò li pr qula strà al canivar dal Re sò padr , ch' avea una bott in t' una cariola , ch' al la purtava a far impir ; la Cannarella al cgnussì alla vos , es s' inznò d' dar fora in qula manira , ch' la i era dà l' altra volta , es al chiamò pr nom , qustù s' sintì chiamar , mò an savev' chi al fuss , perchè lù n' arvisava brisa gnanch pr ombra la patrona , tant erla dstrutta. Quand pó la i diss lj al perchè , e al pr com , a psj credr s' al fì dl maravei , e , tra ch' ai vgn cumpassion dla sgnora , tra perchè al s' vlè guadagnar la grazia dal Re , al diss : mò mí n' poss far altr sn' ch' a la mtrò quì dentr in sta bott mi , ch' ai cavarò al fond , acqsi nssun la vdrà , es la cundurò a casa dal sgnor padr. Oh sì sì , i arspos lj. Quì finn , es andonn a Belpuz. I arrivonn là just in punt a quattr or d' nott al palazz ; quand i funn là , st om s' miss a batter , e batt , e batt , e batt , e finalment i servitur vgnùn avrir ; quand i vistnn , ch' l' era al canivar , i tm i finn una capladina , perchè l' era vgnù a dsdari , es dissn , ch' l' era senza dscherzion , e ch' trattar era al sò , e ch' al s' cuntintass s i n i devv di pj in t la panza , e in somma mi cred , ch i sippn anch dri a bravarì. Al Re , ch' sintì sta vergna , vols saver , ch' diavl i avvevn , un camarir i al diss , e al Re i arspos : mò av dirò mò una cosa mi , st om n' srev miga vgnù da st' ora s' an vliss cvell , ch' impurtass vdì , fal un pò vgnir quì da mi. Al i andò dinnanz con la bott , es livò al fond ;

al saltò fora la Cannarella, ch' ai vols dal bell, e dal bon a batter in testa a sò padr, ch' l' era l; es an' era perchè l' aveva in t al brazz dritt una vuja d' mistucchina, la psseva turnar indrij, perchè certo lù n' l' arcgnusseva; mò, cmod a digh, tra la mistucchina, e di alter cuntrassign, al finì pò d' arvisarla. Subit ch' al vist, ch' l' era quasi dsfigurà, l' avv a murir d' stretta, al s la müss tant a basar, e abbrazzar, dsendi: oh la mi fiola chi avüss mai ditt, ch' at aviss a vder cunza a sta maniera! mó guardà, ch' cira l' ha fatt! e li dseva: oh sgnor padr qual becch curnù d' mi mari (ch' am dirè mursgar la lengua) m' ha rdutta acquisi, mò ai n' ho ben quattr in s' al mi stomgh sì, a soir stà pr murir n' sò quant volt, eh: an i vù cuntar tutt quell, ch' ai ho passà pr n' l' accurar; e pò forsa ben an m' srè critt; basta, a son qui, sgnor padr, e cert d' in sta cà an m i tugli più, mò no vè: a vù più tost far la sguattra quì da lù, che la sgnora a cà d' un altr, andar vsti d' tela d' garzol appress d' lù, che d' urmsin fora d' quì: mi lavarò, i piatt in cusina, es vultarò al sped, ch' am parrà un pan unt rispett a quell, ch' ai ho mandà zò. Intant ch' la dsurreva, al Re aveva fatt mettr sù dl acqua a scaldar pr fari lavar un pò qual mustazz, ch' ai era sù la cricca grossa dou dida, e pò fi furar una bott dal mior vin, ch' fuss in cantina, es i fi dar da bevr, e da magnar, ch' la ni vdè lum dalla farn. In st mentr ch passava sti cos, Fiuravant da lì a poch temp turnò d' vj, e subito qual cavall chiaccarir cuntò da ra a ron cinod era andà vj la Cannarella. Quand al sintì una cosa sì fatta an fi nè alter ben, nè alter mal, sn' ch' l' andò a Belpuz, ch' l' era dvin-tà ross cm' un tocch dalla gran rabbia, es andò a trnvar una vecchia, ch' steva just just indritt al palazz dal Re, es i dmandò: cosa vliv, ch' av dona, madò cusellina, perchè am lassadi vgnir in cà vostra, tant ch' a possa vder da qualch finestra quela braghira dla Cannarella? e l; diess: a vù cent ducatun mi. Fiuravant s' müss la mau in bissacca, es ij cuntò lì un in sl' altr; la vecchia i tols, e pò al cunduss sù in sl' antana, e lù vist la Cannarella, ch' era là in t' una loza, ch' la feva di seffun, es pareva, ch' al cor i dsiss, ch' sù da qu' antana i aviss da intravvgnir cvell d' mal pr l; perchè la n' avè fatt altr, che andar guardand la sù, e in st mod la dsceveis subit qual baron d' sò mari. Subit d' vol la s' livò

sù, es fì qul scal per correr zò da sò padr, ch' al parè, ch' l' andass a rozlutt. Quand la i fu dinnanz, la cminzò a zìgar; oh puvrina mi, oh an ho più una gazza d' sangu addoss, o al gran baron! e sò padr tgnè dmandà; mo cos el stà? e l'j: mò qual guidon: mò, e quì, dmandò al Re, chi el mò? Cannarella arpos: ah s' al nm' fa urdnar camminand sett port d' ferr, tant ch' a possa star sicura in t la mi stanza a sou arvinà, perchè qual furfant m' vgnarà a rubbar, ch' l' é turnà, vedal, mi marì. Quand al Re sintì quì, al diss: mò sù pur, ch' s' manda camminand a tor di magnan, e ch' n s bada a spendr pr cuntintar sta fiola: quì fo fatt, e in manch d' che .... an sarè dir cosa, al fu iniss a sò lugh tutt sti port. Fiuravant, ch' sav sta cutà, turnò dalla vecchia, es i dmandò: cosa voja da turnar a dar, e ch' andadi in cà dal Re fagand vista d' vendr dl belli tirell, tant ch' a vdadi so fiola? e pò vui, ch' av inznadi d' mettri sta cartsina, ch' av dagh, tra i tamarazz, e in qual mentr, ch' ai la mttj, dsi sott vos, ch' nssun v' oda:

*Tutt quj d' sta cà possn essr addurmintà,*

*E sol la Cannarella sippa dsdà.*

E quì s' av basta l' anm d' far sta cosa, quant vliv? La vecchia arpos; altr cent ducatun, e pò al serv d' bon inchiost: la i av, e l'j fì ben agn' cosa: oh sti vecchi! Ora quand l' av fatt sta bell' ovra, l' andò vi. Subit, ch' fu vgnù la nott, ch' i funn a lett, i saddurmentonn tutt, ma d' un sonn quì tremend, ch' i parevvn tutt murt, e la Cannarella n' psì mai srar un' occh: da lì a poch la cminzò a sentir battè zò la prima porta d' ferr, e pò un' altra, e pò un' altra, e dai pur. L'j cminzò a strillar cm' un' anima addannà, mò l' avè lasi la povra fiola, nssun sinteva; tant, ch' Fiuravant trì zò l' ultima, es intrò in tla stanza dla Cannarella, es la chiappò sù con i tamarazz, e gn' cosa pr purtarla vj, mò dai gran sbattimint, ch' la fì l'j, quand al cil vols, al cascò in terra quela malanaja carta, es se spargujò la polvr, e tutt se dsdonn sintend qui url, ch' la feva. Tutt corren, fin i gatt, e i can, i qual saltonn addoss a Fiuravant, es al fin in mill brisl, e quì lù, ch' avè fatt tant arrabbir la Cannarella, al pruvedì in t al finir sò vita.

*Ch' an' i è nssun, ch' senta, quant è grand al mal,  
Quant fa quj, ch' pr sò colpa van al spdal.*

## La Fola d' quella dal Man Smuzgà.

Una volta ai era un Re, ch' s' chiamava d' Preda secca; quest essend armas vedv, ai vign, in pinsir, vlend turnar a tor mujer, d' spusar sò surella, ch' aveva nom signora Plenta. Un dì al la chiamò lì da lù, es i diss: la mi Plintina ai ho fatt i mi cunt, es irov, ch' la n'è una cosa brisa da un, ch' apa judizi, al tor di donn fora d' cà só, quand as n ha dal sò propri sangu; ora a vui vgnir a uffrir, ch' mi, essend in prucint d' tor una sposa, an vui star ammatir a cercarla d' altr pais, nè d' altra fameja, ni v' spusarò vù, e la srà bella e finì; mi n' prè trovar una cosa più a proposit: sicchè a vui, ch' a famm st' parintà mi, e vù: cosa dsivv; La Plenta armas più morta che viva, es n' saveva cosa s i arspendr, dal gran fatta, ch' la in vleva dir; mò alla fin la s deligò al barbuzzell, es i arpos: mò a digh s' avj pers vù al judizi, an l' ho miga pers' mi vdi, al mj insultent, oh anch d' questa! mò da quand in zà l' surell han da spusar i fradj; dsivv d' bon, o burlav; sì ben, quand anch a burlassi, l' è sempr una cosa da matt: oh adesso sì, oh tull st' prihlin, oh s' an avj altr moccl, andarj a lett al bur vù: am dspias, ch' a son stà a udir una mattiria sì fatta, ch' av aveva da vultar subit al taffanari; basta s' a dirj mai più una bstiarj sì grossa, mai più v' guardarò in vers. Dop ch' la i av fatt sta rumanzina, la s andò a srrar in tla stanza, es miss una stanga all' uss, e mai più vols dar fora, sn' da lì a un mes. Al Re armas lì cmod fa un tos, ch' ava pora dla mamma. Mò, cinod a digh, dop un mes, la Plenta turnò a dar fora, e lù turnò d' cò, es diss, ch' in tutt i mod, lù vlè spusarla: l i dmandò: mò mi vui saver cosa è mò quell, ch' v' pias tant in mi, perchè, dis, mi n al sò: a guardarm in t al specch, an m' par mò, pr quant am sippa ben usservà, ch' a sia una cosa acqui jotta, ch' l' zent avvn da far d' sti dsprpust mi. Al Re i arpos: eh Plenta, vù sj tutta blina da cò a pj, mò l' man in stà quelli, ch' ni han dà la gran botta, gli in questi, ch' m' han assassinà: oh belli l' mj manin'.... Al vleva pò tirar innanz a ludarl, mò la Plenta i di in sla vos, digand: ah bon, bon, ai ho intes, oss asptià un puchtiu, ch' a

vagh dlà: ch' am arcord n' sò che, a vui arpondr, ch' adess a torn. L' andò in tla sò stanza, es chiamò un sò servitor, ch' era stà un schiav, mò l' era la più gran oca, ch' fuss al mond; la i diss: tò quttalin, chiappa st curtlazz, ch' at dò mè, e taja zò tutt dou l' mi man, mó dà un gran colp vè, con quant fià t' ha mai, perchè ai ho imparà un secret, ch' l' s' fan bujir, es s' fa un' unt, ch' as diventa bianch. Al schiav pinsò d' far una bella cosa a ubbidir la patrona, es tm i dè zò du culp, ch' aren' parlà alla lusa, e l' man saltonn d' quì a là; la s miss pò un puchtin d' iuguent d' paula in s' qui muzgun d' brazz, e pò fi mettr qu' dou man in s' un bazzil d' majolica d' Faenza, es l' cvers con un cverturelin d' tela indiana, e pò li mandò a donar a sò fradell, es insegnò a quell, ch' l' purtava, ch' dèiss servitor suo: am manda quì la signora Plenta, es dis, ch' la i manda quì sta bagatella, ch' la sa ch i pias tant, e ch' al s la goda pr amor sò, ch' al bon prò i fazza. Al Re ch' s' vist quì abbuffonà, intrò in tanta rabbia, che d' lung'h d' lung'h al fi far una cassa tutta impegulà, es i fi srrar dentr la signora Plenta, e pò la fi trar in mar, ch' la stiss là alla discherzion dal vent. Sta cassa, cmod s po credr, fu sballutà pr tutt i vers, tant ch' la s fermò in t' un cert lugh, dov i era dè marinar, ch' ern a terra; i tironn alla riva la cassa, i l' aversen, es i truvonn dentr sta bella zovna. Al principal d' qulor lì, ch' avè nom messir Mastell, la fi smuntar, es la cunduss lì, e la cassa alla só abbitazion; al diss a sò mujer trattà ben sta fiola, ch' as ved, ch' l' è d' bon' person'. St' anquana d' sta donna, ch' era suspttosa, ch' mai al mond, la diss: oh st n' ha altr bun tratt che i mi, t' in' vù pur aver puch, ch' adess, adess am in dscargh ben mè, oh un poch, stà a vder; es t la ficcò un' altra volta in tla cassa, es la ruzzlò là in mar. La cassa s' turnò a ziravultar per tutt i cú, es arrivò vsin a un vassel, ch' ai era dentr al Re d' Terra Verda. Quest a vder sta cassa, ai vlg'n curiosità d' vederla, es fi accustar al só vassell, es pionn la cassa, subit i l avversen, es i truvonn la signora Plenta. La dè tant in tl' occh a qual Re pr la só gran blezza, ch' al s' allgrò tutt, es i pars d' aver trovà só lola in gufflun, mó ai ylg'n pó in garett, quand al s' accors, ch' l' era senza man; al diss: oh deni mó dal nas, tù l' è mó senza man lì. Basta, non ostant al la tols sigh, es la cunduss.

dalla Regina sò mujer, es i la di pr dunzella, e ij serveva la Regina in tutt quell, ch' l' avè bisogn a forza d' adruva i pì. La cuseva, la filava, la feva i scfun, la deva la salda ai cullar, la pttava la Regina, cioè la i feva al perrucchir. e agn cosa con i pj. La Regina i vleva ben just comod sia fuss stà sò fiola, mò da lì a n' sò ch' mis al vigh un gran mal just alla Regina; cos èl, cosa n' èl: mò la vol murir ij. Quand sta signora s' accors, ch' l' era sbriga, la chiamò al Re, es i diss: mì dò bella a murir, mì vrè, ch' am fess una grazia, s' al vol, ch' a mora cuntenta. Al Re arspos: mò ch' la diga pur, l' fatt cos, am dspias, ch' an son bon da niint mì, magari fussia bon da servirla. La Regina diss: oh ben, zà ch' am prumett d' far quell, ch' a vui, lù ha da far acqui: lo ha da spusar la Plenta, perchè si ben, ch' an' savven al sò parintà, nè d' in ch' lugh la vigna, in t' agn mod as cgnoss, ch' la devv essr d' bona zent, perchè la sa dscorrer bnin, es fa tant i bi inchin, ch' as ved, ch' la srà stà allivà in tl creanz. Al Re arspos: mò signora sì, signora sì, vluntira, cm' as tratta d' ubbidirla lì; mò a in ture ben trei, o quattr dl Plenti, s' ai in fuss. Stì ultm cos però al li diss qust fra i dint, ch' la Regina n' sintì, la qual da lì a poch mors, e al Re la vols subit servir, es spusò la signora Plenta. An' passò gran temp, ch' al bisognò, ch' al Re andass fina int al regn d' Alt Scui pr una cosa, ch' impurtava; l' armas lì la signora Plenta, ch' vle far un fandsin. Al Re prima d' partir andò a salutarla in t' la sò stanza, es i diss, ch' la n dubbitass miga, ch' al srè ben turnà prest. L' andò, e la Regina, quand la fu d' cò di nov mis, la fi un bel rabbocch masch. I finn gli algrezz in piazza, es trinn di bagarun ai biricchin, e i principal dal regn conclusn, ch' bagnava spedir una littra al Re, ch i diss sta nova dal tos, ch' era nad. Quell mò, ch' aveva st' incumbenza, e ch' aveva ordn d' andar a rotta d' coll, patì burrasca in mar, es fu trabbattà luntant, e in za, e in la, ch' al vigh arrivar just in qual lugh dov arrivò la signora Plenta la prima volta con la cassa, cioè dov i fu qui marinar ch' la tolssn, e dov qual mssir Mastell la cunssgnò a qula bona zaqulina d' sò mujer. Al vassel comod a digh, dov i era st' om dalla littra, arrivò lì quanti qula braghira dla sposa Nus (ch' l' era al sò nom) era lì a lavar l' pezz dal sò tuset; questa cminzò a interrogar l'



om, cmod è zà l'usanza dl donn, es vols saver tutt i fatt: la i dmandò d dond al vgneva, dov l'andava, e pò cosa l'andava a far. Quest i arspos: mì vign' da Terra Verda, es vagh all' Alt Scui a purtar una littra al Re, mò nò a quell d' Alt Scui, a qu' altr mò d' Terra Verda, ch' è là da lù: mì cred, ch' la sippa sò mujer, ch' i scriva, mò an v' sò mò dir prezisament cosa la i digha, a sò, ch' i m mandn in là a posta. La sposa Nus diss: ah bon, bon, mò chi èla mó la mujer d' st Re? e l' om chiaccarir arspos: l' è la Plenta, ch' l' è ben una bella zovna, mò la n ha gnanchi una man, che gli ammanchn tutt dou. Ai ho sintù dir, ch' sta donna fu trovà in mar, es ha mò avò fortuna lj, ch' un Re l' ha spusà, e quì mò la i scriv, es voln, ch' a vada ben in frezza, e pr quest am dó al diavla correr vj camminand. Quand la sposa Nus sintì sta cosa, la diss: mò a vui ben pò, ch' a smuntadi, e ch' a vgnadi a bevr un bicchir d' vìn mi; al jandò, e li tm' l' incucchiò mò cont' qual dlà chiavetta, ch' al deva gli ond, e s' addurmintò cm' un tass. Lì sta braghira i andò alla bissacca, es i tols la littra, e po chiamò zò da lj un ragazz d' qui dl scol pìl, ch' steva lì in cà, es i fi lezzr la littra; in t al sintirla lezzr, a qustj ai vgneva al diav ad-dos dalla rabbia, perchè, cgnusseva, ch' la signora Plenta, avand fatt st masch, srev sta agn volta più cuntenta, e lj, ch' n i aveva mai più perdunà da dop ch' la stimò, ch' sò marì in fuss innamorà, n' psseva padir, cmod ai ho ditt, ch' l' coss i andassn ben. Cosa filla lj? la fi, ch' qual ragazz scriviss un' altra littra. Quest era un bambozz d' un tos, ch' saveva cuntraffar i caratr, ch' an s' pseva far d' più. Ora sta littra, ch' la fi far, dseva al Re, ch' la Regina aveva parturì un can barbon, e ch' al dsiss d' cosa sn' aveva da far? e pò la bullò, es la turnò in tla bissacca d' quì, ch' tant quant al fu desd, cors vj, es arrivò dal Re con sta littra. Al Re, ch' era un om di minr, ch' fussn al mond, scriiss al principal dal regn, ch' i fissn star alligra la Regina, e ch' la n s' dsturbass miga d' quell, ch' l' avè fatt, ch' an s' psseva star dinnanz al degrazi, e dl coss in st' andar; al spedìvi l' om, al qual turnò a posta a far al viaz per dalla sposa Nus, perchè ai era piasù qual vìa, ch' la i aveva dà. Lì quand la l vist, la i fi degli accoglienzi, e' degli algrezz, ch' an prè mai dir, la tm i fi una bona cenna, es i turnò a

dar d' qual tal vln , ch' al fi andar in gloria un' altra volta; ch' l' av subit bisogn d' trars a lett. Quand la sintì lj, ch' al surnacchiava, la i andò alla saccozza, e si tols la littra, e pó chiamò zò qual tusazz, es i la fi lezzr, e pó scriv un' altra diretta a qu' istess, in sla qual la fi, ch' al Re deva ordin, ch' i brusassn d' lung'h la madr, e al fiol: mò chi al fissan subit. Quand al currir av padì al vln, al s' livò, es arrivó a Terra Verda a presentar la littra, ch' qula femmna i aveva barattà. Qnand qui sgnori vistn al contenut, in savevn' cosa s' pinsar, es conclusn, ch' al Re fuss dvintà matt, perchè avend una mujer, ch' era una zoja, e pó ch' la i aveva fatt sí bella criatura, an s' psseva credr altr, sn' ch' i fuss dà volta al cervall a dar un ordn sì bestial d' far brusar la mamma, e l ragazz. Quì lor aren' vlú salvarì, mò in pssen dsubbidir, e quasi i tolssn una vi d' mezz, es arssolssn d' mandar vj pr al mond la signora Plenta con al sò ragazz, ch' an s in savlss mai più nova, più tost che brusari: ij dìnn n' sò quant murajol, es la mandonn vj, ch' tutt pianzevn a vedr andar vj quel dou povr crjatur, e la sgnora Plenta chiappò in brazz al sò tos, ch' la l lavava d' lagrm, a vder al gran tort, ch' i era fatt, 'es i andava dagand la tetta. Quand la fo fora dall' uss, la s' miss a camminar, ch' la n' saveva dov: mò pr bona fortuna la s miss pr una vj, ch' la cundass da lì a qualch di a Lagh Truvell, dov era patron un Magh. Quest ch' è quì, quand al vlst sta povra astruppià, ch' era sì bella, e ch' avè sì bell fandseín, al vols, ch' la i cuntass tutta la dulent instoria dl d' grazj, ch' l' aveva. Li cminzò dall' innamorament d' l fradell, es seguitò pr ordn tutt quelli, ch' i ern intravvgnù fin a qual di. Al Magh n' psi far amanch d' n' pianzr a sintir tutt stì guai, al la cminzò pó a consolar, es i dseva: oh sù pur, sò pur, fin ch' la và, l' è viva, al mal n' sta sempr dov al s' ponn, con più l' è rotta la s' cunza mli, e tutt sti coss, tant ch' la Plenta s' quietò un poch. Al guardò pó al fandsin, dis, guardà quì nmamj al bell massarìn! cmod al nom? lj arspos: l' ha nom Nafrittell al sò servlzi: e pó lj seguitò, dis, ai son tant ubbligà, ch' mì n' sò cosa m' dir; al Magh zgnò con la man, ch' l' intrass in casa, es i assignò un bel partiment lì in t al sò palazz, e pó fi vgnir una dunzella, ch' la serviss, e lù la trattava cmod s la foss stà só fiola. La mattina vgnand, subit

ch' al fu livà, al fi pubblicar un band, ch dseva ch' a qual s' vuja persona, ch' s' fuss presentà lì alla sò cort a cuntar una dsgrazia, lù i arè dunà una curona, e un scett, ch' vaveva più d' un regn, pur ch' la dsgrazia fuss giudicà superior a gli altr, perchè l' intindeva d' far al regall sol al più dsgrazià. Sta nova s' spargujò per tutt al mond, es cminzò a vgnir dl' zent, ch' i piuvvevn es vgnevvn fiss, cmod fa i strazz dlla nev, quand la vinn, mai più fort, perchè zà an i è ca, ch' n' ava la sò dsgrazia. Chi cuntava, ch' l' avè imprestà vj tutt al sò, e pò ch' an buscava sn di pj dedrj, quand al le dmandava, e ch' al n' avè più pah da magnar; chi dseva, ch' ai era stà vudà la cà; chi avè pers la mrosa; a chi i era stà dsvià la mujer; chi avè i fiù in prson, e insomma i fevvn a chi n' aveva dl più grossi; mò an s' psseva gnanch decider se sti dsgrazi ern assà grand, ch' meritassn d' uttegnir al scett, e la curona, perchè quest era destinà a chi avè più bella dsgrazia: e questi, ch' s' ernn udì finn all' ora, n' n' ern gnanch giudicà dl più tamugn. Ora in st' temp al turnò al sò regn al marì dlla Plenta, ch' era al Re d' Terra Verda. Quand al sintì la bella galantarj, ch' era sta fatta alla mujer, e pò, ch' al sintì, ch' l' avè fatt un masch, e nò miga un can, cmod dseva qula littra, al dí in di furor d' rabbia, ch' al parè una bistia. Al dì subit ordn, ch' fuss impicà qual principal, ch' avè gvèrnà in sò lugh, quest i mustrò la sò littra, al Re vist, ch' verament l' era, o ch' al pareva sò carattr, an' sav cosa s' dir, es i perdunò. Al s' fi pó vguir dinnanz al currir, es vols, ch' ai cuntass al viaz, ch' l' avè fatt, e dov al s' era fermà; da i cuntrassign, che qstú i deva, al capì la strà, es mnò tant, e tant al dscalzò, ch' al vgn a suspttar, ch' i fuss sta fatt qualch tradiment da qula mujer d' mssir Mastell, ch' l' andava numinand. Subit al fi mettr in ordn una galleria d' intrar in mar, es andò lù in persona vers qual lugh, ch' l' avè in suspett; al cminzò a cercar d' sta donna, es i fu ditt chi l' era, e chi la n' era: ij dssn: l' ha nom sposa Nus vedla; lù arspose ben, ben, ai vni ben mi dar d' sposa Nns, ch' la va cercand: al gli andò a parlar, e con l' bon' la crndò a cuntar agn cosa, es i cunfessò, ch' l' era sta la gelusj, ch' l' avveva a sò marì, ch' i avè fatt far sta cosa. Quand al Re av savù quell, ch' al vleva, al cmandò, ch' i chiappassn qstj, e ch' i l' incirassu

tutta, ch' i la cruvisssn d' sii, e pò la fi mettr sovra a una gran massa d' legna secca secca, e pò i fi dar al fugh, e lù stè lì present, ch' an s' fidò, es n' s' partì d' lì fina, ch' la n fu brusà tutta. Quand al sò vassell fu là in mezz al mar, l' incuntrò al Re d' Preda Secca fradell dla Plenta, ch' era anca lù in t' una nav: is cminzonn a far di cirimoni. Al fradell dmandò al mar: dov vala mo l' j? e al mar arspos: mò dov vala l' j? Al Re d' Preda Secca arspos: mò a vagh a Lagh Truvell mi, perché qual Re l' ha miss zà fora qual band, ch' i vaga quì, ch' in addulurà, e mi, dis, pr aver di dular a i n instò a tutt i altr. Mò s' al va pr vi d' quell (arspos al Re marì dla Plenta) an' ho miga pò pora d' nssuu mi, perchè mi sò cmod a stagh: mò fen una cosa, andeu da lun cumpagn, e quel d' nù dù, ch' vinzrà al scettr, e la curona, al partiren fin a un fnocch; qu' altr dls: sì sì, e quèi i andonn a Lagh Truvell. Quand i funn là i smuntonn a terra, es andonn dinnanz al Magh, ch' i fi tant compliment, perchè al vist, ch' i aven' garb d' èssr du Re, es i miss sotta al baldacchin, e gn cosa: ai diss: mò ch' favor, è mai quest? i s' in mò vlù incommodar: lor arsposn: oh l' fatt cos, a sen vgnù pr cuntar i nustr guai vedal; al Magh arspos: oh sù pur donca, ch' i cmenzn. Al Re d' Preda Secca fu al prim, es cminzò cmod al s' innamorò dla surella, e pò cosa la fi pr n i vlèr abbadar; e mi pò, dis, fu sì gran cagnazz, ch' a la fi srrar in t' una cassa, es la fi trar in mar dalla rabbia, ch' la m' fi a essers andà a tajar tutt du l' man; la pò mò creder (al seguitava pó) cmod a stagh: da una banda la cunsinzia m' armord pr al mal, ch' ai ho fatt, dall' altra ai ho l' affann dla surella, ch' s' è straffantà, e quèi ai poss dir, ch' an cred, ch' i sippa ussun più affannà d' mi. Oss, ch' al tasa lì, saltó sù al Re marì dla Plenta, ch' al tasa lì, e ch' an parla, perchè i su guai m' fan vent, glj in ros, e fiur rispett ai mi. Ch' la sava, ch' qula signora Plenta dal man smuzzgà, la m' è tocca a mi, ch' a la trovò là in mar, es m' fi un bell zaccarin d' fandsin, e pr causa d' una strija dal boja, (am intend d' vizi) an i è gnauch aminancà un negr d' ungia, ch' la n sippa brusà con al tos, e gn' cosa, mò tant, e tant, sì ben ch' i n in brusà, an i catt, ch' i in vè pr al mond, e mi m' maravei dn' schiuppar d' affann. Al Magh capì dalla qualità dla disgrazia, ch' un d' sti signori era

fradell, e quì altr mari dila sgnora Plenta. Al fì chiamar zò Nafrittell al fandsin dila Plenta, es i dist in t' un urecchia: Nafrittlin và da qual sgnor, ch'è là, e basi la man, ch' l' è al sgnor padr; al fandsin ubbidì, ch' l' era tant bunin, ch' al feva tutt quell, ch' s i dseva, perchè la mamma l' aveva allivà bunin, l' era zà dstettà, es andava. Al padr dal tos vdend sta creanza dal tuset, e vdend con ch' grazia ai basò la man tirand indrij al pdin, ai fì festa di mondi, es i miss al coll una cadena d' or. Al tos turnò pò vsin al Magh, ch' i turnò a dir sott vos: và mò da quì' altr, ch' l' è al sgnor zio, vann ben al mì cocc: st truqlot d' ragazzett turnò là, es basò la man a quì' altr. Ai piasi tant a tutt dū al spirit d' Nafrittell, e sò zio i dunò una bella zoja: i dmandonn pò al Magh s l' era sò fiol, e lū i arspos: oh an son mustazz d' aver di fiù d' sta fatta mì, dis, ch' i al dmandn là alla sò sguora madr d' chi l' è fiol? es zgnò vers una purtira, dov i era adduppà la Plenta, la qual aveva sintù tutt quell, ch' era success, e quand la s' sintù numinar, la saltò fora, es fì da quella, ch' fa un gatt quand l' è in t' una stanza, ch' ai sippa dū o tri palpastri, ch' ai vrè abbastadar a tutt, mò an sà a quà al s' ava d' attrar alla prima; quì fì la sgnora Plenta, ch' la s' accustava or a quell', ora a quì' altr, e pó dmandava a un', mó cosa fal? e quell: mó a stò ben mì, e l' j? e quì' altr dsè: oh s la saviss: ... e insomma i s in srren vlù dir d' tant fatta, ch' in savvevn qua s' far la prima. Al perfinit, quand i avvn fatt l' zirimoni, ch i psinn a l' j, i s missn dri al fandsin, e tant i fion fest, massm pò quand i savvn, ch' al lizeva zà mò al santiri, ch' al fu un subbliss-Quand i s funn sfugà a far tutt l' maravei pr aver accattà un la mujer, e quì' altr la surella, al Magh diss: al cil sa mò lū quant ai ho a car d' vder cunsulà la sgnora Plenta, perchè l' è la Regina dl bon' fioli, es merita d' esser purtá in pianta d' man; ora mì, perchè torna gli oss a i sù lugh, ai ho trovà st' invenzion, ch' ava da vguir quì dila zent a cuntar i sù guai, tant ch' lor altr sgnori avvn camp d' vgnir anca lor: quì appunt è success, e ai n' ho tanta allegrezza ch' mì pr dari da cgnossr l' amor, ch' ai ho, ai digh acqsi, ch' ai intrè la vita pr al só vantaz. Mì vui mantgnir la prumessa dal scett, e dila curona a quell, ch' ha l' affann più grand, mì dezid, ch' al mazor travai sippa quell quì dal Re

d' Terra Verda marì d'la sgnora Plenta, e quisi ai don' a lù al scettr, e la curona, e d' sovra più anch al mi regn: mi n'ho nè fiù nè fioli, d' cosa vliv ch' a m in fazza? am vui adduttar pr sù sti dū bi spus mī, i staran a qual beu, e a qual mal, ch' a stò mī, e perchè la sgnora quì ava tutt gli algrezz cumpi in tal di d' ozz, ch' la fazzà una cosa, ch' la s' metta qui dū muzgun d' brazz sotta al grimbāl; la s' l' miss e pò lù turnò a dir, ch' la l cava fora, ch' i vdran l' man attaccà a quel brazz, e anch più belli, ch' la n gli aveva. Quis in effett intravvign. Gli algrezz pò ch' i avvn tutt a vder accommodà agn cosa, n s' prei' descrivr; i parevn imbrigh: qual marì pò la camisa n i tuccava com s sol dir: l' era alligr dal regn, l' era alligr dl man, ch' aveva riacquistà sò mujer, e quaj quì di s passonn in t' una ghirigaja grandissima. Al Re d' Preda Secca fradell d'la Plenta turnò al sò regn, e al Re marì d'la medesima i diss: d' grazia in t l' andar al sò regn, ch' al passa lì da mī, e ch' al diga a mī fradell, ch' bada mò lù un poch a qu' zent, perchè mi vui star quì da st' sgnor, ch' an al vui abbandunar fina, ch' al campa. L' arstò sempr lì, ch' an' sav mai più cosa s' desiderar, e in lù s' verificò al proverbi, ch' dis: an s' cgnoss al ben, fin ch' al mal n' vèn.

## La Fola dal Romitt.

**A**I era una volta al Re d' Fossa Stretta, ch' aveva una bella fiola, alla qual ai vleva un ben grand, es aveva un gran desideri d' saver cosa i aveva da intravvign; pr saveral, cosa fill lù? Al fi chiamar tutt i negromant, i strulgh, e tutt i zingan d' qual paes, es vols, chi cunsiderassn un poch la so ragazza, e pò ch' i jdsissn ch' prigul, o ch' algrezza l' aveva da passar. Quand i funn lì, i si misen tutt attorn, es i guardonn in t la man; e pò i finn aranciuar la front pr vder qui sign, e pò usservonn n' sò quant dagnì, ch' l' aveva, e quand i l' avvn vista, i conclusen, ch' la purtava un gran priguel d' murir pr cava d' un oss d' carn d' manz. Quand al Re sintì sta cosa, camminand al fi fabbricar una torr, e pò i srò dentr la putta, ch' aveva nom sgnora Rauza, es i miss sigli dods dunzell, e la donna dagvern

con ordn, ch i l'avissn da servir, e ch'pena la vita a chi aviss mai purtà dla carn con gli oss li dentr, tant ch's' vdis s'as fuss psù sfuzzr st cattiv destìn. Al passò dal temp, ch' an intravvign nlint. Intant la vign sù grandsina, es era mò li bella con prput. Undi l'era a una finestra, ch'avè la frada, e passò pr d' là al fiol dla Regina d'Vigna, Larga, ch'aveva nom Zes. Quand st zovn vlist sta gran bella fiola, al s n'innamurò li in t' un battr d' occh, ai fi un basa man, e li un altr a lù; quand Zes vlist quisi, al pres anm, es andò sotta alla finestra a far di belli zanz; al cminzò dal dir: servitor suo vedla, mò l'è pur bella! puffar la nostra dondla an cred zà ch i sippa la cumpagna mi. La Ranza dvintò russina a sintirs ludar, es arspos: ah just, an son zà bella mi, a son quisi una più fatta quità: oh lù è ben garbat. Zes pó i dmandò cmod la steva mò li assrà, cioè cmod la n's' stuffava? dis: l'è ben pó mill pccà lù. La Ranza pó i cuntò, ch' l'era al signor padr, ch'vleva quisi pr amor d' qula cosa d' sfuzzr al prigul d' oss d' manz. Zes pò i cuntò, ch' lù era fiol dla Regina d' Vigna Larga es son, dis, un sò servitor: anzi che s la m vliss pr spos, mí la turè v'luntira. La signora Ranza, ch'era stufia morta d' star lì dentr, an i pars vera st' esibizion, es armas d' accord, ch' al turnass la mattina seguent, innanz ch' s' livass al sol, ch' l' arev vlist in tutt i mod d' cattar la mauira d' psserla cujir: is finn un bell inchin, es s' lassonn. In st mentr mò la tosa s' miss a sirulgar, ch' strà l' avè da tgnir pr scappar; mentr ch' la i pinsava, al passò pr d' lì un cagnazz barbon, ch' steva alla guardia dla torr, es aveva in bocca un' ussazz d' carn d' manz, ch' al l' andava rusingand, e pr psser far a só commod, al s' ficcò sott al lett. La Ranza s' agufflò in terra pr vder cosa era qual rumgar; la vlist qu' oss acquisi grandon, la diss: mò quest é al mj pan lù; la santanò al can, e pò con qu' oss la pinsò d' psser arriussir in t' un sò pinsir. Per psser star un pezz da pr lí, la di ad intendr, al sou dunzell, ch' l' avè mal alla testa, e ch' la n' vlè chiaccar, es i cinandò, dis lassam pur quietar da pr mi, n' andà miga innanz, e indrì pr vderm, ch' s' arò bisogn, a chiamarò: ch' a sent ch' al bisogn è ch' a dorma. La miss una banzola dinnanz all' uss dla stanza, e pò cminzò fù mi con st oss a sgarujar la muraja, e tant andò drì dscalzand, ch' la cavó una preda, e pó drì un' altra, e

quì dai pur, e alla fin ai vign un bus, ch' la pseva passar l' benissm; la strazzò pò i linzù ch' l'aveva a lett, es fì comod srè un turtion d' corda. Là mattina innanz l' alba la sintì stuffilar al sgnor Zes, e l' attaccò un cò d' st turtion a un ferr d' qula frada d' la finestra, ch' era just sotta a st bus, ch' l' avè fatt, e pò s' lassò andar quì attaccà, es arrivò zò in terra, e al sgnor Zes la steva aspttar con l' brazz avert per psserla ajutar s' la fuss prigulà. Ai miss subit indoss un vstì negr, e un travtà ch' al s' era fatt imperstar; e s' scapponn vi pr andar a Vigna Larga. La sira is fermonn a un bell casin d' campagna. Quand i funn lì, l' arrivò una l'ittra diretta al sgnor Zes, ch' ai la mandava la sò sgnora madr; la i dseva, ch' s' al vleva vedrla viva, ch' l' andass a rotta d' coll, perchè l'j era spidì, l'aveva i pj fridd, e agn' cosa. Zes s' vultò alla Ranzina, es i diss: sentla ch' robba? quì bsò, ch' a vaga vj pr l' post s' a vui arrivar a ora; l'j m' ha d' aspttar quì in st palazz pr cinq, o sì di, d' cò d' st temp mi turnarò, o' ch' a la mandarò a tor. La Ranza, ch' sintì st'negozi, cminzò a sbattrs; ah, dis, mi n in vui saver; oh puvrìna mj, cosaoja da far quì da pr mi: eh i disonn ben al ver sì, che gli algrezz di mrus durn poch: ah pinsà s' ai è più dubbi, ch' al sarcorda lù d' mi, e quì pianzeva mò la s' smanciava. Zes procurava d' consolarla, rindandi di rason, al dsè: oh sù ch' la staga mò queda, volia mò, ch' a la corduga m'igh acquì in pettanler? diav! an vui miga, ch' la prima volta, ch' la vgniss diinnanz alla sgnora madr, la fuss quì con qual stanlin, ch' n' arriva a mezza gamba, oh sù ben mò, ch' la s' suga i ucch, e ch' la s' soppia al nas, ch' ai vin zò al mucclou, n al vdrala s' a turnarò. Quand al pars ch' al l' aviss un pò quietà, al muntò a caval, e vj. La Renza armas lì, ch' la parè fora d' l'j; quand l' arvvign, la s' arcurdò, ch' ai era in t al prà un cavall a pasqluar, la l' tols, la si miss sù, e pò fiù mi la s' miss a farel correr, ch' al pareva al vent, con ann d' seguitar al sgnor Zes. Pr strà la trovò un Rumitt, cioè un d' sti fratizzù fatt in cà: l'j i propos, s' al vlè barattar i sù pagh da rumitt in t al sò pettanler, e stanella, e bust, scuffia, scarp, e gn' cosa; a st' om an i pars vera, lù buscò al pettanler, ch' aveva i ziff zaff d' or, e lò i di un saccon con una corda da ligars a travers. Quand l' avv fatt al travvstiment, la turnò a far galup-



par al cavall, tant ch' l' arzuns Zes, la s i accustò, es i diss: torsuo lustrissm; lù i arspos: oh padr ben vigna: d' dov vinla padrin? la Ranza arspos:

*Da què al lugh d' in dond a vègn,*

*Ai è poch da camminar;*

*Mò l' ha bsgnà, ch' am tuja vj,*

*Per prubar s' a poss tgnir drì*

*A un zuvnett, ch' an' vol zirlar:*

*L' ha cundutt vè una ragazza,*

*Ch' an l' aveva gnanch spusà;*

*Mò l' ha garb d' lassarla in ass,*

*E m' n' vrè, ch' al s la dscurdass,*

*Perchè l' è là tutta dsprà.*

Quand Zes sintì sta canta, al diss: oh qual padrin ai ho pur tant a car dla sò cumpagnj, ch' am faccia servìzi d' vgnir migh fin a Vigna Larga, e ch' am vaga cantand sta canzonetta, ch' a sent, ch' la m dà la vita; e qulla Ranza l' andava replicand, es andonn drì quì fin ch' i funn a casa. Quand i funn lì, i vistn, ch' an' era brisa vera, ch' la Regina vless murir, l' era 'll sèna, e salva, mò l' avè fatt sta finta pr farel vgnir a cà in frezza, perchè la i vlè dar mujer, es era zà lì ammanvà in cà la sposa, ch' al steva aspttar. Zes s' accommodò a far quell, ch' vols la signora madr, mò al diss, ch' al la pregava sol a far cont d' qual fratìn, ch' l' aveva guidà sigh: es si arcmandò, ch' l' al trattass just cmod s' al fuss eta un altr sò fiol. La Regina dal gran far cont n' vols, ch' al stiss mai lontan ai spus, es i fi mette in tavla la sò pussà. A psj mò credr, ch' magon aveva la Ranza; la puvretta, quand la s pssì sfumar, l' andò zò in t' un cortil a pianzr la sò d' grazia, ch' la n era mò nè sposa, nè vedva: m' ch' ho piantà (la tgnè d' it) mi ch' ho piantà la mi cà, e al signor padr, ch' m' v'leva tant bej, e pò pr chi? fussi almanco un, ch' al meritass; ai ho cors drì a un, ch' m' pianta in sì pochi temp, mò a sper però d' far l' mi vendett: pian pur, an sà gnanch d' ch' rasa am sbigna. In qual mentr, ch' l' era zò a pianzr, ij vignin' a dir: ch' al vigna, padr, ch' l' è in tavla al mnestr, ch' i volo zunar; ch' verament l' era ammanvà una cenna, ch' arè arsussità un mort: mò l' aveva altr in garett, che la cenna: la n' psi magoar un becon. Zes, ch' vist, ch' l' aveva la malicuni, i

dmandò : cos' èl , padr ? al n ha vuja d' magnar ? an s' sent zà nial nò ? La Ranza arspos : an m' sent guanch ben , an sò s l' è arpinezza , ch' al stomgh aveva tratt sù alla testa dl materì , o cosa as sippa , basta an vù magnar. Zes arspos : al fa ben an s' cargar al stomgh , al fà più qula dieta : mò però , dis , s' l' ha bisogn dal duttor , al mandaren a tor ; eh , arspos la Ranza , oh ai mantign , ch' al duttor m' farè vent mè , ai vol alter , che duttor , eh nssun sa , ch' remedi m' vrè ; al sgnor Zes diss , ch' al vaga in tl ort a piar un pò d' ajar , la Ranza scussò la testa , dsend ; o vut altr ; ai n' ho mò tolt tanta dl' ajar , ch' a son stuff. Basta , i andonn drì d' st gust , lù cunsiandla , e l'j tirand d' travers , tant ch' al vùgn l' ora , ch i spus andassn a lett , e al sgnor Zes dalla gran vuja d' ndir qula canzon , al vols , ch i mtùssn al frà in t' un casson , in tla stanza istessa dov al steva lù , dov i sarevv andà anch la sposa. Quand i funn a lett , al sgnor Zes , ch' aveva zà al lett dal frà lì a gallon , agn bris , cm' al vlvì , al le scussava , es i dmandava sott vos : an padr , cmod disla zà qula canzon ? cmod cmenzla ? l'j i arspundeve : mò la n pssè più dalla passion , e la sposa n pssè più dalla rabbia ; tant che , quand sta sgnora fu stufia madura d' udir sta canzon , la saltò sù con una vos ispirtà , digand : mó am avj mó rott com s' sol dir mè , coss èla mò sta fola ? mò puffar al mond , am par , ch' an sippa temp d' cantar mè adess , ch' diavl è quest ? a turò sù , es andaró a cà mè vdì , cm' an vli far d' più cont d' vostra mujer : e vù burgugnon dal boja a farissi mè andar vè pr al mond , e dscavarv d' quì , perchè mè vrè srrar i ucch , s' al fuss pussibil. Al mari , ch' sintì st gran pladur , i arspos : oh ch' la tasa , ch' an cantaren più , es si müss a far dl smorfi. La Ranza sn' addì , es i vùgn tanta la gran passion , ch' al sangu di la volta , es i andò alla testa , es l' affugò , ch' la n psì gnanch dir a mor. Al sgnor Zes , ch' era drì a quietar la sposa , al stì pò anch aspttar , ch' la fuss addurmintà , e pó turnò a chiamar pian , pianin , pianin : padr , padr , ch' la diga ben sù la canta ; mò l' aveva lasi d' sburgars , e d' chiamar , ch' al padrìn era zà andà dal corp. Quand al sintì , ch' al n i arspundeve , al s' livò da lett bell bell , es al tirò pr un brazz , mò pinsà vù ; al frà è lì , ch' al cova ; ai müss l' man in sal mustazz , es sintì , ch' l' era fiedd zla : dis , puvrett mè , ch' st padr n' fuss mort. Al chia-

mò in frezza i servitur, es i si impiar la lum, al s i miss a guardar fiss fiss, es vist, ch' verament l'era mort; mò quest n' è niint, l' è, ch' allora al cgnussai, chi l'era, perchè l' aveva tirà indrj al cappuzz. Al trì un zigh, es diss: àn, l' è la Ranza! quest è al daniell, ch' l' aveva quì in tla gola: l' è lì, l' è lì, e quì al cminzò di strill, e di url, e di villanj contra a sò madr tant quant la in aviss avù colpa l, perchè al dseva, ch' s la n i aviss mandà qla littra, e pò ammanvà la mujer,, lù n' aré trattà quì la Ranza: insomma al dseva di dsempust, ch' fevyn pò anch vgnir rabbia. In fin al conclus a quì: zà, dis, ch' è mort la mi zoja, an s' dirà mai, ch' a vuja arstar al mond dop l, oh quest nò: a scapponn vi pr al mond insem, andaren anch fora dal mond tutt dū d' accord, e qual pataffi, ch' cuntarà la causa dla mort dla signora Ranza, cuntará anch la mi d' mi; dsend acquì, al chiappò in man un chiod, ch' era lì pr cà, ch' aveva una punta aguzza, aguzza, e in t' un battir d' occh, a sal ficcò dalla banda dal cor, es mors. Sò mujer, ch' era lì present, a i vign fastidi; quand la pssì pò aver al fià, la fi chiamar la Regina, ch' vgneva just, perchè l' aveva udì st gran fracass. Al vign tutt qui d' cort a vedr sti murt. Quand la Regina sintì, ch' l' aveva dà la colpa a l, la s schiancava i cavj d' in tla testa, lamintands, ch' in só vecchiezza l' aviss a passar di travai sì fatt: la i fi pò mettr tutt dū in t' un' arca, es vols, ch' se scriviss lì sovra tutta st' istoria. Da lì a un pezz al capitò al Re padr dla Ranza oltra lì vsin a sta sepoltura, es less tutta sta cosa, da sta inscrizion as capeva d' ch' l' era fiola, e cmod la scappò vj, ch' an sò mò vèrament cmod s' saviss la pertantegula d' ch' scriss la lapid. Basta, sippa cmod la s' vuja, st Re arrivò lì, perchè da dop ch' al pers sta fiola, al n av mai più ben, ch' al zirò al mond pr accattarla, e d' lì poch lontan l' aveva zà incuntrà qual rumìt, ch' aveva tant d' barba, e pò era in pattanler, ch' lù l' arvisò, es cgnussì, ch' l' era robba d' sò fiola. Al rumìt i la cunsgnò, es i diss, ch' l' avè barattà con al sò sacon, e ch' la tgnè drì al Re d' Vigna Larga. Donca al padr dla Ranza, sintend sta nuttizia, vign da st princip, e s' arrivò, ch' i eru drì a attaccar st' inscrizion, ch' deva st' avvis, Con quì uccasion as avers l' arca, e al Re padr dla signora Ranza vist sò fiola; al l' aregnussì, es cminzò a pian-

zr: al s'miss a sustintar la part di strulgh, ch' al dseva: guardà mò? i disn pò che gli in mattiri, e ch'an si ha d'abbadar: n'dissni, ch'un oss d'carn d'manz avè da essr la so mort? èle stà! quell fu la cavsà, ch'la scappò, e da qu' andar vj ai è vgnù la mort. Lù turnò al so regn tutt dscunsulà, e la madr dal sgnor Zesanca ll'armas mal cuntenta, e quasi finì la fola con di piant.

## La Fola dla Saba Lcarda.

Ai era una volta un mercant ricch niagn, ch'aveva nom Marcon, es aveva trei fioli: la piò pznina d' questi aveva nom Saba Lcarda. St om aveva d' andar vè luntan pr pruvvedr dl mercanzj; mò al i andava, com s' sol dir, con al mal in t al corp, perchè al tgneva lassar, lì in abbandon qu' ragazzi, ch' n'avvev la madr, es i era qu' dou più grandi, ch'ern alligr purassà; mò pur lù n' pssè far amanch dn' andar, e pr n'mancar d' far la diligenza, ch' al psseva lù, l' inchiudò tutt l' fnestr, es accadnazzò i uss, e pó i lassò un anell pron, ch' aveva una preda, la qual armagneva tutta macchià, quand chi l' aveva pressa d' sù, aviss fatt qualch tralloch. Qand l' av provvist a tutt sti cos, e massm a questa dl' anell, l' andò vè un pò più quìt, perch' al dseva lù, ch' al se srè chiari, se gli avvissn fatt qualch mallestr. An fu sù prest fora dla porta dla città, ch' la prima cosa qu' dou più grandi tolssn una scala da pirù, es i muntonn sù con un martell in man, e pò eminzonn a dschiudar tutt l' fnestr, l' cavonn con l' istessa facilità anch i cadnazz ai uss; la pznina bravava, es tgnè ditt; a vlj, ch' al pà ziga vù, e lor i dsen' dla braghira, es stevva tutt' al di alla fnestra. Ai era mó propri indritt alla so cà al palaz dal Re, al qual aveva tri fiù masch: un aveva nom Ciccarell, un Granzell, e al pznin Tor. Quisti adducchion sti ragazzi, ch' ern non sol belli, ma i capinn anch, ch' gli ern facil a corrispondr: i eminzonn a chinari la testa, e pò dop a fari dl zirimoni, e infin i armasn d' accord d' andar una sira alla banzola da lor, scaland una muraja. I prencip più grand s' attacconn al dou più grandi, al pznin arev vlu far da cor mio anca lù con la Saba Lcarda, mò an' s la cava-

va; la s asseró in tla sò stanza, e lù steva pò li fora a suspirar. I stinn pò a sta banzola fina a dì lor: tolè. Quand fu l'alba, i volssn turnar a casa. I dū grand ern alligr, mò Tor, ch'era zà al piū pznin, era d'mala vuja. Basta, sta banzola i piass tant, ch'i turnonn de gl'altr volt. Intant al success, ch'l'dou piū graudi, cminzonn a n aver piū vuja d'magnar, e aver mal, cosa ch'fi insuspttir la Saba Lcarda, ch i vliss essr di armur cm'al turnava sò padr. Quegl'altr arevvn vlù, ch'l'aviss fatt auca lì la matta, pr n' dar pó lor in tl'occh a sò padr: al signor Tor, ch'era innamorà mort dla pznina, s'arcmandava al grandi, ch'mtissn bon parol, perchè la i vliss ben a lù. Lòr pr provar d'servirl, un dl'gli finn st dscors, dsend: eh surlina, a cgnussen ben ch'avevi rason, quand a z esortavi a n dar adit ai fiù dal Re: mò cosa i vlivv mò fari, al fu al diav, ch'z' tintò, a n al faren mò piū, a saven, ch'vù sì tant bona, ch'an badarj alla stizza, ch'av avven fatt vgnir, e ch'an starj dn'z' ajutar. La Saba arapos: mò mì m'creppa al cor, es ho rabbia a pr amor dal pà, ch'a sò quand al torna, ch'an si ha da psser durar, es pagarè n'soja dir che, an i esser, mò in tant daj pur cosa a vriassi, ch'a fiss? Lor, ch'ern dri a cercar uccasion d'farla abbuccar con al signor Tor, senza ch'la pariss fatta a posta, gli diann ad intendr, ch'gli avvevn vuja d'aver du grugnù d'quel pan, ch'avanzava alla tavla di fiù dal Re, e quist (l'dsevv) la nostra Sabina, cm'an'sl vù, ch'v'inzgnadi in qualch manira d'andar dlà in t al palazz travvstì, ch'nù v calaren zò pr qula solita muraja dov i vinin lor, nù n'saven cmod z'far. La Saba, ch'era ammorevla cm'un oagnol, la diess d'sì. La mattina la s vstì tutta randlenta, e pù s'ficcò dedrj dalla schina un d'qui graffi, ch'porta qui, ch'van a scardassar la canva, e pò intrò in t al palazz dal Re, dmmandand la limosna d'qualch pzzù d'pan bianch. A i in fuda, e li vlè subit turnar indrj, mò al signor Tor, ch'era sta avvisà, ch'la vgneva travvstì, al la cgnussì, es vleva cminzar a parlari, mò lì presta tm i vultò la schina dagandi un gran urton, e lù pr arttgairs dn'cascar, battì la man in qual graffi, ch'al s t scurtgò d'manira, ch'al stì n'sò quant di con l'man aranzinà. Quand l'surell avvn avù al pan, al signor Tor seguitava a desiderar d'parlar alla Saba, e zà ch'l'vdevvn, ch'li in cà la n s'lassava vder, l'pinsonn a un altr

ripiegh. Da lì a qualch dì l' finn vista d' aver vuja d' cert per, ch' ern in t al zardin dal Re, es chiamonn la surella, dsend: oh la gran vuja, ch' aven mai nù, Sabina, d' qul per d' qul albr là indritt dal zardin dal Re, a sinten propri, ch' a z vln l' acqua in bocca. La povra gonza s' vsti in t' un' altra manira, es andò in t al' zardin, dov i era al sgnor Tor; lì i dss: oh lustrissm, m' farela la carità d' dunarin qualch pera? lù l' acgnussì, mò al fila rasa, es arspos: mò s' ben, vluntira, n' dsivv, ch' a vli dl per? av l' vui andar a cujir mi con l' mi man; al s' arrappò con una scala sù pr l' albr, e pò i andava tragand zò l' per. In qual mentr, cosa filla lì? la tols vli la scala, innanz ch' al vgniss zò, e lù armas la sù, ch' al dsè dla robba dsfatta, es an' era, ch' l' arrivò lì un pr cujir di prassù, ch i d' pò la scala, mi cred, ch' al srevv anch là adess; a lù ai pareva d' essr sbuffunzà, e la rabbia, crseva. Intant qul dou ragazzi ricorsn d' bell nov alla Saba; gli dssn: nù, surlina avven un gran bisogn, ch' az purtadi dlà in t al palazz dal Re d' cuffanin, in ognun d' qusti ai è scritt chi è al patron, nù vren', ch' ai purtassi ciaschedun in tla stanza d' qual princip, al qual l' appartinn, ch i vdran pò lor cosa i è dentr; lizj al pulizzin, e guardà ben dn barattar nè stanza, nè cuffanin, La Saba tols sù sti intrigh, e caland al solit con la corda, l' andò in tl stanzi d' qui d' sgnori, es adempl benissm la sò incombenza; ma perchè mò in t la stanza dal sgnor Tor la n i psseva lassar nssun cuffanin, la i miss sotta ai linzù un codn, e pò cors vli, innanz ch' nssun d' lor fuss turnà al palazz. Quand i turnonn, i accattonn li ognun in tla sò stanza st bell cuffanin, dov i era dentr al più bell fandsin, ch' s' psiss vedr. I d' grand ern alligr, mò al sgnor Tor aveva un zuff, ch' s' acgnusseva da un cò all' altr dla cà, e pr n' star tra i pl alla zent acquì ingrugnì, l' andó a lett dalla rabbia, es di tutt instizzì un gran prillot, ch' al cuzzunò la schina con quant fìa l' avv mai in qual codn, ch' ai vlgv una brgnoqla grossa cm' è una mela. In st mentr al turnò d' vj al padr dl tosi, es guardò d' lung' ai annì; al vst, ch' qui dl dou grandi ern ammacchià, es capì al trionf. A n s' pò dir in ch' furia al d' al l'j vleva fiaccar d' bastunà, anzi l' aveva zà tolt in man un stanghett, mò i fiù dal Re, ch' sintinn i zigh, e ch' savv, ch' lù era arrivà, corssn dlà tutt trl, dmandandi pr

mujer l' fioli. Al padr armas tant pinn d' maraveja a sintir una cosa sì fatta, ch' al pinsò d' essr abbuffunnà, es i arspos: eh', i m' signori, i m' sciffonnin sì? an' son miga da Gubbi da star a sti loffi. Lor pò i cuntonn, ch' in t agn mod i ern sta con lor alla banzola, e lù ai pars una bazza, ch' n burlassn, es armasin d' accord, ch' l' nozz se srenn fatt qu' altra sira. Quand fu l' altr dì, la Saba cminzò a pinsar, ch' lì aveva fatt ballar in s' un quattrin al signor Tor, e ch' forse ben lù n la tuleva pr mujer, sn pr fari pagar al fio d' tutt i affrunt, ch' la i aveva fatt, es aveva molt ben una gran pora, ch' n i avviss da essr di guai pr l'j. Pr veder donca s la psseva rimediari ai vign in testa st ripiegh: la tols dal zuccar, e dla farina, e degl' ov, es fi una bella bambozza d' pasta d' zuccarin, e pò la purtò in tla stanza, dov l'aveva d' andar lì la sira a durmir, es la pusò in terra dop alla trabacca dal lett. Quand fu finì la cenna, i s missn a sunar, e ballar; li diss, ch' l' avè mal alla testa, e ch' la vleva andar a lett: la fi pr aver temp d' far quell, ch' la vleva, innanz ch' al signor Tor andass a lett. Quand la fu in tla stanza da per lì la tols fora la bambozza, es la miss sotta ai linzù in t al lugh dov l'aveva da star l'j, e pò s' adduppò drì alla trabacca, es sti-lì agufflà per vder cosa intravvgnava. Quand arrivò al signor Tor, al diss: oh a son mò quì, la mi znì: adess mò te t priss accorzzr cosa vol dir abbuffunnar un fiol d' un Re, madò braghira; t' suvvin la mi insulenta quand t m fiss sgraffignar l' man in qual scardass da garzol? t' suvvin quand t m' piantass la sù in s' alber, e quand a buscò qula bella brgnoqula in t al gruppon? oh sta mò a vder, la mi pitegula, ch' t m sarà pò dir s' a t' è turnà al cunt a piart spass d' mi: in t al dir acquì, al chiappò un pugnal, es al piantò in t al stomgh alla bambozza, ch' andò cm' è vent, perchè l' era sguigna, ch' al pugnal al passò da banda a banda; al diss pò: tù: an son mò gnanch cunten, a vui mó anch succhiar al tò sangu dalla rabbia, la mi carogna. Ai cavò al pugnal d' in t al stomgh; es al leccò; quand al sintì, ch' l' era quì dolz, ch' al s' arvvisava tant ai zuccarin, al diss: oh catt d dis! oh ch' peccà, ch' apa ammazzà una zovna, ch' parè just d' pasta d' zuccarin: mó a digh, ch' st pugnal sà propri d' qu' udor, questà è pur sta la gran mattiria! cmod proja mai rimediari a un dann sì fatt?

ah: an' merit più d' campar dop un tradiment sì grand. L' in diss tant dl quà in st andar, ch' avv gtuiffarè s' a li cuntass; finalment quand l' avv deplorà un pezz, l' alzò la man pr piantars in tla vita qu' istess pugnàl; mó la Saba fu presta a tgniri la man, e saltand fora, la diss: pian, ch' als farà mal, a son quì sana e salva, oh an' son sì barona da lassarm ammazzar, quella, ch' l' ha frì, l' è sta una bambozza d' pasta, mi n m' son attintà a vgniri dinnanz alla prima; perchè a savè, ch' l' aveva rason d' essr instizzl migh: alla fè a l' ho indvinà, ch' am scusa mó s' al ho trattà sì mal, perchè anca mi. . . la sa cmòd l' è. Al sgnor Tor arspos: l' ha fatt ben, l' ah fatt ben, a cgnoss, ch' l' ha avù judizi, quell, ch' è passà, an' s i pensa più. Acquisì camponn sempr in pas, e in allgrì, e la sgnora Saba dvintò squas una Regina.

## La Fola dal Burdigon, dal Pontgh, e dal Grill.

**A**I era una volta un om, ch' era ricch purassà, l' aveva nom Micon, es aveva un fiol, ch' aveva nom Lardell. St ragazz n' n' aveva un' onza d' judezi; incantà, barbazagn, in somma un ver inguagul; sò padr era propriament dsprà, perchè lù n' saveva d' cosà s in far. S l' andava all' ustarij con di cumpagn, ij al fevvn star, es tuccava a lù a pagar per tutt; s' al feva l' amor con qualch ragazza, ai eri d' sicur, ch' da lì a du dì l' era bastunà da di altr mrus; s' ai fuss sta qualch zent pr strà, ch' avvissn cattà da dir, e ch' s' fussnn mnà addoss, e lì toppa l' era cundutt lù in person, perchè al dseva, es feva tal coss, ch' mettevvn la zent in supepp, e con sti coss dccò dl' ann al custava dimundi d' quattrin a sò padr, al qual, dal gran esser stuff, al fi una risolucion d' chiamarl un dì, e fari una parlada. Ai diss: mi, st' saviss mó quant è, ch' tm i ygnù dond s' sol dir, te t' maravjariss, t' vù esser cava, ch' avven da cerçar la limosna ti, e mi: l' intenzion, ch' ai ho mi, srevv: cli' tandass un pó vi d' quì, ch' t' prnyass un poch cosa vol dir an' vivvr sempr cou la testa in t al sacc: tù, quisti in cent ducattun, và un



poch alla fira d' Ruvigh, e compra tant vacch, d' cò d' tant ann arren pó tant vidj, ai vindren, e prima d' vendri, zà sti bisti stan andà dal corp, ch' vol dir, trà i vidj e l le dam a cavaren di quattrin, e s' ingrassaren i camp, ch' z' fruttaran pò più, es a dvintàren ricch, e nint niint ch' tm romp al chittarrin, mì t'fazz dvintar marches: av pur inzegn, e n te dubbitar. Lardell arspos: ch' am lassa pur far a mì pà, a vui pò anch, ch' al s maraveja. So padr i sbur-sò i quattrin, e lù andò alla volta dla fira; mo an fu luntan dou mija, ch' l' av uccasion d' passar pr un cert buschett tutt pìn d' ulm. In st sit ai era una fada, ch' aveva lì da lì al più bell burdigon, ch' s' psiss vder, mò quell, ch' era da stimar, l' è, ch' al sunava la chitarra alla spagnola, es ballava quasi ben, e pò feva di gest, e di simittun con la testa, ch' propri l' innamurava. Lardell s' innuccò, es diss: oh quant a pagaré mai mi aver qula bstiola: la fada arspos: mò l' è patron lù, basta, ch' am daga cent ducattun, ch' l' è al sò. Lardell diss: mò ai oh just quì in bissacca, ch' av i appunz m: al gli trà lì, e pò chiappò sù al burdigon in t' una scattlina, es turnò indrj alla volta d' cà so tutt alligr, pinsand d' aver fatt una bella compra. Quand al fù in cà, al diss a sò padr: oh adess mò al vdrà s' a son un' oca, cmod al parè, ch' am tguiss: mì senza andarmn a straccar fin là alla fira, ai ho trovà pr la strà la mi vintura: con quì cent ducattun, ai ho cumprà sta bella galautarij. Sò padr dess in corsò: stà pur a vder, che qustù arà trovà qualch belli manilli d' diamant, ch' a ved ch' l' ha una scattlina; l' avers la scattla con una gran frezza, e quand al ved, ch' al n i catta altr, che un burdigon. An' prè mai dir i strapazz, e l villanij, ch' ai diss: lù pò al pòvr mammalucc vleva cuntar cosa saveva far st burdigon, mó an' i fu mai dubbi, ch' sò padr et lassass dir gnanch una parola, tant eral mai in rotta cou lie, es i diss: tuttm just adess dinnanz ai ucch, tìn sod, quisti in altr cent ducattun, compra tant vacch, in tò malora, e comprl subit, e ch' al diavl nt' tinttass a vgnirm dinnanz con un altr burdigon, ch' t' arà da fìr migh. Lardell andò vù tutt scuttà, es turnò a passar là da quel buschett, dov l' avè vist la fada, perchè in quant a lù, con tutt l' villanij d' sò padr, l' arè pagà cœll d' vedr un altr burdigon, e d' manch n' fù. In t' istess lugh, dov i era l' altra volta la fa-

da, ai la turnò a trovar, ch'la feva mò sta volta zugar un pondgh, mò al feva dl cos:..... sì, altr che burdigon; al ballava la spizigula, la girumetta, la frulana, e tutt quant i ball. Quand al gli av guardà un gran pezz a bocca averta, al dmandò alla fada s la i al vleva vendr, ch'al i arev dà cent ducattun; la fada diss: mó sgnor sì vluntira; la i di al pondgh in t'una scattla, e lù i di i quattrin. Al s' n' andò a cà con al cor tranquill, perchè ai pareva, ch' n' i fuss dubbi, ch' sò padr bravass, ch' al dseva: quest n'è miga un burdigon, ch' l'è un pondgh. Basta al success quell, ch' agnun s'pò inmazzinar. Quand so padr vist st' altra mattiria, al le vleva ammazzar, s' an era lì un sò amigh, ch' al trattign, mò ai diss dl coss con tant algran furor d' rabbia, ch' al feva addrizzar i cavj. In ultim ai di altr cent ducattun, dsendi: quisti ln altr cent ducattun, mi t' in darev anch dulent, pur, ch' an t' aviss mai piú d' aver tra i pi, guarda mò quell, ch' t'pù far pr strassinari: quell, ch' at poss dir l'è, ch' la n' andarà sempr ben pr ti, perchè se sta volta ai ho zgnà, un' altra volta at cujrò; compra mió sti vacch, in tanta malora, ch' t' rompa l' oss dal coll, o verament fá una cosa, l'è mi, ch' t' compr un altr pundghin, o un burdigon. Lardell arspos tra i dint: mò andà pur a burlar in là. Finalment l' andò vj, e cmod av figurarj, al passò dalla solita fada, ch' aveva un grill, ch' an i è mó nè Sifaz. nè Cortona, nè altr musich, ch' funn si brav, ch' avessen pssù arri-var all' eccellenza d' qual cant, e d' qu' art, ch' aveva st grill. Lardell, ch' sinti sta melodj, fí la solita mattiria pr aver anch quest, es sbursò puntual i cent ducattun alla fada, es tols al grill in t' una gabbia fatta d' zucca, e d' brocc verd, es andò a cà. A sò padr i scappò talment la pazinzia, ch' dal grà n bastunà da bestia, ch' ai di al le lassò in terra cm' mort. Quand al pover diavls' psl movvr un poch, al chiappò su tutt trei l' sou bisti, e pò s' tols al band da cà sò, es cminzò a zirar al mond. L' arrivò, dop ch' l' avv camminà di mis, in t' un lugh, ch' ai era un Re, ch' aveva nom Zizzon; quest aveva una fiola, ch' aveva nom Mija, mò l' era tant zalla, e malinconica, ch' la n feva mai bocca da ridr. Al Re cercava d' dari tutt i divertiment, mó pinsà vù, la feva agn volta più rabbia; tant ch' sò padr i diss un di: mi n' sarè cosa m t far perchè t' riddiss, a vui far quì mi: a

mandarò un band, ch' dirà, ch' at darò per mujer a chi i basterà l' anm d' fart riddr; quest è quant at poss far. Lardell al sav quand al fu pubblicà, ai vign in pinsir d' tintar la só fortuna: es andò dinmanz al Re, digandi: sgnor patron, a son mi quell, ch' m' basta l' anm d' far riddr la tosa. Al Re i arspos: guarda ben a quell, ch' t' divè, perchè s' la n è pò quì, ai andarà altr che i pagn. Oh i vaga mò quell, ch' s' voll, arspos Lardell, za a son per la mala vj, un po più, un pò manch, n m' fa cas. Al Re fi vgnir sò fiola in sala, e s' misso lì, e lù sotta al baldacchin. Lardell tirò fora i sù bstiullin, ch' s' purtonn sì ben tutt trj, es finn di ball si ben urdnà al son d' qula chitarra, ch' sunava al burdigon, al qual anch in tl' istess temp ballava, e pò ern trammissià dal cant dal grìll, ch' feva pó lù, e al pondgh di gest con la testa, ch' alla sgnurina a i scappò tant da riddr, ch' la n psè più aver al fià. Mò s la fiola rideva, al padr squas pianzeva, perchè, l' avé prmiss d' darla pr mujer a chi la feva riddr, sicchè l' era in obbligh d' darla a quì, ch' era sì sgarbadazz, e l' j era tant blina, ch' al srè sta pccà. Basta, quì an psseva più turcar indrj: mò al trovò un ripiegh, dis, sentm: mi t' dagh ben mi fiola, mò quand an sippa sicur, ch' te stagh desd trei nott intir pr abbadari, mi fiola tn' l' ha, ch' a t al digh mi, anzi che at farò magnar ai liun: Lardell diss: mò ch' a n staga miga a cercar altr, e ch' am lassa far a mi. Intant i s spusonn, es preparonn la cenna. Cosa fì mò al Re? al fì dar la dormia a Lardell, ch' tant quant al miss la testa in sal cavzal, as miss a runffar, e quì fì la seconda, e la terza nott, perchè al Re feva sempr più calcar la dosa in t al remedi, e al Re di ordn, ch' al fuss miss in t al srai di liun. Quand Lardell s' vist là dentr, l' avers al scatilott dov al tgneva l' sou bisti, es i diss: zà, ch' la disgrazia vol, ch' apa da murir mi, almanch, el mi bstioll, a vui, ch' avadi vù la vostra libertà. Tant quant sti bstiù fuon fora, is missn a far tutt' trj tant i bi zugh, tant cavriol, e tant simittun con la testa, ch' i liun s' incantonn a guardari, in scambi d' mettrs a magnar Lardell, i armassn cm' è tant statuv, e intant al pondgh parlò; al diss: àn, Lardell, alligrement, n ev dsprà: cosa vol dir, ch' a sì cm una pezza lavà? cosa pinsav, patron, sì ben ch' az avj dà la libertà, av vlen esser più ché mai a gallon vdi: az avj dà da ma-

gnar con tant amor tutt st temp, e pò adess az avj mustrà tanta compassion, ch' az vlevi annullar, e nù vlen far pr vù tutt quell, ch' a pssen: avj da saver, ch' nù sen affadà, e per farv vder s' l' è vèra, vgnj nosch, ch' a vdrj s' az basta l' ann d' cavarv d' quì. Lardell armas tant curt, ch' an savè cosa s' dir, es cminzò a tgnir dri al pondgh, senza dari arsposta. Al pondgh cminzò a rusgar l' uss pr d' sotto, e rosga, e rosga, tant ch' ai fi un bus grand, ch' ai pssè passar un om; Lardell passò pr d' là in t' un lugh, ch' as andava pò sù pr una scaletta, es arrivò d' sòvra dal pajar, e tutt i sù bstiù i tgnevnn dri. Ji dissn: stà mò quì pr adessa, zà a sj salv dai lun, cmandazz, ch' av serviren, perchè cmod a dsen, a sen tutt tri affadà, e an i è cosa, ch' an físsnn pr darv gust. Lardell arspost: mò al mi gust srè, ch' s' al Re ha dà un altr mari alla Mija, ch' la n i andass brisa ben gnanch a lù, e ch' al tgniss durmir cmod a fi mè. I salton sù tutt tri digànd: mò questè just un vada lù, oh vutt altr, a stenn tanton a faral durmir; vù z' avj d' aspttar quì, e u v' movvr, ch' a vdrj qual ch' a faren; e quèl i andonn in cort. Quand i funn lá, i sintinn dir, ch' al Re aveva fatt la sposa sò fiola in t' un gran sgnor furastir, e just qula sira i fevnn l' nozz. Cosa fionn lor sti tri bstiù? i aspttonn, ch' fuss finì la cenna, e pò andoun in t la stanza di spns, es s' arpiattonn dop una cassa, es vistnn ch' al spos deva gl' ond dalla gran bumba, ch' l' ave trincà, e subit, ch' al fu sòtta ai linzù, al s' addurmintò cni un tass. Al burdigon sti all' erta, e subit, ch' al le sintì runffar, al si ficcò pian pian sotto al cvert, es i asiò tant intorn, che qual burdigon fi qu' effett, ch' fa i lavativ, tant i vign la mossa d' corp: lù n s' aspuava brisa sta cosa, e pr questa! n' avv niint d' diligenza a guardars da quì principi, es cminzò a far tant al gran armor, ch' la sposa av squas pora, es se dsddò. A pèl credr, ch' vergogna l' av mai lù a vder, ch' l' era andà dal corp a lett la bella prima sira, e pò d' zunta, ch' l' avè anch inspurcà la sgnora. Al s' livò subit, es fi lavar da un cò all' altr, e pò mandonn subit a chiamar i midgh. Quisti dinn la colpa al copp, e alla torta, ch' era tropp dolza, es dissn, ch' an srè stà niint. Quand fu qu' altra sira, al s' cunsidò con i cammarir, es conclusn, ch' l' era ben fatt, ch' al tgniss un par d' bragh per tutt quell, ch' fuss mai pssù intravvgnir.

Quand el s' fu accumuladà quasi, l' andò a dormir tutt quit. Da lì a un poch, ch' l' era addurmintà, al vign al burdigon per far la fola dla sira innanz, mò al trovù, ch' l' era srà i pass; sta cosa i vign ben ben in garet, es andò dai cumpagn: dis, mò an savj nò? mò cosa? dissn lor, e lù: mò dal: spos, ch' s' è miss una massa d' pezz, ch' an poss andari a far al servizi. Al pondgh diss: mò via migh burdigon, ch' a farò mè in mod, ch' t i poss andar. Al pondgh andò sotta ai linzù, es cminzò a rusgar l' bragh in t al sit proprj, ch' era necessari, tant, ch' al burdigon fiss quell, ch' l' aveva da far, cmod in effett al s' purtò ben cmod l' aveva fatt la sira passà, a segn, ch' al pars, ch' al spos aviss tolt quattr, o si scudell d' oli d' mandl dolz, tant i vign la tremenda ussida, con una puzza, ch' al diavl n' srè durà in tla stanza, e tant manch pò sotta ai linzù, ch' la povra sposa se daddò dalla gran pesta, es cors dlà dal dunzell con al nas astuppà, ch' la n' s' di gnanch temp d' vstirs, e al spos era lì tutt vergugnos, es chiamò i camarir. I arrivonn li da lù, ch' pianzeva dal gran dsgust, es ignè dltt: mò cosa oja mai dedrj? an sui zà far d' sti mattiri mè. I servitur al cunsulavn, es dsevn: eh ch' an s' dubbita lustrissm, ch' an srà ngotta, es i dissn: ch la sava, ch' ai era una volta un ammalà, ch' aveva lì dal lett al medgh; ora all' ammalà ai scappò dal vent d' sotta; al medgh al sintì, es parlò latin, dis: *sanitatibus*; mò da lì a un altr poch si' ammalà s' turnò arsentir lù con dl' armor, e al medgh diss: *ventositatibus*: mò sì bona; la n fu gnanch finì lì, ch' al fi la terza; allora al scappò un pò la pazlinzia al medgh, es diss: oh, ch, *asinitatibus*: e qu-ì mò lì, lustrissm: pr sti dou volt la sra scusà, basta mò, ch' la n al fazza mai piú ch' la se svergagnarè pò tropp: Oh in quant a quest (arspos lù, al cagon) an' ho pora mè, am vin rabbia d' averl fatt l' nott passà, che pr altr pr l' avvgnir, s' am arsent piú, pago mè: sicura sta nott s' a dslss crppar, an' vui dormir una gozza, anzi a vui, ch' a pinsamm a qualch remedi, ch' m' fortifica ben, ch' an m' intravvigna la fola d' qlù, ch' i dissn, ch' trei volt cascò, e alla terza al s arbatò. Basta, a far la fola lunga, e curta, la terza nott i spus mudonn stanza, perchè in tla solita an s i pssè star dalla gran pesta; as fì mudar la fodra ai tamarazz, as miss i linzù bianch, e pò al spos chiamò a cunsü i su servitur, dmandandi: cmod s prevv

mai far sta nott pr n'andar dal corp? mi zà d' durmir, an' ho pora, mò l'è qula cosa d' quel corp, ch' va quasi ladin: cosa s' prè far? Fra i su servitur, a i n'era un, ch' era fiol d' un, ch' vindeva cannell, e duzzon, scudell, e cuccun pr la cantina; ora quest vols proponr una cosa, ch' era second la sò profession, es diss al patron: sala sò seri strissima cosa l' ha da far? la s' ha da far tor la misura, e fars far un duzzon, e applicarl alla part, e pò ch' an s' dubbita. Al cavalir arspos; mò và pur a burlar in là, ch' a son ben mi mustazz d' faral si; e in fatti i l' andonn a urdnar, e po quand fu sira, l' andò a lett, es i appliconn al remedi; lù pò steva li a lett savi, savi, pr pora dn' guastar? l' urdegn, e pò s' inzgnò d n assrar' mai gnanch un occh, pr essr ben in attenzion s' al corp avviss mai cmenz a burdigar. Intant mò al burdigon, ch' al tgneva d' occh, vdand, ch' an s' addurmintava mai, diss ai cumpagn: oh tus; a sen ben mo arvinà sta volta, al spos n' dorm brisa, e mi n' poss andar a far la mi funzion: aspetta, aspetta arspos al grill, ch' adess, ai trov mi al gallon. L' intrò in tla stanza, es cminzò a cantar quasi ben, ch' al fi vgnir tanta la gran sonn al spos, ch' l' aveva lasi d' sfurzars, e d' spallancar i ucch quant al psseva, ch' in ultim bsgnò, ch' al cajas, es cminzò a durmir. Al burdigon cors camminand pr andar al solit lugh, mo al trovò, ch' l' era srà al pass da qual duzzon; al turnò da quì altr, dis: *nisi vos*: mi n' poss far nilent, perchè al s' è astup-pà dedrj. Al pondgh, ch' se srè tratt in t al fugh pr servir Lardell, diss: pian pur, lassa far a mi; l' andò in salva robba, es cminzò a rumgar in tutt l' paùir, in tl scattl, in t gl' oll da furmai, e in fin al trovò un vasett d' mustarda, ch' era d' quella dalla senva, ch' la pzigava, mo la pzigava; cosa fill lù? al si arvultò dentr la cò, e pò cors la dal spos, es i l' andò a sfergar ben ben sotta al nas, ch' subit ai vign da stranudar tant fort, ch' al duzzon sbalzò quant è d' quì a là: pr sò disgrazia pò l' avè vultà l' spal alla sposa, e al duzzon i di d' posta in mezz al stomgh a lj con tanta al gran empit, ch' al l' av a ammazzar, o almanch al la nizzò. La sposa, ch' durmeva profondament, dsdars, e in tl istess temp sintirs dar sta quità in t al pett, la n' savv mai cosa s' pinsar; la s' miss a zigar tant fort, ch' al cors al Re, es diman-dò: mò cosa àla l. arspos: oh signor padr, ch' al vigna pur

vj, ain è sta sparà un murtalett in t al stomgh. Al Re ar-  
 spos: mò l'è mò assà, ch'a pssadi anch zanzar con st mur-  
 talett quis in t al stomgh, am par al gran disperpust! l' al-  
 zò pò sù l' cvert, es truvò lì pr al lett qual duzzon, e l'j la  
 sposa con tanta d' burgnoqula, e pò una puzza sotto a qui  
 linzù, ch' alla sposa ai dspiasì pò anch più quella, ch' n' avè  
 fatt al duzzon, perchè al spos aveva lassà andar dal vent.  
 Al Re, ch'vist sta spurchizzia, e pò ch'ij cuntonn ch'l'era  
 la terza nott, ch'al lavurava d'qual gust, al s i vultò, dsen-  
 di: oss, ch' al s' cuntenta un poch d' tors d' quì, an m' in-  
 tend miga sol, ch' al s' ava da tor d' in sta cà, mò ai digh  
 anch d' in sta città, am maravei, ch' an s' vergogna, e m' an  
 s' dirà mai, ch' vuja uu cagon sì fatt pr zenr. Lù era  
 pò lì al spos, ch' al n' avrev gnanch la bocca, e quand al fu  
 vstì, l' andò vj, ch' an s' in savv mai più nova. Al Re mó  
 intant ai vlgñ in ment, ch' fors tutt sti dsasstr i pssevvn in-  
 travvgnir pr aver mancà d' parola a Lardell, e pò d' zunta,  
 ch' al l' avè dà da magnar ai liun; al mustrava tant ramma-  
 rich d' sta cosa, es tgneva dilt: oh fussal viv qual puvrett!  
 Al burdigon, ch' sinti sti smanì, al s' fi innanz. es diss: ch  
 sacra corona, l' è viv vedal, mò lustrissm sì, es è tant al  
 bon fiol, ch' al merita ben pò d' dvintar sò zenr, anzi che,  
 s' al vol ch' al andamm a tor, adess adess al vgnarà: al Re  
 arspos: o sippt bendett, cusslin, t' m' ha propri dà la vita,  
 perchè an psseva aver ben nè di, nè nott, ch' a cgnusseva al  
 tort, ch' avè fatt a qual pover fiol: fall donca vgnir, ch' al  
 abbrazza, e ch' ai dagha currand mi fiola. Al grill fu lù,  
 ch' s moss, es andò vi a saltut sù in s' al pajar, dov era  
 Lardell, es i cuntò agn cosa, e pò al fi vgnir a palazz, e  
 al Re i vlgñ incontra, al l' abbrazzò, es i cunsegnò sò fio-  
 la, e in t al far sta cosa, Lardell dvintò al più garbat, e  
 cumpì zovn, ch' s' psiss vder, e affadà, perchè quì treì bisti  
 comuniconn a lù la virtù d' psser aver quell, ch' al vleva.  
 As maudó a tor sò padr, es stinn pò sempr insem alligra-  
 ment, e allora qual vecch cgnussì pò quant vantazz i avè gua-  
 dagnà la compra d' quì bstioli, ch i pars sì gran mattiria.

*I camponn molt, e senza nsun affann:*

*Ch' as ha in t' un ora quell, ch' n' s' ha in cent' ann.*

## La Fola del sett Sorell.

**A**I era una volta un om più tost cuntadin, che ztadin, in somma un castllan, quest aveva nom Ambros: an s' trovava altr capital pr mantgnir sett fioli, ch' l' aveva, su una gran fetta d' tren, ch' era tutta pima d' ai. Tutta la zent, ch' vleva sfergar l' ai in tl insalà, vgneva da lù a cumprari, e a qula manira al campava con l' sou oriatur. St om da ben aveva mó una gran amicizia con un altr, ch' era pur anca lù dl istess castell, ch' aveva nom Basia, mò quest mó era ricch sfundà lù. L' aveva mò lù sett masch, e al più grand, ch' aveva nom Rizzol, era ammalà, ch' l' era un gran pezz, es n' i trovava remedi, si ben, ch' so padr aveva spes, e spant l' oss dal coll per guarirl. Ora Ambros andò un dì a visitar Basia, cioè l' andò per vder al sò ammalà, e lù Basia i dmandò quant fiù l' aveva, perchè si ben, ch' i s' steevn quisl vsin, al n' savè pò sti fatt. Ambros s' vergugnò a dir, ch' al n' aveva an dl feminn: es i diss una sfrappla, djs: ai ho quattr masch, e trei femnn; oh donca, i arspos Basia: mandamin un poch un quì da mì d' sti vustr fiù, ch' al farà cumpagnj a Rizzol, e vù n' ari più da pinsari. Ambros s' trovò impazzà, perchè an vols parer un busadr, es n' savè cosa s' i arspindr: basta, al diss d' sì quisl d'avedament, es turnò a cà con tanta malincunj, perchè an saveva, ch' figura s' far con al sò amigh, ch' ai prmeva d' essr tgnù pr un busadr. Al s' arsolò d' dmandar al son fiol s' una d' lor i vleva andar, e quisl al cinzò dalla più granda andand alla più pzznina, es i diss, an tosi, chi è quella d' vù, ch' s' vol daffar al pircuchin da donna, e trar zò la stanella, e mettrs in scambi una gabana, e un par d' bragh da om? perchè a vrè pò, ch' quella andass da Basia a tgnir cumpagnj a so fiol, quell ch' è ammalà, La granda arspos: mò scusam pur, mslr padr, ch' an ho brisa vuja d' far sta cosa: quì altra, ch' i tgneva dri, diss anca li: oh adess si vè, ai ho tirà su tutt i cuccai, es ho fatt la ghirlandina quì in mezz, perchè i possa star mi la scuffia, e pò ch' aviss da guastarla a tgnir al capell; oh mì nò; un'altra diss: mò mì m' vùì godr al mi stanlin, ch' am son cusì, ch' è finì d' incarnà; insom-



ma da un cò all' altr tutt l' più grandi dissn i sù parir, es n in volssu saver. In ultun l' arrivò a dmandarl alla più pzzonina, ch' aveva nom Bluzza, e l'j diss: mò ai andarò ben mi pà pr servir, mò sì ben, vluntira, a ved ch' a suspirà agn volta, ch questi disn d' nò, mò cos él? oh al mi pà pr cuntintarv, am farè in forma d' un gatt. Ambros diss: oh gajarda: fiola mi tm ha dà propri la vltà, oh sù donca, n' perden temp. L' andò da una arvindris, es i cumprò una gabannella d' saja, e pò la cunduss là da st om. Quand al fu là, ij finn tanta cira e al padr, e al fiol ammalà, ch' ij la cundussn li in tla stanza, e da li a un bris al padr dla Bluzza turnò a cà, e l'j arinas li da Rizzol. Quest cminzò adducchiar st zuvnett, es dseva in cor sò: mò mi cred, ch' al sì una donna: lù n' ah barba, lù ha la vos suttila, lù fa di pass curt curt, cmod fa l' donn, lù ha una carn zintil, insomma ai zugarè la testa, ch' l' è una donna vsti da om, e mi zà sent, ch' a cmenz a vleri ben. Quì al cminzò a vgniri dla malincuni, al mal i crssi, es i vgn un fivvron da cavall, ch' i duttur dissn, ch' a i vleva essr di guai. La sò mamma sè distruzzeva dalla passion, e un di la i dmandò: mò fiol mi cosa prevvja mai far pr fart guarir? di ben sù, conta alla tò mamma cosa t' dà impazz? vrrist andar a trar fora d' una porta? vrrist far qualch zicucchin con di cumpagn? arrist vujà d' andar a spass in t' un sterz? a in truvvaren un in prest. Rizzol, ch' sintì tutt sti curtsj, diss: eh mamma, saviv cosa m' da impazz? a son innamorà dal fiol d' Ambros, perchè, s' a n' al savj, quella è una ragazza, e mi s' an' la poss aver pr mujer, a sballarò. Sò madr arspose: mò adasi fiol mi, ch' al bisogna prima saver s' l' è vera; lascia far a mi, a vui, ch' a famun una cosa: a la vui mandar zò in tla stalla, e pó vui, ch' la vaga a cavall d' un puledr, ch' a sò pò mi, ch' s' la starà soda in s' la sella (perchè quell è un animal salvadgh) a digh ben pò, ch' la n' è femmna, perchè l' donn fan sempr di squas, e di simittun, è s' l'j n' arà filon, allora pò az chiariren, es dirj pò anca vù, ch' l' è un om. L' ammalà arspose: oh sì sì, la mi mamma, e quai la i urdnò, ch' l' andass un poch a cavall d' qual puledr, ch' era quai, e quai. La i andò, mò la steva sù dritta con un mustazz dur, es cminzò a fari far' dl cavriol, e di salt, e pò andar de trott, e d' galopp, e lassla pur far a li; ch' la

inadr dl' ammalà arè zugà la testa, ch' l' era un om , es al diss a sò fiol ; dis : oh fiol mi , livat pur st' umor d' in testa , perchè at sò dir mè d' bon lugh , ch' quell n' è brisa una femmina : oh diav ! s' al fa dl coss in s' qual cavall , cmod fan just quì , ch' fan la cavallarizza , oh sta pur quit , fiol mè , ch' l' è cmod at digh mè , mo Rizzol scussava la testa , es ignè sod la sò uppinion . So madr turnò , dis : a vui mò ch' a pruvvam anch questa , la mandò a tor un schiopp , e pò chiamò la Bluzza , es i diss : uhi , cusslin , cargam st' schiopp , e pò sparal ; li con una gran franchezza la miss la polvr dov l' avè d' andar , e pò sparò con un anm , ch' an s' pessi far d' più . La madr d' Rizzol diss : e quesi n' dighja mi , ch' al n' è una donna ? Rizzol arspos : e dai , vù la vllì a vostr mod , e mè la vui al mè ; es in son innamurà mort , n' avviv intes ? es digh tant innanz , che quand an l' ho pr mujer , andarò alla busa : a vdrj . La povra sò madr , ch' vdeva , ch' l' era quasi ustinà , e nujo s , ch' an' vlè più tor nè siropp , nè ngotta , la i diss : la vut saver netta ? fen una cosa , deini ad intendr , ch' al duttor t' ha urdnà , ch' t' vagh all' acqua a bagnart ; ti dirà , ch' t' vù ch' al vigna tigh a lavars anca lù , e a sta manira a s vdra cmod l' ha d' aver nom ; Rizzol s' allgrò purassà ; oh , dis : adess avj ben trovà al pè dal mal . La Bluzza mó , ch' sintì sbusinar d' st' andar all' acqua , e ch' la i aveva d' andar anca l' j , la trovò un om , ch' era amigh grand d' sò padr , es armas d' accord , ch' quand st' tal avviss vlst , chi i era là per dspujars , ch' ai fiss finta d' vgnir tutt affannà a dari nova a li , ch' al sò pà vleva murir , e ch' al la vleva vder subit ; quasi fi st om , e l' j s' turnò a ligar i scffun , ch' la s era zà cmenz a dsfiubar , es fi dou cirimoni , e pó cors a cà . Rizzol armas pi ù mort , che viv ; quand al fu a cà , sò madr al vlst tant incantà , ch' la s' inmazzinò , ch' i fuss dl disgrazi , es i dmandò : cosa l' è , una bona volta ? lù i cuntò cmod l' era andà ; l' j arspos : mó n' t' dsprar : fa quasi ; tù sò camminand , e v à a cà sò , e t' vdrà : s' al starà un pezz a lassars vder com' t' l' ha fatt chiamar , al srà segu , ch' al s dspujà da donna . Rizzol ubbidì subit , es n' pers temp ; la prima cosa al vlst Ambros , ch' era quell , ch' avè da murir ; Rizzol i diss : oh am alligr , an' è donca vera , ch' a vlladi murir , e pò diss : oh arè pur al gran bisogn d' parlar just adess a sò fiol , mò

ch' al vigna prest, perchè ai ho frezza. Ambros arstò curt, es cors sù da quì ragazzi, es diss alla Bluzza, ch' s' mttiss camminand la gabana, lì s' la miss, mò la i sti drì un pzzol, e pó la s' dscurdò la stanella. Quand Rizzol la vist, al diss: eh la mi galantina, an' son miga matt vdi, guardà mò s' a sj una donna, a vui ch' a siadi mi mujer, s' a dslss crppar: al chiamò sò padr Ambros, es i al diss; lù vist, es cgnus-el, ch' l' era la fortuna dla ragazza, al gli arspòs: mò pur ch' al vostr msslr padr sippa cuntent, mi i son. Tutt insem andonn a ca d' Rizzol, e al sò pà, e la sò mamma s' algronn a vderal quì d' ghirigaja, es avv'n a car a vder, ch' al i avè accolt, ch' la fuss una donna. Quand i sintinn, ch' al la vleva pr sposa, i funn più che cuntint: sn' ch' i dman-donn a Ambros perchè l'avè mò fatt quela mattiria d' dar i ad intendr, ch' la fuss un om; lù diss, ch' l' era sta, perchè al s' vergugnava d' averl tutt femmn senza un masch; perchè, dis, a dirvla gli in sett femmn in sanità d' tutt. Al padr d' Rizzol diss: mò za che gl' in just altrttant, quant è i mi fiù, ch' in tutt masch, fa una cosa: dan una pron a ognun di mi fiù, andali a tor tutti, ch' nù pr grazia dal cil ai ho al mod d' fari al sovr dota. Ambros al n' i pars vera, es cors a cundur lì tutt sti ragazzi, ch' al fu un gran flazell d' spus, ch' av mantign. ch' as di ovra alla rola dalla torta:

*Es lavuronn d' cunfittura, e d' zucarìn,*

*Mò a mi n' m' pssì tucçar gnanch un bsucctin.*

## La Fola dal Curvett.

A I era una volta un zovn in cort dal' Re d' Fium Largh, ch' s' chiamava Curvett, mò l' era tant al bon fiol, ch' an s' prè mai arrivar a descriv l' sou bon qualità. Al Re i vleva un gran ben, perchè verament al le meritava: mò i altr cuitsan i avvevn invidia, es n' fevvn mai altr, ch' dscorrer fra d' lor con dla passion d' st' om, ch' era sì ben vist dal patron. I dsevv'n: mò ch' diavl àl mai fatt qustù, ch' al Re l' apa d' aver tant in grazia? nù aven lasi d' dars all' impicc pr incuntrar al gust dal Re, ehibò, an fen ngot-ta, mò quest basta, ch' al s' mova, agn' cosa è miraquì: quì tutt al di truvvayn sempr cvell da correzz in quell, ch' fe-

va Curvett, e in tutt gli uccasioni s' inzzgnavn, pr quel poch ch' i pssevn, d' mettil in dsgrazia d' sò maestà. L' è ben vera, ch' Curvett era affadà, ch' vol dir, al s' accurzeva per poch di trentun ch' ij fevvn, e con destrezza al s' andava schermend. Al vign in ment ai su nmigh d' accurdars insem, e d' vder s' i pssevn rompri al coll pr una stra different da quella, ch' i avvevn tgnù fin allora, cioè con al ludarl, e diren ben, o far vsta d' dir ben d' lù con al Re, e quì i andonn dal Re ludandl, ch' l' era tant inzzgnos, es dsevv: oh l' è ben pò un ragazz, ch' fa tutt quell, ch' al vol con la sò testa, al s' è dà vant d' rubbar al cavall al om salvadgh. Bisogna mò saver, ch' st om salvadgh era nmigh murtal dal Re, e perchè al s' vdeva mal sicur dal persecuzion dal Re medesm, al steva sempr artirà in t' un bosch, perchè l' era da bella a cascari in tl man n' só quant volt, e lù pr furtificars da st prigul, al steva, cmod ai ho ditt, arpiattà sempr in st bosch, dov i era una muntagna d' un' altezza incredibil, e lù stava là in cima. Ora st' umazz aveva un cavali, ch' aveva tutt l' blezz, ch' s' ponn immazinar, al parè fatt con al pnell, e pò d' zunta l' era affadà, e pr virtù d' sta fadadura, al parlava cmod a fen nù altr. I altr curtsan, ch' savvevn, ch' zaqlin era l' om salvadgh, ch' mal guai a chi i dava sotta al grinf, e ch' i savvevn la difficoltà, ch' i era pr andar da lù, pr amor d' qual bosch, e d' qula muntagna, i pinsonn d' esponr Curvett a un gran prigul, s' i fevvn in mod, ch' al i avviss d' andar tra i pj, e quì i andonn dal Re, es i dissn: sacra corona, s' la vdiss al cavall, ch' ha l' om salvadgh, a sen per òir, ch' la starè qualch di dn' magnar pr stari a guardar, oh quell srè un cavall da par sò! L' ha da far in mod d' torel d' in man a qu' umazz, Curvett è una zoja: l' ha zà ditt, ch' ai basta l' anni, eh lassenal pur far a lù. Al Re, ch' era un pò gonz, s' lassó prillar da sti parol, e pò lù era da cumpatir, perchè al n' arrivava a cgnossr la malizia d' qulor: al fi chiamar Curvett, es i diss: oh caro ti fà, ch' ai ava al cavall dl' om salvadgh in tl' man, e pò cmandm dov a son bon, ch' t' vdrà pò tl. Curvett cgnussì, ch' quest era farina d' quel grintin, ch' ern sempr dri a dari al gamb, mò pur al dissimulò, es arspos al Re: um: mi farò quell, ch' a poss. L' andò vers qula muntagna, e pò intrò pian pian in t' la stalla dl' om

salvadgh, al miss la sella al cavall, e pò muntò sù, mó al s' inzzgnava d' tgnir ben fort i pì in t la staffa, per tutt mai quell, ch' pseva occorrer. Al cavall, cmod ai ho dltt, zanzava, e quand al s' vist chiappà sù con sta franchezza, e cundutt fora dla stalla, al s' miss a zigar: ulhi, patron, mó an' i udj? ulhi Curvett m' porta vi. L' om salvadgh, udi; e siccom lù era za mezza bistia, al s' l' intindeva lì con quegli altr bisti d' quì cunturn, es era sempr pruvvist lì pr cà d' agn fatta galantari, o d' un ors, o d' un lion, o ' un lov, es aveva anch di gatt maimun. Donca, allora quand al cavall i di st' avvis, l' aveva sta cunversazion, es cors zò, seguità da sti bisti, ch' avvevn tant d' buccazza averta con intenzion d' sgufflars Curvett, mó lù n' era sì baron da lassars taffiar; al cminzò a battir la scuria, e vi a gamb con al cavall, e vers la città, ch' al feva galluppar al cavall cm' è vent. L' andò dinnanz al Re a presentarial, dis: ch' la tuga, quest è al cavall: al Re l' abbrazzò, es i fi carezz, just cmod s al fuss sta un sò sol, e pó i dunò una bella pussà d' arzent, e dla t-la da camis. Qulor, ch' avvevn proposit sta cosa con pinsir, ch' al prigulass, buffavn dalla rabbia, mò non ostant in s' perssn d' anm, es dissn fra d' lor: eh bsò ben, ch' az inzzgnamm in tutt i mod d' fari rompr al coll vdi. I tur-nonu dal Re, digand; oh avven pur tant a car, ch' l' apa avù qual cavall, al sta mò ben zò in t la stalla, quì psiss mò vostra maestà aver l' addobb dla stanza di om salvadgh, ch' ai dsen mò, ch' an' i è cosa cumpagnia pr tutt al mond: oh allora sì, ch' as dirè da pr tutt, ch' V. S. Illustrissima è un gran Re: l' è propri una cosa, ch' val un tsor: ch' al fazza a mè mod, ( dseva un d' quì) ch' ai manda Curvett, e chi sì, ch' ai basta l' anm: oh al stà tanton a rubbare! Al Re ai vign vuja purassà d' aver anch quest, perchè l' era facil da prillars cmod s' vleva: al diss a Curvett: mè vrè, cuslin, l' addobb di om salvadgh. Curvett, senza dari altra risposta, i vultò l' spall, es andò alla muntagna, e pó s' ficcò tra lum, e scur in tla stanza, dov durmeva l' om salvadgh, e in qual mentr, innanz ch' al vgniss a l-ett con la mujer, Curvett dsligò tutt i ligazz d' in ti chind, ch' tgnevvn sù l' addobb, e pò s' arpiattò sotta al lett, e fin ch' in' funn ben in t' al prim sonn, lù n' s' moss; quand al sintì, ch' i durmevvn, al cminzò a tirar zò l' addobb, ch' era zà bell e

dsplacc, pianin, pianin, es l'av tutt. Al vleva pò tori anch la cverta d'in s' al lett: al cminzò a tirar un puchttin adess, e pó un altr puchttin fra un poch, tant ch' l'om salvadgh s'arsintì, e sintands tirar la cverta d'addoss, al chiamò so muier, es i diss: mò n tirar tant sta cverta, adess adess tm' la tir vù d' fatt, mì piarò pò dal vent, es m' vgnarà al mì dador; sò muier arspòs: mò bon, chi ha da dar d'manda: a vleva just adess dirt, ch' t' dsmittiss d' tirarla, perchè mi son quì bella e nuda, mì n' ho più cverta addoss d' nssuna fatta. L'om salvadgh turnò tutt maravjà a dir: mò donca, dov èla andà sta cverta? es cminzò a zampigar con l' man pr tirar-la sù, es cuzzunò in t al mustazz d' Curvett. Quand al sintì sta cosa mulsina, al s' miss a zigar: ajut, ajut, l'è quì la fantasma dai gmissi: sù ben vgnj vù con dl lum. Tutti i pi-sunint d' qulà cà, e tutt quì bisti, ch' steyvn lì da lù, corssn, mò in' psion far sì prest, ch' da quì ora, ch' fuss impres la lum, e arduitt al popl, Curvett aveva tratt zò agn' cosa da una fnestra, ch' l' avé adducchià lù, quand al vign, ch' guar-dava in strà, e pó, siccom l' era un gran faguttazz d' rob-ba, ch' vgneva in sù, ai saltó addoss fora dla fnestra, a segn, ch' lù era zà luntan un pzzol, quand l' om salvadgh cminzò a capir cosa i mancava. An s' pò cuntar l' algrezza, ch' av al Re, quand Curvett i vign dinnanz con st fagott d' robba. Qui curtsan s' l' imavn dalla rabbia, e al Re se smamava a guardar a qual bell' addobb, ch' era tutt d' arcam d' or, e d' seda. Ai era una gallina, ch' feva l' ov, un gatt, ch' piava un pondgh, una vecchia, ch' filava, di fiur dla banzola, e in-somma ai era tanta robba, ch' as dssè divertir di dì, e di dì. Qulor mò, ch' aren' pur vlù l' arvina d' Curvett, i truvonn just al Re tutt d' ghirigaja, ch' guardava anch a quì arcam, es dissn: ch sò maestà ha tant gust a sti cos; mò o và pò s' la vdiss al palazz, ch' l' ha mò lù l' om salvadgh, e ch' a in fuss patron: oh quell è un palazz! al n' è miga da dar al garett a quest, ch' é quì vedal: mò nò, ai è tant l' gran stan-zi, e di mzzanin, e di salva robba, e la sò bella bugadarj con la caldara in t la furnasella, e al murell alla fuga d' cu-sina: oh la i n' aré mill cunstrutt! e chi sì, ch' a' as i am-mett qual ragazz d' Curvett, al gli al fa aver. Al Re diss: oss bsgnarà, ch' ai d'manda anch questa, zà ch' am rumpì tant la testa, e quì al le chiamò lì, es diss: zà mò, ch' t' ha

fatt tant, fa mò anch questa, ch' an t' romp pò più com s' sol dir. Curvett se strinzl in tl spall, e pò s' miss a camminar, e s' arrivò là dall' om salvadgh, ch' sò mujer aveva fatt fiù, e lù era ussì d' cà pr invidar i parent, ch' al seva un dsnar, e la parturienta, ch' aveva fatt al di innanz un umizzin salvadgh, s' era livà da lett pr far lì al dsnar, perchè la n' aveva un can, ch' i diss man. Curvett, ch' vist, ch' la povra diavla era mal in gamb, ai diss con un mustazz brunnzì; mò cosa fav, puvretta, n parturissi ijr? e oz a sj quì a arscaldarv? guardà, ch' al part n' ev vaga alla testa; lì arspos: ah d' grazia tasj: n' vdiv, ch' a son quì, ch' ai ho un da far, ch' an poss più, es n' ho nssun, ch' mi ajuta? lù arspos: mò dov sonja mi? mi farò quell, ch' v' bisogna, lassam pur far a mè. La donna salvadga arspos: oh siav bndett, fiol mj, zà donca, ch' a vlj far cvell, tolè st curtlazz, e stlà zò sti quattr pzzù d' legna, ch' i in tant i gran zucch, ch' ai ho pora, ch' i n m' stelln la pgnatta; Curvett diss: mò vluntira, sposa, n' dsivv, ch' a vlj, ch' a stella sti quattr pzzù d' legna, mò ch' vlivv più bella legna d' questa? e toppa: in scambi d' mnnar in sla legna, al mnnò in s al zucch alla donna, ch' al gli al battì quant srà d' quì a lá: la povra spirta mors innanz d' accorzersn. Quand l' av ammazzà qustj: al cors subit diinnanz alla porta dal palazz, es dsarvò un bon fussadell ben profund, e pó al cvers d' brocc d' albr, e d' erba, e lù s' arpiattò dop alla porta; quand al vist l' om salvadgh ch' arrivava con tutta qula zent, als' miss a zigar là in mezz al prá; viva al Re d' Fium Largh, e mora l' om salvadgh. Quest, ch' udi sta piva, cors subit vsin a Curvett, ch' al le vleva tridar, com s' fa la sussizza, mò al di là lung distes, perchè qual foss, ch' era cvert da quì erba, l' ingannò: tutt quì altr, ch' i tgnevvu dri, tutt anca lour i casconn addoss, ch i currevvu pr ajutarl, es n in sti in plgnanch un, is ern tant sbrindalà, ch' ai vleva altr, innanz, ch i s alzassu sù. Curvett i tri addoss del pred, e con so commod a in fi una frittella; al srò la porta dal palazz, es partò la chiav al Re, al qual al ludó, es diss: oh vann pur, ch' t j un gran om; at voi dar mi fiola pr mujer, ch' t ha mò facchinà assà. Acquist appunt success, ch' al dvintò zendr dal Re, e quì, ch' i vlevv mal, s' ammalonn infin dalla rabbia.

*D' lor as pò dir, ch i finn d' quella d' ben vgnù,*

*Ch' andò pr dar ai altr, es buscò lù.*

## La Fola dl' Ignurant.

**AI** era una volta un om, ch'era pò ricch lù, s' al va per quell, mò l'avè la disgrazia d'aver un fiol tant ingnurant, ch' ai feva vgnir rabbia, es n' pssè godr, ch' prò i fìss qui sù quattrin. Al vgnn in pinsir a st om d' cavar d' atorn al fiol: ai di una mau d' flipp, es i d'iss, ch' al s' inzgnass un poch d' mercantzar. e ch' l' andass, pr esempi, vers levant. Al dsè pò lù in cor sò: as prè dar, che questà praticand i altr, e vdands da pr lù, al s' eminzass a inzgnar. St zovn aveva nom Musson. Quest donca s' miss a cavall pr andar vers Venezia, e d' li pò al s' vlè imbarcar pr andar in Turchj. Quand l' av camminà un di intir, al trovò un, ch' steva lì ferm ferm a pè d' una fioppa; Musson i dmandò: cmod avviv nom, qual zovn? d' ch' paes siv? e ch' mstir fav? quell arspos: mi ho nom Fulmin', es sop dla città d' sa-jetta, es sò correr just cmod fa una losna. Musson arspos: oh a vrè mò vedr s' l' è vera, la m' par una gran sparà; Fulmin' diss: mò s' aspttarj un pucchiùn a vdrj, ch' a n' digh la busj. Al stì quì un poch a guardar, es vlist a passar una cerva là per la campagna, al zovn s' la lassò passar dinnanz un bon pzzol per dari ben dal vantazz, e pò s' miss a correr quì fort, e quì alzir, ch' m' cred, ch' al srè andà sovra un sacc d' farina, ch' an i arè lassà brisa la posta di pj, e in quattr, o sj pass l' arzuns la cerva. Quand Musson vlist sta cosa, ai dmandò s' al vleva andar a star sigh, ch' al i arè dà un tant al mess; Fulmin' diss d' sì, es andonn vl insem pr al mond. Quand i avvn fait quì quattr mija, i truvon un altr zovn, e Musson i dmandò; an, cammarada, cmod at nom? d' ch' paes it? e cosa fat? Quest arspos: mi son da Vall curiosa, es ho nom Urecchia d' livra, e quand a in mett in terra una, o dou d' sti urecch, mi sent tutt quell, ch' s' dis in ti' cá da un cò all' altr dal mond. Musson diss: mò s' quest è vera, as prè donca sintir cosa dis mi padr, e mi madr di fatt mj; dis: sintj un poch s' a capj qualch discors, ch' a mtrò pò mi insem s' la pò essr la mj zent. Urecchia d' livra s' dtes pr terra con gli urecch, es stì un poch, e pò diss: ai è un vecch, ch' parla con sò mujer, es dis:



oh in tanta malora az sen pur scavà d' attacc ai garitt qual stival d' Musson, possia arrabir, s' ai è al piú gran incantà al mond, ch' al fa vgnir la cagarella sol a guardari. Al vlè pò tirar innanz al dscors, e Musson diss: oh tasj pur mó, ch' am basta sta nutizia, n' sta miga più a udir, ch' an s' dscruvviss cvell altr, e pò dmandò al zovn: e bèn vliv vgnir anca vù in nostra cumpagni? Urecchia d' livra arpos: nù i son, es seguitton a camminar al mond. Quand i avvn fatt dis mlja, i trovven un altr, e Musson zà i dmandò nom, cugnom, patria, e mstir; quest i arpos, mí m' chiam Tira dritt, es son da castell Tira just: a sò trar quèl a segn' ch' an bastarè l' anm con una balestra d' cujir in t' un' anima d' inllon; Musson diss, oh sù, ch' a ved a. Tira just cargò la balestra, e pò tols d' mira una grana d' ces, ch' era sovra a una preda, es la fi saltar quant è d' quì a là. Musson chiappò sù auch quest. Quand i avvn camminà uu mezz dì, i tru- von dla zent, ch' aminurtavn dla calzina, es stevvn lì in t' un occh d' sol, ch' i ern in pè d' brusars vù, tant mnnaval calor, mò lor n' s in devvn a dir. Musson s' moss a cum- passion, es i diss: mò cmod i durav, l' mi criatur, quì a st gran sol? l' è una cosa da vgnirv una infiammazion d' pett. Un d' quì arpos: oh a nù z' vùn l' infiammazion d' pett vè: oh a in vré lù d' quegl' infiammazion, dis: s a stenn frisch cm' una rosa, perchè aven quì un zovn, ch' z' va suppiand dedrj, ch' al fa con la bocca tutt i vint, ch' a vlen; ch' la creda, ch' a sten benissm. Musson diss: oh lassamal vedr, caro vù; un d' qui lavurant al chiamò, e Musson i dmandò, dis: e ben, qntallin, èl vera, ch' a savj far al vent? mò cmod fav? dsim caro vò al vostr uom, e d' ch' paes a sì. Quest arpos: mì m' chiam Suppiadur, es son da terra Vin- tosa, es sò far con la mi bocca tutti i vint: s' a vlj muntan, e mì toppa, l' è lì; s' a vlj rumagnol, anch quell è lì puntu- al, e sernara, e tramuntana, e vent d' sotia, ch' l' è quell al mi fort, e insomma tutt quell, ch' a vlj vù; Musson ar- spos: mì n' al cred ffinn ch' an al ved. Suppiadur fi prima un vintsln galant cmod farè una vintarola, e pò all' impruv- vis al vultò la bocca vers una fila d' albr, es suppiò quèl dsprament, ch' a in cavò una massa con l' radis, e gn' co- sa, es ern zris. Quand Musson vist, ch' l' era vera più an- ch', ch' an dseva, al s al tols anch quest a star sigh, per-

chè zà lù fin , ch' durava i quattrin, ch' i aveva dà só padr, an pinsava a altr. I camminonn altrttant, es truvvoun un altr zovn. Musson zà , cmod a psi credr, fi la solita interrogazion, dsandi: cmod v' chiamav ? d' cli' paes siv , e- ch' mstir fav , s' l' è lecit ? quell arspos: mi m chiam Schina forta , a son da Valentin , es ho una virtù in mi , ch' a purtarò benissm una muntagna in s la schina, ch' la m parrà mò una penna lj , s' la s' cuntenta. Musson arspos: mó s' al fuss vera sta cosa , a prissi andar pr facchin d' gabella , ch' a guadagnarissi quell , ch' a vlissi, mò a vrè vedr st miraql. Schina forta cminzò a chiappar sù di sacch d' perdizz, di pj d' albr , del masegn , e tant i gran rabbaziri , ch' an i are purtà cent carra. Musson vdend sta cosa, l' affermò al só servizi. I s missn a camminar , e s arrivvoun a un regn, ch' s' chiamava Bell Fior. Al Re aveva una fiola , ch' aveva un pregio, al qual era d' correr con tanta agilità , ch' l' andava, s' pò dir , all' impar dal vent; l' arev cors in s' una massa d' fravl , senza asquizzarn nssuna , tant andavvla mèi alzira. Ora st Re aveva pubblicà un band, ch' s' ai fuss sta , chi aviss vllù far a correr con sta ragazza , e ch' l' aviss passù arzunr , lù i l' arev dà pr mujer , mò ch' s' al cuntrari , un , ch' aviss tolt l' impegn , fuss pò armas indrì , lù l' arev fatt impiccar. Musson arrivò con la só comitiva , cmod ai ho ditt , es sintì publicar al band; l' andò dinnanz al Re, es i diss : sala chi farà a correr con la só sgnora fiola ? Al Re arspos: mò mi nò , ch' an' al só ; e Musson: mó st babi , ch' è qul , mi srò quell , ch' vinzrò st bell premi. Al Re diss : um , pensi ben: mi zà ho ditt , o guadagnar la fiola , o essr impiccà. Quand fu vgnù qul' altr di , Musson mandò a dir al Re; ch' d' grazia al cumpatiss , ch' ai era vgnù un pò d' ussida , e ch' al n' are passù correr lù , mò ch' al mandava un altr zovn; la fiola dal Re arspos: mò vigna mò ch' vol , ch' mi n' m' importa un corn. Quand la piazza fu pina d' zent , ch' era vgnù per vder sta corsa , ch' ai era una calca , ch' an s i srè tratt un gran d' mli , al compars Fulmin' , ch' era da un là dla piazza a aspittar , ch' s' diss l' moss. Da lì a un poch al vgn la Sgnora , ch' avé nom Zanella ; l' aveva un curstìn tirà alla vita , e una stanlina a mezza gamba con dl scarpìn da lacchè. I s missn tutt dū all' impar con l' spall lj e Fulmin' pr cminzar tutt dū in t' una volta la corsa ;

quand i simlun far con l' tromb turu turu turu ru ru ru, i s missn a correr, ch' i garitt i tuccavvn al zucc dla testa: fà un vostr cont, ch' i parevvn dú cavall dscadnà. Mò intant Fulmin', ch' aveva al nom, e i fatt, l'arzuns la Sgnora, ch' al s la lassò dedrj più d' un brazz. Tutt s' missn a ziggar: viva al furastir, viva al furastir. La Zanella dvintò, ch' la parè una pezza lavà dalla rabbia, perchè li n' era avvjà, ch' nssun la viuzies; mò basta, la s consolava, perchè al patt era, ch' s' aviss a far dou volt la corsa, innanz d' aver uttgüü al premi. Li andò a casa, es fi una striarj a un anell, perchè l' striarj la l savè far benissm, ch' ai aveva inssagnà la sò signora madr. Chi tgneva in did st' anell, as i incavvchiava l' gamb, ch' an psseva brisa correr; la l' mandò pò a dunar a Fulmin', es i fi dir, ch' al le purtass in did pr amor sò. Urecchia d' livra aveva mò sintù da star a cà la fuffigna, ch' aveva urdì la sgnurina con al sò sgnor padr: lù sùl qued, es n' diss altr, ch' al vols star a vder, ch' piga piava l' cos. Quand fu ora d' far la corsa, i cminzonn a sunar l' tromb pr dar al segn dl' ora; quì i cminzonn: mò al puvrett d' Fulmin', pr quant al s' diss alt' impicc, an i fu mai dubbì, ch' al psiss dscavvchiar l' gamb, l' armas li cm' un stllon, e la Zaneila parè una losna. Tira dritt, ch' aveva sintù da Urecchia d' livra cmòd i avven' aguzzinà qual pòvr fiol con quì anell' al diss: oh ch' cunsinzia! mò lassà pur far a mi, la corsa n' è gnanch finì. L' andò es tirò con la balastra d' posta in mezz alla preda dl' anell, ch' avè in did Fulmin', e subjt la pars una granà, ch' spazzass vù quì incant, ch' al cminzò a correr quì fort, ch' sì ben ch' la Zanella i era zà luntan cent brazza, lù l' arzuns, ch' al s la lassò dedri più d' cinquanta, es vins al pali. Al Re mò ai vign ben ben sù i chiù, es diss: guardà mò vù s' a vui mò mi, ch' al mi sangu vada in man a quì, ch' è lì, oh no certo! s' an ha altr, an s' nnz zà i baffi lù. Mò pr' truvàr un mezz termin, al chiamò a cunsii i principal dal regn, perchè i deissn alsò parer. Tutt conclusn, ch' an era brisa prudenza a dar una signora si fatta a un buttgar, es dissn, ch' al pruvass un poch a dunari più tost di quattrin, ch' al i arev avù più a car, in scambi d' dari la signora Zanella pr muier. Al Re appruvò la proposizion, es mandò a dir a Musson, ch' l' aveva fatt pinsir d' dunari di quattrin, e ch' al

dsless cosa al pretendeva, perchè an i pareva cosa propria a dari una mujer cmod era sò fiola. Musson s' cuntinò con i cumpagn, e pò andò a dar la rsposta al Re, dsendi: mè, sacra corona, a vù tant or, e tant arzent, quant pò purtar in s la schiua un mè cumpagn, ch' ai ho migh. Al Re s' cuntinò, es finn vgnir Schina forta, es tm i cminzonn a mettr addoss di bavull, e pó dl cassett, e dl panir, e dl scattl pin d' ducaton, e d' zochin, e d' luig, e quì Schina forta steva lì dur, ch' al parè just, ch' l' avess addoss una rama d' zesmin. Musson, ch' vdeva, ch' i s cminzavvn a scussar in t al mandgh pr vi d' n' aver gran fatt più vuja d' tirar innanz, al diss: mò lustrissm, l' ha prumiss d' darm tanta robba, quant pò purtar st om, ch' è quì, la ved ben anca li, ch' al n' è assà cargh. Al Re cminzò a mandar ai banch a tor di altr quattilù, e pó cminzonn a mettr in sl spall di bacil d' arzent, di candlir, dl sottcopp, di piatt, dl panir, dl quantir, e infina di cantr d' arzent, e pó i n' mandò a tor imprest da di cavalir; basta, i dsmlssn de dsprazion, ch' pr altr lù era anch' lì aspttarn dl' altra, ch' al n' era gnanch assà cargh; i andonn pò vi tutt qulor con un valsent tal, e sì fatt. I cunsijr pò dal Re la biassavn mal, es dsen, ch' l' era una gran barunata, ch' quì dscalza an avvissn da purtar vi tutt altsor dal regn; i tgnen, dlit: chi eni sti fulsan, ch' avvn da ygnir a purtar vi al sustegn dla città? e quì i cunsionn al Re, ch i mandass drì dla zent, ch i alziriss un poch; al Re s i attaccò subit, es i spòdl drì nn lacchè, e dla zent con di schiupp, e di omn a cavall. Urecchia d' livra udj quand andò st' ordn, es avisò i cumpagn, ch' cminzonn zà a vder la polvr, ch' alzava i cavall d' quì, ch' vgnevvn. Suppiadur, ch' vist la cosa incamminars mal, al cminzò a suppiar tant fort, ch' al si cascar da cavall tutt quì, ch' i ern, e pò suppiò vi tutta la zent, ch' i andonn lontan un mè: ah cosa a digh! i andonn ben anch dou. Ora n' truvand più nssun impedimint, i andonn a cà d' Musson da sò padr con tutt sti ricchezza. Lù pò fì si part, e quì ognun av la sò in maniera da psersn cuntintar, es turnonn tutt alligr ciaschedon a cà só. Musson stì pò sempr in cumpagnj d' sò padr, ch' armas altrettant cuntent d' lù, quant l' era sta d' mala vuja. Quì finì l' istoria.

## La Fola dal gran Turch.

**A**i era una volta un gran Turch, ch' aveva la lebbia, e i duttur n i pssevn cattar al gallon a mandarla vù, tant ch' lor pr dari un pò d' garb, e parer d' aver truvà un remedi da liberarl, i s accurdonn fra lor d' proponerun' un d' quì, ch' n' s' ponn far, o almanch, ch' lorn' crdevvn, ch' s' pssis far, perchè in st mod (i dsevvv lor) az livaren sta piltma dai garitt, es n z faren smattar. Còsa fu donca st remedi? i dissn, ch' l' era necessari, ch' l' intrass in t' un bagn d' sangu uman, e ch' st sangu fuss d' un gran princip. Al gran Turch, sì ben, ch' ai pareva un remedi stravagant, in t agn mod dalla gran vuja, ch' l' aveva d' guarir, l' intrapies d' faral. Al spidì subit una gran armada pr mar, es di ordn a tutt quì suldà, ch' i n stissen pr cosa nssuna dn' chiappar qualch gran princip, fussal d' ch' fatta al s' vllss, purch' al fuss ben un gran princip; e pò ch' i i al fessn aver in tl man. Quistor cminzonn a zirar, e quì zira, e quì zira, e quì zira, tant che, quand al cil vols, i vlistn una barchetta vers al regn d' Fort Chiar, e dentr in sta barchetta ai era al fiol d' qual Re, ch' aveva nom sgnor Paulin. Quj dal gran Turch s i trinn addoss com' è tant cagnazz; lù al povr zovn era vgnù lì pr andar a spass: oh at imprumett, ch' i t m' diunn al spass, ch' al cercava m' i; basta, i al chiapponn sù d' pes, es al purtonn in Costantinopol. I midgh, ch' vlistn, ch' i l' avvevn truvà, e ch' i ern mò in' impegn d' daral per remedi, i dissn: oh! dai mò d' nas; tolè: i an truvà al gran princip lor: oh tù mò sù: pr ripiegh i s inzgnonn d' imbrujarla, es dissn acquì, ch' bsgnava aspttar, che st sgnor n' fuss quì ingrugnà, ch' al sangu srevv stà più san; lor fevvv, part pr n s' far smattar s' al remedi n' zuvava, e pò anch pr la cumpassion, ch' i feva al zovn, e intant s' ashungava al coll all' oca, es dsevvv lor: chi scappa un punt, in scappa cent. Intant, i dissn, l' j, sgnor gran Turch, i ha da far dar dla robba d' sustanza, ch' al possa ben vgnir grass, e inton, s la vol, ch' al remedi ava dla forza. Al Turch arspos: mò sì ben, mò sì ben, es al fi mettr in t' un casin d' delizia, ch' era in t' un bellissm giardin, dov i era tutt i

frutt, e fiur, ch' s' pssen' mai inmazzinar, e in st' istess palazzin, ai miss anch dentr sò fiola con l' sou dunzell, es i di ad intendr, ch' st' sgnor Paulin aveva da essr al sò spos d' lj. Al success zà quell, ch' av pssì inmazzinar, cioè ch' sti tus s' innamuronn insem, es s' dìn parola d' spusars. Intant al passò una man d' mis, e quì s' cminzò a pretendr, ch' al gran Turch fiss la purga, e ch' l' intrass in t al bagn, e quj curt-san dsevvn, ch' al sgnor Paulin n' psseva essr d' più san, e ch' l' era mó ora d' scanaral. La sgnora Rusella, ch' era la fiola dal gran Turch, sintì sbusinar st' intrigh, e pó la l' psseva saver, senza, ch' al sgnor padr i al dsiss, perchè l' avè la fadazion, es n' in pssevn far una, ch' li n al savlss; e savj, la fadarj la l' aveva cmòd và, perchè la so mamma, ch' era la più gran strija, ch' fuss al mond, la s' l' era allivà sotto d' lj, e la madr aveva imparà fin da putta, ch' a vui dir, la saveva far al mstir pr al sò vers. La tosa donca, ch' sav st' tradiment, ch' i vlen' far al sò spos, la i di una bella spada, e pó i diss: ch' al tuga, sgnor Paulin: s' al vol ussir con la vita, ch' an perda temp, perchè ai mantign, ch' i in dri con l' mal parol; ch' al corra, e ch' al vada al mar, là a i truvàrà una barca, ch' al s' i ficca dentr, e ch' al m' aspetta, perchè per virtù d' sta spada, ch' è incantà, al srà arzvvù con tutt' i unur da quì marinar, just cmòd s' al fuss l' Imperator. Paulin, ch' vst, ch' as i aveva la vù da tors d' li, an i pars vera d' psser scappar, es i saltò dentr a pj par; massm quand al sintì, ch' la sgnora Rusella i srè andà anca lj; al chiappò la spada, e s' avviò al mar. Quand al fu là, tutt quì marinar l' arzvvinn con di belli riverenzi, es al tolssn in barca, e biad chi al psseva mai servir. Io st mentr mò la Rusella fì una striarj in t' una carta, e pó la miss in bissacca alla sgnora madr, senza ch' nè lj, nè anma nada sn' addiss. Subit, ch' la sgnora nadr av in bissacca sta putà, la s' mise a durmir acquì sprofundament, ch' la n s' arsiní nè da cò, nè da pl. La Rusella in tant andò al scrign d' zoi, es chiappò sù tutt quelli, ch' pssen star in tl' bissacc, e pò in t al burslin dal bust, e quì dinnanz tra l' pettanler, e al bust, e lassla pur far a lj, ch' la sfurò tutt al bon, e pò cors là alla barca, e addio: chi t' ha fatto quelle scarpe: i andonn, ch' i vulavn. Da lì an un pzulett, ch' i funn partì, al gran Turch andò là al zardin, cmòd l' era solit d'

for agn di: quand al sav, ch' an s' cattava più nè la fiola, nè al prenoip, al parè un inspirtà, tant dseval di dseperpust. Al corò da sò mujer per cuntari sta dsgrazia, mó li n' se dsdava per quant zigh i s psissn far; ij tironn al nas, ij finn l' ghittl: esibbò: l'era tutt un. Al gran Turch diss: brusa dla zavatta, ch' i srann i sù mal d' madr, ch' i srann vgnù, es di essr in fastidi, mttila un poch a lett, donn, e dspujala, e in quella, ch' l' dunzell i andonn alla bissacca pr tori fora al fazzulett, ai cascó la stanella, e la carta dalla malj in terra, e a qual mod al finì l' incant, e lis dsdò, es diss: oh traditora! a segnuss, ch' mi fiola è scappà con al prencip, mó dis, al n importa, at farò ben mi cagar i stuppìn, s' t' ha magnà l' candel. Ditt e fatt la cors alla marina, es trl in mar una brocca d' albr, e subit ai nassì una barca, e quì la cminzò a correr drì ai spus com' è vent. La Russella, ch' zà, cmod ai ho ditt, saveva far la strla, ch' an s' pssè far d' più, la s' accors per vj d' sta profession, ch' al vgneva la mamma, sebben, ch' la vgneva invisibil, es capì, ch' ai vleva nassr dal mal, la diss: an, signor Paulin, ch' al fazza prest, mò prest, vedal a mettr mau alla spada, e ch' al s' appunza con la schina alla barca, e quand al sintirà dl' armor d' caden', e d' anzin, e lù ch' al mena con la spada là all' orba, e dov al cui, ch' al cuja, perchè s' an z' ajuten, a sèn pers per sempr. Al prencip n' fu nè mutt, nè sord, e da lì a un poch al sintì st armor, al tirò un gran arvers con la spada, sì ben ch' al n' vdeva nssun, e toppa, al cols a tajar tutt dou l' man dla Turchessa, ch' l' saltonn vè nett nett, ch' la strillava cm' un' annia addanà. La fi pò li sò madr un agorazz a sò fiola, ch' cunsistì in quest: ch' subit, ch' al sò mros aviss miss in terra i pj, ch' al s' dscurdass d' fatt d' la sò persona, e ch' al n i pinsass più rebsa. Lì pò la gran Turca turnò in Costantinopol con quel brazz quasi smuzgà, ch' cullavn sangu da pr tutt, es andò dinnanz a sò mari pr mustrari st spettaql. La i diss pò: a vdi al bell servizi, ch' z' ha fatt sti dou carogn: vù n' pri più guarir, perchè an s' pò far al bagn, e mi murirò adess adess d' spasm. Quì fu. Tant quant l' avv ditt sti rason, la mors. Al gran Turch di in tanta la gran dsprazion dalla rabbia, e d' agn cosa, ch' al cminzò a cuzzunar la testa in tl' murai con quant fià l' aveva mai, tant ch' al s' la spzzò, e s' andò a truar sò mujer,

e la Rusella arnas li la factotum d' tutt l' Imperi, e d' tutta la robba di sù: mo cosa i zuvvol mò? Quand i funn arrivá a Fort Chiar (ch' era zà al lugh dal Re padr dal mros) quest diss alla Rusella, dis, ch' la m' aspetta quì, ch' a vui andar a far vgnir dl carrozz, e dl livrè, ch' a la vui cundur a casa in si razz, ch' an para, ch' apa tolt una scagnuzzanta; uò al n' müss si prest i pj in terra, ch' al vign alla lus la mal; ch' i a' è fatt qula Turca madr dla Rusella. Al s' discurdò d' fatt dla povra Rusella. Subit ch' l' arrivò a casa, ai vign incontra al Re só padr, e la Regina con di trasport d' allgrezz, ch' n' s' ponn espremr; i finn i falò, e del cassett d' razz, e gn' cosa battè fugh. La Rusella sti alla pazienza tri di; d' cò d' quisti, n' vdand mai cumparir al signor Paulin, la diss; tint a ment, ch' questa è la stiarj, ch' i ha fatt la signora madr, ch' è vgnù alla lus: oh, dis, à son stá la gran matta, an m' l' arcurdar prima: mò lassa pur far a mi, ch' a t l' impagarò ben mi vè. Cosa filla li? la s' fi cundur a qula città, e pò tols una cá adafitt just incontra al palazz dal Re, pr vder s' al fuss stà pussibil d' psser turnar in ment al fiol. Quì cavalir dla cort, ch' ern batt nas eminzonn adducchiar st pezz d' marcantoni, ch' feva armagnr incantá, e guardandi, i dissn, mò che nova? cos è quest, ch' è vgnù quì indrù? e biad chi psseva più spess mandari di regall, e degl' imbassà, mò un n' saveva dl' altr, e ciaschedun ordeva d' essr al sò occh dritt, perchè li deva a tutt bon' parol, a tutt la i feva curtsj, e a tutt la i dseva, ch' in' s' dubitassn niga. Mò ai fu però un tra questi, ch' procurò d' esser distint da i altr, es fi al daccord con li, ch' al i arè dunà mill ducatun, e ch' lì l' are tolt in casa una nott. St povr zagn cattó imprest, o a fruit i mill ducatun, e pò andò da un mercant, es tols a temp un bell tai d' brucca frutt e fiur, e pò sti àsspttar, ch' vgniss la nott. Quand fu una cert ora, l' andò dalla Rusella, es la trovò là in t' un bell lett, ch' la parè una deità: la diss a st cavalir: baslamay a sgnernj, ch' as serva, mò, dis, innanz ch' al vigna a lett, ch' am faccia favor d' srrar l' uss dla stanza, ch' quì ajar n m' fiss affrdar; al cavalir arspos: mò si signora; oh a stò tanton. L' andò a srrar st' uss, mò con più al s' deva al diav! a provar d' asrrarl, tant più l' uss se spalancava, e lù serra, e l' uss avrs, e serra, e avrs, e sta mu-



sica andò dri tutta qula nott, fussla ben stà lunga. Al vign di, e iù era arrabbì cm' un can, e po d' zunta l'av una grau minchiunata dalla signora, ch' ai cresi pò anch più la rabbia, e quest'andò vi tutt ingrugnà. La sira seguent l' armas d'accord con un altr (d'arpiatt zà d' quel prim) quest era mò anch più solenn, ch' n'era qu'altr: l' era in fin un milord; a quest la i dmandò altr mill ducatun, e un altr tai d'vesta. St signor tralluccò n' sò che d'arzintarj in man ai ebrè, es av i quattrin, e la robba pr la vesta, ch' l'era vllud turchin, ch'era una cosa, ch' innamurava. Quand fu nott, l'andò alla cà dla Rusella con al regall; ij andò a lett, e pò i dias a lù: d' grazia, ch' l' ammorta qula candela, ch' an vui qla lum in ti ucch. Al cavalir s' cavò al frajol, e la spada, e pò cminzò con quant fià l'avè in t la bocca a suppiar mò pinsà vù, qual vent, ch' ussè dalla bocca la feva agn volta più impiar, es feva just l' effett, ch' fa in tl brass al suppiadur, ch' al gl' implja agn volta mli. Tant, ch' al vign di, e anch' a quest la signora squinzia i fi la rumanzina, cmod l'avè fatt a qu' altr, sbuffunzandal, ch' al n'era gnanc bon d'ammurtar una lum, e lù sn andò vi, ch' l' arè mursgà al ferr dalla stizza. Quand fu vgnù qu' altra sira, ch' era pò la terza, as fi innanz un' altr zerbìn, e li al solit i dmandò i mill ducatun con la vesta: lù ij purtò con un tai d' stoffa. Quand la l' av arzvù, la i diss: ch' am scusa d' grazia, mò mi i ho tant al gran scador in testa, ch' a vrè, ch' au ptuass, innanz d' andar a lett; lù arspos: mò la s' metta pur a sedr quì in sta scranna, ch' a la servirò ben mi vluntira; lù s' miss anca lu a sedr, e pò tols in gremb la testa dla signora, es cminzò con un bell pettn d'avori a dstrigar i cavj, cioè a prubar de dstrigari, perchè lù avè lasi d' inzegnars d' far con destrezza, ch' lor s' ingluppavn agn volta più; quì l'era ingattià tutt al pìrracchin, e al pettn n' s' psè più cavar d' in ti cavj, e la signora l' andava svilanzand, e al perfinid, per far la fola lunga, e curta, al vign di, e lù n' psè più aver al pettn, e la Rusella al mandò vi anch quest con l' mal parol. Al purtò mò al cas, ch' un di sti trè cavalir ern tutt insem in tl' anticamr dal Re, es andavvn tajand i pagn addoss a tizi, e a simproni, cmod s' fa cm' as chiaccara. L' ultim cavalir, ch' era quell dal pettn, diss: oh, a proposit d' zent, ch' s in pò dir mal, am 'n

intravvign una bella a mi una d' sti sir con qula simona què indritt; e qu' altr dalla cendela diss: mò anca a mi; quell dall' uss, ch' era un poch più in là, saltò sù: mò, dis, s' pò dar al cas, ch' la m' in fi mò anca a mi una plenta, e què i s cminzonn a dmandar l' un l' altr cosa l' era stà, e pò un d' lor conclus: mò, l' dis, a vui però, ch' la s in penta, nò miga, dis, pr qui mill ducattun, ch' ac' son fiol d' mill ducattun, mò l' è qual sbuffunzar, ch' am ho pr mal; pr tant i s uninn tutt trè, es andonn dal Re a cuntarila tal e qual. Al Re l' intes mal, es mandò subit a tor la Rusella, fagand di una gran cappladina, mò d' musch; dis: a vrè saver mi, la mi inrusina dl' alba, con chi a pinsà d' trattar? an' savj, la mi anquana, ch' av farò scriv in t l bullett nò? oh guardà ch' ptegula! poch rispett, trattar in sta maniera trè cavalir dla mi cort! ai dsissi far sicura qualch striarj; basta, tni' l' impagarà, bambozza. La Rusella stè soda a udir sta filà con un mustazz frugn, senza mudars d' culor, è pò quand al Re av finì, l' arpos: mò mi, sacra corona, quell ch' ai ho fatt, am par ch' al avè just da far mi, e l' cosa disla? la n' sà li, ch' tort ai ho arzvù mi què da chi dipend da li? am son vllù vendicar mi: oh guarda. Al Re dmandò: mò cosa è la sta cosa? li arpos: mò am è sta fatt un aggravi tant grand, ch' al bsgnarè ben, ch' a fiss mi una gran massa d' impertinenzi, innanz ch' ai avvis arres quell, ch' ai ho buscà. Al Re diss: mò dsì sù, dsì sù, e li cminzò: eh sgnor! la pò saver, ch' ai è sta una persona, ch' ai ho fatt più, ch' n' fi Carl in Franza: mi l' ho liberà dalla mort, e dalla schiavitù, mi l' ho miss in s' la bona vi, tant ch' al pss scappar commodament, es l' ho fatt arrivar con tutt i commod san, e salv a casa sò: mi al liberó dal man d' una striia, e pò in' ricompensa al m' ha vultà un bel par d' garitt, es n' s' arcorda d' mi, quant s' an' fuss al mond, e pur an' son miga una ptegula, ch' a son una gran sgnora: an' sò s al cgnusseva qual puvrin dal grau Turch; oh l' era mò mi padr lù; s an' i è d' incommod. Al Re a sintir sta cosa dvintò ross, perchè al n i aveva guanch fatt dar da sedr, es di ordn cainminand, dis: sù purtai una scranna, e pò s i vultò fagand scusa, e dsend: oh ch' la m perdona, la sà emod l' è dl' volt a dirò com dss qu' altr .... mò, dis, ch' l' a m' diglia, caro l' j, chi al fu ch' la trattò què, ch' al

possa castigar? La signora s' tols un anell d' in did , es diss:

*A chi saltarà in did d' posta 'st annell,*

*L'è contra quell, ch' a fazz tutt st gran flazzell.*

Quand l' àv ditt quì , la trì in sù l' anell , e quest d' posta saltò in t al did dal prencip Paulin , ch' era lì present a tutta sta zanzada , e ch' n' avè gnanch capì ngotta , mò tant quant l' àv l' anell , la malì s' dffì , e la Rusella à turuò in ment, cosa , ch' an sn' era mai più arcurdà. Al cors abbrazzarla , e a dmandari scusa , e li pò al cumpateva , perchè la cgnusseva , ch' l' era stà pr forza dla malj. Al Re pò , ch' sav ch' d' zunta l' era una fada , diss: o lassa pur , ch' at mi appetten ben Paulin sì , massm , ch' l' ha da ereditar qual Regn. I s' spusonn , es stinn di mis , e mis sempr in allgrj.

## La Fola dl trei Fad.

**D** Is, ch' ai era una volta in t' un castell una vedva , ch' aveva nom Cardona ; qustj era la più mala bigatta d' donna , ch' i fuss da quì di : invidiosa , tra i altr dffett , ch' la n' avè la cumpagna , la crppava propri d' passion , quand la saveva , ch' qualch un aviss dal ben. L' aveva mò una fiola , ch' aveva nom Gradizza , e questa s' arvisava alla signora madr in tl buntà , e pò d' zunta l' era d' una bruttezza , ch' la feva pora , la parè al diavl : l' aveva la testa schiazzà , di caviazz gruss cm' è la lazza , un nasazz asfrittlà , al mustazz stort , e con la barba , la vita tutta stralancà , in somma s' andass dri' un mes , an arrivarè dcò a dir assà mal d' li. Con tutt quest l' era al spasm dla mamma , ch' la i pareva una zoja. Ora sta vedva s' armaridò in t' un om , ch' aveva nom Miccantoni , ch' era benstant da Pancucc : l' era un di prim là d' quel lugh , ch' l' aveva uttgñù dou velt la prima d' qu' dignità , es era in venerazion a quì Pancuchis , cmod è quì al Cunfalunir. Miccantoni aveva anca lù una fiola , ch' aveva nom Zizella , mò questa mò era una cosa da lccars l' dida : dalla testa fin ai pì l' era perfetta , e pò era tant galant , tant bona , ch' tutt l' arren vlù in sò cumpagnj. Quand donca la Cardona àv tolt st om , la cminzò a capir , ch' la sò Gradizza feva una brutta riussida vsln a qu' altra , e sta cosa fu causa , ch' la tols in urta quì fort la

fiastra, ch' n' u' avè una colpa al mound, ch' la i cminzó a far degli asuità, e di tort, ch' ns' sren fatt al bisti. A sò fiola la i fi al pirrucchin, e al stanlin burdà, e quell dla Zizella era strazzà d' tiazza; alla fiola la i feva magnar al pan d' fior d' farina, e alla fiastra quell d' tridell, e pò dur cm' è i sass; la fiola stava sempr in scattla, mai feva niint pr cà, e la fiastra spazzava lì tutta la cà, lavava i piatt, feva i lett, la bugà, la guernava l'asn, es vudava l'urinari, e gn' cosa; mò con tutt ciò l' era sempr alligra, mai s' lamentava, es procurava d' far prest quell, ch' l' avè da far, prch' sò madregha n' zigass. Al purtò al cas, ch' una volta la Zizella era ussi fora d' cà pr andar a vudar la ruscarola in t' una busa, dov la i suleva trar al rusch, es i sblisgò la ruscarola in t' al dari la volta. In qual mentr, ch' la pinsava cmod l' avè da far pr andarla a tor, al di fora d' in t la lusa un umazz, ch' la Zizella n' capi a tutta prima s' l' era verament un om, o una bistià, tant eral mai deform. Quest era, cmod av pssì figurar, l' om salvadgh; l' aveva i cavj nigr, e gross cmod è l sedl d' porch, es i arrivavn fin zò in ti garitt; la front aveva dl crspazzi tant grossi, ch' ai s're stà arpiattà un did; l' zli gross gross, i uccli sgarblà; insomma l' era un mostr. La Zizella fi bon anm, es diss: qual sgnor, cmod prevja far pr aver indrj la nii ruscarola? s' l' è dal cil, ch' am la daga, ch' a dirò pò ben d' lù cm' l' è al spos. L' om salvadgh i di pr arsposta, ch' la s' l' andass a tor; eh, dis andavla a tor, fiola mi, andan' pur. La Zizella s' attaccò con l' man a di sprucch d' alber, ch' era zò pr gula riva, es andò tant drì sblisgand, ch' l' arrivò dcò. Quand la fu zò, an' crdrj mai cosa la trovass: la vist trei fad, una più bella dl' altra: gli innamoravn: l' è finì. L' s' livonn sù, es finn tant l' carezz alla Zizella, ch' an' s' pò dir; l' la chiapponn pr man, es la cminzonn a cundur pr cà, mò e ch' cà! ai arè psù abitar un Re d' curona, Quand l' gli avvn mostrà tutt l' stanzi, l la finn niètr a sedr in di cuscin d' vlud con i fiocch d' or; da lì a un puchin l' volsn, ch' la li ptuass; gli missn tutt trei la testa in gremb, es dissn, ch' la i fiss al servizi d' ptuarrl. Lì, ch' aveva una man alzirà alzirà, la l' feva con un garb..... con un pettn d' avori, e lor andavn dmandand; cosa i truvay in t la nostra testa? la Zizella arspundeve con dla prudenza: oh, ai trov

qualch pducchin, e qualch ijndnetta, mò ai è ben tant perl, e ingranat, ch' l'è un subbliss. Al fad ai piasì tant sta risposta, ch' n' stinn gnanch aspttar, ch' la i avlss tirà sù i cuccai pr fari i rizz, ch' l' s' turnonn a livar sù pr cundurla d' nov in tl' stanzi, es i finn vder tutt i mobil, e guardar cmod era tgnù ben qula robba, ch' gli avvevn quel cass, ch' lusevvn, ch' ai si spechiava dentr. Gli avvevn pò i più bi lett con dl cvert bellissm, e la Zizella passava per quel stanzi, senza mustrar gran maraveja d' vder qul belli coss, perchè la n vlè parer d' usservar i fatt di altr. Quand l' avv asià, e asià l' la cundussn in t' un' altra stanza, dov i era un armari pinu d' abit quant ijn psseva star, mò fior d' robba; ai n' era d' mora, d' ras, d' stoffa, d' damasch: ch' soja mi? manca; e pò i era d' quì pindlnt, ch' s' portan adess, ch' i ij disnn girandò, e pò dl zoi da gola, e di brazzal, e di anj, e di furin da scuffi, e da far la part, e dl palatin'; tutta sta robba l' la finn vder alla Zizella, dsendi: vdiv, zuvnetta, a sù sovra alla massa, av avj da tor d' agn cosa, e quell, ch' v' pias più. Li ch' era una ragazza senza superbia, la diss: ah! mi son una puvretta, agn strazz m' accomda, es tols una stanllina d' buccassin, ch' n' valeva un bagaron, ch' l' la purtavan lor l' fad, quand l' fevvn i bugadin. Sti donn a vder sta gran umiltà, n' s' in psen' dar pas; gli dmandonn: per quà porta vlv ussir? e li: per quella dla stalla, la diss (chinands zò dalla gran submission), L' fad la basonn tant, e tant l' abbrazzonn, e dissn: oh pinsà vù, fiola mi, s' avlen ch' andadi vù d' quì con qula stavella! oh signora nò; vgnù pur vj, ch' av vlen vstir d' nostr gust. Gli missn in doss un abit tutt arcamà, d' punt indian tutt cumpl, pettanler, stanlin, e bust; gli arrizzonn tutt i cavj, ch' an s' è mai vlst al più bell pirricchin, e pò i missn una scuffia con tant i gran furin ch' lusevvn: e insomma l' era aggiustà, ch' la pareva una Dea; l' la accompagnonn fina alla porta ch' era tutta d' or massizz con l' curnis d' madr perla, e pò i dissn: vann, la nostra Zizullina, ch' al cil t' daga ben fortuna: vann, e quand t i pr la strà arrisgh fora dla porta, alza i uoc, ch' t' vdrà cosa è la sù. La tosa s' i miss a far di inchin, e tant l' ringraziò, e pò guardò in sù, cmod gli avvevn dltt, es i cascò una bella stella d' or in t la front, ch' la feva tant la bella vsta, ch' l' abbarbajava, es audò vù quì aggiustà in si

fioch, ch' la pareva un cavall quand l' è puli pr andr alla giostra pr amor d' qula stella; l' andava pò pian pian pr pora dn' s' guastar, tant ch' l' arrivò a cà da sò madregna, es tm i la cuntò da un cò all' alir cmod l' era stà. Quand qula diavla d' donna sintì sta cosa, la n' trovava lugh dalla rabbia, perchè an era intravvgnù sta cosa a sò fiola; la vols ch' la Zizella ij insegnass al lugh pr dov s' andava pr trovar sti fad. Quand la i l' àv ditt, la i ammulò d' lugh la Gradizza, la qual, quand la fu là a qual palazz, la vist anca li l' trei fad! Lor prima d' agn cosa volssn, ch' la li cercass in s la testa, innanz d' fars pttnar, e pò i dmandonn: cosa i truvav in t' la nostra testa? li arspos brusca, cmod era zà al sò solit: oh agn pdocch ( ch' ai n' è di mondi ) è gross quant è una grana d' ces, e agn jendna, quant è un cucchiar. L' fad avvn nn gran d'parer a sintirla quai d'perpustà, mò pur l' dissimullonn. L' la cundussn pò pr l' stanzi dov i era tutt qul belli coss, es i dissn: cussina, tuliv mò quell, ch' v' pias più, e la Gradizza n' fu minchiona, la chiappò sù la più bella vesta, ch' i fuss. L' fad n' la pssevn padir; l' dsen' fra d' lor: olibò, la fatta qntalazza dsubbligant; mò l' volssn aver pazinzia, per veder dov l' avè d' andar a battr; ij dmandonn: pr dov avviv gust d' ussir? pr qua porta? pr quella d' or, o pr quella dl' ort? li arspos: mò per la più bella ch i sippa: oh guardà mò vù. L' fad, ch' visttn, ch' l' era sì gran arguianta, n' volssn mò just, ch' l' ussiss pr la porta d' or, es la missn fora pr quella dl' ort, e pò i dissn: oss purtà mò vù la puzza: e quand a sì fora dl' porta, alzà sù al mustazz, ch' a vdri cosa v' vin addoss. Subit, ch' la fu fora, la vist una quantità d' ledam, l' alzò la testa, es i cascò una buazza d' asn dinnanz in s la gola ( in sanità d' tutt ) ch' la s i attaccò, ch' al pareva un goes gross cm' è un pan da un bulgnin. Con st bell addobb, la s' avviò vers casa, es n' diss gnanch a qul donn: at l' incagh; l' andava pò adasi adasi per la strà, ch' ai era d' avvis d' far al sò smecco, e d' star tant ben acqui vstì, perchè lj n' saveva la cosa dla pulpetta d' asn, ch' l' avè li dinanz. Quand la fu a cà, e ch' sò madr vist sta bella figura, la di in dl' rabbi, ch' la feva pora: ai vign fin la schiuma alla bocca. La fi dspuiar la Zizella, es i miss indoss un strazz d' stanlazza, e pò per n' l' aver mai più sotto ai uech, la vols, ch' l' andass allora allora a star

d' fora badar a un branch d' purzj, ch' i avvevn. La missa pò indoss alla Gradizza tutt quì gargantilli, ch' avè la Zizella, e li la povra tosa i di agn' cosa vluntira, pazienta, ch' mai s' lamintava, es andò pò a star d' fòra pr guardiana di purchi. L' era ben pò un peccà a veder qual bel mustazzlin in t' l' occh dal sol, e pò essr vsti quasi randlenta, mò in t' agn mod acquì mal andà cmod l' era, la sò blezza feva sempr un gran dspicch, a segn, ch' as n' innamorò subit ch' alla vist un gran cavalir, ch' av uccasion d' passar pr d' lì, ch' s' chiamava al signor Cosm. Al vist sta bella criatura, es i fi dmandar' chil' era, e dov la steva d' cá, e d' lung' l' andò a parlar a sò madregha, es la dmandò pr mujer, dsendi, che d' sovra più al l' arè duttà d' mill ducattun. La Cardona i saltò dentr a pj par, perchè la fi subit i sà cunt d' apttari sò fiola, es i arsppos: mò lustrissim sì, lustrissim vluntira, ch' al vigna pur sta sira, ch' a la farò vgnir d' d' fora, es invidarò i parint, ch' a faren un pò d' torta, tant ch' al magna un becon. Al signor Cosm andò vè tutt alligr, e un' ora i pars mili ann d' arrivar alla sira. La Cardona mò intant aveva ben fatt vgnir la Zizella, mò pr cosa? pr ammazzarla. St diavl d' femmna l' udiava tant, ch' la strulgò una manira d' cavarla d' in t' i ucch. La tols una bott, cavandi al fond, es i la ficcò dentr con intenzion d' taccari fugh. Quand fu vgnù la nott, al signor Cosm, ch' n' psseva più, s' avvjà vers la cà dla Cardona, es andava digand: oh! ai è anch ( pr esempi ) un' ora: oh! a i n' era anch una mezza da quì ch' ai ava la mi bella sposa: oh! resta un quart: resta un mez quart; al dseva: oh ch' an m' è mai d' avvis! mò ai vù ben mì livar quì strazz d' attorn, oh lassa pur far a mì! quì fagand sti dscurs, l' arrivò a cà dla Cardona. Quand al fu là, ij mustronn la Gradizza, la qual, con tutt ch' l' avvis attorn tutt quì bì furnimint, ch' avè dunà l' fad alla Zizella, l' era un diavl: la feva pora, an' v' digh altr: sì ben mò, ch' as sol dir:

*Vest pur ben la criatura,*

*Ch' la farà la sò figura;*

mò li nò, la deva agn volta più in t' l' occh, quant più gargantili l' aveva attorn; la puzzava pò da tutt i cú, ch' l' appstava. Quand al signor Cosm vist sta cosa, l' armas più mort, che viv; al di indrj, dssand: mò cosa è questa? oh

puvrett mi! èla, o n'èla quella, ch' a vist là d' fora? ai ho ben sintù dir:

*Nè a donna, nè a tela*

*N i guardar a lum d' candela,*

mò quella l'era ben pò d'mezz di lù, quand a l'z vist. Al feva tutt sti discurs tra i dint quasi da pr lù. Basta, lù vols mantgnir la parola, ch' l'avè dà, es la spusò; ai vllè pò accustar al mustazz, mò al s' tirò indrj cinquanta volt, es se spazzava la bocca, an's i saveva ardur. Finalment al s' fì coragg, es si accustò d' fatt, mò bisognò, ch' al lassass acquì, perchè al fìa i puzzava tant fort, ch' ai àv a vgnir fastidi: fà cont, ch' la parè un' androna. Lù era intrigà, ch' an saveva, ch' partì s' piar; l' aveva poca vuja, o brisa d' cundurla a casa sò, mò s' ai l' aviss anch vllù cundur, la terra dov lù era patron, era luntana a Pancucch, sicchè pr quela sira an vols cundur in là qulj. Al tols una cà lì poch lontan, mò an vols, ch' ij ammanvassn nè lett, nè ngotta; ch' al dseva: eh adess, ch' è cald, as dorm da pr tutt, al fì mettr un saccon in s' don cas, e pò s' missn lì con la sposa; mò au prè mai dir la mala nòtt, ch' i passonn tutt dū, perchè s' ben ch' l'era di più curt, ch' fussn in tutt l' ann, la i parè eterna. Alla sposa ai dpareva, ch' al signor Cosm aveva al grugn, ch' al stava volt in là, l' attruvò al ripiegh d' andars sburgand, e tussend, d' spudar, d' suppiars al n's, mò pensa ti, al spos n' srrò miga mai un occh, mò al feva vista d' surnacehiar, e sagand vista d' durmir, al s' andava tirand alla riva, per star ben lontan dalla Gradizza, tant ch' l' arrivò d' cò dla cassa, ch' an s' n' era addà, es cascò addoss all' urinari, ch' era pin d' piss, ch' ai cissì pò anch d' più la rabbia a vder, ch' al s' era tutt inspurcà; an vdeva l' ora, ch' fuss di pr cavars d' in qual patibol: an feva altr, che guardar alla finestra pr vder s' la luseva mai, mò pensa ti; l' avè tropp la gran frezza, es era pr quell, ch' ai parè tropp lungli al temp. Basta, quand al cil vols, al cminzò l' alba, e lù subit s' insfilzò l' bragh, e quasi anch mezz dspujà, al diss al quela anquana, ch' i igniss drj, es andò a cà dla Cardona con intenzion d' annunziari so fiola, e pagarla pr al servizi, ch' la i aveva fatt d' barattari la mujer, perchè lù ggnoseva sicuramente, ch' la u' era quella. Quand al fu là, la n' era in cà, ch' l' era andà a tor una carga d' legna, ch'



la vlè far fugh pr brusar la bott, dov era dentr la povra Zizella. Al signor Cosm s' miss a zigar: eh, eh sposa Cardona, sposa Cardona, dov siv ficcà? In cà dla Cardona ai era un gatt bis, ch' era agniffà in s la zendr dal fugar, ch' era anch avlà; st gatt parlò, e quell, ch' è più, al parlò in venezian; al diss:

*Gnao, gnao;*

*La botte tien il core tuo serrao.*

Cosm n' intes miga dal tutt cosa vliss dir al gatt, mò tuttavì al vist li fora sta bott, e al gatt aveva nominà una bott, e pò n' vdeva brisa la Zizella; al s' accustò alla bott, es sintì movr li dentr, es i pars anch d' sintir un lament. Cosa fì l lù? camminand al tols al zampin dal fugh, e tant andò dri dagand di culp in tl dogh dla bott, ch' al la sfundò, e in t al cascar, al vist li dentr sia gran bella ragazza, ch' al diss just parer emod è una cumedia, ch' innanz d' cminzarla, i turn pò sù la tela, e la prima cosa ai srà pò fì una quakh Dea del volt, ch' salta fora a far al prologh. Quand al signor Cosm la vist, an s in mancò un negr d' ungia, ch' an diss là lunghe d' stes; quand al s' fu ben ben maravvjà, ai eminzò a dmandar, mò chi t' ha miss quì dentr? n' d' evja nìl, ch' t' m ir sta barattà? contm ben, chi è sta quel razza d' becch, ch' t' ha fitt st tort. La Zizella i cuntò agu cosa, tutt i strassi, ch' i avè fatt sò madregna, e la vita d' can, ch' l' avè fatt. La Gradizza mó n' saveva nìl nè d' bott, nè d' altr, perchè tant quant i arrivonn in cà lì, e al signor Cosm pr cercar sò madr, li armas dentr in t' una stanza a aspttar la mamma, ch' la i dè pò vler cuntar l' sou disgrazi. In st nientr donca al signor Cosm fì sta funzion d' far sta dscverta dla Zizella, e d' farla ussir fora d' in t' la bott, e pò la fì arpiattar dop alla porta, al chiàmò pò la Gradizza, es i diss, a vui, ch' a intradi quì dentr in sta bott, ch' a ved, ch' l' ha dal tas, ch con un bttunzln d' olì, ch' a sò pò mí, al fa bon da lavars al mustazz: stà donca quì aspttarm, ch' ai starl quì em' è in fusion, ch' adess a turnarò a srrar, ch' an v' fuss fatt mal d' occh. La guuccazza intrò dentr, e lù chiappò sù la sò Zizella, es la miss in s' al sò cavall, e pò d' lunghe i andonn a Pscarola, ch' era la sò terra dov l' abitava, e ch' l' era patron. Intant al turnò a cà la Cardona, es miss al fugh un gran parol d' acqua

con sotta di fass d' vid, e di pzù d' legna; quand l'acqua fù bujenta, la miss la salvavina sovr al bus dla bott, e pinsand d'plar la Zizella, la plò sò fiola. Quand la pssi cre'tr, ch' la fuss morta, sintend ch' la n' zigava più, la sfundò la bott, es vist ch' l'era la sò cara Gradizza. La s' eminzò a stiancar i cavj, e sbaur i pj, è cuzzunar la testa in t l' muraj, ch' al cors tutt quì da Pancucchi pr cunsolarla, mò an i fù nè mod, nè vers, l' era là in furor, la n' vlè udir nssun. Al prfinid la sbatti tant la testa contra al mur, ch' la s' la spzzò, e pò senza ch' nssun la pssis artigoir la s' andò d' posta a trar in t' un pozz, es dseva dl cos, ch' dinn indizi, ch' la fuss dvintà matta. Acquisi as vist, ch' dl volt al vler tropp far dal ben ai altr, i causa dal dann.

## La Fola dla Preda dal Gall.

**A** I era una volta in t la città d' Grotta negra un cert om, ch' s' chiamava Migh Agnel; quest era quì strampalament puvrett, ch' al n' aveva gnanch scranna dasedri sù: an v' dirò altr, in cà só au s' trovava aver altr che un gall; quest sì pó, ch' ai vleva un gran ben, ch' al s' tulè al pcon d' in bocca pr darl al gall, mò cmod a digh, al n' aveva altr. Al purtò mò al cas, ch' una mattina lù n' saveva cmod s' far a magnar, perchè al n' aveva cosa nada; de dsprazion donca al pres la risoluzion d' andar a vendr al gall ia mercà, perchè al n' se saveva ardur a magnaral; al le chiappò, es andò alla piazza, là al trovò dū Negrumant, es cuntrattò con lor sovra a st gall, insomma i fin al daccord, ch' ij aren' dà ott bulgnin, e dū quattrin, mò ch' ai l' aviss da purtar drì a cà, ch' là i aren' sbursà quell ch' l' aveva d' aver. Sti du Magun andavvu innanz, e Migh Agnell i tgneva drì, es sintì, ch' i parlavvn fra lor in furbesch, con pinsir, ch' lù n' intindiss, mò lù era una mutria, es capì agn' cosa; un dseva a quì altr: oh chi l' aviss mai ditt Znaron; chi l' avess mai ditt, ch' az avissn avù a imbattr sta mattina in sta gran furtuna; quì altr saltò sù; mò, dis, n' vut dir pr qula preda, ch' ha in t la testa st gall? sì, arspundeva Znaron, mò capita a vui ben, ch' a la famm ligar vè, ch' an srenn mai più puyritt ai nustr di. Migh Agnell, ch' save-

va molt ben dov al diavl tìn la cò , al diss : mò a srè ben matt , s' ai ho la fortuna in cà , ch' a la vliss dar ai altr , e cosa fill lù ? quand al fu a un stradell , al vultò i garitt , es andò a cà so , ch' i Negrumant n' s' n' adinn , e tant quant al fu in cà , al tirò al coll al gall , es i trovò la preda in t al cervell. Al fi subit ligarla in t' un anell d' utton , e subit ch' l' àv in did l' anell , al diss : a vrè dvintar un bell zuvnot , emod srè un de dsdott , o vint ann. D' lung , ch' l' av dlt sti parol , al s' sintì più fià in tl gamb , ai vign l' più belli carn , ch' al parè nn latt , e un vin , i cavj , ch' ern tutt canud , dvintonn biond em' è l' or , ai turnò tutt i dlt in bocca , e insomma al pareva fatt con al pnell. Quand al vist ch' la cosa andava ben , al vols tirari dentr con l' andar desiderand cvell altr , es turnò a dir : am piarsè mò d' aver un bell palazz mì con di mobil , ch' s' i addattassn , e pò anch vrev far parintà con al Re. Mó bona : al n av sì p' est pronunzià l' parol , ch' at mì cumpars li un palazz : sì : altr che quell dal princip : tutt pin d' pittur , d' arzintarij , d' canapè , l' sou purtir ai uss dl' stanzi , i sù scarabatù ; e pò gli armess , e l' stall pinn d' cavall , e d' carrozz , servitur , cucchir , livré , insomma tutt al cumpiment , ch' vol a un gran signor ; di quattrin pò an s in dscorr , ch' in s' pssen' armar. Al di tant in t' occh alla zent sta gran ricchezza , ch' al Re al vign a saver , es i fi uffris só fiola pr mujer , ch' aveva nom Nadalina , e al fi perchè sta ragazza avvis un bon partì. In st mentr mò , ch' l' cos andavva sì ben a Migh Agnell , bsò saver , ch' i Negrumant s' l' ern ben ben ligà al nas , es dissn , ch' s' lù i avè fatt sta burla a lor , ch' i t m invleu sunar un' altra a lù , perchè ai era arrivà a nutizia tutt sti furton , ch' l' aveva lù , l' qual s la cosa andava ben , i sren' tucca a lor. Cosa finni ? ai vign in ment d' far una bellissima bambozza , vstì da signora alla frauzesa , mò d' un gust , ch' an s pssè passar li , e pò i finn un cunzegn a forza d' cuntrappis , ch' la sunava , es ballava tutt in t' una volta ; lor pò se vstion da munsù , es passonn dincauz alla cà d' Migh Agnell , fermads sotta al fnestr a far sunar , e ballar la pù , tant ch' la Pintella ( ch' era una fiola , ch' aveva Migh Agnell ) s' fiss alla fnestra , con speranza , ch' la s' innamurass d' sta bambòzza , e ch' la la cumprass , e quì fu in effett. Subit ch' sta tosa vist quela cusslina , la diss : oh nmamj ! oh quella

è una bella galantarj ! quant costla ? lor i arsposn : oh la mi fandsina , an i è quattrin , ch' la paghn , mò pur a li a i la dunaren , pur ch' la z' fazza un serviziin : nù vren' ch' la z lassas vder cmod è fatt l' anell , ch' porta in did al só sgnor padr , perchè a in vren' far un quai fatt , mò a vren' qual mudell , e tant quant l' urevs arà tolt l' misur , ai al turnaren indrj , es i daren la pù , ch' l' è patroua . La Pintella , ch' sinti st gran partidon , la i pars una cosa da saltari a pj par , perchè la n avè mai sintù dir qual pruverbi , ch' dis :

*Chi t' uffris a bon mercà ,*

*T' i un gran matt se t' fidarà ;*

e quai la diss d' sì , ch' i vglissn pur qu' altra matitna , ch' la s' srè inzgnà d' dari l' anell . Quand i Magh funn andà v , e ch' sò padr era a cenna con lì la sira , la cminzò a dir , bell al mi pá , mi vui , ch' al m' impresta pr un puchtin l' anell , ch' ai ho la malincunj , ch' a vui vder s' la m' passa : sì , bell al mi papin , ch' am al daga . Al povr gonz crudò , es i di l' anell , e la matitna ben a bunora al vign i Magh a tor l' anell , la i al di , e subit ch' i l' avn in tl man , i scapponn vi cm' è vent , senza brisa dar la bambozza alla Pintella , ch' la povra ragazza s' schiancò infn al perucchin dalla rabbia . I Magh pó subit dissn , ch i desideravn , ch' l' anell guastass tutt quell , ch' era success d' ben a Migh Agnell . D lugh la i intravvign ; al vecchi era allora dinnanz al Re , ch al parlava sigh , e subit ai cminzò a vgnir grinz al mustazz , ai cavò tutt i dint , ai vgn la termarj in tl gamb , es andava d' stort , ch' al parè dirindina , e quell ch' fu pizz , al crudava a strazz da tutt i lá . Quand al Re vist , ch' brutta figura l' era dvintá , an savv cosa s' pinsar , mó pr psseri pinsar nli , la prima cosa al le fi ficcar fora pr un brazz , digandi di villanl da bistia . Migh Agnell audò v pianzand , es cors da sò fiola , pinsand d' remediari subit con al tor l' anell , mò quand al fu a cà , al trovò ch' l' era là anca lì , ch' la pianzeva , mò la i tirava dentr , es i cuntò in ch' manira ai erastà tolt l' anell . A psj credr in ch' dsprazion di qual povr om , quand al vist al cas dsprà . La prima cosa ch' al fi al sculazzò ben ben la ragazza , ai diss tanta villanj , ch' una parola n' aspittava l' altra : guarda simona , al dseva , t n' ha arvinà pr cavaa d' vler una bambozza , mò ch' vut più bella bambozza d' ti ?

e quì la smasslunava; e pò i diss: mì n' in vui saver, t i pinsarà tì, mì vui andar vèl pr al mond fin mai, ch' l' gamb m' portn, es n vui più turnar fin, ch' an ho savú nova d' quì razza d' beccì, ch' m' àn rubbà al mì anell, che a só zà ch' i in stà quì dū negrumant. A quì diss, e quì fì; al tols un burdon, e un cappell, es lassò lì la ragazza, ch' s' inzgnava pò d' far dl tirell a una marzara tant, ch' la magnass, e lù andò vèl pr dsprà Tant ziràndlò d' zà, e d' là, ch' l' arrivò al regn d' Busfond, ch' era abità da i pundgh; quìsti al tolssn pr una splja di gatt, e s al prsn pr cundural dinnaanz al só Re, ch' aveva nom Rusgon. L' era zà, pr vostra erudizion, al temp, ch' l' bìsti parlavn, e quì Rusgon parlò, es i dinandó ch' l' era, e d' ond al vgneva, cosa al cercava, e tutt sti cos. Migh Agnell aveva d' fortuna in bissacca una codga d' lard, e prima d' arspendr a sò maestà, at m i apttò st regall, fagandi una bella riverenza, e pò i cminzò a cuntar a una pr una l' sou dsgrazi, soggiungend: mì certo m' vui strassinar pr al mond fina mai, ch' a i ho truvà al mì anell, a son arinas quì *nudon fantoron*, dov ch' ai era quì pin d' robba i d' passà. A Rusgon ai vègn da pianzr a sintir la relazion d' tutt sti guai, e pò diss: mò a vui ben pò vedr s' as pò sullivar st' om mì, es chiamò a cunsli tutt i pundgh piú vicch, mustrandi la gran premura, ch' l' aveva pr interess d' st' om. Tra sti pondgh vecchiun ai era Rudlon, e Saltarell, ch' ern du pondgun pratich dl cos dal mond: quìsti ern stà sì ann in t' una ustarj d' la posta, es i dssn: oh stà pur alligrement, om da ben, l' cos andaran mii, ch' an' pinsà: ai ern nù una d' sti sir all' ustarj dal corn' ch' l' è ustarj, ch' fa dl faccend di mondi, ch' ai capita tanta quantità d' zent d' garb, ch' l' è un subbiss: lì ai capitò du omun da castell Rampln, es s' fin dar da magnar, e da bevvr ben, e no mal; dopp ch' i avvn alzà al goud. a sioi ch' i dsurrevn d' una buria, ch' i avvevn fatta un vecch da Grotta negra: i dsevn, ch' ij avvevn alzà no anell, ch' aveva sì gran virtù, anzi che, dis, ai fu un d' lor, ch' àv a dir, ch' an s' al livarè mai d' in did pr qua s' vuja cosa dal mond, es m' par, ch' quest aviss nom Znaron, perchè (al dsè pó lù Znaron) ch' an vlè, ch' intravvgniss a lor quell, ch' era intravvgnù con la fiola dal vecch. Quand Migh Agnell sintì stà cosa, al dmandò a quì du pondgh s' i s

psevern lor comprunettr d' saveri accompagnar fin là in st lugh, perchè, dis, s' av basta l' anm d' farm aver al mì anell, av prumett d' dunarv un saccadell d' furmai, una panzetta, e un lard, ch' av al gudrj pò con al Re. I pundgh, ch' inteisn l' antifona d' aver a essri unt la man, i prumissn d' far mar, e magna, es andonn a tors licenzia da sò maestá, e po sbitton vè con Migh Agnell, e quì cammìna, e quì cammìna, tant, ch' i arrivonn da lì a un gran pezz a castell Rampln. I pundgh cunsionn Migh Agnell, ch' s' fermass lontan dall' ustarj un bon puchett, es al fion adduppar drì a cert albr, e lor andonn a cercar la cà dov steva qustor; i la cattonn, es andavvn tgnand drì a sti dú, es usservonn, ch' Znaron verament n s' tulleva mai d' in did l' anell. Sta cosa i fi strulgar qualch ripieghi pr psserjal tor d' in man; i stinn aspttar, ch' vgniss nott. Quand i Magh funn a lett, e ch' i avvn ammurtà la lum, Rudlon andò avsn al lugh, dov era l' anell, proprj li d' intorn al did, e Znaron sintì, ch' ai feva mal, al pinsò ch' al fuss l' anell, ch' striccass tropp, es al cavó, aslungand la man in s' uua tavla, ch' era lì vsen al lett, es i al pussò sù. Saltarell, ch' era lì anmanvè, al chiappò sù in bocca camminand, e in quattr salt al cumpars là da Migh Agnell, ch' l' aspttava, e ch' av a murìr d' algrezza, quand l' av in tl man al sò anell. La prima cosa, ch' al fi, al s' agurò, ch' i cumpariss li i dú Negrumant, e ch' i dvin-tassu du asu; quasi fu, al success l' un, e l' altr, in s' nn d' lor ai dsteis sù al frajol, es i andò a cavall, in quì altr ai miss alla traversa un saccadell d' furmai, una panzetta, e un lard, cmod l' avè prumiss ai pundgh, perché zà sta robba al s' l' era agurà, e la cumpars lì. I tucconn pò vè, lù, i pundgh, e i asn, alla volta d' Bus fond, es presentò al Re, e a tutta qula pundgarj i regall, ch' al i avè prumiss, fagandi uu mond d' cumplimlat, e tant i ringraziò, es i agurò ch' i n pssen mai dar sotto al grinf di gatt, e ch' i pssissn sempr scappar d' in tl trappl, e pò andò d' rundella a Grotta negra, ch' l' era za dvinutà un bellissm zovn. Al Re al turnò a regnossr, es i di sò fiola pr mujer; i asn ai fì ruzzlar tutt dū zò da una muntagna, ch' andonn in mill brisl; al maridò sò fiola da gran signora; lù arstò in t' uua fortuna, ch' an savè cosa s' desiderar. An' fu mai più sì baron d' livars d' in did l' annell,

*Perchè al can, ch' è scuttà dall' acqua calda,  
Ha pora anch al puvr'n s' ben ch' la fuss fredda.*

## La Fola di dū Fradì.

**A**i era una volta un padr, ch' aveva dū fiù, un aveva nom Marchin, e l' altr Palmir. St om vègn a murir, e quand al sintì lù ch' l' era all' ultim, al chiamò lì dal lett i sù fiù, es i düss: tus a vdi ch' a mor, e mi son ubbligà com vostr padr a darv qualch document: stam ben a sintir, sí ben che quell, ch' a son pr dirv n' ev parrà niint, a vui però ch' a savadi, s' a farì quell, ch' av dirò, ch' l' cos v' audaran d' ben in mi. Prima av digh, ch' a vivadi retta-ment, n' stà mai in ozi, n' strassinà, n' sià gran fatt chiac-carun, perchè la lengua n' ha oss, e pur la romp al doss; cuntintav d' qual poch ch' avì, e fan cont, perchè l' è mi aver dal pan negr, e ch' dura sempr, ch' n' è aver di cun-fett, ch' s' finlssn; praticà di bun campagn, perchè av digh mi, ch' al dipend d' lì al ben, e al mal ch' farì, e sovra al tutt studià, e avà inzegn: mi v' direv anch degli altr cos, mò a sent ch' am manca la luquella, e in effect al puvr'n pssl appena finir sti parol, e pò sn' andò a spass. Quand al padr fin mort, e supplì, Marchin s miss a studiar, e studia, e studia, an s' deva gnanch temp d' magnar. An s' fe-va un' Accademia, ch' an i andass a recitar un sonett; lù sa-vè al latin, e al franzes: ah! cosa n' saveval? insomma in quattr di al dvintò al prim virtuos, ch' i fuss, mò l' è ben pò altrtant vera, ch' al s' mureva dalla fam, prch' al n' arè gnanch accattà, un, ch' i avvis ditt: al cil t' ajuta, s' l' avvis tratt un crepp. Dall'altra part mò, Palmir ch' era qu' altr fradell, n' vleva brisa in t al corp tant studi, es buffunava qust' altr, ch' mureva dalla fam con al sò studiar; lù s' in steva alligrement, es s' la cavava da Re, l' andava tutt al di all' ustarj con di campagn, es zugava, e sempr vinceva, insomma l' aveva al vent in poppa, es aveva mò anch miss insem di quattrin, fussnì mò vgnù con giustizia, o con altr, basta, ch' lù i aveva. Marchin cminzò a usservar la diffe-renza, ch' i' era da lù al fradell, es cminzò a dir: oh a sou stà al bell matt a perdr al temp sovra ai libr! oh vut altr,

ch' a d'vintarò ricch! a ardittarò just i cadnazz dla porta mi vè: a ved ch' Palmir n' fa mai ngotta, es sguazza lù: mò al la fa andar vè. Perchè donca al vdeva ch' al fradell avè al mod, ai vgn in pinsir d' andari a d'maudar un pó d' ajut, perchè an psè più dalla fam, e quì ai di-s: zà ch' la fortuna ha tolt a cunfitarv vù, e mi a perseguitarm, arcurdav un pò dal vostr sangu, e fam qualch carità, almanch tant ch' a viva. Palmir al stl sempr a sintir mezz volt d' sgibizz, e pò si vultò con un grugnazz, e una vos arrabbì, ch' feva pora, dis: n' it, sta ti, ch' t' ha vlù studiar? n' àt vlù far quell, ch' t' d'iss nostr padr? t' arcorda quand t'n' ha fait tant correzion, perchè a steva alligrament? oh magna mò quell ch' t' ha fate buscar i tú libr; s' t' ha fam, e ti rosgit l' gamb, s t n' ha dinar, e ti zuga copp: cosa vut, ch' at fazza mi? sbattet mò dedri quì tù libr, ch' a udirt ti, i t' avvevn da far ricch em' è al Czar d' Muscovia. Quand al i àv ditt questi, e d'gli altr villanj, ai vultò i garit, es al lassò il più mort che viv. Marchin, ch' vlt sta cagnità d' un fradell, al di in tanta dsprazion, ch' ai vgn subit pinsir d' andars a accuppar. L' andò vers una gran montagna alta alia, es s' arampigò part con i pi, part con l' man, tant che con un gran stent l' arrivò alla cima, quand al fu là sù, al s miss tant fort a pianzr, e pó pres una carrira pr ruzzlars zò a rompicoll. In quella mò, ch' l' era il, s' pó dir in ajar, ai cumpars la più bella zovna, ch' s' p'ssiss vder, l' era vstì d' mora verda a ond con l' andrienn, es aveva al perruchin, ch' al dseva essr un prezz ch' la n s l' era tusà, perchè i cavj i arrivavn più tost in al spall, l' era bionda em' è l' or, e in scambi d' scuffia l' aveva una grillanda in testa d' mlor. Questa al pres pr un brazz, quand al vlè far al salt, e t'guardal. la i d'iss: mò in i zà allujà nò? mò cosa stat a far d' qual tò judizi, ch' in' al mett un poch in ovra? t i stà sù tant nott a brusar la lum, cosa serveva donci, ch' t' strassinas tant oli? ti, ch' t' ariss da dar lez ai altr, t i d'ri a far sì gran mattiria d' v'ert accuppar? oss fa a mi mod: lassla passar: sat ti, ch' al zil t ha mandà a posta quì sù in sta briqula, ch' an i vgnarè i can, mò pur la fortuna t i ha guidà a posta, perchè la virtù t' ajùta. Vut mò cgnosserla la virtù? cuenzm a lumar: sav mò, ch' a sou mi quila des-sa; mi con al mi moccl son quì pr dait i mezz, ch' t possn



cavar d' in tla miseria: an t vend di sfrappl. Tù sta cartsina d' polvr, e và al regn d' Camp largh, quand t i là, t' sintirà dir, ch' ai è la fiola d' qual Re, ch' sta pr quant la peisa, ch' ij àn za fatt la cappa da mort, e gn' cosa, a questa an s i è pssù truvàr remedi pr al sò mal, tì ti ha da dar sta polvr in t' un' ov fresch d' gallina negra; subit, ch' l'arà bvù l' ov, al mal andarà vè cm è vent, e tì t arà tanta la gran manza da qual Re, ch' in' sarà d' cosa t in far, acqui t' pu pò anch aver tò fradell dov s'cmenza l' sport. Marchin era semper stà qued qued a udir agn cosa, mò finalment quand la signora àv fion d' zanzar, al s i trè in znocch dinnanz, es diss: oh lustrissima, a la cgnos ben, vedla, l'è la signora virtù: casp! a la cgnos alla cunzadura, ai dmand perdunanza dal mancament, ch' a vlè far. Oh erja mò furfant! a vlè far la gran mattiria! oh ch' peccà, ch' sò serj strissima ava ai puch, ch' la cercn, e pur la fa tant benefizzi: oss basta, almanch mi an i è più dubbicerto, ch' a l abbandona, ai rest tant ubbligà quì d' sta cartsina, ch' la m ha dà; dsend acqui, al s' agufflava agn volta più pr terra, perchè ai vleva basari i pl, mò li spari cm' una losna, es al lassò tutt aliger, ch' av imprumett, ch' la camisa n' al tuccava in qual servizi. Al cors pò zò da qula muntagna, ch' al vulava, es andò a Camp largh; là al fi dir a qual Re, ch' al vleva subit guarir sò fiola. Al Re al fi intrar allora allora in tla stanza dila signurina. Quand Marchin la vùt, al s' intenerì, al diss: oh co-a a sen mai! guardà cmod è arduu qula povra criatura! l' è lì, ch' la fa pora, tant è la mai secca. Al vùt pò, ch' an i era temp da perdr, ch' al parè ch' l' arcujiss al fià, es di ordn, ch' s i purtass lì camminand un' ov fresch d' gallina negra, al le miss a cusr in s' un scaldavivand; quand l' av sudà, al le rumpì d' co, es i tri dentr qula polvr, ch' i avè dà la virtù; mò i vols i savi, e i matt a far tor st' ov alla povra ammalà, perchè la n' avè più fià da succhiar; basta la l tols, e pò la fi cruvr con una cvertina zibaa. e un pann, pr vder s' la passè sudar. Quand fu arriugh un ora d' nott, la signora chiamò l' dunzell, es diss, ch' ij mudassn agn' cosa, ch' al sudor era passà fin i tamarazz, es la mudonn d' fatt. Quand la fu arstà la diss, ch' l' avè pur la gran vuja d' magnar una pulpetta, ch' l' avè fam, cosa ch' n' era mai intravgnù in sett' ann d' malattj, ch' l' avve-

va avù. Av pssì inmazinar gli algrezz, ch' s' finn, massm quand i visttn, ch' verament la s' rinvigorava, e ch' la bias-sava benissm qula pulpetta. A poch a poch l' andò guada-gnand tant, ch' dop dou, o trei giornat la fu per cà, es era dvintà intunarina, e in poch temp la s' armiss tant, ch' an parè, ch' l' aviss mai avu un mal al mond. Al Re n' saveva da qua là cminzar a beneficiar Marchìn D' prim sbalz ai dunò un marchisat, ch' l' era patron assolut d' una terra ben grossa, e pò al fi prim consiir d' cort. Ai di pó per mujer una signora d' una ricchezza la più granda, ch' fuss in qula citià: sicchè al vgneva aver, tra la gran dota d' sta signo-ra, e l' intrada di post, e dal marchisat, una quantità d' mil-la scud, ch' an saveva in fin d' cosa s' in far. Intant Palmir sò fradell era arduitt a qula signora, perchè zà i quattrin di zugadur i vann cmod i vininn, e qnsi st povr diavl. quand al s' cminzò a vder qusi randlent, al s' arssols d' mudar paes, e camminar tant, fina mai, ch' l' accattava miora fortuna, perchè al s' vergugnava d' essr vist qusi puvrett lì dov l' era cgnussù. Al camminò tant, ch' dopp si mis d' viaz l' arrivò a Camp largh dov era só fradell, mò l' era qusi zò d' strà dalla gran fam, e qusi strazzà, ch' al di in dsprazion, per-chè al vist, ch' an' i era un can, ch' i diss un bicchir d' ac-qua. Cosa fill donca? al s' ficcò in t' una cà mezza cascà, ch' n' era abità da nssun, es era fora d' una porta; al tols i ligazz di scuffun, ch' ern d' bumbas, e fil, e pó i gruppò insem, es fi un bell chiaptin, e pó un lazz, es l' attaccò a un trav; al s' arampigò po sovra a una mucchia d' pred, al s' insfilzò con la testa in t al lazz, es di la volta pr impic-cars. Mò d' bona fortuna al trav dov l' aveva attaccà al lazz era tant marz, ch' al s' spzzò in mezz, tirà zò dal pes, e dal tuss, ch' al fi lù in t al dar in terra, e Palmir armas viv, si ben, ch' al di sì gran tambussà in terra, ch' as i scunquassò tutt gli oss. Mo che mò? in t al spzzars al trav, al cascò in terra una bona mucchia d' anell' d' caden e d' coll d' or, ch' ern arpiattà tra l' laumbrecchi, e quell, ch' impurtava più, ai era una gran bursa d' pell, e dentr una gran quantità d' flipp. Quand Palmir vist sta cosa, lù, ch' pochi innanz crdeva d' impiccars pr la gran miseria, allòra al vdeva, ch' al turnava in gargam senza durar fadigha; al tguè ditt: mò sì pur bndett quand m' vign mai al pinsir d'

impiccam, oh lassa pur, ch' a vagh just adess a cavarum la fam. Qusì fì, ch' al s' dispos andar a sganaparsi all' ustarj. Ora l' è mò necessari a saver, ch' apunt du dì innanz l' era sta fatt un rubbament a qu' istess ost dev i andó Palmir, e s' era sta robba istessa, ch' l' avè trovà lì, ch' era sta ricoverà dai ladr tra qu' lambrecch, perchè i avvevn zà nutizia, che qula cà n' era brisa abità, es avvevn fatt cont d' andarsla tuland a poch a poch, pr n' aver addoss la robba, cas ch i fussn dà in t i sbirr. Ora quand Palmir av magnà, al tirò fora la bursa pr pagar l' ost, al qual la cgnussì subit, mò an vols far strepit pr remediari mij; al pres una scusa, es ussì d' lì destrament, e innanz, ch' Palmir avlss, s' pò dir, finì d' pagar, l' era ammanvà una bella chioppa d' sbirr, ch' tm' al chiappon sù, dsendi, ch' al fiss pur grazia d' andar con lor, perchè al giudiz' avè bisogn d' parlar sigh. Quand ai fu dinnanz, ai fì guardar in blssacca, es i truvonn addoss tutt quell, ch' l' ost aveva dà in nota, e al giudiz sentenziò, ch' al s' impiccass ( mò subit ) lì in sla botta. Al povr djavl avi lasi d' zigar, ch' an savè niint ch' l' era innuzent, ch' gnanch pr quest' in i crissn, e al cundussn alla forca. Quand al fu pr strà, al s' miss a dir tanta la gran villanj, e tant impertinenzi a tutt qulor, ch' intravvn a cundaannarl, ch' av mantegn, ch' al s' vudó al stomgh. Al dse: saviv perchè i m impicchn? perchè a son un puvrett: ch' vli zugar, s' avlss psù unzr la man a qulor, ch' i aren' prima esaminà s l' è vera, o s' al n' è vera? Mò diavl, ch' razza d' justezia è questa? mandar alla forca un, senza far diligenza cmod è stà la cosa? eh andà al boja tutt quant a s, cminzand dal prim, e andand all' ultim, ch' a sì tutta canaja: e questa era la preparazion, ch' al feva a murir andand dri d' st gust fin alla piazza. Quand i funn lè in mezz, i s' incuntronn con al fradell dal patient, a vui dir con Marchin, ch' era in t' al prim post dal gvern, e ch' feva la prima figura dopp al Re. Quest sintì st gran baccan, ch' feva qustù; al cmandò, ch' s' fermass la cumitiva, ch' cunduseva al patient, es diss, ch' al vlè sintir l' rason, ch' l' adduseva in sò difesa. Quand ai n' av sintù, e sintù, lù tols al condanà pr un furb, perchè qula cosa d' aver addoss al latrocini, era tropp al gran iudizi, ch' al fuss colpevl, sicchè avend in testa, ch' al fuss un gultt, al s' miss a min-

chiunarli, es i dseva: oh am maravei ben mò, ch' t fazz tant pladur pr aver d' andar in al forch: diavli cosa vrrist? dal mel in gavett? gli in forch noy d'zecca, ch' n in gnanch stà addruvà, ch' vol dir, che gli in netti, e pulid: ch quant ijn srè, ch' pagaren una bazza sì fatta! Palmir, ch' sinti, ch' d' zunta l' era scfunnà, ai crasi la rabbia, es arpos a Marchin: oss mi crdeva, ch' a fussi vgnù quì pr far la giustizia mi, e nò per far al buffon, savà, ch' d' sta cosa, ch' i m incolpu, a in son innocent, mi son un' om onorat, sì ben ch' ain vdj acqui strazzon, mò l' abit n' fa al fià; saviv perchè m' intravvign sta disgrazia, perchè an' ho vlù badar ai cunsi, ch' m di mi padr murnd, e mi fradell, ch' avè nom Marchin: oh i avvissia badà, a son a un port, ch' an i srè. Marchin, ch' s' sinti nominar, ai di una botta al cor, es cmiuzò a guardar fiss fiss a Palmir, es dseva, mò mi n' sò s' l' e l' uppinion, mi am par d' arvisar qstù, ch' al alppa mi fradell, es andò tant dri guardandì, ch' in fin al capì, ch' l' era lù; mò l' era pò quì lù, es s' vergugnava, ch' al fuss cgnussù pr sò fradell un, ch' i l' avvevn da impiccar pr ladr; dall' altra banda al dseva in cor sò: oja mò da cumpurtar, ch' vaga in al forch al mi sangu, mi ch' al prè salvar quì fazilment? e pò un' altra riflessione, ch' al trattgneva, ch' dse: guarda al bell unor, ch' am farò vsin al Re, e quaj al steva in balanza, es n' parlava, pinsand cosa l' avveva da rissolv. In st mentr, ch' l' era acqui intrigà, as vlst arrivar un lacchè dal giudiz, ch' ansava dalla gran fadiga dal correr, es gridava, alto, alto, fermav, ch' an impiccas si mai al pazient vdì, vù boja lassal andar, e vù altr sbirr dslgal: alto, alto, fà largh, ch' a diga la rason. Marchin i dmandò: mò cos' el sià? al lacchè arpos: mó catt: cosa l' é stà? l' è success una cosa, ch' è la fortuna d' st zovn lì; la pò saver, lustrissm, ch' du ladr in andà pr tor vù d' iu t' un trav cert quattrin, ch' ij avvevn arpiattà con d' l' altra robba in t' una casuppla vecchia, e dsabbità, quand i in stà là, sti quattrin, e sta robba n' i era più, un deva la colpa all' altr, ch' avviss purtà vù agn cosa, tant ch' i in vgnù al man, i s in dà, es s' in tanbussà quì maitament, ch' i morn, es an cunfessà alla giustizia tutt quell, ch' a digh mi address a vostra eccellenza: al giudiz mò, ch' ha cgnussù l' innuocenza d' st pover fiol, m' ha mandà in t' un fià a dir, ch'

i n al staghn altrament a impiccar, ch' al n ha colpa d' ngotta. Quand Palmir sintì sta cosa, al diss: mò n i al dsevvja mi, ch' au avè rubbà. Marchin pò, ch' vist, ch' al fradell n' era pò brisa un ladr, an s' vergugnò più d' faral cgnossr per quell, ch' l' era, es s' fi dinnanz, dsendi: Palmir uhi m' agnussiv? guardà in ch' grandezza a son arrivà, questa è stà la virtù, ch' m' ha ajutà, ma vù fiol mi con qual zugar s' squas andà con i pj all' ajar: oss vgnl pur vl, e n sta a pinsar a altr, mi v' darò un' stanza con la chiav finl con tutt quell ch' i vol, a starl alla mi tavla a qual ben, e a qual mal, ch' a starò mi, es n' i è mai dubbi, ch' av traga in ucch quell, ch' avj fait, cmod vù m trissì a mi i studi. I s abbrazzonn pò tutt dū, e Marchin mandò subit a tor un sart, o dū, ch' s' fussn, perchè al pss essr vsti prontament Palmir, al qual chin cunfssar,

*Che chi ha al cattarr a st mond d' essr cgnussù,*

*La vera stra è quella dla Virtù.*

## La Fola di tri Prencip Bisti.

**A** I era una volta al Re d' Verd Coll, ch' aveva trei fioli, ch' ern propri trei zoi, tant' eronn belli; ai era mò tri fiù dal Re d' Bell Prà, ch' eronn innamorà murt d' sti tosi; mò cosa mò? sti trl prencip eronn nuò trei bisti lur, tolè: e quasi al Re d' Verd Coll n i volss brisa dar pr mujer l' sou fioli, ch' i l gli avvev dmandà, ai diss ch' al s marajava di cas sù, ch' an vleva dar al sò sangu in man a dl bisti: sì ben ch' lor i puvrin n' n' avvev colpa, perchè l' era stà una fada, ch' i aveva fatt qula striarj! ora mò sti signori s la ligonn al nas, ch' ai pars un' affront, ch' ai fiss a dari la negativa, e al più grand, ch' era un bellism Falcon, chiamò a cunsi tutt i usj, ch' a in vign tauta la gran puledma ch' ns' pò dir: lù i diss: savj, ch' a fà? andà just address address a far crudar i fiur a tutt i albr d' Verd Coll, e quai finn, ch' an' i armas gnanch un fior in s' nssun albr d' quel regu. Al mzzan, ch' era un Cerv chiamò tutt l' cavr: i cunli, l livr, i purch zingial, e tutt i altr animal in st andar, es cmandò, ch' tutt sti bisti s' cumpartissan, e ch' i andassn a pistar tutt al sumnà, ch' an' armas gnanch un sfu-

lacc'h d'erba. Al piú pzznìn era un Delfin, al s' accurdò con tutt i must'r dal mar, es fì, ch i vgniss tanta timpesta, ch'an' i armas gnanch una barca sana, ch' l' andò in nialora tutt l' mercanzj. Al Re d' Verd Coll, ch' vist una cosa sì fatta, ch'an iera remedi a cuzzar con qustor, al s' arssols d' dari l'sou fioli pr mujer, tant ch' agn' cosa n' andass alla malora, e quai i l purtonn vi senza far nssuna dsmostrazion d' algrezza, nè d' dsnar, nè d' torta, nè niint. Quand l' zovni funn per ussir d' casa, gli andonn a dir cvell alla sgnora madr, ch' aveva nom Garzola, questa, i dunò un' anell pron, ch' i errn tant cumpagn, ch' in s' cgnussevvu un dall' altr, in t al darial, la i diss: tuli, tosi, s' andassi mai una in Babilonia, e qu' altra in Egitt, e ch' av avvissi a turnar a vder, o verament, ch' av vgniss a trovar qualchun di vustr, av cgnussrj una con l'altra per mezz d'sti anj; quand l' av dñt sti rason, ls separonn pr n s' accurar. La piú granda aveva nom Fabella, es era la mujer dal Falcon; quest la purtò in cima a una muntagna, ma tant alta, ch' a vederla, al parè ch' s' aviss ad tuccar l' nuvl. Là sñ al era un palazz adubbà propri da Re, è lì era trattà just da Regina. Al Cerv chiappò sù la mzzana, ch' aveva nom Basta, es la purtò in t' un bosch acqui bur, ch' an i era mai sta la lus dal sol. Là ai era una casa da gran sgnor con di zardìn bellissm, e anch questa era trattà da sgnurazza. Al Delfin s' miss in s la schina l' ultma, ch' aveva nom Drìtta, es la purtò in mezz al mar, e in s' un scui ai era un palazzon, ch' l' era agginstà, ch' ai arè pssù star l' Imperator, e lì era verament trattà just da Imperatrizz, e in cà sò ai arè pssù andar tri Re d' corona. In st mentr mò la Regina Garzola, madr d' sti sgnori, fì nn bell putt masch, es i miss nom Fitton. Quest quand l'av quinds ann, ai vlgñ vuja d' mettrs a camminar tant pr al mond, fina mai, ch' al saviss nova dl sou surell, perchè al sinteva la sgnora madr, ch' n' feva altr che dir d' sti fioli, ch'erun maridà con sti bisti, e ch' la n n'avè mai piú avù nova, e quai al s' miss tant a tudnar al sgnor padr, e la sgnora madr, perchè ij dissn licenza, ch' finalment i dissn, ch' l' andass, e la Regina i di uu' anell just cumpagn d' quell, ch' l' avè dà al fioli, e pò i dinn sigh ben ben di quattrin, e di servitur, e gn' cosa, e lù s' miss a camminar, e cammina, e cammina, es andò in tant i gran paiz, ch' m

n' sarè diri. L'andò in t'la Pulonia, e in Franza, e in Spagna, e quì aslja, e quì zira, e pò in ultim l'andò in levant, e pò in ponent, es cminzò a lassar i sù servitur in zà, e in là pr al mond, ch' agn bris a in metteva zò un, perchè is stuffavn d' igniri dri, e manch mal pò ch' i al piantavn, perchè in t'agn' mod al n' arè avù più al mod d' pagari, ch' l' era armas dspiantà dal tutt. Basta per far la fola lunga, e curta, dal grau zirar al s' abbattì a vder qula muntagna dov i stava la sgnora Fabella, ch' era la prima di sou surell, es s' cminzò a rampigar sù tant, ch' l' arrivò alla cimma. Quand al fu dccò, l' armas maravià dla blezza d' quel palazz, e dla ricchezza; l' aveva i urnanint pr dffora tutt d' porfid, l' murai d' alabastir, l' fnestr d' or, e i trav dl' stanzi tutt d' arzent. L' era vers sira, e la sgnora era ussì fora da un purton con la sò rocca, es steva lì con l' dunzell a piar al fresch. Quand la vist st zovn la l' fi chiamar, es i dmandò chi l' era, e da dov al vgneva: mò, dis, ch' bon vent al porta quì sù? Fitton i arsposs, a son fiol dal Re, e dla Regìna d' Verd Coll per servirla, e mì ho nom Fitton, al só cmand. La Fabella diss: vei: mò ch' an fuss mai mi fradell, dis, ch' al lassa mò ch' a veda qu' anell, ch' l' ha in did: la i guardò, es vist, che d' posta l' era cumpagn dal sò, la s' i di da cgnossr, es s' abbrazon in frezza pr pora, ch' n' arrivass al Falcon só mari, ch' an vdiss sti sgorgiò, ch' l' aviss pò fatt dl chimir; la vols però, ch' l' andass in casa, e s' al fi arpiattar in t' un salvarobba. Quand fu sira, al vign a cà al Falcon, e mentr ch' i ernn a tavla, la sgnora Fabella cminzò a dir: oh am è pur vgnù la gran vuja d' vder l' mi criatur! Al Falcon i arsposs: s' la v' è vgnù, la v passerà ben anch vdi, perchè mi n' poss andar a zampigar fin a Verd Coll. La sgnora replicò: mò almanch manden a tor qualch mi parent, ch' vign a star quì fora da mì un poch, tant ch' am la passa un bris. Al Falcon diss: oh adesso si vè, ch' i volnn lor vgnir quì sù d' cò dal mond: e la Fabella: mò pur, s' ai vgniss qualchun, arel mò dsgust? e lù arsposs: eh l' fatt mattiri! perchè m' areja da dsgustar? mì nò, ch' a nm' dspiasrè, quand al dpindess da lì arevv anzi a car. La sgnora Fabella sintend st' antifona fì mustazz, es andò a tor fora d' in salvarobba al fradlin, es diss a só mari chi l' era: Al Falcon i fi d' grau curtsj, es i slungò la

zampa fagandi dl cirimoni ; dis, cinqu, e cinqu dis, l' amor passa al guant, e l' acqua i stival: oh sippal pur al ben vgnù, quì l' è patron, ch' al cmanda pur, e s' ai uccorr qualch cosa, ch' al s' in compra, e pò di ordn ai sèrvitur, ch' i ammanvassn ben l' urinari, e ch' ij cavassn i scuffun ; e in somma, ch' i al servissn cmod s' al fuss propri al patron. Fitton stì pò li quìnds di da lor ; quand al fu dccò d' st temp, ai vign vuja d' andar a cercar quegl' altr surell, es i al diss a lor. Al Falcon i arspos : mò an maravei mi, signor cugnà, ch' al vagha per quand al vol, ch' ai ho a car, ch' al fazza mò spess d' sti miraquì, e pò i dunò n' so quant flipp, dis, ch' al tuga da cumprars l' acqua d' vita, e pò s' cavò una penna d' in t la cò, es i la dl, dsendi: ch' al fazza cent d' sta penna, perchè, sì ben ch' st regal i parrà una mattiria, in t agn mod al pò essr, ch' al s' truvàrà a tal bisogn, ch' al le stimarà un tsor, e quand a' s i presentarà l' uccasion d' una qualch disgrazia, ch' al la traga in terra, e ch' al dilha:

*O mi cugnà Falcon,*

*Vgnim ajutar, ch' a son in t l' uccasion,*

e pò ch' al staga a vdr cosa è pr intravgnir. Al signor Fitton tols sta penna, es la miss in t' un bursslin, e pò i fi di mundi d' ringraziamint, es andò vù, e quand l' av fatt dl cintunara, e cintunara d' mija, l' arrivò a qual bosch dov steva al Cerv con la signora Basta sò surella. Fitton s' miss a cujir di frutt, ch' eron lì per quì albr, e in qual mentr la signora al vist dedrj a una zeda, l' arvisò l' anell, es l' arcgnussì cmod avè fatt quì' altra, la vols, ch' l' andass in casa, e ch' sò marì al vdiss, al qual i fi di dsurdn d' finezz, es al fi trattar da Prencip. Da lì a quìnds di: mò bona ; al vign vuja al signor Fitton d' andar per la terza surella : al Cerv i diss: al srè ben patron, s' al vliss arstar, mò zà, ch' al vol andar, bsò mò ch al lasaminn far : intant, dis, ch' al tuga, a i vui dunar un di mi pil, es i diss just l' parol ch' i arveva ditt al Falcon, ch' al l' addruvass in temp d' qualch disgrazia. Al signor Fitton tols st pel, es al miss con la penna, e pò anch i miss sigh sett, o ott flipp, ch' al buscò anch da quest ; la surlina i diss: ch' al saluta al signor padr, e la signora madr, e lò arspos : a purtarò l' sou grazi, e pò s' miss a truttar, tani ch' l' arrivò d' cò dal mond, ch' an



psseva più andar in nessun lugh per terra, e quì al tols una nav, es cminzò a zirar al mar; tant zirò, ch' l' arrivò a qu' isola dov i stava al Delfin con la signora Dritta. Quand al signor Fitton fu smuntà, al fu cgnussù anch da quela surella per vi dl' anell, es fu vist molt vluntira anch dal Delfin. Al stè lì da lor n' so quant temp, e pò diss, ch' al vleva mò tornar a casa a dar nova dl' fiolì al signor padr, e alla signora madr. Al Delfin i di una scaja dl' sou, es i insguò just d' servirsn quì cmod avè ditt quì altr dū, e anch da quest al buscò di quattrin; al tols pò un strazz d' cavall, es cminzò a viazar; mò al n' av appena fatt un mezz mli, ch' al trovò un bosch, al si ficcò dentr, es cminzò a zirar, mò s pò dir a lunbergnn, ch' an' i deva la lus dal sol. Quand l' av i ueclh un poch avvià a qual seur, al cgnussì, ch' ai era una torr, la qual era piantà in mezz a un lagh d' acqua, es vist, ch' ai era una finestra d' un altezza incredibbl, e a questa ai era affazzà una più bella zovna, ch' s' psiss mai vedr, es aveva lì a gallon in s' al murell d' la finestra un dragon bruttissm, ch' durmeva; mò v' digh, ch' i contin, ch' l' era tant dsprament brutt, ch' al feva vgnir la termarj. Quand sta zovna vist Fitton, la i dess con una vos lamintevla: oh l' è ben sta al cil, ch' l' ha mandà quì sù, mò ch' miraqul, ch' i capita quì una criatura? oh caro lù, ch' am tughia d' in t' man a st diav! d' dragon, perchè al m' ha rubbà d' in cà di mì; m' son fiola dal Re d' Chiara Vall per servirla, sta bestiazza m' tols da gallon al signor padr e alla signora madr per purtarm quì in sta cattapeccchia, al m' pres pr l' grinf, es n' m in poss più liberar, quand al n' è lo, ch' m' ajuta. Fitton arpos: mò la i dls una busca l' a torla d' in t' l' man a qu' lù, l' n' in miga per da mundar vedla: quì i è al lagh da passar, e pò cmod volla ch' am arrampiga sù pr la torr? mò m' tten pur anch, ch' ai v'igna, cmod m' oja pò d' accenstar a quela bistia, ch' fa vgnir mossa d' corp dalla pora sol a guardari da lontan? e pò all' impruvvis al diss: oss, ch' l' aspetta, ch' a cred d' aver al mod d' servirla, es n' m l' arcurdava, es andò alla bissacca, es trì in terra tutt in t' una volta la penna, al pel, e la scaja, es diss:

*Oh mi cugnà Delfin, Cerv, e Falcon,*

*S' am v' ajutar, ai è adess l' uccasion.*

Subit, ch' l' ave ditt quì, al vist arrivar lì tutt tri i cugnà,

ch' trinn un zigh, es dissn, a sèn quì, cosa vola? Fitton saltava dall' algrezza, es i arspos; mò mi vrè, ch' se dsfiss qula torr, ch' è là, tant ch' a pssissn tor qula sgnarina d in tl grinf a qula bistia, e pò la vrè purtar a casa mi, perchè a la vui pr mujer. Al Falcon diss: abalasi pur, ch' agn cosa s' aggiustarà: ossn donca, arspos al Cerv, n i intten sù nè oli, nè sal. Al Falcon fi vgnir una massa d' qui uslazz, ch' àn l' grinf, es i fi vular là a qula finestra, es i diss, ch' i chiappassn sù a travers qula sgnora, es fin just qust, ch' i la purtonn in ajar li zò dal sgnor Fitton, al qual vden- dlla da vsin, cgnussì mò anch più la gran blezza. Al si müss a far tant cirimoni, ch' mai: e ch' fortuna è stà la mi, e guardà pur quì, mò an' i n' era nùga degn, è li pò arspun- deva: oh a son mi, ch' n' sou degna, l' fatt cos, l' è la sò buntà. Basta, in qual mentr, ch' i fevvn l' cirimoni, al dragon se dsddò, es vist la zovna là zò, ch' feva qui bl zicuc- chin; al s' trì zò dalla finestra, es eminzò a vguir a nod in qual lagh, con intenzion probabilment d' maguars Fitton in trì, o quattr peccun: mò cosa fi al Cerv? al fi cumparir una squadra d' liun, d' tigr, d' urs, e d' gatt maimun, ch' saltoun tutt addoss al dragon, ch' in finn tunina, ch' an s' ac- cattò gnanch più l' briel. Quand fu fatt sta cosa, al Delfin diss; mò oja mò da essr mi sol al bambozz, ch' n' apa fatt niint pr servir quì la sgnurina? mò dis, a vui ben pò far cvell mi, es andò, es fi cressr l' acqua dal mar, ch' l' an- dò d' sovra, es andò a urtar in tal pè d' qula torr, ch' la s dsplantò fina dai fundamint: quest, dis, al ho fatt, perchè n i slippa mai più memoria in st lugh d' sta dsgrazia. Al sgnor Fitton pò fi tant espression d' gradiment con i cug- nà, es esortò qula sgnora a far qust anch li; ai dis: mò sù ben, ch' la i dilgha pur cvell, i l' àn cavà da un gran prigul vedla, e li arspos: cosa oja mai da dir? ai son tant ubbligà, baslaman a sgnorj, s' a fuss anca mi bona a cvell, mò an son bona da niint. . . Lor soggiunsn: eh just, co- sa la dis, a sen nù, ch i sen ubbligà a li, perchè, ch' la sa- va li sgnor Fitton; ch' sta cosa è causa, ch' a turnaren a dvintar ommn, perchè az era sta fatt una striari da una don- na, ch' la nostra sgnora madr i di un dsrust, e qustj z' cun- zò acqust, es fi in mod, ch' an' pssissn far a manch da' arma- gur biesti, fin ch' an' liberavvn una siola d' un Re da un gran

pericol, ora l'è vgnù qual temp: ch' la veda ben s l'è vera. Al sgnor Fitton i guardava, es vist, ch' verament i divinton tutt trì i più garbat, e bi zuvn, ch' s' pssissn vder. I s abbrazzonn, es basonn la mana qula sgnora, ch' era in t' una gliirigaja d'algrezza, ch' la n steva in t' la pell. Al sgnor Fitton trì un gran suspir: oh, dis, perchè n i pò essr quì al sgnor padr, e la sgnora inadr! quanta algrezza i aren'! I trj Re arspesn: mò pian pur, an'è gnanch sira: nù stevv arpiattà pr la vergogna, ch' avvevn d' esser vist acquì bisti, mò address, ch' an sen piú, pensal, ch' a vlamn star quì innuccà? a vlen star dov stà i altr, e magnar tutt un pan, e bevr tutt un vìn, e innanz a dinattina al srà quì l' nostr sgnori, ch' al i andaren a tor; mò intant li, lustrissima, al n è al dver, ch' la vègha acquì a pì al lugh, dov l' ha d'alluzzar, es finn comparir una bella carrozza tirà da sì liun; i s i mssn dentr tutt cinqu, es andonn a un' ustarj, e li Fitton spusò la sgnora. I trì zuvn andon ciaschedun a casa sò a tor l' sou mujer, l' qual s' algronn fora d' mod a vderi quì garbat zuvn I s' uninn con i spus nùv, es andonn a Verd Coll, e al Re n s' pssè saziar d' guardari a tutt, ch' an i parè vera una fortuna sì granda d' aver a cà tutt i fiù, ch' al crdè d' aver pers, e pò d' aver trì bi zindr, e una sì bella nora. I mandonn avvisar al Re d' Chiara Vall, ch' era al padr d' lje quell d' Bell Prà, ch' era al padr di zindr. Tutt stì Re vgnin' li, ch' a pssì pinsar, ch' abbondanza d' Re i dseva essr. I finn tant l' gran fest, e ball, e cumedi, ch' an cred, ch' l' durn anch address.

## La Fola dl' sett Codgh.

**A**I era una volta una vecchia puvretta, mò ben puvretta, ch' s' guadagnava al pan a forza d' filar dila stoppa, la s n' andava vì con la sò rocca a gallon, es andava dmandand la limosna, perchè sol con la rocca l' n pssè campar. Sta povra donna di ad intendr a dl sou vsin', ch' la viè far un remedi a una sò fiola, e ch' ai vlevva sett codgh d' panzetta, tant ch' la li buscò. L' andò a cà tutta alligra con una grimbà d' sticcl, ch' l' avè brusculà pr la strà; e pò di sti codgh a sò fiola, dsendi: tù metli in t' una pgnatta a bujir

con dl'acqua, tant ch' a fammn un pò d' brod, ch' mi in st  
mentr vui andar a vder quì dalla trequila s' a poss buscar dou  
fui d' coll, tant ch' a z' fammn una bona mnestra. La ragaz-  
za miss sti codgh in tla pgnatta, mò segond, ch' l' emin-  
zonn a bujir l' mandonn tan al gran udor sù pr al sò nas,  
ch' lì n psseva piú. Alla prima la s' vultó in là pr pora,  
ch' n i vgniss vuja d' magnarn, mò un' altra volta la i sti  
sobra a posta, prch' l' udor andass ben sù pr al nas, e al  
prfinid la n pssi più star ai sign, es diss in cor sò, ch' la in  
vleva sentir un beccunzin d' una. Acquisti fì, es i pars tant  
bona, ch' la diss: mò a srè ben mi matia s' an' ia fuiss tut-  
ta, zà ch' al ho cmenza, èla mai altr che una codghia? s' mi  
madr m' bastona sò dann, ai pinsarà l' mi spall, e quì la  
magnò la prima; mò quand' la fu in t al stomgh, la s sintì  
tant cressr la fam, ch' la chiappò anch la seconda, e pò dai  
in tla terza, e tiri pur dentr anch a qu' altra, e insomma  
l' andò dri fina, ch' l' funn andà tutti sett. Quand la li àv  
ben verament magnà, allora pò ai cminzò a vgnir pora d'  
sò madr, es dseva: oh cm la vin at imprumett, ch' s' ai ho  
magnà l' candel, bsgnarà ch' a caglia i stuppin: quì bsgnarè  
pur, ch' a truvass rimedi a st gran mal, ch' ai ho fatt, cer-  
to mi vui vder quell, ch' a poss far. La tols una zavatta  
vecchia, e cop la sola la fì sett fett, e pò li miss dentr in  
t al pgnatt a bujir. In st mentr l' arrivò la vecchia con l'  
fui d' coll, la i di una cintura a less, e pò l' miss li con quel  
codgh, ch' an' i era mai d' avvis d' mettrs lì a magnar qual  
becon, La dstes un strazz d' tvajulazz in t' un tavlin; e pò  
s' miss li con un pò d' pan lì, e sò fiola a sedr pr magnar  
sti codgh: mò quì l' avvè lasi d' dars al diavl, ch' an i era  
zirott a pssevn rusgar gnanch una brisla; la i cminzò a guar-  
dar ben ben d' avvisin, e s' n' addì, ch' l' era sola d' scarpa.  
An poss dir la rabbia, ch' i vgnn: lì ch' pinsava d' sguazzar  
con quel codgh, la s' vultó alla ragazza, ch' propri la parè  
un diavl dl' infern, es i diss: allon, cunfessa cmod è sta co-  
sa: lova dal boja, at vni acuppar: sbriglia ben, e dilla  
cmod la sta. La fiola (ch' avveva nom Savurida) alla pri-  
ma fì la maravjosa, es diss: chi, mi? mò cosa v' oja da dir,  
s' an' sò nilnt? n' sivr sta vù, ch' gli avvì truvà? mò basta,  
quand la vist, ch' sò madr n' steva al loffi, la i la cuntò  
tal, e qual, es diss, ch' l' era sta causa al gran udor dal

pgnattin, ch' i avè fatt far st d'sperpust. La vecchia n' stè a udìr altr, sn ch' la chiappò al mattarell, e pò cminzò a tirar zò a cil d'svert, e dov la cujeva, la cujeva addoss a qula povra diavla d'ragazza, es la lassò star trei, o quattr volt, e pò i turnò a dar quant mai la psseva. La povra Savurida zigava tant fort, ch' ai fu un mercant, ch' psseva pr la strà, ch' e ficcò in cà pr vder s' ai fuss stà remedi a d'partir sti zent pr carità, perchè l' era tant la gran confusion tra i zigh, e al pianzr, ch' an s' capè la razza dla lit. Quand st' om fu lì, e ch' al vist la caguità d' qula vecchia, ch' tirava quasi zò da bestia, ai tols al mattarell, es i diss: mò ch' diavl àt, vecchia dal boja? tu s'astigar i tù fiù in altra manira? l' àt forsi trovà in burdell? fala la ladra? cosa ala mai fatt? La vecchia mò i arspòs una sfrappla, ch' fu mò la furtuna dla ragazza lì, la diss: oh, cosa l' ha fatt; mò l' è, ch' sta carogua ved, ch' a son quì randlenta, e ch' an' ho tant fià, ch' a campa, e pur la m' è quasi dsamurevva, ch' la vol, ch' a finissa d' arvinarm dal tutt, e ch' a spenda l' oss dal col in ti midgh, e in ti rimedi lì, sal? perchè sta mattina a i ho dl'tt, ch' lan s' affadigha address ch' e cald, e lì sta simona pr amunalars la n s' è verguguà d' impiet sett fusa d' garzol, ch' address address la va in t' un fond d' un lett, e m' pò n' n' ho con ch' sustintarla. Quand al mercant sintì sta gajardisia, al fi i su cunt, ch' la dseva essr una gran donna da cà, e subit al pinsò d' torla pr mujr, es al diss alla vecchia: oh sù pur, ai diss, lassav passar la stizza, madonna, ch' an vui più, ch' avvadi uccasiou d' bastunarla pr al lavorar, ch' av la turò m' d' in cà, e la srà bella e finì, m' la spusarò, e starà da principessa, perchè in cà m' ( an' fazz mò pr ludarm ) mò ai è bocca ch' vutt: m' fazz pan in cà, es ho i m' fass in s' al gtnar, e mett al porch agn ann, ai ho di gallin', insomma in cà m' al è un pò d' agn cosa, e oltr d' quest, a guadagn in altr, perchè a vagh a cumprar a dl fir, e pò arvend m' la robba; e quasi la n starà mal. La vecchia an i parss vera, es t' m i l' ammulò; dis: ch' al s la tughia pur, ch' l' è la só. Al mercant fi al spusalizi, es la cunduss a cà, es n' vdevva l' ora, ch' arrivass al di seguent pr andar al marcà a cumprar dal lin per d'ari da lavorar. Quand fu al lunedì, al s' livò ben a bunora pr andar vl, e pruvederla; da lì un poch al turnò a cà, ch' ai

n' aveva vint lir, es diss: tutt Savurida, an son migha mi cmod era vostra madr, ch' era una matta, ch' v' bastunava, perchè a lavoravi, vdi, oh nò, magari filassi: agn duzzina d' fus, ch' arrj filà, av vui dar mill lod: mi intant vagh a una fira, es starò vi vint di, cm' a torn, st lín arrè da essr tutt filà, es avv srj purtà ben, avv vui pò pagar un bell grimbàl d' mezza indiana. La Savurida diss quì tra i dint: oh tant fià avvist, st' n' ha altr cammìs da cruvèrt al dedrj, che quelli, ch' ai ho da filar mi, t' al mustrarà ben pò a chi n' al vol vder ti; basta, al marì andò vi. Lì era zà una lova, cmod s' è cgnussù, e in scambi d' lavorar, la n fi attr, che andar cavaud dla farina d' in ti sacch, e pò vudar di buttazz d' oli pr far di frittel, e pò dl' crscent, ch' la vudava gli ulsìn' dal grass, e pò fa di gnucch, e di lunghitt, es andava drì d' st gust dalla mattina alla sera, ch' la dluviava cmod fa un lov, e mai mai lavorava. Quand però la fu ai ultum di, la cminzò arcuardar, ch' sò marì psè star poch a turnar, la cminzò a dir, guardà pur quì, cosa faroja? al dirà ben quattr cos vè: lù vdrà al lín, ch' è anch lì tal e qual, e i sacch dalla farina, e l buttazz da l' oli, e al grass ch' s in andà a far bendir: cos oja da far? puvretta mi! Ai vîgn in pinsir st bell ripiegh: la tols una grau perdga lunga, mò lunga, e pò i aggruppò attorn tutt qual lîu, ch' era in tla cassa; avv psì imazzinar, ch' ruccazza era q iesta, per fus la tols un subbi d' un tlar, e in scambi d' fusarol, la tols la balla, ch' crovveva la chiavaghela dla cort, ch' era busa; l' andò sù in sl' antana, es ligò sta rocca fora di foston, ch' guardavn in stra, perchè gli agucchià psèssn vgnir ben lungh, al cminzò pò a tirar tò cert agucchiadìn', ch' n instevvn a la corda dal pozz; al vîgn arrivand zò in strà st padr abbà d' tutt i fus can l' sou agucchià, ch' accumpagnavn la grussezza dal fus, l' qual eru bagnà con dl' acqua, ch' la i avvè cott i maccarun la mattina, es aveva li a gallon al parolett, perchè mal guai s l' avviss avù a tirar zò quegli agucchià a forza d' spudacch, la srè armasa secca in t la gola pr un pezz, e quì la i tirava dentr, mò la s' astuddiava pr aguzzinar ben prest al lín. Tutt i ragazz, e tutt l' ant, ch' passavn, guardavn in sù, es s' era arduitt di ruglitt d' zeut, ch' crppavn dal ridr, es era propri un carnal. Al purtò al cas, ch' al passò anch dl fad, ch' avvn tant

al gran spass a vder sta mattiria, che gli dinn la virtù dla fadazion ; l' dissn : pr sta volta a villen, che qula donna sì matta ava la bazzà d' attruvvar al lln, ch' l' ha in cá bell e filà, bianch, fatt la tela, e sbianczzà ancora lj cmod l' ha da essr. Quessl appunt intravvign, e la Savurida era in t' una algrezza sì estrema, ch' la n i pssè durar, mò ai vign però pora, ch' sò mari n s' avviass a dari tant da lavurar, e cosa filla li? l' andò a lett, mò la tols sotta ai liuzú cmod srè quisl un quartiol d' nus d' andars sbabbiand. Quand arrivò sò mari, la cminzò a far un lament, es tguè zigà: oh al gran mal! oh an poss più, ai ho tutt l' mi oss, ch' se scavezzn, es s' andava prilland sovra a quì guss d' nus, ch' l' avè pr al lett, l' qual chiucchavvn, e li dseva: sintì s l' è vera, tutt gli oss se dscadenuin', ah a son arvinà. So mari l' interrogava: mò cosa èl stà, mi mujer? mò cosa è quest? e li; oh! mal, mal, an ho gnanch un oss, ch' s'elppa san : v' par, ch' ava fatt poca fadiga? ai ho filà viut lir d' lln, a l' ho imbiancà, ai ho fatt la tela, e pó i ho sbianczzà anch quella; e pò turnava a dir: oh al gran mal! oh l' mi oss! oh au'vll za più ch' a in fazza d' questi vù, an' ho bisogn d' andar in t' uu' arca mi. Só mari era lì tutt intrigà, es n' savè cosa s' dir, finalment al cminzò a consolarla, dis: oh sù, stà mò queda, ch' s' a erdliss d' spender l' oss dal coll, a vui ch' t' guariss: aspetta pur, ch' a vui correr a tor un medgh, e in effett l' andò a toral. In qual mezz, ch' al mari erà ussì, la lova dla Savurida s' finì d' sluvzzar tutt l' nus, es trl l' guss fora dla finestra, e pò turnò a lett. Quand fu vgnù al medgh, al cminzò a interrogarla sovra al mal, li n' savè cosa s' dir, e al duttur i guardò ben ben in t al mustazz per vder ch' cira l' avveva, ai tastò al pons, al guardò all' urina, e pò conclus, ch' al sò mal era poca vuja d' lavurar, e gran abbundanza d' sangu. Quand sò mari sintì la sentenza, al pars, ch' al medgh fuss un matt, ai miss in man un cos da dods, es al mandò vi con poch cirimoni. Al vleva pò andar a torn un' altr, mó la Savurida i diss: eibò: ch' al lasa pur mò quisl, ch' a cmenz a returnar, a vedr la so annu-revlezza, al mi mavidin, a sent propri, ch' al m' ha tant zuvva, ch' an' ho più bisogn d' duttur. Lù pó i fi una gran rumanzina, es i diss, ch' l' avvertiss ben, ch' da lì innanz an vlè più, ch' la lavurass. L' era just quell, ch' la cercava li,

e a quella mò ai zuvò l' essr lova, ch' la trovò la furtuna pr  
qula strà, ch' gli altr trovvn i malann.

## La Fola dal Dragon.

**A** I era una volta al Re d' alta Marina, ch' era sta  
tant al gran cagnazz con i su suddit, ch' ai fu tolt al regn  
dalla rabbia, es fu una maga, ch' s' n' impatronì un di, ch'  
lù era andà viluntan con la Regina. Av pssj ammazzinar, ch'  
a st Re ai vign ben ben sù i chiù, es la ligò al uas. Al fi  
cunsultar una statua d' legn, ch' l'era mò la sò bambozza,  
ch' ai fevva dinnanz l' sou divuzion, es i fi dmandar cmod  
aveva d' andar sta cosa. La statua parlava, o ch' i la fissen pò  
parlar, quest an al sò, mò la feva figura d' arspendr, quand  
ij dmandavvn cvell da part dal Re; ora qula volta, ch' ij  
dmandoun cmod andaré la cosa d' essr arinas al Re un bell  
zagn, ij arspes, ch' al tunarè a regnar, quand la maga,  
ch' era dvintà l' la patrona, fuss dvintà orba. Al Re cgnus-  
sì ch' ai era dla luna, luanz ch' sta cosa intravvgniss, per-  
chè s' al gli avviss vù far qualch scherz a i uccch, la ma-  
ga cgnusseva da luntan d' mija la zent ch' fuss andà lì da  
l'j, e pò aveva sempr attorn tant guardi, ch' l'era una co-  
sa impossibil a faricavar i uccch. Vdand donca al cas d' aprà,  
al Re pres tant in cdi tutt l' donn, ch' tutt quelli, ch' l' psse-  
va mai agguantar, ai feva tutt i oltragg, ch' al pssè, al zovni  
ai feva tutt gli insollenzi pussibil, e pò gli ammazzava. Sta  
cosa mò intravvgn: ps ps ps! a tanta puledma d' donn, ch'  
n s' ponn cuntar. Tra questi, ch' i diann tra l' griuf, a i ca-  
pitò una bellissima zovna, ch' aveva nom Purzella: mò l'  
era un pccunzin da Re: donca anch a questa al Re i fi la  
solita creanza, e pò vleva ammazzarla, cmod l' avè fatt tutt  
gli altr, mò quand l' avv alzà al brazz con al pugnal, ai vi-  
gn un usell grand grand, es i trì sù in s' al brazz una ra-  
dis d' un' erba, ch' subit ch' al fu tocch, ai vign una ter-  
marj pr tutt al brazz, ch' ai cascò al pugnal d' in man. Bi-  
sogna mò saver, ch' sta cosa in forma d' usell l' era una fa-  
da, ch' puch di innanz la durmeva in t' un bosch, es i era  
vgnù attorn un sattir pr fari degli insullenzi, e la Purzel-  
la, ch' passava allora per d' lì, la dddò, es la dffes da qual



prigul; ora sta fada n' l' abbandonò mai più, es la seguiva da per tutt dov l' andava acquisi in forina d' usell. Al Re mò, ch' vist, ch' la i era andà busa, e ch' questa an' l' avè psù amnazzar, al pinsò d' esssen' dà causa lù con l' aver tropp guardà al bell mustazz, ch' avè sta donna, es n' pinsò brisa, ch' i avess colpa qula bistia, e quasi al diss: mò in t agn mod an vui mò just, ch' t' l' avv vinta, madò simona; al la fì cundur a casa sò, e pò la fì murar in t' un camarin, es di ordn, ch' u' s i diss nè da magnar, nè da bevr. Quand l' usell vist una cosa si fatta, al s' inzgnò d' intrar pr una fnstrina d' st camarin, ch' i era la frada, es era alta, alta, es cminzò a cunsular la Purzella; ai dseva: eh ch' la stagha pur alligrement, mì n la lassarò mai perir, ai sou mì tant ubbligà a li, ch' ai vrè quest, e altr a rendri quell, ch' l' ha fatt a mì. La Purzella i sti tant drì per saver chi l' era sta bstiola, ch' parlava sì ben, mò l' usell n i vols brisa dir d' essr qula fada, es n i deva altra arsposta an, ch' al vleva rendri i servizi, ch' la j avè fatt. Al vist pó, ch la povra fiola n' psseva piú dalla fam, al di un svullatton fora, e da li a un pocch al turnò con un curtell in bocca puntud, ch' l' avè tolt zó d' in tla scaffa dla cusina dal Re, e pò i diss: tuli, Purzllina, inzgnavv mò d' andar sagand a poch a poch un bus in terra qui tra l' terlis, ch' a sj just sovra alla cusina, mì pó m' inzgnarò d' andar buscand cvell d' arpiatt dal cugh, es andarò vgnaud innanz, e indrì pr st bus. E quasi la Purzella s' inzgnò tant, ch' la sfundò un bus, ch' ai passava just l' usell, al qual adducchiò, ch' al cugh era andà a tor una zucca d' asè sù in s al granar; la vist, ch' ai era un bell pullastr, ch' era cavà allora d' in t la pgnatata, ch' i al tgnevv indrì pr la sira, l' j t m' al granfò, es al purtò alla Purzella; pr rimediar pó alla sed, perchè la n psseva aver dal vin, l' andò in salva robba, ch' i era attaccà l chiopp dl' U di curghin, es ijn purtò un bel grappon, e quasi fì n' sò quant dí. In st mentr mò la Purzella era d' aver fiù, e quand la fu dccò, la parturì al piú bell masch, ch' s' psiss vder, lì s' al cminzò allattar, e a fassar con l' ajut dl' usell, ch' i purtava dl fass, es i insegnava, tant ch' al cminzò a vgnir gradsin, ch' al dsè mamma, e la cacca, e la bumba, è gn' cosa. La fada diss alla Purzella, savj, ch' a fa, fiola mì, address ch' st tuset vgn grandia, e ch' al sa

andar, a vui, ch' a fad, al bus più grand, ch' a tulla di vi degli ass, tant, ch' ai capissa lù, ch' al andaren mandand sù, e zò con dal sfurzù, ch' av purtarò mí, e quand al tos srà turnà sù, a turnarí gli ass cmod l' stevvn, ch' an s' cgnussrà al sfundon; perchè, al dseva, l' è míi, ch' st tusett vaggia lu sgaravland cvell, ch' al fa più quattr man, che dou. La Purzella diss: oh sì sì, e quasi finn, es mandonn zò al tos, ch' aveva nom Miuzz, es i dissn, ch' al guardass ben sovra al tutt dn' dir mai d' chi al fuss fiol, in t' un cas, ch' al fuss vist, nè gnanch, ch' an dsiss brisa d' in dov al vgneva, Quand i al mandonn zò, i stonn aspttar, ch' al cugh n' fass in cucina, mó al turnò subit, es trovò li st bell zaqlin, es diss: eh: guarda! nmanj al bell fandsin! s' pò mó far d' piú? mò, dis: cmod sivr vgnù quì, cosa sivr vgnù a far? Miuzz arspos: a son un fandsin, ch' ho pers la mamma, es vagh cercand qualcun, ch' m' tuja in cà: in st mentr l' arrivò li al scalch, ch' udì sta cosa, es s' maravvjò tant a udìr un chiù s' pznin parlar con qual garbutin, es pinsò, ch' al srè stà bon pr pagg dal Re; al le chiappò sù, es al purtò dla da sò maestà. Quand al Re al vist acqui grazios, (perché l' era verament una zoja) a i piassi, es i pres a vler un ben grandissm; al l' azzìò pr pagg, es vols, ch' s i fass insegnar tutt quell umanament, ch' aveva da imparar un cavalir. Lù imparò tant, ch' al dvintò al più virtuos, ch' fuss in cort, e al mal è, ch' al Re i vleva molt mii, ch' an vlè a un so fiast, a segn, ch' la Regina madr d' quest cminzò a tor in urta Miuzz, e massm, ch' la vdeva, ch' i parevvn tant miraqlin appressa al Re tutt l' cos, ch' al feva, o ch' al dseva, e pò saveva, ch' an i era cosa, ch' i foss negà dal Re. Li pr sti cós cminzò a pinsar, ch' lai vlé mettr di ruzzl sott' ai pj pr prubar s' la psseva mettr in dsgrazia dal Re. Cosa filla l? una sira, in qual mentr ch' i andavvn a lett, la diss al Re; mò an' sa cosa s' è vantà d' far Miuzz? al Re arspos: mò sgnota nò mè, ch' an' sò ngotta; lì soggiuns: mò al s' è dà vant d' far tri castj, ch' staghn in ajar da pr lor lù. Al Re s' maravvjò, dis: o ben, a la vdren. La mattina al fì subit chiamar Miuzz, dsendì: o i tri castj, ch' avvj ditt d' far, o la vostra testa, pinsai mo vù! Miuzz armas inuccà, es andò in t la só stanza, es cmiuzò a far un lament, e un pianzr, ch' ai vgnè zó l' lagrm tant

fatt. Oh! al tgnè ditt: mò n' sat s' l' zent credn, ch' in cort s' i liga i can con la sussizza, questi in mò gli algrezz, ch' a prov. In st mentr, ch' l' era in st gran travai, al s' vist arrivar lì da lù l' usell, ch' i diss: oh sù, Miuzzin! mò cosa è quest? al va stà allighr: e lassar andar l' acqua alla bassa, lassm far a mè, fiol mi, n' aver pora d' ngotta, mi sò zà agn' cosa, n' t' dubbitar: fin ch' a son viv mi, l' cos andaran ben; basta, dis, ch' t' m' dagli dal carton, ch' mi pò andarò sù dalla mamma, es faren una grau teja d' cola, e pò vui, ch' a famm tri gran casti d' carton. Miuzz pruv- vist al carton, e pò andò auca lù là sù pr' ajutar alla mam- ma, e alla fada, es incullonn sti cartun, e pò fi i castj, mò quì proporzionà, e con un garb, perchè quela fada fev- va dalla sò testa tutt quell, ch' la vlevva, ch' i arjussenn a perfezion. Quand i funn cumpi, la fada fi cumparir tri gran griffun, ch' sustintavv agnun d' lor un d' sti casti, ch' ij av- vevn ligà al zamp, e pò i ammulonn pr' ajar. Miuzz fi chia- mar al Re, es vign con tutt quì d' cort, ch' tutt s' missn a zigar e viva, e viva, e al Re s' innamurava agn volta più d' Minzz, vdend, ch' l' avvè sì gran inzezn, es i fi di carezz, ch' passavan la part. La Regina n' passè più dalla rab- bia, es pinsava la nott quell, ch' la vlè far al di pr' arvi- nar st pòvr fiol, li s' al srè vlù psser livar dinnanz ai ucch, perch' la n' al psseva soffrir. La pinsò d' inventars una fa- rabulana, e quì la diss a sò mari: oh si ludà al cil, arren pur finì una volta d' star a cà a pison, a turnaren pur a sedr sotta al baldacchin, es emandaren cmod a fevv un ann fa! Al Re i dmandò: mò perchè mo? e la Regina diss: ah! mò al n' al sà? Miuzz n' s' è donca voutà, ch' l' andarà lù a ur- bir la maga? e quand l' sarà orba, al sà zà, ch' al regn i torna subit in t' man. Al Re, che s' sintì tuccar dov i du- leva, al fi allora allora chiamar Miuzz, es i diss: mò a di- ghi mè, cusslin: mè armagn d' stoppa, a pinsar, ch' tu' ha tant ubbligazion, e ch' t' priss donca, st' vù, farm resti- tuir al mè regn, (ch' al t' è just, cmod è a spudar in terra) e ch' t' sta quì li con i dintazz in bocca, ch' t' n' conclud ngotta: eh! mò tn t' vergogn? t' v'ì, ch' ai ho impgnà agn cosa, ch' an i è gnanch più al parol, s' as vol far un buga- dìn, e ti t' sa donca cmod s' ha da far a urbir quela vecchia, ch' a ussirè pò d' in t' la miseria es tu' conclud ngotta? oss

basta, st n mantin quell, ch' t' ha prumiss, mal guai a ti, cmenzzm pur a far rendr al regn. Miuzz diss: mò cosa vòl ch' a cmenza? ai ho cmenz, es ho finì mi; al vlevva pò seguitar a dir la sò rason, e ch' al n' era vera, ch' l' avvis fatt sta prumessa, mó al Re saltò sù tutt instizzì dagandi in s la vos, dis, mi n' ho bisogn d' chiaccher, fa tì quell, ch' t' ha da far, en' chi nò ai pinsarà la tò pell, es i vultò i garitt. Miuzz, ch' n psseva cuntrarstar con chi avvè i dint più lung'h d' lù, n' savand, ch' partìs' aver a piar, riccors al sò solit remedi dal pianzr, e lì arrivò l' usell, ch' i diss: mò cmod è mai pussibil, Miuzzin ch' t' slpp quai dspradlzz? n' t' oja ditt trenta volt ch' tn' àv pora, ch' mi n' t' lassarò mai perir? mò fin, ch' ai son mi, ai ho più premura dal tò ben, ch' tn' ha tì medesm, guarda mó: vìn pur migh, e n dubitar. L' usell s' avviò innanz vland, es ando vers un bosch, e Miuzz i tgneva dri; a st bosch l' usell s' fermò, e pò cminzò a spipplar, os i vign attorn nn ardu't d' usj, ch' an s' è mai vist la più gran quantità; quand i funn radunà, la fada i dmandò, chi era quell fra lor, ch' i fuss bastà l' ann d' andar a cavar i ucch alla maga, ch' a quell, ch' avvis fatt sta cosa, la i prumtteva, ch' al srè sempr sta sicur dal grinf di falchitt, e di sparavir, e pò ch' la i arè fatt una scrittura, ch' an psiss mai essr uffes da nssuna schiupptà, ne da nssuna balestra, nè dal red di cazzadur. Fra sti usj ai era una rundanina, ch' avveva al sò nid in t' un trav d' la stanza dov steva la maga; sta rundanina l' avveva tolta in urta, perchè quand la strija vleva far i sù incantism, la feva di fumint, e lì bsgnava, ch' la s' santanass pr n' star in qual fum, e quai donca la bstiola, da ona banda pr vendicars, e dall' altra per guadagnar tutt sti prumiss, la tols lì a far al servizi, e d' lung'h la vulò alla città, es intrò in t al palazz real, intrand in t la stanza dov steva qulj, la qual era dstesa in s' un lett, es avvè tirà l' cultrin di fnestr, e srà i scur, e gn' cosa, l' era un cald grand, e l' s' feva far vent da dòu dunzell con dou vintarol. Subit, ch' la rundanina fu lì, la i andò d' posta sovra ai ucch, es t mi fì una squaquarata agn occh, ch' subit la pers la vista talment, ch' la n' vdeva gnanch la cà. Quand sta povra diavla capì, ch' la vista era andà, la cgnussi anch, ch' la n' era più Regina, es cminzò a cridar cm' nn' anima addannà, andand quai

a tastun pr cà ; oh guardà pur quì ! l'è finì, an' poss più tgnir sod al scett: al regn durava sol tant, ch' a durava a vedri , address , ch' a son un orba , an' occorr altr, es cors a intanars in t' una grotta , sbattand la testa d' zà , e dlà in quant albr la devv , ch' finalment la s' la spzzò , e quasi finì la sò festa. Quand fu andà vi la maga , i cunsijr dal regn mandonn di ambas- adur al Re, invidaual, ch' al turnass a regnar, ch' an' i era più impediment , perché la maga era andà al boja. In t' l' istess temp, ch' i ambas- adur intravv pr un uss , Miuzz intrava pr' qu' altr , e l' usell i avveva insguà d' dir un poch al fatt sò. Quand al fu dinnanz al Re, al d' s oh mè , sacra corona , al ho servi , la maga è orba , al regn è al sò : mè vrè sol , ch' la scuntintass per pagament dul servizi , ch' ai ho fatt , d' lassarm vivv con i mè strazz , senza mettrm più a sti impres con prigul , ch' i vaga la mè pell , più tost pan , e civolla , e la mè quiet. Al Re l' abbrazzò con un gran amor , es i d' s : mettj su al capell , Miuzzin : n' fa cirimoni , e vgnim a sedr a gallon , ch' av son più ubbligà a vù , es n' i è cosa , ch' ai avva , ch' an' l' ar- cegnussa da vù. La Regina dvintava d' mill culur dalla rab- bia , es cgnusseva , ch' la n avè da finir in ben. In effett la in studiò un'altra , per vder s la pssè pur torzal d' attorn. A i era poch lontan dal lugh dov i abitavv , un dragunazz ; ch' era propri l' arvina dl' criatur. Or bisogna mò saver , ch' et bagai era nad in t' un istess part con la Regina , e al padr d' l' j , quand i nassin l' l , e al dragon , fi chiamar i strulg , ch' zanzassn un poch sovra a sta nuvità , cioè , ch' i dsissn cosa avè da intravvgnir . Lor conclusn , ch' la fiola srè campà sol quant campava al dragon , e ch' in t' l' istess mod anch al dragon srè mort , quand la fuss morta lì , mò ai era però una cosa , ch' arè pssù far arsussitar la fiola , bench' la fuss morta , la qual era : al bagnari con al sangu d' l' istess dragon la bocca dal stomgh , i puns , qui d' zà , e dlà dalla testa , e i bus dal nas ; allora , cmod a digh , s ai fuss sta fatt sta bosma , la srè arturnà. Ora donca la Re- gina : ch' saveva quant bsava al dragon , la pinsò d' vler in tutt i mod procurar , ch' Miuzz i andass tra l' griuf , ch' l' era sicura , ch' nssun d' quì , ch' i capitavv dinnanz era pssù turoar indrj , ch' al s' magnava la zent in t' un becon ; e què la s vultò al Re , ch' la pareva tutta alligra , es i d' s : oh

bso ben pò dir al ver, ch' a sen ubbligà a qual Miuzz, tant  
 più, perchè al s' lassa intendr, ch' al vol ammazzar al dra-  
 gon: mi, sì ben ch' al dragon è mi fradell, an' m' importa  
 niint: am la piarò sempr più pr quel cos, ch' in d' premu-  
 ra d' vostra maestà, che pr l' istess mi sangn. Al Re, ch'  
 verament arè pagà un tsor a livar d' in quì cuntura qula  
 pesta d' qu' animalazz, fi una bona volta vgnrs dinnauz Mi-  
 uzz, es i düss: mi sò, ch' t' sà mettr l' man da pr tutt: ca-  
 ro ti fa anch questa d ammazzarm qu' dragon, e pó cman-  
 dm, ch' s' an' t' serv pò mi, a vui, ch' t' m' mud nom: zà  
 mò, ch' t' ha fatt tant, fà mò anch questa. Miuzz n' psèè  
 arspendr, tant avveval mai sù i chiù, mò quand al p-sè  
 parlar, al s' vultò al Re tutt ingru gnà, es i arpos: oh gl'  
 in Per da mundar lor, n' èl vera? la i dis una bagattella lj,  
 mó a vrè saver, ch' spass la i ha d' andarm mittend tutt al dè  
 in prigul? address address, a udiral lù, al par, ch' m' si ca-  
 scà al furmai in sl lasagn lù dalla gran bazza, ch' m' tocca;  
 eh, ch' al vaga a filar: cm' a son mort mi nssun m' arsuissi-  
 tarà, dis, al pò ben dir, ch' am vol ammazzar pr ricum-  
 pensa d' quell, ch' ai ho fatt pr lù. Basta, l' andò tant drj,  
 ch' al Re n' ps' i più star a udir, perchè l' era pò un om  
 rott, es s' mis l' man in sè galun, saltand sù, dis, a chi  
 dighia: oh anch d' questa? t' ha fatt, e fatt, pò tn' vù far  
 al più bell? vann just address, e livvm sta pttma d' in t al  
 regn, s' t' n' vù, eh' at fazza mi vder, ch' at poss cmandar.  
 Miuzz abbassò la testa, es andò vù con un grugn, ch' s' srè  
 ligà con un cavzal; al ignè dtt: guardà mò vù, ora m'  
 lecca, ora m' morsga, addes am vol regalar, adess am vol  
 ammazzar; e qu' zà al solit l' andò in t la sò s' anzia con la  
 testa tra l' zuocch a sedr in s' una scranna, es pianzeva tant  
 fort, ch' al lavava tutt l' scarp d' lagrm. Mentr, ch' l' era  
 in st gran travai, al cumpars li l' usell, ch' zà n' l' abban-  
 dunava mai, es aveva un' erba d' cò dal beceh, ai la trè  
 in sl znoech, es i düss; oh sù, Miuzzin, livat sù, n' t' du-  
 bitar, fin eh' la vù, l' è viva: stà pur alligr, perchè quì,  
 ch' àn pinsà d' fartla a tì, s' l' in fatta pr lor: tù in man st'  
 erba, vù alla grotta dov sta al dragon, trà l' erba in t la  
 grotta, ch' ai vgnarà subit una sonn quì profonda, ch' at  
 cascarà là a pj livà, tì allora con un gran curtlazz, saltu  
 alla vita, e dai fra nacch, e pacch, ch' at imprumett, ch' f

arà lasi d'scussars, ch'al n'è mai più dragon ai sud; tor-  
na pó alla cort, dov t'vdrà cosa è success. Subit Miuzz s'  
livò sù senza dari arsposta, perchè l'avveva talment sù i  
chiù, ch'an'psseva più, al tols un curtell alla genovesa, ch'  
l'avveva lù, e pò con l'erba in man, l'andò vi d'galopp  
a qula grotta, ch'era incavà sotta a una muntagna tant al-  
ta, ch'quelli degli Alp n'i in più pr ngotta. Quand al in-  
là, al ficcò l'erba in t la grotta, e d'lungh al dragon s'ad-  
durmintò tant fort, ch' al parè d'sass, e Miuzz i saltò ad-  
doss, es eminzò a tajarn zó di pizz, emods 'farè al lard.  
In t l'istess temp, ch'lù tridava al dragon, e ch'al mure-  
va, la Reglña eminzò a far nona. Quand la vist l'j, ch' l'  
era mal pará, la s'accors allora dla gran minchiunarj, ch'  
l'avè fatt a mandar là Miuzz, ch' la l'arè mai critt, ch'  
ai la cavars netta, e ch'i avviss a intravvgnir a l'emod in-  
travvgn a b'n vgnù, ch'andò per dar, es i fu dà a lù; la  
chiamò sò marí, es i diss: l'ha da saver ch'a fu strulgà,  
ch'quand murirà al dragon, a murirè anca mì, e quisì mì  
sent, ch'a vagh, ch'al dì essr segn ch' al dragon va anca  
lù. Al Re arspos: mò la m par una matta mì, signora: s la  
saveva donca, ch'l'aveva d'andar acquist, ch'accadeva, ch'  
l'andass a dsddar i can, ch'dormn, e rompr al chittarrina  
qu' altr, ch'ai l'avven mò tant rott, ch'an cred ch' al sip-  
pa più insem: l'ha tant minnà: min' sò mò cosa m i far,  
s l'ha fatt al peccà, bsgna ch'la fazza la penitenza, ch'an  
i è ch' batrr. La Reglña arspos: mò savè assà mì, ch' qual  
quittà avviss mò da essr bon d'ammazzar qula bistia: in  
quant a mì, s'ai ho da dir al ver, a crddeva, ch'al i av-  
vis d'armagnar lù mì, e pr quest a fi sta marina: mò basta,  
zà ch'la m è andà busa, a vrè mò sol una grazia da l'j,  
sacra corona: mì viè, ch'am fiss servizì, cm' a srò morta,  
d'far bagnar una sponga in t al sangu dal dragon, e pò ch'  
i m bagnassn i puns, e sotta ai bus dal nas, innanz ch' i  
m supplissn. Al Re d'fies: oh cm' la n vol altr, magari, quest'  
è poca cosa, ai darevv ben anch al mì sangu pr cuntintar-  
la. La Reglña al vlè ringraziar, mò in t al eminzar, la  
mors, perchè giust in t l'istess temp Miuzz avè fatt tuni-  
na dal dragon, e subit appena arrivà dinanz al Re per da-  
ri la nova, lù t' mi apptò st'altr taquì, ch'l'andass currand  
a tor al sangu dal dragon. In tant mò al Re d'fies in cor

sò: mì certo vùì tgnir dri a qstù d' arpiatt: ch' a vùì mó andar a vder cmod al fa mai a far tutt sti prodezz acqusì prest. Quand Miuzz ussì dalla porta dal palazz, e al Re i era dedrj, ch' l' andava in punta d' pè, l' usell s' fi incen- tra a Miuzz, es i dmandò: dov vat mò address, una bona volta? Miuzz l' arspos tutt instizzl: eh, sò assà mì, a vaghì dov diavl m' manda al Re mì, ch' v' fagand fass, e fassu- len dla mìl vita, e ch' m' vol far dar in dsprazion. L' usell arspos: oh cosa i ca'sca mò address? Miuzz diss: mò ai vol mò address al sangu dal dragon. La fada saltò sù, oh, dis, t i pur al gran maccaron, s' t al va a tor: t n' ea tì, ch' st sangu farà arsusitar qula bona zaqulina, ch' t' ha dà tant da far? zà l' è stà lì quella, ch' t' ha mandà tant volta mettr la a bersai la tò vita: mó am maravei mò più dal Re, ch' s' lassa sempr infuocchiar, da qustj, ch' la l mena più pr al nas: e s la rsussita, à sò pò ch' una volta, o un' altra i t mandaran addamal, e pur t i dal sò sangu, mì m' maravej, ch' al cor n' i al diga: a sò ben, ch' lù nt' acgnoss, mò al sangu al sol pur dir lù; oh almanch pò tutt sti strasin, ch' t' ha fatt, s' n zovv'n a tì, zuvassnì a qula puvretta dla Pur- zella tò madr, ch' l' è la sù assrà da quattords ann in zà, ch' l' è, s' pò dir, supplì viva, tì pò anch pr vè d' magnar t' n' ha pati, ch' t i li cin' un latt, e un vìn, mó lj, la pu- vrina, s' an fuss sta mì, la srè morta d' stent, e pur l' é anch bllina, con tutt i patiment, ch' l' ha fatt. Segon d, ch' la fada fi sta gran zanzada, al Re udì gn' cosa, per- chè, cmod ai ho ditt, l' era dedrj da Miuzz; al s' fi vedr, es diss: ubi: a digh mì: contmla mò tutta. L' usell i cuntò agn cosa. Quand al sintì, ch' st ragazz era fiol d' qula Pur- zella sì fatta, al s' arcurdò, ch' l' era quella, ch' al s' pru- vò d' ammazzar, e ch' an' passì, e ch' al la fi srrar in t' una stanza, al s' allgrò, ch' la fues anch viva, es dì subit ordo, ch' fuss dsmurà la stanza, dov l' era, e ch' la i fuss cun- dotta dinnanz. Quand al la vist què grassa, e inton, ai crssì l' algrezza, e gli ubbligazion, ch' l' avvè alla fada, ch' n' l' avvè lassà patir. An s' pssè pò saziar d' abbrazzar ora la Purzella, ora al ragazz, es dmandava perdunanza alla mamma di mal trattamint, ch' al i avvè fatt a lj e al fiol. Al la fi pò subit vstir con un di più bj pettanler, ch' avviss la Regina morta, e pò la spusò. Quand pò al savv, ch' l' era



stà l'usell, ch' avè fitt tutt i smannizz, perchè Miuzz arstass virtorios, al le fi patron dla sò vîta. dal regn, e d'agn cosa. La fada diss: mò mi n'vui altra ricumpensa d'tutt i servizi, ch'ai ho fatt, sn Miuzz, ch'al vui pr marì. Subit, ch' l'av pronunzià sta sentenza, la dvintò una bellissima zovna. Al Re, e Miuzz i avv'n' un gust strampalà. Miuzz s la tols pr nujer, e qu' istess dì, ch' s' purtò a supplir qu' altra Regina, as vist la nova sotta al bal-dacchin. Tutt andonn allgrars con al Re, al qual fi di fest con i fugh artifizià, e pò fin l' nozz, e Miuzz diss pò capir, che chi fa ben n'po perir.

## La Fola dla Donna Salvadga.

**A** I era una volta al Re d' Vall Vattscossa, ch' arè fatt al diav' pr aver un ragazz, o pur una ragazza e em' al vlevi, al s udeva zigar pr cà: oh a vrè pur un fiol mi, ch' fuss erod dal mi stat, tant, ch' la mi cà n' s' finiss. Ora fra gli altr velt, ch' al feva sta pertantegula, al la fi una volta zò in t al zardin, es sintì una vos, ch' usseva d' avvisin a un vas d' millaranz, ch' i dimandò: Re, vut più tost un fiol, ch' te destruzza, o una fiola, che t' fuzza? Al Re arinas inspurì a sintir sta vos, es n' savv cosa s i arspindr; al pinsò pò, ch' al vleva cuntar sta cosa con quel' zent, ch' gvernavn al regn, e sintir cosa i concludevvn lor. Acquisi fi. Al chiamò subit a cunsi, dsend a quì sgnori: dscren-na un poch: la cosa stà da quì fin quì; mi am è stà dman-dà cosa a turè: s' al vui masch o femmna, e quì cosa oja da tor? Un dseva, ch' l' era mi acqui, qu' altr, ch' l' era mi a quì. Chi dseva, ch' s' l' avvvis toll la femmna, al srè po stà vergogna qual scappar, di altr dsen'; mò cosa im-porta s la scappa? l' è ben piz s l' è un masch, ch' al man-darà in malora al regn, e quì a lù ai ha più da premer al ben di suddit, che qua s' vuja cosa; insomma i andonn dri un pezz n' s' accordand fra d' lor, mò, in fin al vîs al par-tì d' quì ch' dævvn, ch' zà ch' al vleva cvell, ch' al dman-dass donca una femmna. Al Re anca lù inclinava più a tor la femmna, e quì d' lung'h l' andò zò in t al zardin, es tur-nò a zigar: oh cjl dam un erod dal mi stat, tant ch' la mi

cà n s' finissa. Subit s' sintè la vos lì dall' istess vas d' mlla-  
 ranz, ch' turnò a dmandar: Re, vut piú tost un fiol, che te  
 dstruizza, o una fiola, che t fuzza? Al Re arèpos con la vos  
 alta quant al psseva: feminna, femmna. Da lì a nov mis la  
 Regina fi una bella faudsina. Subit, ch' la fu nada, al Re  
 la mandò in t' un bell palazz con la sò balia, e dldonn, e  
 pó tant l' gran guardi, es era assrà st palazz da tutt l' band,  
 ch' lù al Re aveva in testa a forza d' guarda la d' sfuzzr st  
 prigul, ch' la n scappass. Quand la fu sù grandsina, ai fi  
 insguar d' lezzr, e d' scrivvr, e pò i marlett, e d' cnsr, e  
 d' ballar, insomma l' era un vas d' virtù, e con l' sou man  
 la savè far d' agn cosa. La dvintò pó una zuvnona d' una  
 blezza, ch' n s' pò dir, es vign al temp d' maridarla, e al  
 sò sgnor padr la prumiss al Re d' Pradsin. Quand fu qula  
 matiina, ch' i s' avvevn da spusar, i l' andonn a tor fora d'  
 in qual palazz d' ond la n' i era mai ussi, pr cundurla a ma-  
 ri. Quand i funo pr strà, al vign tant al gran d-prpustà  
 vent, ch' l' alzò in arja la sgnurina, es la sbalzò fina in t'  
 un bosch lontan, es cascò zò in terra dinnanz a una  
 casuppla d' una fada, o füssla mò una donna salvadga. Quand  
 sta puvra sgnora fu lì, la vist in sl' nss d' sta caitap ecchia  
 una vecchietta, ch' era la serva dla fada, e sta vecchia i diss:  
 ho fiola mì, mò comò èla mai vgnù in sti band? mò la sta  
 fre-ca, povra ragazza! mal guai s' l' arriva a cà la fada, e  
 ch' la veda quì un' altra, mì n i farè la sigurtà gnanch pr  
 trè quattrin: oh infalliblament la v' magna, perchè la cam-  
 pa d' carn umana, quand la in pò aver. A dirj mò vù ( sog-  
 giungeva la vecchia ) la n t' magna zà tì, mò sala perchè?  
 l' ha d' grazia ch' ai fazza qual pò d' inagnar, ch' dal rest  
 la m arè stragualzà, ch' al srè un pzzol. Tuttavì, dis, mì  
 vui vder s' a la poss ajutar, la mi fiulica ch' l' ha tant al  
 bell garb! fenn acquì: ch' là tuga. questa è la chiav d' au-  
 dar in cà, am intend, ch' la pò avvrir tutt l' stanzi, lì s' l  
 gl' ha da mettr arstar, dar ben pulid alla polvr con al strazz,  
 e pò cm' la sent la patrona ch' arriva, ch' là s' arpiata, ch'  
 mì pò m' inzgnarò ben, ch' la n patissa in t al inagnar; in-  
 tant, chi vol saver? la camparà; quest è quell, ch' ai poss  
 dir. La Marchetta ( ch' l' aveva non acquì sta sgnora ) tols  
 una granà, es cminzò a spazzar la cà pr tutt, ch' la fi  
 dyintar quel salgà, ch' as i specchiava, e pò tols una codga

d' lard , e s' miss a sfergar tutt l' cass , e l' banzol d' nus ; ch' l' dvintonn , ch' l' traluccavn , la fi al lett dla donna salvadga , la i vuliò al tamarazz , es al fi quèl par , ch' mai ai sù di n' era sta fatt sì ben . Da lì a un poch vign la fada a danar , e la Marchetta s' arpiattò in t' un sacch da furment . Al di subit in t' occh alla fada sta gran pulizj , la i ávv gust , es dmandò alla vecchia chi era stà , ch' aveva aggiustà sì ben la cà ? La vecchia arpos : mó an' son sta mi ? chi viv ch' sippa stà ? e la patrona diss : oh chi t' fa più cira , ch' n' sol , o ch' al t' inganna , o ch' ingannar al t' vol : quest è un gran miraqul , dis , l' è pur una volia sgurà al mi bicchir , ch' ai sol essr sù la cricca alta don dida . Dop quest la s miss à dsnar , e pò turnò a ussir d' cà . Quand la fu andà vī la Marchetta s' miss a dar al tel d' ragn , e pò sgrò tutt al ram , ch' era in custodia , e pò al turnò attaccar sù , ch' l' era dvinià , ch' al parè nov d' zecca . La fi pò un bugadin a tutt i pagu brutt , e quand vign la sira la fada , e ch' la vīst acqui , la n steva in t al bust dall' algrezza , es deva mill lod alla vecchia , la qual anca li era cumentia , perchè la s feva nnor al spall dla Marchetta , e pr quest pò la s inznava d' corrispondr al curtsj , ch' l' arzava da questa , ch' la tm' l' insfulzgnava con cvell da magnar , ch' la tgnè sempr indrij , innanz ch' la l mttiss in tavla . Un di mó la vecchia diss alla Marchetta : sala cosa a vui ch' a famm ? ai ho vuja , ch' a pruvamm un poch , ch' finissa sta suddizion d' star quì d' arpiatt ; fenn una cosa : vù la mi fiola , avi da prubar d' far un magnarin , ch' sippa ben apuitos , ch' li pò , quand s i cui a cuntintar la gola , la diventa amiga pr poch ; li zà capirà la fada , ch' la n è mi farina , es cminzarà a trars dl scunzur , pr ubbligar chi ha fatt al dsnar a dar fora , perchè sti scunzur n' sran altr , che prumess , ch' la farà a chi ha upperà , mó intindj hen vdì : an' i è da fidars alla prima : av dirò mi quand è temp . Sti scunzur , ch' la trà , in tant Zerudell , ch' la va digand , mò vù n' avi mai da saltar fora , fina ch' la n pronunzia una tal Zerudella , ch' l' è al più putent scunzur , ch' la possa trar ; quand l' ha ditt questa , ch' av dirò , an i è dubbi , ch' la mancass alla prumessa , ch' la farà . La Zerudella srà questa :

*Zè Rudella sangu d' mi lola ,*

*Ch' am chign dir si gran parola ,*

*At arcgnuss pr mè surella,  
Tocca e dai a Zè Rudella*

Cum' a sintj questa, favv vder, e n v' dubbità. La Marchetta la ringraziò, e pò s' misa in volta pr far un bon dsnar. La prima cosa, la tirò al coll a una bell' oca, un quart la l miss in tun sped, es l' inlardò, e pò i di l' udor d' salvia, e d' a' quì altr rest, dop averi dà un less, la l pistò, es fì del pulpett, e pò fi una mnestra d' erbett; l' andò pó zò in tl' ort a cujir di sur d' uillaranz, e dl ros, es infurò tutta la tavla, e pò quand fu ora ch' arrivass la fada, l j s' andò a piattar. La fada s miss a sedr, e vdend sti gran cirimoni, la chiamò la vecchia, es i diss: chi ha fatt quì st ammanv? dis, zà vù n' si stà, e quì, chi èl mó? la vecchia arpos: magnà, e taj, vù n' avj da cercar altr, n' sivr servì ben? La fada magnava d' un gust, ch' la guardava fin losca dall' algiezza, es cminzò a lavurar d' Zerudell: la diss:

*Zè Rudella: oh quest è mnestr,  
Ch' as agnus, ch' l' è fatt da un mestr:  
Sì alla fè pr diana stella;  
Tocca, e dai a Zè Rudella.*

E pò diss:

*Zè Rudella: oh catt' d' dis:  
Oh ch' arrostit! cos èl? perdis?  
Quest m' ha tocc la curadella  
Tocca, e dai a Zè Rudella.*

E pò séguìtò:

*Zè Rudella, n' aver pora:  
Sangu, e tacca salta fora,  
Tant ch' at basa una massella;  
Tocca, e dai ec.*

E quì second ch' la magnava, e ch' la robba i piaseva, più spesgava in tl' Zerudell, pr veder s la psseva tirar alla tajola ch' aveva fatt al bon dsnar; mò la Marchetta n' era sì barona da dar fora, fina ch' la n sinteva dir quella, ch' i avvè ditt la vecchia, e la fada seguitò;

*Zè Rudella: oh ch bon' pulpett!  
S' at poss veder, at imprumett  
D' fart un bust, e una stanelln;  
Tocca, e dai ec:*

Basta, al perfuid la in düss tanta la gran quantità, ch' m' n' l' sò tutti, mò una volta l' arrivò pur pò a dir la più granda d' tutti, la qual fu quella zà cmod i avvè düt la vecchia; cioè:

*Zè Rudell: sangu d' mè lola,  
Ch' am chign dir s' gran parola,  
At arcgnuss per mè surella;  
Tocca, e dai ec.*

Allora la Marchetta saltò fora, dsend: a son stà mè, vella, ch' ho fatt qual poch d' scazzui d' dsnar, La fada düss: oh vann pur, ch' t' ha accattà la vena da faim taser. Sta spirta! a digh, ch' la m' i ha fatt star iofina mè. Oss: la soggiuns, al n' occorr altr, t' m' ha dà tant al gran gust, ch' at vui tgnir just cara cm' una fiola l' dis, tù, la m' ragazza, questi in l' chiav d' tutt l' cass, e dal salvarobba, e dila cantina, am vui sol salvar st' patr, ch' an vui mai mai, ch' t' vad avrir qula stanza dov s' affà sta chiav, dal rest pò t' i patrona d' vultar la cà d' sotto in sù, es ev zur pr al sangu d' mè lola, ch' av darò una duttarina cm' a sri pr maridarv, ch' a vui ch' av maravjadi: basta, badà alla mè cà, e n' piasà a altr. La Marchetta i basò la man, e la ringraziò, e intant la fada turnò a ussir d' cà. La Marchetta mò psseva verament star quieta, perchè l' avvè trovà sò lola in gufflon; mò sgnor nò: ai vègn vuja, tant quant la fada vultò i garitt, d' vder cosa dseva mò essr in qula stanza, ch' n' s' aveva d' avrir: e sta vuja a pssl credr, ch' la s' la vels cavar. L' andò donca avrir la stanza, es vist, ch' ai era trei belli zovvn, ch' ern vstl d' tela d' or, es ern a sedr ciascheduna d' lor in s' un d' quì scrannin all' ultima moda. All' aria l' parevvn principess, es durmevvn. Mò vliv ch' av diga chi gli ern? gli ern l' fioli dila fada, ch' eru stà incantà da só madr, perchè la saveva, che gli avevvn da passar nu gran prigul, s' an l' vgneva a dèdar una fiola d' un Re; ora sò madr gli aveva assrà là dentr, perchè l' sfuzzissn st' prigul. Quand la Marchetta fu in t' la stanza, la fì d' armor con i pj, e lor s' dsdonn, es dmandonn subit da magnar. La Marchetta andò camminand a tor degli ov, es jin cusì sotto al zuis fina trei pron; lor l' bvinn, e quand gli avvn pres un pò d' forza, l' volssn ussir d' in qula stanza, e andar lì dlà in sala per piar un pò d' ajar, mò in

quella al turnò a cà la fada, la qual s' àvv tant pr mal. ch' la Marchetta l' avvisò dsubbidì, ch' la t i lassò andar un amasslon, ch' vign dal cil. La Marchetta, ch' aveva zà in testa la grandezza dal sò parintà, la i pars tant la gran uffesa, ch' la diss allora, allora, ch' lì la u i vleva più star, e ch' la s tulleva licenza, perchè la n' vleva essr strapazzà. La fada i diss tutt quant l' cos, ch' pssevv moverla a scusarla, e ch' la n' jin darè mîga più, e ch' l' avvè fatt quèi da burla, e ch' ticch tocch, e ch' mai dū, e che d' grazia l' arrestass: mò lì eibò: an i fu dubbi: la diss, ch' la vleva andar vè pr al mond a cercar sò fortuna, e quèi bisugnò, ch' la povra fada s arduless a lassarla andar con sò grandissm disgust. Innanz ch' l' andass vj la i fi far un bell' abitin da om, ch' la fu la toa istessa, ch' al dmandò: in t al separars, la fada i dunò un' anell, es i diss; tuli, cunlîna, tgnill sempr in did con la preda volta in dentr, e ni guardà mai, sn quand a sè in t' un gran prigul, ch' allora a sintirj replicar pr ajar al mè nom dall' eco. guardai allora, ch' avv zuvarà. L' s' abbrazzonn, e la Marchetta, ringraziandla, s mîss a camminar, e cammina, e cammina. L' arrivò a un bosch, es dī in t' un Re, ch' andava a cazza, quest la tols pr un zuvnett, perchè l' erazà vsti da om, mò perchè l' era bella purassà, la i dī in t' occh, anch pr al garb, ch' l' aveva in t al pùrtament; ai dmandò d' dond al vgneva, e cosa al pinsava d' far. Lī i arspos: oh sacra maestà, a son un povr zovn, ch' scappa d' in cà d' mi padr, perchè mi madr mors, e lū ha spusà un' altra, ch' m' ha tolt a strina, ch' la n' m' pò suffrir, e quèi mī son stuff d' star al dur, e al madur: mī padr fa al marcant, pr servirla. Al Re ai piàs purassà la manira d' st zovn, e al le tols per pagg, es al cunduss sigh al palazz. Quand la Regina al vist, al pars, ch' i intrass al fugh in t al stoingh, la cascò subit em' fa una pera marza, dal gran amor, ch' la i pres. La s' andò inzgnand lì pruvand dū dar ment a sta cosa, mò pensa tì, l' avvè lasi; quant più la s deva al diavl pr n' i pinsar, tant più s i ficcava in cò. Finalment un dī la n' pssi più star ai sign, es chiamó al pagg, e pò tm i cminzò a cuntar tutt quell, ch' la s sin-teva, e ch' gli ernn l' sou blezz, ch' i avven' purtā vè al cor, e ch' al guardass ben d' n i dir d' nó, perchè l' era la sò fortuna s' ai condescendeva, mò pr al cuntrari mal guai

s' al gli avviss mostrà repugnanza, es andò drj con una retorica lunghilissima. La Marchetta n' vleva arrivar a dir, ch' l' era una donna, e quì la vdeva, ch' la cosa s' intrigava, mò non ostant la pres al partì, ch' i pars al più savi, fagandi vedr, ch' l' era una mattiria, e quì la diss. mò cosa disla?, am maravei ch' la n' s' vergogna mi, l' ha un marì, ch' i vol tant ben a lj, ch' al u i lassa mancar ngotta, e lj i corrispond in st' mod? dis, la vrè, ch' mi fias st tort al mi patron, ch' ai son tant ubbligà? oh ch' la iuga st prilìn. La Regina, ch' sintì alla bella prima st intemerata (cosa ch' lj n' arè mai crlitt) ai vignn una rabbia si granda, es si vultò con un zuffazz, dsendì; eli fa mò ti quel, ch' t' fariss; mi am pareva, ch' t' avviss avù da lccart l' dida, a sintir, ch' una para mi t' invidass a vleri ben, tí mó t' l' intend pr un' altr vers, mò at fazz saver, ch' di bambuzz par tù ai n' è a tutt i uss: mò dl Regìn' an' i n' è tanta abbundanza, e che quand una, cmod a son mi, arriva a prgar un' cmod at ho fatt mi, an' intravvin mai, ch' i al possn cuntar, quand in' volon far al vers dla pigura: tuttm mò d' diuquanz, ch' au t' diss mi di pj. dedrj. Dop, ch' l' àv diu aquì, la ti vultò i garitt, e la povra Marchetta armas più morta che viva. La Regina però n' avvè finì d' mistizirs, anzi la s turnò a pruar s' la passè abbunir, mò la Marchetta tignn sempr dur, e mai volss dari bon' parol, e la Regina impruvvisament vultò l' amor in rabbia, es pinsò d' vleri far tutt al mal, ch' là passè. Pr' cminzar donca, la s' invintò una busj, ch' la s' fì lj al dida, es andò a fruar al Re, es i diss: mò al savù quella; sò mari diss: mò cosa? e la Regina: mò qual pdocch arfatt: ah: an' al sa donca? qual pagg nov, ch' vleva d' fil, ch' ai vlss ben, es ha avù tant ardiment d' dirul in sal mustazz; mò s' a digh, che gli in d' quel cos . . . e lù, ch' l' impara mó a fari tant carezz; mó basta, ai al digh vedal: s' an' al castiga lù, al castigarò mi, o ch' andarò vù, perchè an' al vui piò nè vedr nè sintir numinar. Al Re, ch' sintì sta gnaccara, subit, senza cercar altr, criss a sò mujer, es di ordn, ch' i sbirr chiappassn sù al pagg, e ch' i al cundussissn alla forca. La Marchetta, ch' saveva d' cert d' esser cundannà pr ngotta; la s' miss a dir, ch' an' era vera nilnt tutt quel cos pr l' qual l' andava alla mort, es dseva; zigand: ah, ch' partì oja da

piar? chi n'liberà, mì povra sagurada? allora as sintì l'eco arspendr: fada. La Marchetta, ch' sintì al nom dla donna, ch' i avvè dà qu' anell prima d' partìr, la guardò alla preda cmod la i avvè ditt, ch' la fiss. In tl'istess temp as sintì nna vos pr ajar, ch' dis: trei volt;

*Dsligal ben, sù canajazza,*

*Ch' al n è un om, ch' l' è una ragazza.*

Trei volt, cmod a digh, replicò sta vos, ch' fì tanta la gran pora a tutt, ch' fì al Re ai era vgnù la ternarij, perchè al scussò al palazz fin in tl cantin'. Al dì ordo, ch' i vgniss dinnanz la Marchetta, es i dis: cuntamla pur cmod l' è, ch' a la vui saver tutta: cmod sivr capità quì? cioè, con ch' intenzion sivr capità? chi sivr? Lj cminzò dalla nascita, dall' essr stà strulgà dall' ussir d' in t al palazz, cmod al vent la purtò a cà dla donna salvadga, e pò i cuntò l' blli galantarij, ch' proponeva la Regina, e a cont d' questi, dis, a son squaa sta impiccà ml. Al Re s' arcurdò, ch' verament al Re d' Vall Vattscossa i aveva scritt, ch' as i era str fantà una ragazza, es dis; la di donca essr questa, Cgnus-send donca, ch' l' n' ern sfrappl, ai vignn tanta rabbia dal brutt tratt d' sò mujer, ch' dal gran magon, al la fì aungar. Al mandò pò a tor al Re, e la Regina d' Vall Vattscossa, ch' al vols, ch' i vdlssn só fiola, e ch' i stlssn present al spusalizi, ch' al fì lù con lj, e ch' i fussn anca lor testimoni, ch' as verificò in qu' uccasion qual proverbi, ch' dis: con più l' è rotta la s cunza mii.

## La Fola del dou Crssent.

**A** I era una volta dou surell; uua aveva nom Luser-ta, e l' altra Troquła. Gli avvevn agn uua d' lor uua fiola. La Luertta aveva la sò, ch' aveva nom Marza, e quella dla Troquła, aveva nom Puzza. La Marza era quì bella, ch' au s' pssè vedr d' mli, es era altrtant bona, ch' la zent srè stà sigh tutt al dì, tant devvla mai gust a traitar sigh; mò la Puzza era nn diavvl dscadnà, es era pò d' zunta tant urrenda, ch' la feva pora, la feva rabbia pr l' una, e pr l' altra rason, pr la bruttezza, e pr la cattiviria, ch' la dsgustava tutt, ch' nessun i pssè star tra i pj; infia l' s'



arvisavv ogn'una alla mamma. La luserta, madr dla Marza, era la più bona pastona dal mond, e la Troquila, madr dla Puzza, era l'artratt d'la cattiviria. Ora una mattina la Luserta vle frizzr dl lumagh da bagnar pò in t al savor verd, es diss alla Marza sò fiola; va un poch a torm un calzedr d'acqua dla fontanina, ch' ai cusa dentr stj lumagh, che gli in pò mior. La Marza diss: mò si ben mamma, vluntira: mò savj cosa arissi da fir pr far una cosa, ch' stiss ben? am arissi da dar una d' quel crscent, ch' á purtà addess al furnar, ch' ain la magnarè là segond, 'ch' a impiss al calzedr, es bvrè d' qula bona acqua: mò tu pur, diss la Luserta, dandila crscent. La Marza andò vi con al calzedr, e mentr ch' l'aspttava, ch' al s'arimpiss l'arrivò lì una vecchia, ch' era tant china, ch' la n'pseva gnanch guardar ia sù, es arrivò just quand la Marza vlè dar al prim murgott alla crscent; la vecchia i diss: oh bella putta, damm un puctin d' qula crscent, ch' a pregarò pò ai cil, ch' av daga bona fortuna. La Marza, za, ch' arè dnà vial cor, s' l' aviss psù, l' arspò: mò vluntira, nunnua, tullila pur tutta: anu depias, ch' la n'è pasta d' zuccarin m ch' av la dare più vluntira. La vecchia, ch' vist sta gran amurvezza, la diss: oh sippt bndetta: at agur, ch' t' poss semp esse contenta; quand t' arfiad, ch' t' ussissa d' in bocca dl ros, e di zesmin, quand t' pettu, ch' at casca d' in testa del perl, e degl' ingranat, e quand t' mett i pj in terra, ch' ai nassa sotta dl viol, e di tulippan. La Marza la ringraziò, es turnò a cà a cusr l' sou lumagh, e pò magnarl. Quand la fu a qual' altra mattina a buora, innanz d' metters in t' al lavurir, la s vols prima pttuar, es vist ch' ai emorzò a cascar in s al grimbal tant l' gran perl, e degl' ingranat a furia, just emod i avè agnà la vecchia, la qual, emod avv' imazinarij, era una fada. Ora la ragazza chiamò la mamma con un' algrezza, ch mai, es eminzonn arcenjl in t' una scattla, e pò sò madr andò da un urevs a vendrl, ch' l' cavonn n sò quant duccastun. Menr ch' la mamma era fora d' cà pr far st cunirat, l' arrivò la zè, ch' vist la Marza, ch' era anch drl andar arcuand degli alr perl, ch' segnitavv a vgnir zò. La Troquila i dmandò: mò cos' è la qula cosa? mò emod favv a farl vgnir? La povra ragazza, ch' n' d'eva m i aver udì dir al pruverbi: *n' far quel, ch' t' pù, n magnar quell,*

*ch' t' cù . n spendr quell , ch' t' ha , e n' zanzar tutt quell , ch' t' sa* , la t mi cuntò sincerament la cosa tal , e qual. La zè subit avvù sta nutizia , cors a cà , seuzza aspttar la Luser-ta sò surella , e un' ora i parè mill ann d' psser preparar una crescent , cmod la fi , es la di alla sò fiulazza , insgnandi ch' l' andass alla funtanina. Quand gula straffantona fu là , ai era just gula vecchia , ch' i fi anch a lì la dmanda dla crs-sent ; mò la Puzza , ch' era la più gran tangarona , ch' fusa al mond , i arspos tutta instizzi : oh sí ; oh s' an' avi altra crs-sent che la mi , a in farj ben pò la vuja vù , vecchia tram-balla , e pò s la mls su in bocca in tri , o quattr beun. La vecchia , ch' vist la gran dscurtsi , ai vgn propri rabbia , es i diss : oh louva ! pust far dla schiumazza pr bocca agn' vol-ta , ch' t' arfiad , ch' t' fazz just l' bav cmod fa un gatt cu' al vol murir , e quand te t pettn , t' possa cascar zò da i ca-viazz di pzigutt de pducch , e dov t' mett i pj , ch' ai possa nassr d' qu' erba , ch' puzza ch' appesta. Quand la i àv fatt tutt sti agurazz , la vultò vj , e la Puzza ancha lì andò a cá. Sò madr subit la cminzò a pttnar , es tols dinnauz un burazz bianch ; mò che ? agn pttnà , al vgneva zò di fagutt d' bduc-ch , ch' l' era una schivezza ; sò madr batteva i pj dalla rab-bia , es n' savè dov s' star anch pr l' invidia , ch' l' aveva a sò surella. Intant mò l' è necessari a saver , ch' un fradlù dla Marza andò in cort dal Re d' Schionza , ch' am son dscur-dà d' dir , ch' l' aveva un fradell Un dì , ch' i curtsau ern lì dal Re a dscurrer , i vignì a dir d' quelli , ch' in belli. Al saltó sù Zon (ch' era al fradell dla Marza) es diss : oh pr vi d' belli donn , an' ho mlgà pò pora , ch' nssuna arriva a mi surella mi , perchè oltra all' essr bellissima , l' ha del prerogativ , ch' nssuna certo gli ha : l' ha trei cos pr l' qual l' è da pregiar purassà. Una in ti cavi , una in t' la bocca , e una in ti pj , che gli in virtù , ch' i ha dà una fada. Al Re , ch' sintì sta gran sparà , di ordn a Zon , ch' la fiss vgnir , perchè s' al la trovava tal qual al la descriveva , ai prumtte-va d' torla pr mujer. Zon diss fra lù : mò a srè ben mi matt , s' am lassass scappar un partì sì fatt. D' lugh al spi-di un om a posta a cà sò con una littra alla mamma , dov ai dseva , ch' la mandass pur là camminand la Marza , ch' ai era quì , e quì in volta la tal uccasion pr niaridarla. La Luserta sò madr aveva mó allora mal alla testa , es diss alla

Troquola sò surella, dis: d' grazia, Troquola, fam vù servizi d' cundur vi sta ragazza fin là da sò fradell; perchè a dirvla in cunfidenza, ai ho pora ch' al Re la vuja spusar. La Troquola düss in cor sò; mò am casca just al furnai in al lasagu lù, e pò ar-pos a sò surella: mò sì ben vluntira, a la cundurò ben mì dov l' ha d' andar, e quand fu a l' ordn al fagott, la s' imbarcò con la Marza, mò la tols anch sigla la Puzza sò fiola, e pò quand la fu in mezz al mar, in qual nientr ch' i marinar durmevn, la chiappò la Marza, st diavl d' sta vecchia, es la ficcò in mar. Mentr ch' sta povra tosa era in prucint d' affugars, al vign una più bella sirena, ch la tols sù in brazz, es la purtò in mar. Intant la Troquola tirò innanz al sò viaz: es arrivò a Schionza, es andonn a cort l'j, e la fiola. Zon i vign incontra, es pinsò, ch' quella, ch' al vdè la fuss la Marza sò surella, ch' fuss dvintà quai strampalament brutta. Al dseva in cor sò: tee—la n' era zà brisa quai l'j; mò al dsè pò: oh al di davvgnir dall' esser un pezz ch' an l' ho vista: mò pr altr, dis, a cminzen molt mal. Basta, al la cunduss diinnanz al Re, ch' la steva aspiatar. Subit al Re vols ch' la s' dstrigas i cavj lù present, Qui ai cminzò a vgnir zò una cundutta d' gula spurchizia, ch' fi vultar al stomgh al Re, e pò quand a i di un' ucchià, al vist, ch' la buffunava, e ch' ai vgneva fora dalla bocca una schiumazza, ch' pareva savunà, e pò sotto ai pj ai era nad dl' erba, ch' puzzava, ch' andrunava. Quand al vist tutt sti galantarj, d' lungli ai di al band, dsendi: cavvavn ben d' quì just addess tutt trj, e fa, ch' an' v' veda mai più, ch' an' m' scappass mì cvell dal man, e ti Zon, dis, a bon cont, ch' t' m' ha sì ben minchiunnà, t' andarà di a gli occhi dla cort a gvernal. Zon, e l donn andonn vi tutt scnttà, e lù Zon, ch' n' n' aveva colpa, andava pò quai dri a sti bisti, es l' lassava andar dov l' vlevvn, e lù s' artirrava in t' un pajar a pianzr la sò d' grazia. Gli occhi mò andavvn dri al mar, e la Marza (ch' era zà in mar con gula sirena) vgneva fora d' in tl' acqua, es i deva da maguar dla pasta d' marzapan, e pò da bevvr dl' acqua rosa, ch' sti bisti ern dvintà grass tonf! e grand quant è un videll, e la sira quand l' turnavvn a cà, l' passavvn pr un' urtsiu, ch' era sotto al fuestr dal Re, e pò cminzavvn a far qual vers, ch' l' soln far: cioè: cra cra cra, e dop quest l' parlavvn, mò

quell, ch'è al bell, l'parlavvn in rima: l'dsevvv una zira, ch'a n'sò mò precisament s l'è questa, ch'à dirò mè, mò ai pò essr poch svàri; l'dsevvv:

*Vdiv la luna? vdiv l'strel?*

*Vdiv al sol quant l'è mai bell?*

*E pur: s'ben ch' l'ha tant splendor.*

*Quella, ch' z' guerna ha più lusor.*

Al Re sinteva agn' sira sta musica, es i vlgv pinsir d' far chiamar Zon, e d' mandari dov andava sti occh, e cosa era mò quell, ch' l' dssevvv chi l' guernava, e pò cosa ai deva da magnar? Zon, ch' era sempr piangulent, al i arspos instizidel: mò cosa volal ch' ai daga? dis, l' magnin l' erba dal prà lor. Al Re n' armias cuntent d' sta nutizia, es di ordn a un servitor, ch' tgniss drì a Zon, e ch' vdiss in tutt i mod s' al psseva chiarirs dov andava sti besti. Al servitor vist, ch' in quant a Zon l'andava al pajar a pianzr, e ch' gli occh andavv da pr lor vers al mar, al stì li un poch, es vist vgnir fora sta gran bel a signora, ch' feva armagnr incantà dalla gran blezza. Subit al turnò indrj, es cors dal Re, es i diss: o sacra curona! oh ch' al vigna pur vj! al n ha zà mai vist la più bella cosa lù, es è in mezz al mar. Al Re n' passì mò correr zò just allora, mò ai vign tanta curiosità d' vder cosa l'era, ch' al turnò a dar ordn, ch' i al chiamassn qu'altra mattina quand Zon ammulava gli occh. Quasi finn, e lù i tign drj, ch' al n avè gnanch ligà i seffon. Zon armias al solit pajar, e al Re tirò innanz dedrj dagli occh. Quand l' funn là alla riva dal mar: mò bona: l' ussì fora la Marza, ch' i deva da magnar dla pasta d' Genva, e pò i feva bevvr a una caldarina d' acqua rosa. La Marza pò s' miss a sedr in s' una preda, es cminzò a dffars i cuccai dal pi-rucchin, es i dstrigava, e ogn' pttnà al vgneva zò un fagott d' peil, e d' ingranat, e dalla bocca ai usseva una nuvla d' ros, e d' zesmin, e sotto ai pì ai pareva un zardin, tant i era una quantità d' viol, e d' tulippan. Al Re, ch' vist sta tanja, diss: chiamà un pò Zon, ch' andamina s' al sà lù chi è sta bella fiola. Al vign, e quand al fu lì, al Re i murò là Marza, e pò i duandò s' al la cgnusseva? Zon arspos: un poco: es la cors abbrazzar, dsend: questa è la mè surlina: l'è mò quella, ch' ai dseva: mò n'erja da cumpatir? La Marza pò s' miss a cuntari tutt al tradiment, ch' i

avè fatt la Troqula , e al Re stava a udir agn cosa con un savor , ch' as vdeva , ch' al tettava , e pò s' vulò a Zon , dsend: um: um: avevi ben mò rason , quand a dsevi d' tnt sti prerogativ , ch' avè vostra surella: tantara: an in dsevi guanch dl' trei part una mezza: eh: mi per mi , dis , s' lan vol favorir , a la turò per sposa . La Marza arpos: l' fatt cos! al favor srà al mi lù in quant a quest; mò la soggiuns; ùl usservà , ch' piva è questa , ch' ai h' quì ligà a se pè? vedal , l' è una catena: l' è ben pò d' or , oh questo sì , mò , o quì , o quà , a son ligà da qula sirèna , ch' m' tols l' a protezzr quand i m' triun in mar , es m' tinn quì ligà , ch' an' m' poss guanch mettr una man dond s' sol dir , ch' an' ho una libertà al mond , l' è zà una maga , mò l' è nujosa , e quand mi par a li , ch' a staglia un pzzol andar a cà a la vurar , la dà un tirott alla catena , e li bsd andar , an i è ch' bair; l' è ben pò vera , la dsè , ch' an m' manca ngotta , mò ai ho anca mi i mi guai . Al Re diss: mó catt: an' i srè remedi de scavarla d' qui? mó al remedi i srè benissm lù , diss la Marza , bastarè aver una limtina sorda , e sgar sta catena , e pó farssla lù . Al Re arpos: mó lassa pur far a mi , dimatina a son quì con al servizi , es la port vi d' pra a casa , ch' ai prumett ch' la srà al mi occhi dritt , es i tucò la man pr segn dal spuzalizi . Lì turnò zò in tl' acqua , e là andò vl , ch' al brusava d' amor , e in tutta qula nou an' pssì mai srar un occhi dal gran pinsit a quel blezz , es i pars , ch' la fuss d' una lunghezza dsperpustà . Subit , ch' fu di , al s' fi dar da vstir , es andò con Zon , e una gran massa d' z'nt a trovar la Marza , ch' era zà là asptari . Al Re lù con l' sou propri man sgò la catena , e pò i di la man , es la fi saltar fra d' in t l' acqua ; ai era pò li ammanvà una bella carrozza , ch' ai intrò dentr i dū spus , es and nu al palazz , e lì s i trovò d' ordn dal Re tutt l' più nobil , e belli donn dla città , ch' s' avevvn da inchinar alla Marza , e cgnosserla pr Regina . Al fi pó brusar la signora zè pr al tralinent , ch' l' a è fatt alla nvoda , e alla Puzza ai di al band d' vira ; al mandò pò a tor la Luserta madr dla sposa , es i fi un' assegno a l' , e a Zon d' pan , vin , fass , pison , e un tant al mes fin ch' i campassn , ch' i stevvn da signori . I fin pò dl nozz sontuos , es dissu far la torta , ma a mi n' m' tucò ngotta .

## La Fola dl' sett Clombi.

**A**I era una volta in tla città d' Arzan una bona dun-  
nizola mariolà, ch' agn ann, agn ann la feva m fiol, es  
i feva tutt masch, ch' la i n' aveva in fina sett. Quisti quand  
i funn sù grandsitt, e ch' i visto, ch' una bona volta adma dr  
era gravda, ij dissn: sta a sintir, mamma: l' è mò tant,  
ch' andà dri fagand d' sti ragazz, e sempr masch, ch' nù sen  
mò stuff, ora s' an fa una femmna sta volta, nù sen risso-  
lut, ch' a vlen andar vî pr al mond, e lassarla cà, ch' an'  
savadi mai più nova d' nù. La mamma, ch' sinì sta tanta-  
nà, la s' deva all' impicch, ch' l' arè pur vlù far una fem-  
mna, tant, ch' sti tus stessn a cà, e ch' la n' i pidiis pr  
sempr, perchè la i vleva ben purassà. Basta, quand la fu  
d' cò e ch' la steva d' ora in ora pr parturir, i ragazz dissn  
a sò madr, (ch' aveva nom Zanarella) o-s, nù anden là sù  
in qula muntagna, ch' è quì indrett a la vostra finestra dla  
stanzia, s' a fa un masch, mtij un calamar in s' la finestra,  
mò s' a fa una femmna, mtij la rocca con al sò capplett,  
perchè s' a vdren st signal da donna, a turnaren tutt a cà,  
es staren quì con vù fina ch' a campen, mò s' l' è un masch,  
az n' anden, e mai più z' vdrì. Quand i fù funn andà, la  
Zanarella sù poch a parturir, es fi una bella zaquilina d' fem-  
mna. Lj tutta alligra dissn alla emar, ch' dissn al segn ai ra-  
gazz dla rocca, mó sta donna, ch' avè mò anch sintù nomi-  
nar al calamar, la s' imbrujò, e garbatament, da occa, la i  
niss al calamar, e lor pinsoni ch' al fuss un masch, es s' la  
finn a gamb. Quì eminzonn a camminar tant, ch' d' cò d'  
trì ann i di-sn, ch' i n' in vlevvn più saver, ch' i s' vlen  
fermar. I arrivonn a un bosch, ch' era bur bur pr la gran  
quantità d' albr, e in st bosch ai era la cà d' un' om s' lva-  
dgh, ch' era orb, es era dvintà quì, perchè ai era sta ca-  
và i ucch da una donna in qual menir ch' al durmeva: lù  
pr sta cosa avè pres tant a strina l' donn, ch' int quèlli, ch'  
al psseva aver, tant fussen pur sta, al s' raffiava. Sti zuvn  
dunca arrivonn a sta cà, e ch' i ern bi, e murt dalla strac-  
chezza pr al viaz, i battinn alla porta, es i dmand nn s' ai  
vlè far la linosua d' un becon d' pan. L' om salvadgh i ar-

spos, ch' lù i arè dà la spesa, s' i avvisen vlù star lì a servir: vù, dis, n' arj altr da far, sn' andara spendr, e condurm un di pron, perchè mi son orb, emod a vdj. A sti ragazz au' i pars vera d' aver trovà al magnar sicur, e s' armanu li. L' om salvadgh pó s' era fatt insegnar i sù num, es andava chiamand ora un, ora l' altr, segond ch' l' avè bisogn; al i aveva dà dou stanziotti da goder lì zò da bass, es la passavn mò anchi boin. In st mezz al passò di ann, es vign granda la surlina d' sti ragazz, es i avevvn miss nom Canna. Ora questa andava siutand dir dalla mamma d' sti sett fiù, ch' l' aveva, e ch' l' era sta cava la cmar, ch' s' era arradgà con al calamar, ch' a sta ragazza, dal gran ridir dir, a i era vgnù vuja d' andari a cercar, es rumpl tant al chittarrin a sò madr, ch' la i la lassò andar vsù da pilgrina. Questa s' miss a camminar, e cammina, e cammina; e da pr tutt, dov la passava, la dmandava nova d' sti sett fradje tant andò di dmandand, e arcercand, ch' quand al cil vols, la in sav nova a un' ustarj, e s' i fu ingnà la strà d' andar a qual bescr. Una matina a bunora l' arrivò là dai fradlin, es si di da cgnussr; lor i fin tanta cira ch' mai. I dsen' pò: eh si malanazza qual calamar, ch' fu lù cava, ch' andonn vi; basta, i conclusn, ch' i l aren tgnù li, es i dissn: nù v' daren una stanziina, mò avà ben al cor, ch' l' om salvadgh n ev senta, e pò guardà ben, ch' tutt quell, ch' nù v' andaren purtand da magnar, ch' al partadi sempr, e ch' a in dadi la mità alla gatta, ch' a vdj là in s qula scrauna, perchè mal gual a vù, e a nu, s' av al dscurdassi. La Canna diss: eh n ev dubità miga, au' ho pò pora mi d' dscurdarol, e semper i deva d' agn cosa, ch' l' s partevvn la robba da bon' surell fina a un fnocch. Ora al purtò al cas, ch' i su fradl ern andà a cumprar di pgnatt pr ordn dl' om salvadgh, es lassonn alla surlina dal zeis da cusr, es i dissn ch' la l mundass. Lì mó la puvrina in t al mundaral, la i cattò una grana trida tra mezz, la s la mias in bocca, n s' arcurdand dila gatta, senza darila mezza, ch' at imprumett ch' la fi bon prò alla povra diavla; perchè sta spira d' stagatta pr rabbia andò a pissar in mezz al fugh, es l' ammurio tutt. La Canna, n' savand emod s' far, es era tard, ch' l' era ora d' intr sù al mnestr, cosa filla? L' andò in ti stanzi dl' om salvadgh a tor dal fugh, perchè ai n' avè semper, mò i

sù fradj i avevvn dnt, ch' la n i andass: s' li fuss pò al-  
 manch sta quèda, zà, ch' l'om salvadgh n' i vdeva lura, au  
 s' in srev adlà, uó l'era tant la gran zanzira, ch' s' ben  
 ch' an i era ussuu, l'andò dlà esaggerand da pr l'j staven-  
 detta dla gatta, tant ch' l'j sintì la vos, es capì ch' l'era  
 qua donna. Al saltò in bistia, es dis: uh ben vigna maz:  
 aspetta pur. la mè ziquilina, ch' t ha trovà con ch' far i  
 tù, e subit l'andò quì a taston a trovar una preda da ra-  
 cur, es l'innzì d' ch, e pò emizò aguzzar i dnt pr ma-  
 gnarsla. La Canna, ch' vst, ch' l'cos piavvn brutta piga,  
 la chiappò sù camminand un rustezz impres, e cors dlà in  
 t la sò stanza, e pò srò l'uss, es i miss diinnanz di scrann,  
 dl bauzol, dl pr d, e insomma d'agn fatta zaviri pr forti-  
 ficarl. Quand l'om salvadgh àv aguzzà i dnt, al cors là  
 vers qual lugh dov l'aveva sinù andr qula vos, es emin-  
 zo a dar di calz in t' l'uss, con un flazzell sì grand, ch' al  
 pareva ch' al cascass la cà. In st mentr, ch' suzzdeva st  
 sgimbi, al turnò a cà i set fradj, ch' dmandonn: mò cosa  
 è st pla'tur? L'om salvadgh arpos: e un corn, i mè fan-  
 d-in: an arinssj l'belli zù: a savi pur quant ai ho in odi  
 l'femmu, e pò l'ignì quì per cà? a sì i gran razzi d' bic-  
 ch, Zangra i, ch' era al più grand, arpos: chi? nù? mò  
 an' savven miga ngotta, al pò essr che quist s' sippa ficcà in  
 cà in st mentr, ch' nù ern andà a cumprar st' pgnatt; mò,  
 dis, zà ch' la s' è srrà in cà, ai faren jùst la perand: vgnj  
 pur nosch, ch' a daren la volta dalla banda dl' ort, es i ar-  
 rivaren dedrj, dalla stanza, ch' li n s u accurzà, es i mna-  
 ren in s la testa. I chiappon pr man l'om salvadgh, es al  
 cundussn pr da una banda, ch' ai era un foss ben profond,  
 e quand ij furo sovra, i emi dinn un gran spintunazz, es  
 al battin in teira, ch' l' a dò in bsquizz. Quand al fu mort,  
 i tolssn una pala, es al cverssu d' terra. I andonn pò avrir  
 l'uss alla surella, es tin' la svillanzonn ben ben, p rechè l'avè  
 fatt qula gran mat'iria d' fars smir. ij dssn: àt mò vst,  
 braghira, a ch' prgnù a sen andà? almanch àv mò inzegn  
 pr l' avvgnir, e guarda ben mò, ch' an t scappass mai colt  
 dl' erba oltra lì dov al avven suppli là vè, perchè a dvinta-  
 renn subit tant ciumbin. La Canna arpos: oh certo: a son  
 minchiona a darv dañu, e quì lor s' in stevvn alligrament  
 es gadevvn la robba dl' om salvadgh aspttand, ch' passass i'



invern, ch' i vlevvn pò turnar a cà, e star con sò madr. Un di, ch' i fradj ern andà a far dla legna, perchè l'era un fredd, ch' se zlava, l'arrivò a qual bosch un povr pellgrin, ch' un gatt maimon i aveva tratt in s la testa una pigna da star su' in qu' albr, e al pellgrin i era sotto, e per sta botta d' sta pigna ai era vgon tant la strampalà brgnoqula, ch' al puvrett zigava, ch' al parè un dsprà. La Canina s' fi in s l'uss, es i vign da pianzr a vder qual povr om acquì arvinà; e camminand la c'rs in t l'ort pr mettr sù qualch pacchiugh in sta brgnoqula; la colt una cimma d' usmarin d' in t' un bell rudon, ch' era just sovra a qula terra dov era suppli l' om salvadgh, e pò biassò dal pan con dal sal, es fi a fuza d' un' unguintin es al mlss in s la brgnoqula: la fi pù intrar in cà st pellgrin, es i fi la suppa d' brod, e pò i cusì dla sussizza in t' una teja, e pò al mandò vl tutt cuntent, l'j pò s' mlss apparecchiar, perch' l' era tard, es andò a trar al vin, perchè i fradj n' avvisn d' aspttar quand i arrivavvn. Mentr, ch' l' era lì a sedr, ch' la i aspttava, la vist vgnir in cà sett-clumbin, ch' d'issn: mò at magnà al cervell con al pan, bambozza? tn' t' arcurdav, ch' tn' avvì da cujir l' usmarin lì drì nò? oh guarda ch' braghira! ch' vol far lì la quattrà d' medgar la brgnoqula ai altr, e pó arvina i sù fradj, ch' address per causa d' quest a sen mò dviutà sett clombi: at avven ben mò una bella ubbligazion, anquana, at l' avven pur düt; s' an t l' avvisn düt, t' sriss da cumpatir: vitt mò quì, ch' a pssen essr ammazzà da un' ora a un' altra däl falchett: quì pr nù an i è piú remedi, ch' a turnamun in t al nostr essr, s t nva a truar la madr dal temp, ch' sippa lì quella, ch' t' insegna cosa avven da far. La Cama stl sempr a udir sta lunga rumanzina con la bocca averta, innuccà, rossa, rossa, ch' la n' battè nè pè, nè pons. Quand i avvn pó una volta finì, la i dmandò perdnnanza, e pò i diss: tasj, tasj, ch' s' a deiss andar a cà dal diavl pr truar sta vecchia, m' i andarò: oh vutt altr! a tugh sù al vsti, e al travvtà, es i vagh m' i, oh a stò tanton: vù altr, dis, avj sempr da star in cà fina ch' a torn, ch' acquì a s'rl sicur dn essr magnà, e n' vagh pr d' quì, es vultò dov la s' abbattì, perch' zà a l'j tant i era a vultar pr d' zà, quant pr d' là, ch' in t agn mod la n saveva dov s' battè la testa. Quì la s' mlss a camminar, e cammina, e

cammina, e cammina ch mi cred, ch' la fiss trei mija l' ora, tant ch' l' arrivò alla riva dal mar; la vîst una gran balena, ch' parlò, es i diss: mò dov andav, bella putta? La Canna arpos: ch dov a vagh? mò a vagh a cercar la madr dal temp mi; la balena arpos: mò savj dov avj d' andar? tirà sempr dritt quì drit a sta sponda dal mar, e al prim fium ch' a trovà, tguivv pò in s' la man dritta, ch' li a truvàrj chi v in darà nova; mò dis: d' grazia fam nn servizi, la mi tosa: quand a vdi s'a vecchia, a vui ch' a la salutadi tant tant da part mi, e pò i dirì quì. Am manda quì la balena, es dmanda cosa la prevv mai far, ch' l' n' vrevv dar tant volt in scui, es n' vrè armagnr tant in s l' arena. La Canna arpos: mò sí ben, lassà pur far a mi, ch' av servirò, ancha mi v' son tant ubbligà, ch' am avì nùssa in s la bona vi, e quì a dirò com diss quell: una man lava l' altra; oss, dis, bondisgnerj, e pò tignn drit a qu'a sponda dal mar, e pò a qual fium, e quand l' avv fatt al viazz cmod i avè insegnà la balena, la s trovò in t' una bella campagna, in t' un prà bellissm tutt cvert d' malgarittin. Qui la trovò un pondgh: mò e ch' mustazz d' pondgh! l' era lungn un brazz, quest i dmandó: mò cosa favv quì da pr vù? cmod v' lassni andar quì sola per la strà? dov andavv. La Canna arpos: a vagh dalla madr dal temp mi, es è pur tant, ch' asli pr trovarla. Al pondgh arpos: oh l' è quì a mur, dis, ai vol altr, innanz, ch' a la cattadi, mò n ev perdj mlgò però d' anm: vdiv là quel muntagn? oh ben: avj mó d' andar là, ch' a truvàrj infallibilment chi v in darà nova, mò d' grazia famun un serviciin: mi vrè ch' a dmandassi a qu'a vecchia cosa a prenn mai far nù altr pundgh pr dffenderz dai gatt, perchè l' á tanta la gran pazienza, ch' lor z' voln sempr magnar: d' grazia n' val dscurdà, e cmandam pò ancha mi, s' a son bon. La Canna i prumiss d' servirl, è pò s' avvjà a quel muntagn, ch' si ben ch' l' parevv n vsin, an' si arrivava mai. Basta, quand al cil vols, la i arrivò, mò l' era stracca morta, ch' la n pssè piú aver al fià! la s nùss a sedr, es vîst un nuvl d' furnigh, ch' ern tant fiss, ch' al parè, ch' passass un' esercit; gli ern drit arponders al furment, ch' l' n' avevv tutti una grau pron. Una d' questi, ch' dseva essr la capuriona, s vultò alla Canna, dendi: oh, av salut, bella fiola: mò chi siv? dov andav?

La Canna, ch' era zà, cniò a diss, una zanzira, taccó buttazz, es cminzò: ah s' a savissi! a vagh a cercar la madr dal temp, perchè ai ho un gran bisogn d' parlar sgh pr n' sò quant cos; la furmiga diss: tirà pur innanz anch un pucclun, ch' quand a srj slontanà da sti muntagn, a trovarj una gran largura, e lì ai srà chi v' mtrà in s' la bona vè, mò, diss, a vrè mò ch' ancia vù m' fissi a mi un servizi: s' a pssissi tirar sù pr i pj sta vecchia, e quì con bella manita dscalzarla, tant, ch' la z insignass un remedi pr campar un pzzol, perchè, dis, vdiv? address a fenn sta gran fadiga d' purtar vè tutt st furment, e pò tù: al n' è appena in cà, ch' nù muren, mì la m sa una mattiria. La Canna diss: mò sì ben, ch' a i al dmandarò, lassà pur far a mi, forse ch' an v' son ubbligà! La tols pò sù, es andò a qula largura, ch' i avvè diù la furmiga: la i trovò una gran querza. St' albr ancia lù parlò: dis: oh guardà, nmamj! la garbata zuvnetta! mò dov andav, ch' a sì quì scalmanà? intiv a sedr quì sotta al mi brocch, sta quì un poch all' ora: diav! av vgnarà un' infiammazion d' pett vdi. La Canna arspos: oh ubbligà, ubbligà, a vagh vè in frezza a cercar la madr dal temp. La querza arspos: eh ai sì poch lontan, cm' avissi da camminar anch un di, l' è tutt quei ch' i pò essr; mò, la soggiuns, d' grazia, zà ch' a sì quì blina, sià mò anch curtesa, e fam servizi d' procurar d' saver da qula vecchia cosa a prevv far pr turnar in s al mi unor, perchè una volta al temp antigh la janda al la magnava anch' l' zent, ch' avven' garb, mò address i la dann sol ai purzj: mì am d'sper tant . . . la Canna diss: eh a vdrò ben nij d' saver cvell. Quì la turnò a camminar, e dai, ch' la puvrazza n' piava mai fià, tant ch' l' arrivò a pè d' una muntagna alta alta, ch' pareva tucçar l' nuvvl, e lì la i trovò un vecchin, ch' s' vdeva, ch' era stracch mort, e s' era miss a sedr in s' una masdina d' fen. Quand st om vist la Canna, al l' arcgnussì subit pr quella, ch' i avveva medgà la brgnoqula, perchè, s' avv arcurdà, a cuntò zà d' qual pellgrin, ch' la i avvè fatt quì impiastr, ora l' era mò st' om, ch' era là, e anch la Canna l' arcgnussì lù, es i cuntò cosa l' andava a cercar; lù diss: mò bsgnarè, ch' andass just address mì a qula cà, perchè bsd, ch' a vaga a purtar la pison al temp, ch' l' è un faulin quell, ch' n' porta miga d' groppa vdi, e savj, an'

guarda in t al mustazz a nssun, mò massin pò ai vicch al nì la perdona: sta pison mò, o sti frutt, ch' ai ho ditt, ch' al bso ch' ai paga, i in mò i travai, l' malattj, e pò in ultim la mort: ora, fiola mi, zà ch' am fissi vù a mì qual gran servizi d' medgarin la brgnoqula, a vui mò address anch mì farvvn un a vù; mì am dspias, ch' an v' poss accompagnar, perchè àn nì poss arampigar, mò intant, dam beq ment vdi. Avj da saver, ch' là sù in cima a qula montagna ai truvvarj un maled d' una cà, ch' nssun s' arcorda d' averla mai vista nova, la casca da tutt i cù: tutt i pilastr, e l' fnestr, e i uss, agn cosa è sbrindalà, e in somma an' i è altr d' bon sn' l' arma, ch' è sovra alla porta; in st' arma ai è una bisca, ch' s' morsga la cò, un cerv, un corv, e una fenlzz; questa mó è l' arma dal temp, e questa è la só cà. Quand a srì dentr in t la lozza, a vdrj n pr terra dl lìm, di cadnazz, di falin, di sigul, e di cintunara d' caldarin' più d' zendr, ch' a i è scritt sù i num dl città, ch' i eron una volta, e ch' address u' i in più, perchè qula bona limosna dal temp gli ha mandà in tant razz, e lù tinn mò quasi sti num, perchè ai pias d' vder l' sou prudezz. Ora donca quand a sù l' da sta cà, arpiattavv infina ch' ussìs al temp: subit, ch' lù è fora dall' uss, e vù tacch; ficcavv in cà, ch' a truvvarj una vecchia, vecchia, vecchia, ch' ha una barba lunga, lunga, ch' i arriva fin in terra, e pò ha una gobba tant aguzza, ch' al par squas ch' la tocca al cil; l' ha i cavj gross, ch' i parnn una cuvazza d' un cavall, es i arrivvn zò pr i garitt, al mustazz pò an' in digh altr, tant èl mai urend; al par una randiglia da tudesch, tant i è mai dl cresp gross. Sta vecchia la sta a sedr in s' un' arlui, ch' é attaccà a un mur, mò vù la n' v' vdrà, perchè l' ha i palpidr di ucch, ch' in tant grand, ch' i cruvvn la vista. Vù, cm' a si là, avj subit da tor vù l' cuntrappis all' arlui, e pò allora chiamà la vecchia, e dsj: an, nunnina, av' prigh, ch' am dsadi tutt quel, ch' a vui saver. Lì subit darà una vos a sò fiol, perchè al v vigna a magnar, mò la u' s la cavarà, perchè al mancarà i pis all' arlui, e qual zaqulin dal temp n' prà camminar, e quì, s la crppass, bsagnarà ch' la v' diga quell, ch' a vù saver: mò guardà ben, fiola mi, d n' credr a nssun d' qui scunzur, ch' la s' trarrà; fina ch' la n zura pr gli ali d' sò fiol, oh a' lora dai fè, e fa quell

ch'la v dirà, ch' a srrj cuntenta. Quand st vecchìn i àv insgna tutt sti cos, l' armas in t' un atm d-fatt, ch' l' andò in polvr, es murì. La Canna tols sù quel zendr, pianzand pr al dsgust, e pò fì una busa in terra, es al supplì. L' andò pò finalment a sta muntagna, ch' av imprumett, ch' la fì di ansr, e ch' ai vign fain; la stì pò aspttar, ch' ussiss fora d' cà al temp, ch' vign, es vist ch' l' aveva una barba più lunga, ch' al n' era lù. L' era un vecch baraban, ch' aveva un frajol quàs pìn d' toppi, e tant vecch, ch' ai era più pezz, ch' n' è d' iu t l' ann; al i aveva pò cusì sovra tant cartsìn, ch' ern i num d' quest, e d' qu' altr, tutta zent, ch' l' era andà dstruzzand; l' aveva gli al grand grand, es curreva quàs fort, ch' in t' un batt d' occh la Canna al pers d' vista. Basta, la s' ficcò in cà, es vist la vecchia, ch' av digh ch' l' àv a inspirtar dalla pora a vedr qula figura. Subit la chiappò i pis dl' arlui, e pò diss alla vecchia, ch' la vleva saver tutt l' cos, ch' la i arè dmandà. La vecchia trì un gran zigh, es chiamò sò fiol, mò la Canna diss: eli la mi vecchina, a pssì ben scussar al taffanari quant a vlj, ch' al fiol an' al vdj cert, fin ch' ai ho mìn man sti cuntrappis. Quand la vecchia vist, ch' an' i era cirott, ch' al fiol vgniss, la eminzò andar con l' mulsin, es i dseva: oh, mi fiola lassal vgnir, sù, la mi cocca, ch' t n' impediss al viaz al temp: oh sù ben mò, ch' vut ch' al sava? nssun s' è mai dà st vant vè, oh zò, slpp mò buulina; at zur per dis bacch s t lass i cuntrappis, ch' an t' farò mal nssun. La Canna diss: eh piusà vù, gnanch con sta mundj a n piarj l' mì gallin. La vecchia seguitò: at zur pr la nostra dondla, ch' a t dirò tutt quell, ch' t' vù saver; e la Canna tgnè ditt: ch an' son miga da Gubbi vdè, la mi vecchina: erddiv ch' an sava, ch' an' avj da dir acquì? tant ch' la vecchia in malora diss: oss at zur pr l' gli al d' mi fiol, ch svulatn da pr tutt, ch' at vù cuntintar anch più d' quell, ch' t' erri? Allora la Canna lassò andar i pis, es basò la man alla vecchia, ch' puzzava d' stinfi, ch' l' ammurhava. Alla vecchia ai piasì tant sta galantarj d' qula ragazza, ch' la i diss: oss fa quàs! arpiattat dop alla porta, che quand m' fiol srrà vgnù, ai dimandarò tutt quell, ch' t' vù saver, e pò quand al turnarà adar vù, perchè zà an sta mai ferm, t' pù pò sbittar vù; mò guarda ben, la mi tosa, du' t' far sintir, perchè l' è tant al gran luvazz, ch' tant s' fa

prò d' rusgar anch i zuvùtt: an t' digh altr: quand al n' ha munt da magnar, el s' magna da pr lù, e pò torna insem, ch' mi u' sò cmod al s' fazza. La Canna prumiss d' far a puntin quell, ch' l' avè ditt la vecchia, e in qual mentr, ch' i aspttavva, ch' vgniss a cà st parigin, la Canna cuntò alla vecchia tutt quel ch' la vlè saver. Da lì a un pucclùn arrivó al temp, ch' subit s' miss a rusgar tutt quell, ch' al vdeva, mò al feva d' una prestezza, ch' an s' in psseva gnanch accorzer, es rusgava fin la calzina, ch' era dri al murai. Al vleva pò subit turnar fora d' cà, mó la mamma s' livò sù camminand, es i diss: an, fiol mi, at prigh, ch' t' stagh in cà tant ch' at dmanda n' sò quant cussletti, ch' a vrè saver: famm mò st servizi d' arspndrem a cosa pr cosa. La i cminzò pò a dmandar tutt quel tintinagh, ch' vlè saver la Canna. Al temp i sti, e stiutò arspndr, e pò quand i pars, al diss: a qu' albr a si pò dir, ch' an' pò mai essr piasù dalla zeut, perchè al tìn arpiattà sotto al sou radis un tsor; ai pundgh, ch' in srran mai sicur dai gatt fina, ch' in i attacchin un campauell al zamp per sintiri quand i vinnin; al furnigh, ch' el camparen' cent ann, s' l' pssissn dmettr d' far gli ali, perchè, dis, a savj zà, mamma, che quand la furniga vol murir, la fa gli ali; alla balena, ch' la s' tigna amigh al pondgh marin, ch' ai servirà d' guida pr n' andar mai alla traversa; e pò al sett clumbin, che quand l s arpuassaran in' s la colonna dla ricchezza, l' turnaran in t al sò essr: Subit ch' l' av dà tutt sti arspost, al sparì ví cm' un vent. La Canna s' tols bona licenzia dalla vecchia, es la riu-graziò, e pò s' cminzò a ruzzlar zó da quel muntagn, tant camminavla fort. Deò dal Mont la víst l' sett clumbin, ch' ern vgnù a cercar nova d' l'j, es ern stracch madur dal gran vular; pr arpuassars, gli andonn tutt sett in s l' corn d' un bò, ch' era mort, e subit, mó subit vdi, ch' ij avvn miss sù i pí, i turnonn a dvintar bi zuvùtt, just cmod i ern alla prima. l ern pò quí, es maravvjavn, perchè i ern mò turnà quí, es n' savvevn pò d' algrezza d' che; la Canna diss: mò ancha mi m' maravei, ch' a sí turnà zà mò, perchè al temp ha ditt ch' a turnarj in t' al vostr essr quand avv arpuassarj in t la colonna dla ricchezza: e quí mò dov è la sta colouna? mò qui ragazz, ch' ern mò sta a schola, i avvevn sintù dir al sò mestr, ch' al corn era dpint dal zeut,

pr significar l'abbundanza, cioè. ch' un cos iu s' qu' andar era chiamà cornucopi, simbol dl'abbundanza, e da quest i caplno, ch' al temp avè vlà significar sta cosa, av lass in-mazinar l'algrezza, ch'i avn tutt dal vder, ch' l'era finl i sù guai. I turnonn indrj pr la strà, ch' l'j avè fatt, pr andar rindand tutt sti arspost, ch' l' avè da dar. Alla prima i truvonn la querza, e la Canna i di l' arsposta, ch' i avè dà al temp. L' albr diss: ah: ai ho un tsor! mò n' t maraviar; bon, bon: mò al di donca essr pr quell, ch' la zent n' m stlma, mò cara vù famm donca servizi d' toral vi st' intrigh d' st tsor, ch' al digh aver sotta al radis. Quì sett zuvntt truvonn una zappa in t' un ort, es cminzonn a cavar dla terra, tant ch i arrivonn a trovar una gran pgnat-ta, ch' era plna, plna quant iju psseva star tutta d' unghr, e zecchin; lor in fin ott part pr psseri purtar comdament, es dinn la sò part alla Canna, e pó andonn vù tutt alligr. Mò i ern talment stracch pr al viaz, e dal gran pes di quat-trin, ch' i s missn a sedr, e s' addurmintònn vsln a una ze-da; crit ch i fussn mammalucch? In st mentral vgn una man d' assassn, es i tolsn tutt i quatrin, cmod ogn un s' pò in-mazinar; ij ligonn prima l' man, e i pj a di albr, e pó s la finn a gamb con al servizi in bissacca. Quì as pò mò credr al gran affann, ch' i avevn, massm ch i cgnussevn, ch' i n' avevn avù colpa lor pr sò poca diligenza, appena i avevn avù la fortuna, ch' al diampr i la purtò vj; i avevn pò anch pora, ch' un qualch lov n i vgniss a magnar, è lor n' s' pssevn dffendr, perchè i ernn ligà. Mentr, ch' i s' andavvn rammaricand, l' arrivò al pondgh, ch' era vgnù oltra ll pr aver la risposta dalla Canna, quand la turnava indrj. La Canna i al diss, mustrand i sou miseri. Al pondgh s' allgrò dl' avvis, ch i deva al temp, e pr benemerit al s' mis a rusgar tutt quel cord, ch' i tgnevn ligà, tant chi pssinn scappar vj. Quand i avvn camminà un alur bon pzzol, i truvonn la furmiga; la Canna i di la só arsposta, e la fur-miga i dimandò: mò cosa avviv, la mi tosa, ch' a sì qust bisa? La Canna i cuntò la scagazza, ch' i avevn avù pr vj d' qui ladr. La furmiga diss, mò tasj ch' av casca al fur-mai in s l lasagn: savà, ch' adless poch fa mi andava zó in i' una busa arpundand dal furment, es ho vist nù uu cert lugh dov qustor i purtavvn dla robba, ch' i s in fatta a fuz-

za d' un andavin sott terra, e mi zurarè, ch' ai è anch i vustr quattrin, address i in fora d' cà, ch' i srran andà a rubbar in qualch lugh; s' a vlv vgnir migh, nò v i cundugh d' posta, es v' pssl tor indrj la vostra robba. Lor s i attaccon, es i andavn tgnand dri; la i mnò in dl bus, ch' ernn sotta a dl cà tutt dsfabbricà, e pò i diss: vdj mò quì al lugh dov è la vostra muneda. Al piú grand, ch' era mustazz piú bronzin d' qui altr, sblisgò zò, es chiappò tutt i sù quattrin, ch' an' ijn mancava guanch un, e pò presn la vè dal mar. Là i truvonn la balena, es i dinn la risposta dal temp, e pó sunn un pzzol lì da li a cuntari tutt al sò viaz, e cosa i era intravvgnù, e quì zanza address d' una cosa, zanza address d' un' altra, tant ch' al passò quì un pzzulett. In t al piú bell dal zanzar, cos èl, cosa n' èl? as ved arri-var da luntan i assassín, ch' curevvn, perchè i s' ernn accort, ch' ai era sta tolt al tsor, es cercavu, chi l' aveva avvù. Quand i puvr zuvvn i vlstn, an i armas una gozza d' sangu addoss; ossù, i dissn: schiavo devotissm: l' è ben mò address, ch' anden a pilastrin: vdij lì, ch' i àn l' pistoll, e gn' cosa, ch' i z voln ammazzar. La balena arpos: ah: i v voln fnucchiar, dis, dov sonja mi, ch' v' dfindrò? av son mi tant ubbliga a vù, e massm quì a sta zuvnetta, ch' a cercarò ben mi, ch' u' v intravvigna mìnt: fà quì; muntam in s la schina, ch' mi v' purtarò a salvament. I puvritt ai pars un pan unt sta proferta, perchè i s vdevvn qulor lì al spall; i muntonn in s la balena, la qual se sluntanò dai scul, es i purtò indritt a Napl, e pò i dmandò: vlvv ch' av lassà quì? al piú grand arpos: mò s' as pssess far a manch, mi nò, ch' an m' piarsè d' armagnr quì. La balena tirò piú innanz, e pò diss:

*Dsim un poch, i mi zuvnìtt,*

*Vlvv armagnr quì in st drìtt!*

*O avviv gust d' andar a Roma?*

Lor arposn:

*Oh nò miga: oh nò a nssun patt,*

*Ch' l' è al paes dov s' doma i matt,*

Li fì dl altr viaz; e pó turnò a dmandar:

*Dsim un poch, i mi zuvnìtt,*

*Vlvv, ch' av lassà quì in st drìtt?*

*O ch' andammn vers Bulogna?*



La Canna arspòs:

*Mi pr dirla an' i vrè vgnir,  
Pr ch' la zent n' avìss da dir:  
Ah l' è quella, ch' scapò vj,  
Vittla quì, ch' la torna indrj.*

Finalment la balena diss:

*Eh, i mi tus, m' v' ho za intes,  
A vlj andar tutt al paes:  
Ossù pur vgnj v' pian pian,  
Ch' av cundugha tutt a Arzan.*

Quand i fradj sintìnn numinar la sò patria, i s algronn tutt perchè in' vlevv just andar sn lj. La balena i cunduss alla riva, e lor smuntonn, e in t al licenziarla, i s destruzìnn in ringraziamint. I andonn pó a cà dla mamma, dov i stìnn sempr in papardina; i cumpron di lugh, e di cà, es vgn ver qual pruverbi, ch' dis: al mond è d' chi al sà godr.

## La Fola dal Corv.

**D**is, ch' ai era una volta un Re, ch' aveva nom Mluzz, al sò regn s' chimava Frasca Umbrosa. St signor era talment innamorà dla caccia, ch' lù n' aveva mai altr in pinsir; an' deva gli udienzi, an badava niint al sò stat, ch' agn cosa andava alla malora pr badar a qulazirra d' qula caccia, e cm' al vlevi, al vgneva a cà tutt alligr, perch' l' avè amazzà ó una livra, ò un cerv, ò ch' soja mi. Un dì, ch' l' era zà andà pr st divertiment, l' arrivò in t' un bosch umbrosissm, al vist lì in terra un bell pezz d' marm, ch' ai era sù un corv, ch' as cgnusseva, ch' l' era stà amazzà just allora, perchè ai era al sangu, ch' era fresch, fresch, ch' aveva schiattinà tutt qual marm, ch' era cand, es steva tant ben qual bell ross d' qual sangu con al bianch d' qual marin, ch' al Re s' incantò un gran pezz a guardari, e pò trì un gran suspir, dsend: oh s' a pssiss aver m' una mujer, ch' fuss quì bianca, e rossa cmod è qual marm, e qual sangu, e pò ch' aviss i cavj nigr cmod è l' penn d' st corv, m' n' sarè cosa m' vler. Al s' m'iss, dop ch' l' av sparà sta sentenza, a pinsari tant, ch' l' era armas immobil cm' una statva; es n' concludeva d' andar v'ì; mò al bell è mó, ch' quand al

fu cavà d'li, an' pinsàva a altr, che a figurars d' vder una donna, ch' avlss sti qualità, e perchè an' crdeva d' psserla truvà, ai vign tanta malincun, ch' al cminzò a perdr l' aptit, pò vgnir smort, e pò secch cm' un stllon. Un sò fradell, ch' aveva nom Znarell, vdand ch' stom s' andava dstruzzand, senza ch' s' saviss al perchè, un dí al i andò in t la stanza, es i diss: mò che nova? cosa è quest, ch' an dà più nè in buss, nè in bass? s' avj cvell, ch' v' daga fastidi, ch' n al dsivv con vostr fradell? s' avj mal, dsil, ch' a mandareu a tor al duttor. Mluzz arspos: eh pinsà vù: al mal, ch' ai ho mi, an' i è remedi. Znarell, ch' sinti sta dsprazion, arspos: mò in tanta malora, cos ela sta cosa? al' sti tant dri a sò fradell, ch' finalment quest i cuntò la cosa dal marin, es soggiuns, erdim ch' an' arò ben, fina ch' an trov una donna sì fatta. Znarell diss: mò catt, lassa un pò far a mi, ch' a zirarò tant al mond, fina ch' ai n' ho accattà una sì fatta, es v' digh d' più, ch' an torn in sti band, fina ch' an ho migh una donna tajà in s' al mudell, ch' a vrissi vù. Subit al fi ammanvar una nav pìna rasa d' tutt quant l' galantari, e pò cmiuzò a zirar pr l' quattr part dal mond; lù s' era vsti dà mercant, e al prim viaz al le fi a Venezia; d' li al s fi far la fed dla sanità, es andò in Levant, e pò in t al Cajir. Quand al fu in t la principal città, al smuntò, es vist un, ch' aveva un bell falcon da vendr; lù al cunprò pr purtarl a dunar a sò fradell, ch' s' deltava tant d' sti cos. Quand l' av fatt n sò quant pass, l' incuntrò un' altr, ch' aveva al più superb cavall, ch' s' fuss mai vist, e lò compra, pr dunarl a sò fradell: es fava mettr ogn cosa in t la nav. Al vols pò andar a un' ustarj pr far qulazion; al la fi, e pò s' miss a spaszar pr la città, e guardar in t al mustazz a tutt l' donn, ch' l' incuntrava, e pò tutt quelli, ch' al vdeva al fnestr, perchè l' arè pur vlù psser truvà una dal gust d' sò fradell: l' andava stervland i ucch da pr tutt, al paré pò più tost smarri, ch' al dseva aver pora, ch' qualch una i dsiss villanì pr st gran sbrlucchiar. Mentr ch' l' era in st gran da far, l' incuntrò un puvrazz tutt randlent, pln d' bulett ia t al mustazz, ah' i diss: ulh, galantom, cos al, ch' l' è quì bis? dis, al par ch' a siadi travajà. Znarell arspos: oh adess sì, a son ben mò vgnù a bon mercà: ai arò lasi, s' a vui andar cuntand cosa ai ho a tutt quì ch' a incontr, a srè

just d' cò dman mí, Al puvrett replicó; mò adasi un poch, lustrissin: ai è sta di piú bí balbarín d' lù, ch' m' àn cuntà i fatt sù, es n' n' àn fatt tant pladur: dis, acquisi trist cmod la m ved, forse ch' ai sarev dar qualch ajut. Znarell capì, ch' st' puvr inguanguel avè pò anch judizi, e s' arssols d' cuntari cosa l' era vgnù a far in qual paes. Quand al cercant sintì sta cosa, al díss, mó pian pur, ch' a sò mí un lugh, ch' ai è una zò na, ch' av digh mó mí, ch' par fatta a posta; dis: mí battrò a gula porta, fagand vsta d' cercar la limosna, questa s' fàrà alla fnestra pr farm la carità, cmod la fa sempr; l' è fiola d' un negrumant, mo l' è bella, es n' par, ch' a zurarè, ch' la srà al sò cas: ch' aj guarda, ch' al la cuntepla, ch' mi n' cred, ch' al prà desiderar d' mfi. Quand l' av ditt quisi, al s' avvjó innanz, es battì a una porta, e subit s' fi alla fnestra sta zovna, ch' avè nom sgnora Livia, es díss al puvrett: tulí st pzzol d' pan. Instant Znarell i guardava, es vst ch' l' era d' posta quella, ch' al cercava, ch' gnanch s' al s la fuss fatta far: al dí una bona manza a qual cercant, es al mandò a far i fatt sù. Lù pó turnò alla casa dov l' alluzzava, es se vstí da spazzín con l' scattl in sl l' spall, ch' ern pín' d' tutt quell, ch' psseva mai vgnir in testa; al passò dinnanz alla casa dla sgnora Livia, es cminzò a cridar: *chi vol di pizz d' Fiandra, chi vol dla tela d' Ollanda, chi vol di bi vintai, e dl' sfilz d' curai, dl' palattin' vgnù d' Franza, di fissù all' ultima usanza, dla bittiglia arcamà, e dl curdell d' bruccà*. La sgnora Livia, ch' sintì tutt stì belli cos, s' fi alla fnestra, es al chiamò in cà, e pò s' müss a guardar con grau gust a tutt sti galantarj, e quand l' av sberlucchià quant i pars, la i díss: oh munù, ch' am mostra mò cvell altr; lù arspòs: oh sgnora, quest ch' l' ha vist, è just un vada: bsgnarè, ch' la vdiss cosa ai ho in t la nav: ai ho dl cos, ch' faren' incautar: cos da Regina. La Livjina, ch' era zà curinsa, cmod è ubbligà a essr tutt l' donn, la díss: nm: s' ai fuss pur al sgnor padr in casa, ch' a vrè cl' al mì cunduss. Znarell arspòs: mò just perchè al n i è, l' ha da vgnir, perchè s' ai fuss, chi sa s' ai la lassass vgnir? eh, dis, s la vinn, ai vui far vder dla robba.....ai ho dl stoff, di ganz d' or, e d' arzent, di vlnu, di pettanler tutt arcamà, dl sfilz d' perl: basta, la vdrà s' a digh al ver: sù pur, dis, quant stala?

in t' un battr d' occh la và, es vinn. La Livjina chiamò subito una donna, ch' era arrivà lì allora per tor d' filar, dsendi, ch' l' andass s'igh, es andonn tutt insem alla nav. Lor intronn dentr, e in qual mentr Znarell, ch' andava mustrand tutt sti maravej, e ch' la tosa era lì incantà, al fi zegn ai marinar, ch' alzassn la vela, e ch' i andassn, e innanz ch' la signora Livia s' accurziss d' andar vj, l' era zà luntan da cà sò dl mija, e mija. Quand la s' n' addl, la fi di piangulamint, e di zigh, ch' andavvn al strell. Znarell la lassò cantar un pezz, e pó saltò sù, dis o zò ben mò, ch' la tasa lì: la n sà, ch' la và a spusar un Re? la i dis una busca lì a una cosa s' fatta? mò l' è ch' la vdrà al più bell om, ch' s'ippa al mond: garbat, vedla: ah ch' la staga pur quidina, la vdrà ben con ch' amor al la trattarà. La Livina s' i cminzò pò accumudar l'j, quand la sintì tutt sti furion, es arspos: os mi n in vui donca saver, concluden donca d' andar in là camminand, tant ch' a vedda st' è bell om. La nav andava, ch' la vulava, e Znarell s' iuzgnava d' farla star all' gramment, ch' i zugavvn all' occa, e a tri sett; mò quand i funn un bon pezz in là, as mudò al vent, e la nav s' vultava d' sotta in sù, e al marinar mazzor cminzò a cridar: fiù, ognun bada pr sè, perchè al vinn una timpesta, ch' ai ho pora ch' z' vuja far suspirar, al cil z la manda bona. Tutt s' dèvv d' atorn, perchè la nav n' spruffundass; Znarell era tutt smarri, es andò là dal timon pr vder con un cannuccjal s' as dscriveva paes. Ment' ch' l' usservava cosa s' srev pssù far, al v'ist passar un clomb, e una clomba, ch' s' s'fermonn propri lì vsin vsin dov l' era lù; al cminzò a sentir al masch, ch' feva qual solit vers, chi fan! run run run run, e la clomba parlò, es i dmandò: cosa at, mi marri, ch' t' fa qual lament? Al clomb arspos: mò ai ho d'egust, perchè st povr prencip, ch' è quì in sta nav, ha cumpià un falcon, e quest cavarè i uoch a sò fradell, e s' ai fuss chi n i al vliss putar, o pur chi al vliss avvisar, preda d' marm ha da dvintar. Subit ch' al clomb àvv dà sta annunziadura, al turnò a prillars tond tond, e far la solita tugnana: run run run run. La clomba turnò a dmandar: oh cosa i e mò d' nov un' altra volta? t' ha turnà a bruotlar ti. Al clomb repplicò: ai è un altr guai: st prencip ha anch cumprà un bell cavall da dunar a sò fradell, mò bsò mò saver, ch' la

prima volta ch' al Re al cavalcarà , al s' rumprà al coll  
lò , tolè , e s' ai fuss chi n i al vliss purtar , o pur chi al  
vliss avvisar , preda d' marm ha da dvintar. Ditt , e fatt ,  
ch' l' av dilt anch questa , as turnò a scussar , e pò : run run  
run run. La clomba diss : mò tm par mò una todna mí , dis ,  
an s' od altr che : run run run run : cosa t' casca mò adess?  
Al clomb arspos : mò sent questa : st prencip quì cundus una  
bella mujer al Re só fradell , mò la prinia sira ch' i sran a  
lett , i sran magnà tutt dù da un dragunazz , e s' ai fuss chi  
n la vliss guidar , o pur chi al vliss avvisar , preda d' marm  
ha da dvintar. Subit , ch' al clomb av da st terz av-  
vis , al passò la burrasca in mar , e i clomb vulonn vi. Mò  
s al passò la timpesta , al vgn ben tant al grán sgumbli in  
t al stomgli al prencip Znarell , es armas ben quì sudsovrà ,  
ch' an savè , ch' partì s' piar. Al dseva : cosa oja da far? s'  
mì cont tutt sti cos a mi fradell , tant ch' al s in guarda , mì  
dvent d' inarm , s' an i l cont , al srà subit ammazzà , mò ch'  
partì oja mai da piar? a dirla pò , al tocca più la camisa ,  
ch' n' fa al zibbon , ch' a vui mò dir , ch' pr salvar lù , an m'  
piarsè pò gnanch d' armagnr un bamboz d' masegna , e quì  
n' savand cosa s' rissolv , la nav tuccava v , tant ch' i arri-  
vonn a Frasca Umbrosa. Là al trovò fora dalla porta sò  
fradell , ch' avend sintù dir ch' l' era vein , ai vgn incontra.  
Subit al lumò qual pezz d' zuvnotta , es diss : bravo : bravo :  
la vá ben : l' è just d' pnell quella , ch' avè in ment : am avì  
propri dà la vita. Al le ringraziò tant , es l' abbrazzò , e  
pò vdend al falcon , dis , oh avj pur quì al bell falcon ! Znarell  
diss : mò al ho cumprà pr dunarval. Al Re arspos : ah :  
l' fatt cos : a si andà a spendr di quattrin pr regalarin : mò  
pr altr , dis , al ho ben pò a car , e certo s' am avissi dunà  
cent dobbli , an' arè quì gust : in t al dir quì , l' aslungò la  
man pr toral , mò Znarell caminand con al timprarlo , ch'  
l' avè in bissacca , tm i tajò v al coll nett. Al Re s' incan-  
tò a guardari , e pó n' vols dir altr , pr n' bravar mò la bel-  
la prima ora , ch' era lì quì sposa. Da lì a un poch al vst  
al cavall , es dmandò : e quest mò lù d' chi èl ? Znarell ar-  
spos : vostr. Subit al Re i vols muntar in groppa , e in qual  
mentr , ch' i servitur i gnevvn sod la staffa , camminand Znarell  
s' fì purtar un curtlaazz d' cusìna , es i tajò nett l' gamb.  
Al Re s la ligò tant al nas , es diss tra i dint : ossù questù

è drì a farm uscir dal mandgh: tuttavi an'vui mó dir niint, perchè au para mò a sta zovna, ch' a siammn ragagnun; la i pareva tant blina, ch'an' s' saziava d' guardari, e d' stricari la man, e pr quest pò anch, zà ch' l' era in sta ghi-rigaja, al stl più pazient, ch'an' arè fatt. I andonn pò tutt insem al palazz, es fi l' invid d' dam, e d' cavalir, es fè una festa da ball, e vò pur là, e pò dop fi la cenna a tutta la commitiva. Znarell mò in st mentr n' avè mai pinsà a altr, che a salvar la vita d' sti spus, procurand ch i n' fussen ammazzá dal dragunazz, cmod l' avè sintù ch' avè da succedr, pr quant i avè ditt qual pizzon, e pr quest l' avè ammazzá quegli altr bisti. Cosa fill donca lù? innanz, ch' i spus andassn a durmir, al s' ficcò in t la stanza d' a' piatt, es ficcò dop alla trabacca dal lett. Mò bona: quand fu la mezza nott, vitt li, ch' l' arriva al dragon, ch' batteva fugh da tutt i cù; av imprumett, che chi al vdeva, n' avè più bisogn nè d' medsina, nè d' lavativ: al feva vgnir la mossa d' corp dalla pora. Znarell n' pinsò a altr, mò prest con un curtell alla genuvesa, ch' al sera müss in tal sullin dl calz, taff: al t' mi saltò alla vita; mò siccom l' era al bur, an vdeva brisa dov al cujiss, es andava svinland al curtlazz: e in t al vler dar un colp al dragon, al curtlazz i sfuzzi, es tajò a travers una clunèlla dal lett dal Re, la qual cascò, es fi tant al gran chiass, ch' as dsddò al Re, e la sgnora, e anch al dragon scappò vè mezz stllà. Al Re tutt inspurri cminzò a chiamar: alto, alto: vgnì vi tutt, sù ben, ch' corra tutt i servitur. In t' un batt d' occh as impi la stanza d' zent con l' lum, e al Re vüst con i sù ucch Znarell, ch' aveva anch al curtell in man; al diss: vdiv, ch' gnaccara? al mi sgnor fradell m' vlè mò far una bella creanza lù, s la i vgnè fatta: am vleva mandar al boja lù; e pò diss: ch' as liga just address, ch' quand a srò livà a dirò cosa s' n' ha da far. La mattina al fí chiamar al cunsii, es cuntò la cosa dal falcon, e dal cavall, ch' sò fradell avè ammazzá pr n i al duar, es seguitò: as ved, ch' agn cosa batt a un segn, e che quistù è drì a farm di dspett, e mi mò ijn farò un più grand a lù, ch' a vui ch' al mora. La sposa ávv tant affann d' sta sentenza, ch' la s' andò a trar in znocch dinbantz al Re pr dmandar in don la vita dal fradell. Quand al Re la vüst li in guffton, innanz ch' la parlass, ai dmandó: cosa volla? li diss:

mò mi n'vui ch'al fazza murir al signor cugnà mi, ch'l'è vergogna; lù arpos: mò ch'volla più bella vergogna dla sò d'lò ch'm'vleva ammazzar, dis, am maravej anch d'li mi, ch's'la pija più pr lù, che pr mi; zà la sentenza è dà, quì hò dritt, e quì s'farà. Znarell pò s'ntì dars la nova dla mort, es arpos: al n'occorr altr, ubbligà; al disa pò quì da pr lù: oh a son l'intrigà bambozz! mi i ho fatt agn'cosa per far ben, e pò vitt quì cosa a busch d'regall: s'mi tas, i m'fann murir, s'a parl, zà a dvent una statva, ch'tant, e tant a mor, mò almanch s'a la d'ss cmod l'è, an'arev st cattiv nom dop mort d'aver insidià alla vltta dal fradell: sicchè l'è pò mi, ch'ai la conta cmod l'è, ch'almanch a murirò con al mi unor, e quì con sta risuluzion al fi dir a sò fradell, ch'prima d'murir, ai vlè parlar pr una cosa d'gran impurtanza. Al Re s'al fi vgnir diunanz, e Znarell i cminzò a cuntàr al gran ben, ch'al i aveva vlù, ch'pr cavsà d'quest l'era infina andà a rubbar una ragazza d'in man ai sù, e pò i cuntò la cosa di clumb, ch'l'aven'avvertì là in t'la nav, e ch'pr quell lù ammazzò al falcon, e al cavall, ch'lù n'ave vlù cuntar stì sì quattrin pr n'dvintar d'marm, mò, dis, adess mò, ch'in t'agu mod aveva da murir, tant è mò ch'a mora per quell, quant per qu'alt, e mi s'a dvent d'marm, an'm'importa più un corn, e perchè a vdadi, ch'an v'vend di busj, cminzà a guardar al gamb: el vera? dventnnel d'marm? quì fu in effett, segond ch'l'andava seguitand la zanzada, l'andava dvintand una statva, l'andava vgnand in sù al marm, e vln pur in sù, e vln pur in sù, tant che quand l'av finì al raccont dal dragon, ch'fu l'ultm, l'armas piantà in mezz d'qula sala la statva d'marm. Al Re s'miss l'mau in t'cavi, gridand pr cà cm'un'ammattì: oh (al tgnè dritt) guardà pur quì d'cosa a son stà cavsà! oh ch'fradell ai ho pers? e pr quant passass dal temp, an'i era dli, ch'an pianzess. In st temp mò la signora fi fiù, es parturi du masch in t'una volta, ch'à n's'psavea vder la più bella robba d'ragazz. Al Re i fi allivar, es ern zà vgnù grandsin, e un dli la Regina era uscì con tutta la servituraja, es n'era armas in casa altr che al Re con i dū faudsin. Al signor padr i aveva tutt dū pr man, es andavn spaszand pr qula sala dov era qula statva, ch'deva tant da sospirar al Re. Quest,

quand ai fu vsin, al s i miss a guardar, e pò second al solit, a pianzr, es dseva: oh! ch' l' era al Re di galantomn; menter ch' l' era in st' affann, al vùt intrar pr l' uss d' sala un vecchion grand grand, ch' aveva un zazzaron, ch i cruveva l' spall, e pò una barba, ch i tuccava l' znocch. Quest fi una bella riverenza al Re, e pò i diss: uhi: ch' la in' staga a udir: cosa pagarev mó vostra niaestà pr ch' st fradell turnass in vita? Al Re arspos: al mi regn. Al vecch soggiuns: eh, ch' la pensa lì s l' è una cosa questa, ch' s' possa acquistar con una bagatella sì fatta: quì i è andà la vita d' quest, bsó ch' i vada degli altr vùt, s' al vol gh' al torna in gargam. Al Re arspos: mó crdlm, nunnin, ch' ai ho tant al gran rammarich, ch' al si mort pr amor mì, ch' ai darev' anch la mì propria vita, pur ch' lù arsuscittass. Al vecchion diss: mò senza ch' la mora lì, ch' adess l' è lì grand, e gross, ch' an' i è più da durar fadiga a nudrigaral, ch' n' ammazzla sti dú fandsin: al sangu d' quisti và addruvà da bagnar tutta la statva, ch' subit al sgnor Znarell torna in t' al sò essr. Al Re pinsó un poch, e pò diss: mò avv dirò mó d' una cosa mì di ragazz a in và nassand tant tutt al dì, ch' l' donn n' fann mai altr, mò un fradell mì n' l' arò mai più. D' lung'h, ch' l' avv ditt quel, al scanndò quì d'ù puvr innucintin, e pò con una sponga insuppà d' qual sangu, al cminzò a imbusmar tutta la statva, e subit ch' al fu d' cò, al sgnor Znarell arturnò, ch' an parè mai ai sù di ch' al fuss sta una statva. Al Re era in t' una algrezza, ch' n' arà mai la cumpagna, e Znarell, e lù s' abbrazzonn; al m'iss pò quel puvr criatur in t' una casttina, ch' al vlè pò fari d' gran squarchi a fari supplir. In qual mentr al turnò a casa la Regina, e al Re fi arpiattar Znarell: ai diss pò a l'j: cosa pagarevvlà mò, sgnora Livia, perchè mi fradell turnass al mond? La Regina arspos: tutt al mì regn; e al Re soggiuns: darevvlà mó al sangu di nustr fiù? lì arspos: mò nò vè: oh questo nò: oh questo nò: siii, dis: bagnarè ben aver vuja d' cugnà: oh an' son sì barona mì. Al Re repplicò: oh questa m' brusa! dis, al ho mò fatta mì la barunata! ch' la veda quì mi fradell, ch' è viv, (es al fi saltar fora) e pò diss, ch' la veda quì i fandsin, ch' in murt: in t al dir quel, ai mustrò la casttina dov i ern dentr La Regina instrinmurt, e pò, quand la fu turnà in lì, la cmin-



zò un lament, ch' feva cumpassion. Oh! la dsè, ch' i ernn quasi bllin, es avevvn tant inzegn, ch' la mestra s' in luda-va tant: i lizzevn zà mò alla dstesa: oh! ch' al vaga pur qual vostr padr, ch' am n' ha ben mó fatt una plenta: mó zà ch' a si murt vù, an s' dirà mai, ch' a campa mè. In t al dir sti parol, la prèss una carrira, es trè un slanz pr precipitars zò da una fnestra; mò in t l' istess temp, ch' l'j s' vle-va trar zò, al vign dentr in t' una nuvula sò padr d' l'j, ch' s' av arcurdà, a diss alla prima ch' l' era un gran negru-mant; al la tratign con una man, ch' l' era in s' al murell dla fnestra, es i diss: fermat, Livjna, mè i ho fatt un viaz, e d'ù sèrvizi, am son vendicà dal sgnor Znarel, ch' vign in cà mi pr rubbati tì, ch' an sò mò da ch' lez, e mè dalla rabbia ch' am vign a dsviar al mè sangu, a fì tutt qui ar-zir, ch' l' àn cundutt a rdurri una statva, es ho fatt in mod, ch' l' ha bsgnà star quasi un bon pzzol mè: tu; oh ai ho pò vlù castigar tì, la mè sfazzà: chi t' ha insgna a tì, braghira, d' andar quasi in t' una nav senza licepza d' tò padr? e quasi ai ho vlù, ch' t' prov almanch pr un poch al bell gust, ch' s' i ha a perdr i fiù, e pr dart ben d' qula pena, ch' t' in' ha dà tì a mè, ai ho vlù ch' t' prov anch un affann sì grand, quant è stà quell, ch' t' ha avù, d' vder ch' l' istess sò padr j' ava lù ammazzà. Am son pò anch vendicà dal Re tò mari, ch' i v' a vgnir una vuja da donna gravda d' vler mò just una mujer bianca, e rossa, con tutt quel zirr, ch' al vols ch' l' aviss; ai ho vlù, ch' al sò castigh principal sippa sta quell d' indurs a far al boja ( con riverenza parland) di sù fiù, e ch' al chigna far da giudiz a sò fradell: mò però con tutt sti gran vendett, ch' ai ho miss in volta, an m' son dscurdà d' esser padr ammurevvl, e però la mè Livjna, a vù ch' tutt sti guai dventenn un zucar pr tì. V' a, t'ù i t'ù fandsin: ch' i lo più bllin, ch' in n' ernn, e l'j, sò maestà, ch' la m abbrazza, ch' a son sò messir; a l'j, sgnor Znarell, ai perdon' quel trentun, ch' la m fì d' cundur vj la fiola, perchè a dirla l' ha tant merit quì l' amigh zrisa, ch' s' al le vlè servir d' bon inchiost, an pssè far a manch. Al vign pò l' i fandsin, ch' al nonn n' s' pssè saziar d' basari, es jì impi l' bissach d' balus. Al sgnor Znarell era algrissin, inò ai arstò però sempr in ment la scagazza, ch' l' avè avù. Quasi finì tutt i dsastr, es cminzò gli algrezz.

## La Fola dla superbia castigà.

**D**is, ch' ai era una volta un Re d' Sorca Lunga, ch' avè una fiola, es aveva nom Cintia, bella cm'è un sol, mò l'era altrettant superba: la n s' srè guanch d'gnà d' guardar in t al mustazz a un' Imperator. A sò padr ai dspiasè infinitament st natural perchè al srrè stà ora d' maridarla, e a lj tutt i partì i puzzavn sotta al nas, tutti i prencip, ch' la dimandavn n i parevvn dign d' lj. Fra tutt quèsti, ch' cascavn murt pr l' sou blezz, ai era al Re d' Bell Paes, ch' era propri cott pr amor; lù n' lassava uccasion, ch' al n i fiss cgnossr, ch' al spasmava pr lj: s' al vdeva ch' l' aviss gradì qualch cosa, lù era pront a pruvedrila, mò lj dvin-tava agn volta più superba, es i feva di sgarb, ch' n' s' srenn fatt a un facchin. Lù i dseva cvell dl volt, lamintands dla sò ingratitudin': ohibò: (al dseva) avviv mai vist piz: a digh, ch' al par ch' la spija spass d' farm arrabbir! ch' diav! àla dedrj? an' son miga pò un birricchin; mò l' avè lasi d' dir, ch' lj sghernazzava, es era just quell, ch' la cerca-va d' far ben ammattir la zent. Sta cosa andò drì un temp alquant lungh, tant ch' finalmente st prencip, arzevv un sgarb ancù, arzevv un dspett dman, allà fè d' dis quattrin, ch' ai scappò la pazinzia, es i fi al ball dal pianton: al turnò al sò paes d' dond al s' era tolt a posta pr vgnir abitar lì in t' l' istessa città dov li era, dal grau amor, ch' al i aveva. In t' l' andar vi, al s' mursgò al did, dsend: a son un infam, s' an m' arfazz di strassin, ch' m' ha fatt passar sta strìja. Lù donca andò, es s' lasò cressr la barba, e pò s' di una bo-sma sù pr al mustazz, ch' an' parè più lù. Da lì a qualch miss al turnò alla cort d' Sorca Lunga vsti da villan, quasi dsfigurà pr vi d' sta bosma, e dla barba, ch' nessun arè mai düt. l' è lù. Al dunò di quattrin al zardinir d' cori, tant ch' al fiss vista d' aver bisogn d' un ajutant, e quèl al s' ficcò lì pr ovra, parland di albr, e imbrujand agn' cosa. L' aveva mò purtà sigh dl cos d' un valor incredibil in abit da don-na. Una mattina a bunora, innanz ch' la principessa s' li-vass, al dstes in s' una zdina un pettanler tutt arcamà d' frutt, e fiori, e l sment di fiur erun tutt prdulin' prezios.

L' Dunzell, ch' vîstn sta gran superba cosa, corssn dalla padrona, digandî, ch' la vgniss a vederla. Lì subit fî dmandar al zardinir cosa al pretendeva, ch' la l' vlè cumprai. Lù arspôs: eh, eccellenza, an' fazz mîga al zavai, ch' an' la vend mî sta robba, lì è patrona, mî i la lass in don, pur ch' la s cuntenta ch' mî dorma una nott in t la sò sala. L' dunzell eminzonn a fari anm: oh sî, sgnora, cos èl pò mai? e ticc tocc, ch' mai du, tant ch' la s i arduss; lù i purtò sù la vesta, es al fî durmir in sala. Qu' altra mattina: mò bona: al miss fora un suttanin, ch' era just sî fatt, mò d' un dssegn, e d' una manira d' arcam, ch' an' s' vedrà, nè mai s' è vîst una cosa sî nobil. La sgnora Cintia i fî dmandar s' a gli al vleva vendr, ch' la i arè da tutt quell, ch' al vleva; e lù: sgnora nò: an' al vui vendr, ai al dunarò, pur ch' i m lassn durmir in t l' anticamara dîa principessa. Lì zà dalla gran vuja al tols in t l' anticamera, es àv al suttanin. La terza mattina al miss fora un cursett, ch' era tutt pln d' franz, e d' fiucchitt, e agn fiocc aveva una perla, ch' l' era una cosa d' una ricchezza immensa, e pò era stà fatt in Franza, ch' la seva un vittin suttil cm' un bacchett. Subit, ch' la sgnora al vîst, la diss con quel donn: s' an' ho qual cursett, a sent, ch' a crepp d' rabbia. La fî chiamar al zardinir, es i diss, an', qu' om, mî vui ch' am vindadi qual bell cursttin vdl: fam st servizi, e pò cmandam anca mî, s' a son bona, ch' av prumett d' servir dal mî sangu istess. Al zardinir arspôs: zà, sgnora, la sà cosa ai ho ditt sti altr volt: mî n fazz al zavaj, s' ai pias, l' è patrona, l' ha da torl in don, e pò d' zunta ai và sîgh una bellissima cadena d' diamant, ch' anch questa ai la don', purch' la m' lassa vgnir a durmir in t la sò stanza. Oh! diss la Cintia, quest' è d' un' altra fatta: av vin pur l' fatt vui? al prim di in sala, e pò in t l' anticamr, e adess mò propri in t' la mî stanza: dis, an' i manca mò piú, sn ch' v' vîgna la vuja d' durmir in tal mî lett. L' om arspôs, eh mî m' tgnarò al mî cursett, e lî la sò stanza, servo suo, as và pr d' quì lù, es i vultava i garitt; al s' prillò pò, es diss: an i dmand zà altr, che d' durmir in terra; puffar dis bacc! l' è una cosa, ch' an la dngarè un turch: eh: sala cosa? la fa tutt sti cuncun, perchè la n ved la cadena d' diamant, oh s la vdliss quella! La principessa, ch' da una banda la mureva d'

vuja d' renders patrona d' sti cos , dall' altra l' sou donn i fivvn anm , la s' arbaltò , es di licenzia a quìu d' vgnir la sira in t la sò stanzaia. Lù puntual quand fu nott chiappò sù la cadena d' diamant , e al cursett , es andò all' appartament dla sgnora. Quand lù i avv cunsgnà la robba , li al fi sedr in s' una sgrauna in t la sò stanzaia , e pò i diss : dam ben ment vè , cuslìn : ch' al diavl n t' attintass mai a moyr d' quì , sott pena dla mi d' grazia : vitt quì : mí fazz un segn con un carbon quì in terra , n' passar quì , perchè ai andarà la tò pell. Lì pò andò a lett , es fi mandar zò la trabbacca. Mò pinsà : ai vleva altr , che trabbacca. Quand al prencip sintì , ch' la surnacchiava , al s' livò sù piauìn pianìn , es andò a lett , ch' al dseva aver sonn anca lù , e sta sgnora squinzia , ch' n' s' dgnava con i Re , s' accumulò a un , ch' parè un zaltron , es n' av difficoltà a toral dli gli altr volt in tla stanzaia. Al cminzò pò a vgnir stritt i pagn , e li diss a qual zardinir , ch' truvass pur qualche ripiegh a sta cosa , ch' al sgnor padr n s' accurziss , ch' al bust n vgneva più attes. Al prencip arspos : eh n ev dubità miga , a vui ch' a scappaminn : casp , an vui mì ch' az accattaminn da far ; a cgnuss mì una sgnora , ch' era una volta la mí patrona , li z' darà allozz , tant ch' av dsbrujadi. La Cintia s i attaccò , es si lassò ardur , es s' fidò in man a un , ch' la n cgnusseva , e lù la fi zirar pr di pais , e innanz , e indrj , e pò in ultim al la cunduss in t al sò regn , senza ch' li saviss dov la fuss. Al cuntò pò agn' cosa alla sgnora madr d' arpiatt d' lì , dis : la m ha fatt tant arrabbir mí qustj pr al passà , ch' am vui mò tor un pó d' spass address , ch' m è vgnù la balla al sbalz. Li dinn pò una stalletta , e al Re i feva purtar un pan , e una mzetta d' vin. Lù pò s' andava vstand , e dsestand cin' l' andava zò da lj. Un dì i fevvn al pan , e lù diss : an , donn , chiamà sù la puvretta , ch' v' vgnarà ajutar , e pò andò zò da lj , ( vatì zà da puvrett ) es i diss : a sò ch' al Re ha dà ordn a quel donn , ch' v' chiaminn a far al pan , guardà mó d' sgammurdir un pò d' pasta , tant ch' az fammn un gnocc , e ch' az cavammn un pò la fam. La Cintia d' manchi n' fì , second ch' l' andava mnand la pasta , la in chiappò sù d' in t al tullir un ruzzl , es s al miss in hissacca ; in t' l' istess temp l' arrivò lù vatì verament in t al sò abit da sgnor , es diss a quel donn : cosa fav d' qustj

quì pr cà? l' ha pur cira d' essr poch d' bon t mò guardai in t al mustazz, s la n' ha una cira d' ladra, ch' l' ispirta, mì pr mì n i fidarè gnanch in man dal fangh: guardai un poch addoss, innanz ch' la vaga vj, ch' a vdrj s' ai accuj. Quel donn cminzonn a guardari in sen, e in bissacca, es i truvonn la pasta, ch' av sò dir ch' la puvretta buscò dl fischiat, e una rumanzina, ch' mì cred ch' l' vaghn anch drj. Lj andò zò in t la só stalla quì sverguguà, ch' la n' alzava più i ucch. Al Re camminand s' travstì, es cors zò da lj, es i dmandò cosa l' aveva? quand la i la diss: al i arspos: ah, al n' è nijnt, an si bada a sti' cutà, perchè, dis, agnun è ubbligà a inzgnars: lor, dis, v' àn da dar àssà da magnar, s iu volnn ch' a rubbadi; cosa accad, ch i teginn' li tutt quì gran ruzzl d' pan, ch' i n' àn da trar in sù, e pò ch' ai sia chi mora dalla fam? eh, lassali pur cantar quel donn ch' gli in mattì lor: avj da far a mi mod: andà sù, ch' la Regina taja dla tela, vù v' i avj da esibir, dsend: àla bisogn, sacra curona, ch' a taja anca mì dl camis? l' è facil ch' lj s i attacca; e vù gaffa un pzzol d' gula tela, perchè a savj ch' address address a fa fiù, es n' avj gnanch una pezza da fassar al ragazz. La Cintia, ch' n' feva sn quell ch' i dèva sò marì, andò, es se msdò tra quel donn, es cminzò a tajar di tvajù, di pandsj, di fazzulit, e insomma d' tutt l' fatta cos, perchè ai era uoa quantità incredibil d' tel. La signora Cintia pò garbatament s in cuccò un bell pezz dn' sò quant brazza da far dl fass al tuset, e s al mttè sotta alla stanella, mò in quella l' arrivò al Re, ch' tols just al temp, ch' la s' alzava sù i pagn, e s t mi fi una gran capladazza, cmod l' avè fatt pr al pan, ai la fi tor, e pò la avillanzò just cmod s' farè un ladr, ch s' truvass verament a rubbar. Lì andò zò con mill rabbi attorn, ispirtà, rossa, rossa, ch' la n savè dov star dalla vergogna. Al Re cors zà al solit travstì zò da lj, es sintì ch' la bruntlava d' tutt sti cos; ch' i andavvn intravvgnand; lù i diss: ah, ah, a sì pur matta! mò tutt l' cos dal mond iu uppinion vdi, tgnì pur vù dur, e vdj s' a pssj buscar cvell' altr, al è un' uccasion, ch' a pren' un poch arburdirz, s' a savj far. La Regina fa al spos sò fiol in t' una gran signora, ij volun maudar i abit bl e fatt, ch' erann d' bruccà, d' vlud sovra rizz, d' ganz d' or, e d' arzent: ora i disn, ch' sta sposa è just dla vostra statura, e la

Regina ha avù dir, ch' la vol ch i vi tajin addoss, ai srà d' quel scalvador, e vù chiappan', e mttì in bissacca, ch' a vindren pó agn cosa, es cumpraren una carga d' fass, e cvell altr. I chiammonn pò verament la signora Cintia, e l'j s' müss in sen un bon mezz brazz d' bruccà sovra rizz in qual mentr, ch' al sart tajava la robba. Zà anch d' quest la fu la solita fola, ch' l' arrivó al Re, es i fi cercar addoss; quand ij l' avu tolt, ij dínn la fuga zò pr l' scal emod s' faré a un gatt, ch' vliss rubbar cvell, es fi, ch' tutt i curtsan i zigassn dri: olibò, ohibò sbattand l' man, e dsend dai a la ladra. Subit pò al cors zò, perchè l' avé pò premura, ch' la n stiss da pei l'j, perchè la n fuss mai dà in dsprazion; mó l'j era acqui affannà, ch' an sò s la fu l' ambastja dal gran travai, o al correr zò pr l' scal, o cosa al fuss, ai vign i dudur da parturir. La steva pò mal, e in t' la gran afflizion ch' l' era, la s feva pó di rimprovr, dsend: oh la m sta mò just una pittura: mi, ch' am puzzava sotto al nas i fiù di Re, ch' in cascavn addoss mort d' amor, address a sou sfurzà a star a udir di villanj, ch' m' dis di ptegul d' massarj, ch' n' in gnanch degn d' allazzarm l' scarp: la m sta ben: au' pèseva gnanch udir una parola brusca, ch' m disss al signor padr: tu: au sbattrò mò adess dedij la mi superbia, quella m' ajutarà mò adess in st gran bisogn. Al Re pò intant andò sù dalla Regina, es i cuntó ch' l' era dà a parturir; la n' l' av si prest savù, ch' la la fi ajutar a vgnir sù, e pó i andò lì a parlar, dis: n' ev dubbità miga, puvretta, ch' av assistrò ben mi, es la missn in t' una stanza, ch' ai era un lett con la cverta, e la trabacca tutta arcamà d' or, e d' seda, e pó l' murai ernn addubblà d' vlud trinà d' or, con l' carigh cumpagn. La signora Cintia n' saveva cosa s' pinsar a vders tolta da una stalla, e cundutta a una sì bella stanza. La Regina i fi pò purtar una suppa d' malvasj pr farla parturir più prest. Finalment la n stí pò gnanch un temp gran fatt lung, e s fi dù masch in t' una volta, ch' ernn l' più belli criatur, ch' s' pssissn vedr; i la messn pò in st bell lett, ch' ai ho ditt. Mó bona: la n i fu si prest, ch' al Re intró dentr bravand em' un' ispirtà: dis, cosa volni mettr sta bducchianta in t' un lett si fatt? a vrè mò mi eaver s' l' è una cosa da l'j? allon: ch' la s cimenza a cavar d' quì, sta zarandulla, e brusà dla carta, e fà dal

priffum, tant ch'vaga vè la pesta, ch'i ha miss sta scagnuz-zanta. La Regina n' pssì pò star più ai sign, es diss: ossù, fiol mi, l'è mò ora, ch'a dsmittadj: ai n'avj mò fatt assà. an l'avj da turmintar mò più, s'lj v' dsprezzò alla cort dal Re só padr, la v' ha mó fatt quì sti dou criatur, vada mò sù pr zò: sù hen mó, davi da cgnossr. Al Re pó s' intenerì a vder quel criatur, es andò lì dal lett dla sgnora Cintia, e li diss: guarda, popol! ch' l'è! Lù pò i res l' sou rason, ch' l'era sta dalla rabbia d' essrs víst quasi strappazzar, e pr quest, dis, ai ho vlù ch' a pruvadì anca vù un poch s' al vin pò rabbia cm' as è abbuffunnà. La Regina l' abbrazzò com só nora, e la sgnora Cintia n' av mai più superbia, perchè la vist ch' an' i era turnà al cont a far la quattrà.

## La Fola dl' Oca.

**A** I era una volta dou surell, ch' ern acquì puvretti, ch' l' s' devvn al diavì dalla mattina alla sera d' andar filand, e pò cm' gli avvevn stort l' dida dal gran prillar al fus, in' cavvavu pò gnanch tant ch' l' s' pssissn cavar la fam, e pur l' n' avvevn altr dssegn pr campar; l' cumpravn dal garzol, gli al filavn, e pò vindevn l' gavett. Un dì a i vign in pinsir d' cumprars un oca con quì puch d' quattrin, ch' gli avvevn. Quand l' l' avvn purtà a cà, gli presn a vler tant al gran ben, ch' lor s' tullevvn al becon d' in bocca pr gvernarla l'j, e s' la fuss stà sò surella, an i era dubbi, che gli avissn avù d' piú amor, l' la tguevn fin s'igh a lett. Quand fu passa n' sò quant dì, mi n' sò s' al fuss al gvernarla sì ben, o cosa altr al pssiss essr, a só ch' sta bistia eminzò a cagar di bi zecchin, ch' parevn battù allora in t la zecca, e gu' volta, ch' l' andava dal corp, la feva, st bell lavurir; la in fi tanta quantità, ch' l' n' implnn un casson lor, s' av cuntintà. Sti pover ragazzi s' valsn dl' uccasion, es eminzonn a ussir d' in miseria; l' s' cumproun un vstì, e un travtà pròn, l' eminzonn a far al só pan in cà, insomma l' vivvevn un pò più comdament. Sta cosa eminzò a dar in tl' occh a dl vsin' braghiri, ch' stevn a usservar i fatt di altr, es eminzonn a cugregars inseme tutt quel pteguel lì

d' qui ussitt, e dàrs in t al goind, quand passava la Lilla, e la Lola ( che gli avvev nom acqui ) es dsevv: uhi, cmar: avviv vist! a digh, ch' gli àn l' stanllin' burdà: um: povr quità: guardà! l' cmenzn zà mò alzar la cresta: ad-dess gli an i bi fissù, e l' altr di l' murevn d' miseria; mò dsj mò ( saltava sù un'altra ) che gli àn l' sou gallin' mort attaccà fora dla fnestra, e del gavett d' sussizza: o ch' qualchun s l' manin, o ch l gli àn cattà al tsor. Qui pò l s devvu al diavl pr saver emod l' era, e pr vgnirn in chlar, cosa finn lor? l' finn un bus in t la muraja, quelli tra sti braghiri, ch i stevv a mur, al qual arspondeva propri in t la stanza, dov durmeva l' don surell. L' stinn tant li pazient con un occh a qual bus, ch' l' vistu ch' prima d' andar a lett l' vignin' vè cou la sò oca in brazz, la lum, e un linzol; st linzol glial dstevn in terra, e pó l' oca i ando in mezz, es s aguffló, e pò s' mss a cagar di zcchin, mò la in feva di fagutt. Cattirina dal bel bust! quand quel braghiri vstnn quì, gli avv a cascar morti dall' invidia. L' piusonu d' vler anca lor far la pruva. Tant quant fu di, una d' sti ptegul andò a battr dalla Lilla, e dalla Lola, e pó cminzò una finfilagna lunga lunga; fagand vista d' n essr brisa andà lè pr l' oca, mò pr dmandari nova dal sò gatt, ch' la feva cont d' aver pers. Dis: s' a savissi, ai ho un dsgust: tù tù tù, mascarìn, mascarìn, e in l' andar zirand pr cà fagand vista d' vler vder s' al se vdeva, la vest l' oca! oh, dis avj un oca, o s' am vlissi pur far la curtsj d' imprestarmla sol pr dou or, perchè ai ho i ucchin pznivn pznivn, e só inadr è morta, e mì n' vrè ch i prdlssn l' amor alla cà, dis, n ev dubbità miga, ch' l' è sicura in bon man': mì n son d' questi, s' am lntindj. L' dou mammalucchi: tra ch' l gli ern bunazzi purassà, ch' n' savev dir d' nò, tra ch' l gli avven pora, s l' n i la devvn, ch' la n' intrass in malizia, d' s ardussn, mó con patt ch' la i la riudiss, emod l' avè ditt, da lì a dou or. Subit ch' sta braghira l' àv, la cors a truar quegli altr, es dstevn in terra un bell linzol, l' oca i andò sù, es t' m' l' impi d' squaquara, ch' puzzava tant fort, ch' as spargujò la pesta pr tutta qula cà, ch' al parè just ch i vudassn l' chiavgh. Lor però n se dspron, l' dissu: ah: al srà sta a mudar cà, mò l' dissn, lassa pur, bsò gvernarla ben vdi, e pò n ev dubbità: e



quasi l' s la missn tant a inguinar, ch' al magnar s' srè tuccà con l' dida, e pò la missn sù in t' un altr linzol nett; mò av só dir, ch' sta volta gli avv n d' grazia d' correr vi con al nas astopp, ch' an' s' pssè più aver al fià dalla puzza. A i vign tanta la gran rabbia, ch' d' longh ij sturzin al coll, senza pinsar ch' la n' era sò, e ch' l' l' avvev da rendr, e pò avversn la fnestra, es la trion zò in t' un stradell mort, ch' n' aveva cò. Mò pur, as ved, ch' tutt i pruverbi vlin' vèra; ch' ai è quell, ch' dis: tutt i mal in bun da cvell. Al purtò al cas, ch' a un fiol d' un Re ai vign bisogn, mentr ch' l' era pr strà, d' far i fatt sù, ch' avè la mossa d' corp, al di a un servitor la spada, e al capell da tgnir, es i fu insignà st stradell mort, e lù s' ficcò pr d' lì, es fi quell ch' i' bisognava. L' era pò quì, es n' avè nè carta, né ngotta da nettars, e guardand in zà, e in là, al vlst l' oca, ch' era ammazzá d' fresch, al la tols, es se spazzò con quella. L' oca mò, ch' altrament n' era morta, la s' attaccò tant fort con al bèch in t al taffanari dal prencip, ch' al cmluzò a zigar: mò cos' è quest? oh al mì mssir, al mì mssir, an' poss più. Al cors tutt i servitur, es pruvonn d' tirarla vj, mó an i fu dubbi nè per tanai, nè pr altr, ch' l' era attaccà a quel careu, ch' la parè incullà con dla cola garavella. St prencip cminzò a essr stuff, es al purtonn quasi a cervlett fina al palazz, perchè in carozza al n i pssè andar, pr ch' an pssè sedr; pr strà l' andò sempr gridand: al nì mssir, al mi mssir. Subit ch' al fu pusà in casa, as fi chiamar tutt i duttur, ch' i urdnonn varj rabazziri, mò eibò: l' era tutt' un, i avv lasi d' fari e unzion, e dai pur dl polvr, e di fummint, e pò in ultim prubar fin con l' tanai, mò sgnor nò: nissi vos. Quand al cgnussl, ch' verament an' i era più remedi d' livars qustj d' dond s' sol dir, al fi trar un band, ch' dseva a sta manira: a qualunque persona ai basterà l' anm d' livarz dal cul una pittma, ch' ai avven attaccà, s' l' è om; a i daren la mità dal regn, s' l' è donna, a la spusaren. Oh la gran quantità d' zent, ch' cuncorssn! e tutt guardavn a st mssir, e a nasun i bastava l' anm d' dspiccarla, con più i la tiravn, lj stricava agn volta piú, a segn ch' al prencip era arragajl dal gran zigar. Fra tutta la zent, ch' i andò, al cors anch la Lola, ch' era la più pznina, es aveva sintò dir sta cosa d' un oca, es andò la currand. Subbit ch' la

la vist, la cgnussì, ch' l' era la só oca, es diss: addì, la mi zujina: vgnì dalla mamma, vgnì'. L'oca cgnussì la vos, es lassò andar pur una volta qual povr taffanari, es cors in brazz alla sò patrona, sfergandsi dri, es la basava. Al princip, ch' sintì st gran sulliv, an' i pareva vera d' n' aver più attorn un taqul sí fatt, es dmandò alla Lola cmòd era sta cosa. Lì l' infurmò da ra a ron dl gajnià d' quel femm, e al princip li fi subit scubar pr i quattr quartir, e pò i dli al band. Al spusò pó la Lola, ch' aveva in dota l'oca, ch' valeva più d' un regn, pr vi d' qui gran zecchin, ch' la feva, e pó dinn un garbat mari alla Lilla, e a st mod as cgnussì ch' qula cosa, ch' pareva vler essr la disgrazia d' quel donn, fu pò, al dèspett d' quel pissott, la sò fortuna.

## La Fola di Mis.

**D**is, ch' ai era una volta du fradj, un aveva nom Can, e l' altr Bis. Can era ricch ricch, e Bis n' aveva gnanch scranna da sedri sù, e al fradell ricch era just appunt un can, ch' an i srè sta dubbi, ch al j aviss dà un sors d' acqua, s' al l' aviss vist cascar mort dalla sed. Bis vdends in tanta miseria, dis: mi n' vui più star in st paes, ch' muda lugh muda vintura: al tols sù, es andò verament vi là alla mat-tazza, senza saver dov al s' aviss da fermar. Finalment una sira, dop ch' l' era di di paricch ch' l' asiava, al s' fermò a un' ustarj in t' una stason la più pessima, e una del più fredd nott, ch' fussn gnanch sta in quì ann, l' era moi spolt, ch' al vgneva zò un acqua, e una nev, ch' a si srè suppli viv la zent. A sta ustarj ai era dods zuvù, ch' ern a sedr vsin a un bon fugh; quand i vistn arrivar Bis, ch' era infusti dal fredd, anch pr essr vstl mal, i l' invidonn a scaldars, lù azztò vluntira la curtsi; al s' miss pò a tossr, e a scaracchiar, perché l' era affrdà mort. Un d' qui zuvù diss: sintì, ch' gnixa d' toss e quella? dis, a sta fresch vù: cosa v' par d' st bell timpazzin? Bis arspos: scè: scè: cosa vola ch' in' para? a digh, ch' a sen dalla sò stason, e ch' ai-vol pazinzia: a sen nù, ch' n' z' cuntinten mai, es vren', ch' al cil fiss a nostr mod: nù vren', ch' fuss al sol, quand è mò just ben ch' piova, an' z n' intinden una pattacca, nù vren',

ch' fuss cald , quand ha da essr fredd, e quasi dri dscurrand , ch' ai sò dir mi , ch' s' al stiss a nù , a faren' di bi arcolt. Qual zovn steva a udir sti arspost; ch i deva Bis, e pò diss: mò vù parlà mij , ch' n' feva Tulli: an s' pò però dngar ch' st' mes in t al qual a sen , n' sippa una gran fetta , l' è una cosa insuffribil sti zel , e sti giaz , e nev , e acqua , ch' al diavl n' i durarè. Bis arspost: mò lù dis mal d' st povr mes , es n' mett mò a cont al benefizzi ch' al z' fa , purtandz lù la bella stason dla primavera , dov i è qui bi di : mi am par ch' a z l' aren sempr d' aggurar. Ora bsò saver , ch' sti dods zovn , ch' ai ho ditt ch' ern li a qul ustarj , ern i dods mis dl' ann , e quell ch' parlava con Bis , era precisament al mes d' marz , al qual andava dsend mal d' se medesm pr dscalzar Bis , e vder s' al le psseva far crudar a dir mal d' lù , ch' al dsè pò vler far dal brojo; ora sintend ch' ai l' avè cavà quasi mirabilment , al s' allgrò , perchè al saveva ben anca lù , ch' alla fé poch ben s' in pó dir. Dall' algrezza al le vols regalar , es i dunò una bella casstina , dsendi : cercà dmandà tutt quell ch' a vlj , e ch' av savj mai inmazzinar , ch' quand avrirj sta casstina ai al trovarj dentr. Bis s i trl in znocch diunanz pr ringraziaral , e pò andò dlà in qula stanza , ch' i avè assignà l' ost , es s miss la cassetta sotta alla testa , ch' i feva da cavzal. Subit ch' fu di , l' andò a salutar qui zovn , es fi mill ringraziamint un altra volta a quel , ch' l' ave regalà , e pó s la fi , ch' an' i era mai d' avvis d' far la pruvana. Quand al fu incamminà pr strà poch poch in lá , l' avers la casstina , es diss: oh s' aviss una purtantina con i sù cristall , e un scaldapj pin d' fugh , tant ch' a stiss ben cald pr sta gran nev ! mò al n' av sì prest avert la bocca , ch' as vist cumparir la purtantina , e i ommn , ch' la purtavn , ch' al chiappon sù d' pes , es i al missn dentr con un bon scaldapj pin d' fugh ch' al sguazzava al mond. Quand al vist sta baza , al fi i su cunt d' vler turnar al só paes , e in t' la sò cà ; al diss : a stò in t al tal lugh quasi , e quasi ; qui ommn arspost : eh , lustrissm sì , ai al condurren. Intant pr viaz al vign l' ora d' magnar , e lù s' aggurò d' aver tutt quell , ch' i vleva pr far un bon dsnar; subit lampant fu li ammanvá bocca ch' vut , mò con una abbondanza , ch' ai arè pssù niagnar venticinqu person' . Quand cminzò à vgnir sira , i al guidonn pr cundur al casa in t' una certa bella pianura , ch' era deliziosa pr

quell, ch' psseva essr da qui di: lù ussì d' purtantina, e pò avers la cassetta, dènd: quì in st lugh am piarsè d' durmir con tutt i comod, ch' i voln. Eccoti comparir una bellissima trabacca d' scarlatt dailà, e d' sovra cverta d' tela incirà, un lett con i tamarazz d' penna, una cverta zibbà con dl' arcam, alla chinrsa, pann, linzù finissm, e in somma un lett finì con tutt quell, ch' s' psse mai desiderar, e pó un fugaron, ch' andava all' ajar. Da lì a un poch al dmandò la cena, e li vign una purtada, ch' mnava cent milla udur, la crdenza tutta pina d' arzintarj, un vin, ch' confortava al stomgh, i sù servitur, ch' i devvn da bevr, e insomma ai era tutt i furnimint. Quand l' av magnà, l' andò a durmir in st beil lett, ch' ai ho ditt. La mattina cm al fu desd, l' avers la castina, es diss: am vrè un bell' abit, ch' oz arriverò a casa, ch' a vrè cumparir dinnanz a mi fradell tutt in si raggi, e li arrivò un abit d' vlud negr, con dl' guarnizion ross, e dl' franz zall, bell purassà; al s' al miss, e pò arrivò a cà in purtantina. Quand sò fradell vist sti squarchi, al dmandò cosa j era intravvgnù; cmod l' era mó dvintà quasi ricch. Bis i cuntò la cosa di zuvn, ch' l' avè trovà all' ustarj, e ch' i avvevn fatt lor qui regall; mò an' sti pò a cuntari l' particolarità dla zanzada, ch' l' avè fait a part con quell da pr lù. Can n' vist l' ora d' sbrigars da sò fradell, es al licenciò, dèndi: andà a durmir, ch' avj bisogn d' arpos, e pò lù andò iu ti vtturin a tor una sedia da posta, e vi, là vers quì l' ustarj, ch' i avè indicà so fradell. Quand fu al temp, al j arrivò, es turnò qui istess zuvn, ch' s' missn a chiaccharar con lù. Al mes d' marz i fì l' istessa dmanda a lù, ch' l' avè fatt a quì altr, cioè cosa i parè d' quel temp quasi cattiv, ch' era allora in qual tal mes. Can, ch' n' tgneva nè d' nett, nè d' brutt, subit ch' al s' sintì far sta dmanda, as cminzò a vudar al stomgh, perchè lù n' psseva suffrir qual mes, es arpos: mò diavl, cosa m' par? mò am par quell ch' di parer a tutt quì, ch' an la testa; mì: quest è un mes, ch' an s in pò mai dir mal abbastanza: n' el un mes maldett? s' ai è un qualchun, ch' ava un mal, ch' vaga tintinagand tutt al rest dl' ann, topa; cm' a si al mes d' marz, quell sballa, ch' an' i è remedi, lù ci acchiappa sempr; quand a sen li, ch' a pinsen ch' vigna una volta la primavera, ch' errè ubbligà a vgnir just in st mes, mò bona: oh l' è li, ch'

la cova, l'è allora, ch' torna un fredd da inspirtar; insom-  
ma quest è un mes, ch' an m' par ch' serva un corn, ch' s'  
an' fuss brisa in t' l' ann, an par ch' a staren' mi. Al mes  
d' marz diss in cor sò: oh questi in d' gran cirimonj! basta,  
dis, an vù mò mustrar d'sparar: n' t' àt da cavar d' quì dinat-  
tina? oh a la dscurren. La mattina vgnaud Can vols andar  
vi, e al mes d' marz i diss: ai vù mò dunar una galanta-  
rj: ch' al tuga st stafillin, ch' è tutt gnarni d' franza, agn'  
volta ch' i vluon vuja d' cvell l' ha da dir:

*At prigh, staffill mi car,*

*Ch' t' m in dagh un cintunar:*

ch' al prova, dis, ch' al vdrà ch' al n' arà mai avù si gran  
cuccagna. Can fi molt cumpliment a qual zovn dl gran ob-  
bligazion, ch' al i aveva, e pó s' miss a correr la posta,  
ch' an i era mai d' avvis d' essr a cà per far la prova dal  
regall; la qual prova, an s' vols gnanch fermar, tant ch' al  
la fiss, per la frezza, ch' l' aveva d' essr a cà sò. Subit  
ch' ai fu arrivà, appena smuntà, al s' andò a srrar in t' la  
stanzia, acciò ch' nssun vdisse i quattrin, ch' al cuntava,  
pr n' aver a dunarn. Al cminzò a invocar l' ajut dal staf-  
fill, d'send:

*At prigh, staffill mi car,*

*Ch' t' m in dagh un cintunar.*

Mò s' ai staffill n i l' di mò lù, pago mì; al cminzò a sal-  
tari addoss, e sù pr l' gamb, e sù pr al mustazz, e a tra-  
vers dla testa, e di ucch, tant ch' al puvret àv d' grazia d'  
avrir l' uss, e d' chiamar ajut. Bis sinti, es cors; quand al  
fu lì, al s' vle inzgnar d' chiappar in man al staffill, mò ei-  
bò: an l' era cas: al saltava vi sguizzland, cmod fare d' iu  
man un' angullla viva. Bis cors a tor la sò castina, es diman-  
dó, ch' s' fermass sta musica, e quel success. Al dmandó pó  
a Can cosa era sta st' inbroi; lù i cuntò agn cosa a pel,  
e segn. Bis i arspos: mò sì tarù, fiol mì, an' v' pssj lami-  
tar s' n' d' vù; accadeva mó ch' andassi a cercar al treds  
in d'spar? bsd tgnir la lengua tra i dent lù, perchè a vdi a  
ch' prigul a si andà pr zanzar mal, e pó al n' è mò gnanch  
quest: vù pinsavi mò: u u u u: d' acquistar un stat, andand  
a quì' ularj, e d' imparar cmod s' liga i can con la sussiz-  
za, mò tolé: avj mò buscà dl bastunà vù; s' anca vù par-  
lavi ben, forse arissi guadagnà cvell d' bell. Non ostant

quest, sta pur aligrement, ch'an' vui brisa ch'av dspradi: mi ho tant da gula castina, ch'ai è al mond d' cuntintarz tutt du, ai n'avj da essr patron tant vù, quant mi. Un' altr mò dirè: oh madisi, l'ha fatt, l'ha ditt: nò, an vui arcurdarm ngotta d'quell, ch'am avj fatt contra, quand ai era in miseria, a vui ch'a vivamm insem seimpr in pas, e in algrezza, ch'acquisti as vdrà, ch'a son grat ch'am pias d' spendr ben quel furtun', ch'ai ho avù. Can armas cunfus a sentir la gran amurvezza dal fradell, es i dmandò scusa d' averal trattà lù si mal. Da lì innanz i fuon l' più cuntent criatur, ch' fussn sovra la terra, e Can n' diss mai più, né più biasmó niint, pr barona, ch' fuss qualch cosa, perchè al s'tignn a ment qual pruverbi, ch' dis:

*Al can, ch' è sta scuttà dall' acqua calda,*

*L' ha una pora, ch' l' inspira anch quand l' è fredda.*

## La Fola d' Dpint Smalt.

**A** I era una volta un mercant ch' aveva una fiola unica, ch' aveva nom Betta, lù arev vlù maridarla in tutt i mod, es i l' andava digand con mettri in pinsir, ch' l' era ora d' allugars; ai dseva: oh sù ben fiola mi, bso mò ch' a tulladi mari, e dai, e picchia, e para; ma lì n la vleva intendr, e só padr avè dsgust. In st temp al purtò l' accident, ch' lù avv uccasion d' andar a una fira, es dmandò alla tosa cosa la vlè ch' ai purtass. La Betta arspos: oh bell al mi papin, a vui ch' amporta un mezz quartirol d' zuccar d' fiurett, e pò dis lir d' mandl' ambrusin, e quattr, osi fiasch d' acqua nanfa, e un gran, o d' d' musch, e alttrtant d' ambra, e pò quaranta perl, d' zaffir, qualch ingranat, e di rubbin, e dou o trei rucchel d' or filà: mò sovra al tutt, ch'an s' dscorda, s'am vol ben, d' purtarm anch un murtallin d' arzent con al sù piston. Sò padr s' maraviò a sentir l' fatt zirandl, ch' la i ordnava, mò pur al la vols cuntintar, e quand al turnò dalla fira, ai cunsegnò tutt sti cattai, ch' la i avè dmandà. La Betta li tolstutta alligra, es s' andò a srrar in t la sò stanza: la miss un tullir in s' una cassa, e pò cminzò a far dla pasta con l' mandl, e l zuccar; l'

mandl la l pistò prima in t al murtallin, e pò dstimprò agn cosa con l'acqua naufa e rosa, ch'al i avè purtà, mezz una, e mezz l'altra, es cminzò a lavurar sta pasta, e quì lavora, e quì lavora, e pò s miss a furmar una figura d' un om grand al natural, mò bell, bell vdi, purassà; al parè al più garbat zovn, ch' a vlissi vder; la i fi pò i cavj con qu' or, ch' l'avè dmandà, i ucch cun qui zaffir, i dint con tutt quel perl, e i labbr con i rubbin; mò l'era quì grazios, ch' an i mancava sn la parola. Quand l' av fatt sta fattura, ai vign ia ment, ch' una volta ai fu un cert Re d' Cipr, ch' s' miss a prgar una staiva, ch' dvintass una donna viva, e lj dvintò; la dlss: mò pr cosa n' previa mò utignir anca ml, ch st zovn, ch' am son fatt, dvintass viv, e ch' al s' inviss? la s miss a prgar la Dea Vener, ch i dlss tanta grazia, che st om, ch' la s' era fatt, avvis l' us d' rason, e parola, e quì prega, e quì prega alla fè d' dis quattrin al bambozz s' cminzò a movr. La vist, ch' al cminzò prima a spallancar ben ben i ucch, e lj i tirava dentr a prgar, e lù cminzò arfiadar, e lj pregava, mò la tuccava vù tant ch' al bambozz zanzò, es cminzò a spazar pr la stanza. La Betta n' psse più dall' algrezza, l' era in t' una ghirigaja, ch' la parè matta: la l abbrazzò, la l basò, e pò al chiappò pr man, es dlss: ch' al vùgna ch' a vù cundural dlà dal pà. Quand la i fu dinnanz, la dlss, ch' al guarda, pà: n' al sempr ditt, ch' l' ha tanta vuja, ch' a tuga marì? pr ubbidirl al ho tolt, es in' al son fatt con l' mi man. Sò padr, ch' aveva vùt, ch' certo la n' era ussì d' cà, al dlss: mò comòl pò star st cosa: um: dis, zà ch' av al sì fatt, tullival pur, ch' l' è vostr: verament l' è d' una blezza, ch' as pagarè un slipp a testa per vderal. Al fi dl nozz di di, e di dí, e dl fest, ch' a i vgneva chi vleva, ch' l' era cort bandl. Fra quì, ch' i capitonn, a i vign una Regina furastira, ch' era lì incognita; questa quand la l vist la sn' innamorò subit, subit, ch' la cascò cm' una pera marza. La Betta a st spos la i avè niss nom Dpint Smalt, al qual, siccom ch' l' era poch, ch' l' era al mond, l' era anch un pò gonz purassà; l' andava pò accumpagnand zò dal scal tutt quì, ch' partevvn dalla festa. Fra i altr, l' accumpagnò qula Regina, ch' fu l' ultma d' tutt andar vi, lj i pors al brazz, perchè al la serviss, es l' andava trattgnand con dl zanz,

tant ch' l' arrivò zò in t al cortil, dov i era la sò carrozza, ch' era una muda, Quand la fu per muntar, la i di un tirott, es zgnò ch' al muntass in carrozza; lù, ch' era, cmod ai ho ditt, un vod, an savè nè d' copp, nè d' spad, al j andò, e lj diss: alto: tocca, cucchir, es andonn ch i vulavvn, ch j arrivonn subit alla città, dov lj era Regiua, e al mammaluch Dpiint Smalt spusò anch questa, n' savand ch' an s in pesè tor sn' una alla volta. La Betta mò, ch' era sù asptitalar a cenna, ch' l' era bagnà la suppa, e agn' cosa, la stì un pzzol pazienta, pinsand ch' al turnass, mò alla fin j arrivonn pò a capir, ch' an turnava più. La mandò zò la serva, ch' guardass s l' era anch in t la strà, e n' s truvand, i andonn sù in sl' antana, sperand ch' al fuss andà sù per tor un pò d' ajar, mò pinsà vù; l' era lì, ch' al feva innanz i stuppln. I andonn in cantina, e an' digh altr, i guardonn fin zò pr al camr, perchè la dubhitava, n' essend gnanch andà dal corp, ch' al n' aviss fatt di dsprpust; la fi pò mettr tutta dsprà i pulizzin in si cantun, pr tintar tutt l' strà d' attruvaral. Finalment, dand in dsprazion, la stabili d' mettrs pr donna morta a cercarl pr tutt al mond, dis: am vstirò da burgugnona, es andad a batt al nas in tutt i pais, pr vder s' accatt sta zoja, ch' m' è sta rubbà sicura, pr la gran blezza. Acquisì fi; la s tols licenza dal pà, es cminzò a camminar. Dop qualch mis, l' arrivò in t' un lugh, dov i era una piú bona vecchina, ch' la tols in cà con un gran amor, e la Betta i cuntò i sù guai. La vecchia s' moss a cumpassion; massm pò perchè la vst, ch' l' era lì bella, e gravda, es i insgnò, ch' la dsiss cert parol, o pr dir mii, tri, o quattr strainbucch, ch' m' n' sò gnanch s' ai sarò scriv. Un dsava: *Ahinzn tufaighn milinzpsa*. Un altr: *Brgsbanchn zughstingh hainfzughst*; e l' ultum; *Culghmghdtgh cartigniozo spprizgn*, es i diss: dsì, la mi fiola, sti parol quand a srì in qualch gran bisogn, ch' a vdri, ch' arstari cuntenta. La Betta diss in cor sò: oh vutt, ch' quest é un, bell regall! oh quì i è dal sugh vè; dis an i sarò gnanch pronunziar, anch ch' ai vliss dir; tuttavi la fi pò vista d' armagnr ubbligà alla vecchia, e in t al licenziars, la la ringraziò molt, e molt. La cminzò po a zirar al mond, e dop un viaz lunghissem, l' arrivò alla città d' Mont Rotond. Quand la fu lì, la s avvjà al palazz real, pr danandar la carità dl'



allozz, prgand qualch un, ch' i diss un bus d' una stalletta, pr ch' l' era vsin ( dseva lj ) a parturir, es n' aveva nè cà, nè tecch. L' damigell d' cort i diinn un bus d' stanza-ziola, ch' era a mezz a una scala. La povra Betta steva pò li con l' uss avert, es andava vdand tutt qui, ch' passavn, e la n sù gran fatt, ch' la vùt mò passar al so Dpint Smalt lì, tolè; perchè s' a vùj saver agn' cosa, av dirò, ch' quella era la citià, dov era Regina quela bagaja, ch' i rubbò al marri. Quand donca la Betta vùt al sò car Dpint Smalt, l' av una grandissima algrezza: oh, dis qualch cosa srà, address a sò dov l' è, lassa pur, dis, a vùt far la pruvana dal prim d' qui strambuech, ch' m' insegnò la vecchia, mi, perchè address è al temp d' un d' qui bisugn, ch' la diss lj, e quasi la cminzò a pravar d' recitar, s la i vgnè fatta, al prim, dsend: *Ahinzn tufaign mllinzpsa*. Subit finì s' ultima zirra d' parola, ai vign dinnanz una bella carruzzina pzinna pzinna d' or tutta incastrà d' zoi, es andava da pr li pr la stanza, ch' l' era una blezza a vderla; lj lassò avert l' uss, e quel dunzell la vùtinn, e subit i àl dissn alla Regina. Lj d' lunghe vign alla stanza dila Betta, es diss: oh la bella cosa! m la vùt vendr, ch' av darò quell ch' am dmandari? La Betta arspos: eh i fatt dsperpust, signora: am maravej anch d' lj mi, cosa credla, s ben ch' a son quasi mindica, ch' a n m basta l' ann d' dunnarla? l' ha d' azztarla in don, sol con st patt, ch' la s contenta ch' a staga una nott in t' la stanza, dov dorm al sò signor consort, ch' a vrè parlar da mi, e lù. La Regina la i pars tanta la gran strambarj, ch' una donna acquì randlenta vliss far un regal sì magnific, e ch' l' aviss mò tanta vuja d' parlar con st' om; mò intant la fì i sù cunt d' buscar st becunzin, e d' minchiunarla, es di la dormja a sò marj, e pò diss alla Betta: vò pur mò quant t' vù lù da lù, e la signora s' purtò vi la carrozza. La sira la Betta va in t la stanza, dov era Dpint Smalt, es al trova addurmintà cm' un tass, e lj, sì ben ch' la vdava ch' al durmeva sì fìss, la n fì mai altr tutta quela nott, che un bruntlar continv, trandi in t' i uech quell ch' l' avè fatt pr lù; mò gli ern tutt zanz tratt al vent, ch' lù era just cm' un pezz d' masegna. La mattina a bunora al vign la Regina in t la stanza, es cminzò a vùt sò marì, e pò al cunduss vi pr man, dsend alla Betta: it mò contenta? i àt mù par-

là abbastanza? Ij arspos tra i dînt: o pust pur sempr essr quâ cuntenta tî, la mî razza porca: mò la n psseva piû dall' affann. La vols prubar anch l' second parol dla vecchia, ch' dsevn: *Brgsbanchn zughstign hainfzughst*. Mò la n sta sn' a vedr, ch' ai salta lì una bella gabbia d' or, ch' avè dentr al piû superb animal fatt tutt d' pred prezios, es cantava all' impar d' un rusgnol. L' dunzell subit al dissn alla Regina, e ij al vols vedr, es i fî l' istessa dmanda d' cumprarl, e la Betta i dî l' istessa arsposta. La Regina, ch' era una mutria, chiappò la gabbia, es diss alla Betta, ch' la s serviss pur. La sira la dî la solita bevanda a Dpint Smalt, es al mandò a durmir in t l' istessa stanza, dov l' era sta la nòtt innanz, ch' ai era un bon lett. La Betta zà al solit, sì ben ch' lù durmeva, la fî la pertantegula dî l' altra nòtt, es i arcurdava tutt quell ch' l' avè fatt pr lù, dsend dî parol quâ compassiunevî, ch' l' arè moss a pietà l' pred; un pzzol la pianzeva, un altr pzzol l' andava in rabbia, ch' la sschiancava i cavj, mò lù zà l' era tutt un, perchè al n' udeva ngotta. Quand fu dî, la Regina vign al solit a tors sù al sò Dpint Smalt, es las-ò lì la povra Betta piû morta che viva. Al purtò mò al cas, ch' Dpint Smalt andò la mattina fora dla città a spass in t' un ort pr cujer quattr figh, ch' al s' vlé magnar, es s i accustò un zavattin per parlari, al qual zavattin stava just con la sò butghetta a mur alla stanza, dov i avevn miss quel dou nòtt la Betta, es aveva udî tutt l' lamenturi parola pr parola, ch' avè fatt quela povra diavla, e quâ, cmòd ai ho dîtt, al s' accustò a Dpint Smalt pr cuntarl sta cosa. Lù Dpint Smalt, ch' eminzava a mettr un pò al judizi, ai vignn in pinsir, ch' st gran durmir, ch' al feva, derivass da qualch cosa, ch' ij dissn, perchè (cmòd al dseva) an pò mai essr, ch' an' udiss donca un baccan sì fatt; al fî rissoluzion, s' quela braghira dla Regina i avess piû fatt dar quela bvanda, ch' an la vleva. Intant la Betta vols far la terza pruvana, dsend l' ultim strambocch, al qual disè: *Culgmgttgh cartgniozò sprigzn*. Tant quant l' av pronunzià l' ultima d' sti parol, al vign fora dî pezz d' robba da vsîr: mò e ch' mustazz d' robba! stoff tssù d' seda, e or, fuss arcamà d' arzent arputà, una cuna tutta d' or massizz, e vâ pur là, ch' ai era dî mundi d' galantarj. L' Dunzell zà al solit avvisonn la patrona, e

lì zà fì la fola d' nasm' in stecch d' far l' istessa dmanda, e qu' alira l' istessa arsposta; la Regina diss in cor sò: oh va pur a dscorrer con mj marì, ch' in ultim al n' udirà pò un pzzol. La chiappò sù tutt sti ricchezz, ch' i miss in man la Betta, es s' fì purtar sù agn cosa, e pò di s, ch' la s serviss pur d' andar da lù quand la vleva. La fì dar la solita dos d' dormja a Dpint Smalt, mò lù n' fu minchion, al s' tignn a ment al dscors fatt con al zavattin, es tols ben la bvan- da, mò al la tign in bocca, e pò andò sovra al camr a spudarla vù. L' andò pò in t la solita stanza dov arrivò la Betta, e l'j cminzò la solita parlada: Oh cu-lazz, la ignè ditt: al ho fatt mì con l' mi man d' mandl, e d' zuccar, es i ho fatt i cavj d' or, i uech, e la bocca, e agn cosa d' robba d' tant valor: olibò: ch' al m' è tant ubbligà, e pó m' tratta a sta manira! n' s'ì? al srevv pur una massa d' pasta iu s' un tullir, s' an' era mì, ch' m' deva al diavl a prgar la Dea Vener; dop ch' ai ho durà tutt sti fadigh, al s' lassa pò cundur vù cmod farè un can, e nù son quì grossa d' aver fiù, es ho fatt di strassin da boja, asiand vj pr al mond pr cercarl; dis, a son stà quì in sta stanza dou altr nott, vedal, e pr vgniri, ai ho dunà alla sgnora dl cos da Regina, e pó cosa cavja? just dla pluma, quest è mò l' ultima nott, ch' a son quì, perchè mì dman, o quì, o quì, a vù murir. Dpint Smalt, ch' era zà desd, e ch' era sta pazient a udir sta gran tirà da duttor, saltò pù finalment sù, dsend: oh tasj mò, ch' am assurdj: am arcord ben quì in brlum d' essr sta in t' un altra cà, e d' tutt sti zìrr, ch' avj ditt, mò an n' arcord acquì cmod s' fa un insuni: mù pian pur, dis, stà pur quita, ch' a vù ch' a la famm in barba a sò maestà. Quand fu di arisgh arisgh, al s' livò, es andò pianin pianin in t la stanza dla Regina, dov i era tutt quell belli cos, ch' i avè dunà la Betta; d' fortuna la Regina ignè semper al lumìn, ch' al pssì chiappar sù quell ch' al vleva, ch' a s i vdè lum. In prima al tols tutt i regall dla Betta, e pó al scrign dal zoi, e dai quattrin, e quisti al i alzò a cònt dal tradiment, ch' la i avè fatt, e pò tornò dlà da sò mujer, es sbittonn vù camminand, es ussinn dai cunfin dal regu. I arrivonn a un bon albergh, es stonn lì fin ch' la Betta fì fiù, ch' la parturì un bell putt masch. Quand la fu dccò dal part, i andonn a cà a truar al pà dla Betta, ch' av un

gran cuntent a videri san, e salv, perchè an' n avè savù mai più nova, es dubitava ch' i fuisso murt. La Reglona, quand la s accors du' aver più al mai, nè l' zoi, là s' ammazò da per li dalla gran rabbia. L' arev bsgnà, ch' l' aviss avù in ment quela sentenza, ch' dis acquì:

*N' far ai altr quell, ch' t n criss pr tì.*

## La Fola dla Brocca d' Or.

**A** I era una vola un' urtlan, ch' era puvrett, mò verament puvrett, ch' al durava una gran fadiga a campar. Mò pur non ostant la sò gran miseria, al s'era inzgnà, a forza d' cavars dalla bocca di pzzù d' pau, d' mettr da banda tant, ch' l' avè cumprà trei truj, ch' al vlè ch' l' servissn pr dota a trei ragazzi, ch' l' aveva, zà ch' en' i era dubbi, ch' ai pssèss dar niint d' più. L' don fioli più grandi andavn pò sempr inseni a cundur a passr l' s' u purzlini, mò l' n' vlevn brisa a trebb l' altra surlina pznetta, ch' aveva nom Palmirina, perchè l' dsen' ch' l' era tutt la gran nida, ch' la i arè dà impazz, e quì gli dsevn ch' l' andass pur a paqular la sò truja in altra banda. La Palmirina cminzò andar con la truja in t' un cert bosch, ch' aveva in mezz una fontana d' un' acqua quì chiàra, ch' la feva vgnir vuja d' bevvrn. Andand pò indentr pr al bosch, la vist un' albr, ch' aveva tutt l' fui d' or, e anch l' brocc Caspittina: sta ragazza s' attaccò a quel fui bassi, dov la pssè arrivar, es tirò una brocca, e pò la purtò tutta alligra al pà. A st pover om ai turnò al fì in corp, es astuppò n' sò quant bus con quì quattelu, ch' al cavò a vendila, ch' fann più d' vint flipp. Ai dimandò pò: dov l' at cavà, Palmirina, quela brocca? e li arspos: tasj pur, pà, vindila, e n' stà a cercar altr, s an vlij guastar la vostra fortuna. Qnl' altr di: mò bona: la torna con la sò brocca in man li. Sò padr turnò a vendr anch questa, tant ch' i s cminzono arburdir, perchè, a finirla, la tosa andò dri, fin ch' l' albr fu dssfnjà dal tutt. Intant la s accors, ch' l' aveva anch al pè tutt d' or massizz; mò li n al psseva d' piccar con l' sou manetti; la tol sù, es andò a cà pr tor un falcinell, e cminzar a dcalzar, e in effett la

cminzò a dar attorn attorn al pè, ch' al s' cminzò a rendr, es i vign fatt d' spiantarl anch più facilment, ch' l' an arè crìtt. Quand la l' av tolt vè, la vist ch' ai era sotto una bella scala tutta d' marm; l' j ch' era curiosa fora d' mod, l' andò zò, es cminzò a camminar pr una grotta, ch' era dcò d' la scala; quand la fu un poch in là, i arrivò a una bella pianura, dov i era in mezz un bellissm pallazz; mò an deva altr in ti ucch sin or, arzent, perl, e pred prezios. La Palmirina s' incantò a vder sti ricchezz, ch' l' era robba, ch' la n avè mai vist, mò la n vdeva pò testa viventa in tutta gula cà. L' intrò dentr in t' una sala, dov i era l' più belli pittur, ch' avissi mai vlù vedr; ai era d' pint d' la zent, ch' as vdeva ch' al pittor aveva avù intenzion d' far cgnossr, ch' i s' stimavan duttur, mò ch' i n in savev una pattacca, a i n' era di altr, ch' andavvn dianz ai giudiz, ch' dsevvu aver dl lit; di altr, ch' currevvu vè, ch' al parè ch' i avissu pora, ch' n intravegniss cvell d' mal; insomma g' i era l' più belli cos, e tant ben conservà, ch' l' paren' fatt allora. In s' istessa sala ai era una tavla apparchia con tutt l' vivand, ch' pren' vgnir in testa a un, ch' saviss i num d' agn cosa. La Palmirina, ch' avè sempr fam, con l' uccasion ch' la n' vdè li gnanch un can, la diss: mò n' èla una matiria lassar andar a damal sta gran robba? es cminzò a taffiar, mò la s' astudiava. In quella, ch' l' era ben involirà in t' al magnar, ai arrivò li un zovù negr, negr ch' era un schiav; li vlè subit scappar, perchè la n pssè più dalla gran vergogna, ch' l' av d' essr sta trovà li a magnar quèl francament a cà d' altr, mò al schiav diss: stà ferma, n t' movr, ch' at vù pr mèl mujer, es vù ch' t' èpp la più contenta donna dal mond. La Palmirina, stè li ferma, sì ben ch' la s' la fèva addoss dalla pora, mò a sintir sta baza, an i pars un partì da trars dedrj dal spall, es arspos: eh mèl fèrò quell, ch' al voll lù, mèl. Subit ij mustronn una bella carrozza d' diamant, ch' era tirà da quatr cavall d' or con gli al d' emirald, e d' rubbìn, ch' alzonn in aria la carrozza, quand l' j fu dentr, es la condussu a spass pr l' ajar, ch' l' era al più bell gñst dal mond. Al fu dà per servirla n' só quant s' omni vstì d' tela d' or, ch' i fèvvn di unur emol s' la fissa stà una Regina, es la vstin con di abit, ch' stèvvn dratt dal gran or. Quand fu sira, qual schiav i demandò: an, Pal-

mirlua, vut for la nanna? vitt quì al lett, ch'è ammanvâ: mò subit ch' t i sotta, anmorta ben la lum vè, e guarda ben d' star in cervell, e d' far quell ch'at digh mi, ch' t n' fazz di marun: La Palmirina ubbidì, es andò a durmir; mò la n'av appena asirà i ucch, ch' al schiav vign ancha lù a lett: l'j s' d' d' tutta inspurì, mò la n scappò, perchè la s' arcordo. ch' al i aveva ditt, ch' la fissa quell, ch' al dsè lù, sicchè la sù li, mò innanz ch' fuss di, al schiav s' livò, es turnò a dvintar negr, perchè in t' l' andar a lett al dvintava bianch. La Palmirina era curiosa mò d' saver chi era mò precisament quell, ch' andava sigh a dormir, ch' la n' fineva pò d' credr ch' al fuss al schiav. Intant la n' seguent success l' istessa cosa d' quell, ch' vign sigh a durmir. Quand la Palmirina sintì, ch' al surnacchiava, la n' psè più star ai sign dalla gran curiosità, ch' l' aveva d' vder qustù in t' al mustazz, e chiarirs chi l' era, e chi al n' era. L' andò a taston dov l' avè vist, ch' i era al battfugh, es impres la lum con un sulfanell: quand la fu dal lett, la l' vist: mò ch' cosa delicata era mai qual zovn! fà cont, ch' l' era un latt, e un vlù; l'j si incantò a guardar, es n' badò brisa, ch' la lum a d'ari in ti ucch l' arè dsdà, e d' manch n' fù. Subit, ch' l' av avert i ucch, al cminzò a cuspttar, e a biastmar, mò ai tirava dentr, e pò i diss: uh razza storta: pr cava tò ai ho mò da star anch altr sett ann, e fors più, a sta maldetta penitenza: braghira, t' lia vlù batur al nas dov n' inpurtava: oh ben, t' in pùss pintir: fattla ben just address. ch' an' t' vui quì, e torna vè con i tù strazz, zà ch' t i stà quì matta da trart vè la fortuna, ch' t' avev avù. Ditt sù cos, al zovn sparì vè cm è fum, e la Palmirina u' in sav più nè ram, nè radis, s n' ch' l' armas li infusì, incantà dal gran d'olor, es uscì fora da qula cà con la testa bassa, smerguland fort, quant mai la psseva. Quand la fu fora dla grotta, l' incuntrò una fada, ch' i diss; oh, fiola mi, quant in' d' spias mai dla tò d' grazia! povra tosa! t' va just s' pò dir alla forza tì, perchè t' ha da passar di guai, ch' t' agher-varan più ch' n' farè la mort: mi però son quì pr ajutart: at' vui dar di remdi, perchè t' scapp in part i prigul. Tù sti sett fusa, tù sti sett figh secch, e t' st vasett d' mel, e pò d' zunta tìn sod sti sett para d' scarp d' terr, v' dri camminand sempr fina mai ch' sti scarp s'rau frust; quand srà

passà tant temp, ch' l' scarp sinn in malora, tu prà far a manch, ch' al viaz t'arà purtà a passar pr una strà, dov i srà una cà, ch' arà un' antana, là i srà dentr sett donn, ch' sran la sù a filar, e gli agucchià vgnaran fin zò in t la strà: t' vdrà, ch' in scambi d' fus, gli arvoltn al fil in s dl' gli oss d' mort, e ti subit, mì fiola, agufflat zò chìna, chìna, ch' n t' vdissn mai, e quand arriva zò l' agucchià, cava vè quagli oss d' mort, e arvolta l' agucchià attorn a un d' sti fus, quai fa a una pr una; mò prima bsdò che t' bagn l' fusa in st vaseit d' mel, ch' at ho dunà, decò dal fus metti un d' sti figh sicch, ch' farà da fusarol, e quai fà a tutt l' fusa; lor quand l' tiraran sò al fus, sintiran ch' l' è dolz, cm l' s l' accostn alla bocca pr innumdir, es diran:

*Chi m' ha addulzì sè ben la mi buccazza,*

*Mò i piova pur addoss la vinturazza.*

Dop sti parol, l' diran una dop l' altra: oh, oh, chi è quella, ch' ha purtà sti cos dolci? lassat un pó vder; ti allora t ha da dir: mó an' son sè barona mì, ch' a sò ch' am vli magnar. Lor arspundran: an t magnaren, nò alla fà d' dis quattrin, e ti dura, n i arspendr miga; lor tiraran innanz, es diran: an t magnaren pr dina baccon, e ti, eh! bò: an t magnaren pr la nostra dondla: signora nò, ch' la n' è la bona: an t magnaren pr dina dall' U, e ti ferma: an t magnaren pr l' oca bisa, n i creder miga: oh al srè just allora ch' l' t taf-fiaren': basta in fin quand gli arran zurà pr Tron e Losna, allora salta in cà, e và sù da lor in s' antana, ch' an i è dubbi ch' l' t magnin. Quand la Palmirina àv avù tutt sti avvertimint, la ringraziò la fada, e pò s' miss a camminar, es andò del, la puvretta, sett ann, senza mai trovar nè donn, nè antana; tant ch' l' scarp pur una volta s' frustonn, sè ben ch' l' gli ern d' ferr. L' arrivò pò finalment in qula strà, dov i aveva dtt la fada, ch' i srè sta l' donn a filar, la li vst in t' una casuppla, ch' aveva un curdurett, ch' spurzeva in fora sù alt, e lì ai era sti donn, ch' filavn: l' fì tutt quell funzion attorn al fusa, ch' i aveva dtt la fada ch' la fiss, e lor fin tutt quegli altr, ch' l' gli avven' da far. Finalment dop tutt qui scunzur, ch' l' s' trinn, ai qual la Palmirina n i criss mai, i s' trinn pò quel d' Tron e Losna, e l' s' lassò vder, es andò sù. Quand la i fu dinnanz, gli saltonn ai ucch tutt sett, dsendi: ah razza storta: t i sià cav-

sa tì, ch' nostr fradell è stà altr sett ann in qula grotta : braganossa : pr i tù bî uech, al chin auch far da schiav, mò basta : s t ha avù i furbarj d' farz trar al sconzur, ch' z' arilgu ch' an t magnamu, tu' farà miga la festa vè, la mî insulenta, perchè s t i scappà dalla mort, al bagnarà ch' t in pass d' agu fatta pr vi d' nostra madr : nù però, siccom ch' i sirassiu, ch' t' passerà n' zavaràn ngotta a nù, a t vlen mò anch insgnar cmod t' ha da tirarla con lî. Arpiat-tat dop a qula stura, em t' la vi arrivar, perchè senz' alr la t' magnarè : vai pò dedrì ; chiapp'a pr i cavì dla coppa ; e n i lassar mai, fina ch' la n zura pr Tron e Losna, ch' la n' t farà mal. La Palmirina fi just quasi quand arrivó la vecchia, la qual s' miss a trar di conspitt, ch' in quant a lî la crdeva ch' avissn a far addrizzar i cavj : la zurava pr la paletta dal fugh, pr al fusarol, pr al strazz da dar alla polvr, e pr al dvanadar ; basta, pr finirla, la zurò pr Tron e Losna, e allora la Palmirina lassò andar i cavj, es s' fi vedr a qustj, ch' era si mala diavla, e tra gli alr belli prerogativ, ch' l' aveva, l' era una donna salvadga. Cmod a digh donca ; la s lassò vedr, e lî i diss, t' ha rason, t' ha rason, così vut ch' at diga mi ? mò però sent : st n' ararà pr al dritt, a vui ch' t' port invidia ai murt, e quasi la Palmirina arinas lî in qula cà, es s' inzgnava d' tguir ben in mezz al . . . con riverenza parlend La donna salvadga arè pur vlù trovar qualch cosa da pssers attaccar pr dari di dsgust. La strulgò cosa la i aveva da urdnar, tant ch' la n i riussiss, pr psserla pò svillanزار. La tols dods sacch pin pin d' gran d' varì fatta mesdà insem ; ai era dla zerchia, di fasù, dal zeis, dal mli, dla lent, e dla favetta, es i diss ; tù, bambozza, addliz tutt sti gran, ch' l' sippn separà una dall' altra, e fa ch' sta cosa sippa finì sta sira coi' a tora a cà, ch' su' chi nò, mal guai a tì, mî t' magn in quatr beccu. La povra Palmirina s' miss lî a sedr vsin ai sacch, e pò cominciò a far uu smergulament, es dseva : oh cara la mi brocca d' or ! oh at imprumett, ch' a padiss al spass, ch' ai àv in t la grotta mî : oh la gran sagurada, ch' a fu a vgnirui vuja d' vder quell in t al mustazz ! e què zigava, e quì s' batteva. Mentr ch' l' era in st travaj, al cuupirs lî Tron e Losna. Saviv mò chin l' era ? mò l' era qual mor dla grotta iù, s' av cuntintà, ch' l' aveva finì la so fadazion



ch' n' aveva da durar a'trament d' più d' qui sett ann , perchè que' galantarj , ch' aveva dà q'la fada alla Palmirina da metir in quel fusa avvevn accumdà agn' cosa. Ora cmod a digh , st' om arrivò li in st' affaun d'la Palmirina , e si ben ch' l' ultima volta , ch' i s' lassoon , lù armas instizzì con l'j , in t agn mod al fi anca lù com dis al pruverbi : ch' s' vols ben , n' s' vols mai mal. Quand alla vist quasi travajà , ai dmandò : mò cosa è st' pladur? traditora! am accord ben anch d'la gran rabbia , ch' tu' fess vgnir vè : basta , dis , fennla pur mò finì , e diinn a mi cosa t' ha. Lì arspòs : oh cosa ai ho ; mò l' è la vos ra mamma lì , ch' m' fa quèl arrabbir : n' siv sò fiol ? oh ben , la m' fa propri amattir : la vol ch' a fazza d' cos , ch' mi n' l' poss far , es dis a sta maniera , ch' la m' uagnarà lì , saviv ? Tron e Losna arspòs , oh sù , i fatt simittun ! an è pò tant brutt al diavl quant al s' d'piaz vè : n' t' dubitar : stà a vedr ; in t al dir quèl , l' arbaltò per terra tutt qui sacch d' fasù , e tutt qui altr , e pò fi vgnir un dluvi d' furmigh , ch' spartìnn subit tutt l' gran , e la Palmirina cminzò a massa pr massa arcujir sù , e mettr ciascheduna sort in t al sò sacch. Quand vign la donna salvadgha , e ch' la vist ch' l' era fatt agn' cosa , la s' av ammazzar dalla rabbia , es i diss : eh , la mi zaqlina , quest è farina d' Tron e Losna ; mò basta , s am poss accorzar d' evell , t' m' la pagarà ti , insultenta ; e pù diss : tin sod sta tela , ch' ha da esser fodra d' dods tamarazz , addlizz tutta sta penna , ch' i va missa dentr , ch' i tamarazz sippn pin , e finì sta sira cm' a vign a cà , altra-ment t m la pagarà. La povra ragazza cminzò a vultar sta tela per tutt i vers , es n' savè da ch' banda cminzar , La s mis a seder , e a pianzr , e a schiancars i cavj. Da lì a un poch , cumpars l' amigh zrisa , ch i dis : t m par una tonda mi : t l pur dspradizza : dstend qala tela qui in terra , e pò ziga fort quant t' ha fià in t la gola sti parol :

*Oh currij ben tutt , currij ,*

*Ch' l' è mort al Re di usj :*

dilli , e pò stà quita ; la lì diss es cminzò a vular zò vsin a l'j una quantità prodigiosa d' usj , ch' sbattevn tant fort gli ali , es i cascava una quantità d' penn , ch' in manch d' un' ora al fu più tutt i tamarazz , ch' Tron e Losna aveva zà tajà , e cusì la tela. Quand la strìja usservò ch' agn cosa era compì , la buffava , es diss : Tron e Losna m' vol far taruc-

car sì: mò s' al pinsass pur ch'a la vliss passar quì con sta pas, mò an son quài gnagna mí: eh, dis, at muarò ben mì pr un straddlin, ch' tn i j mai stà. Pr mantgnir la promessa, quand la i n' av studià una bella, la chiamò la Palmirina, es i diss: và camminand, mò camminand và a cà d' mi surella, e dii ch' la m' manda i instrumint da sunar: perchè ai ho fatt al spos Tron e Losna, es vui un poch far una festa da ball, tant ch' a stammn alligrament. In st mentr ch' la deva st ordn alla Palmirina, l' aveva spidl vi un con un avis, ch' la mandava pur a sta sò surella, ch' dseva: con qualment al srev vgnù una da part sò a dmandari i cuss da sunar, mó, ch' l' n' vleva dir alir, sn' ch' d' lungli la l' ammazzass, e ch' la l' inspadass, ch' l' srev vgnù sigh a dsnar pr magnarsla tutt dou insem. La Palmirina, ch' sintì sta volta ch' la i deva un ordn quài facil, ai pars un miracl, es cors vi tutta alligra, dsend in cor sò: oh una volta la va pur un pò mii. Mò quant a sen mai facil a fallar! Lj currevà quant la psseva incontra alla mort; l' incuntrò Tron e Losna, ch' i diss: eh povra gonza và pur in fiezza, t' va in man al boja vè: la zè è lì quella, ch' t' ha da ammazzar, e pò da cusert arroast, mò sguora sì: eh, basta, la i andarà busa vè. Tù st pan da un bulgnin, tù st pó d' fen, e tu sta preda. Quand t' arrivarà lì dalla cà dla zè, t' attruvarà un can, ch' morsga, ch' l' è una delizia, al t' vgnarà incontra abbajand pr mursgart, e tì dai subit st pan, ch' as placarà. Passà, al can, t' truvàrà un cavall dsligà, ch' vgnarà a patt fatt pr dart una massa d' calz, e tì tacch, appunzi st' fen, ch' al s' nittrà a magnar, es n' abbadarà più a tì. In ultim t' vd' à nna porta dla cà, la qual srà mezza averta, e va sempr sbattands; tì ficchi appunzà sta preda, ch' la n' s' sbattrà più, perchè anch questa t' farè dal mal. Và pò sù dal scal, ch' te truvàrà la zè, ch' anca lì e una bona smintina emod è la mamma, es è pur ancà lì una donna salvadga; questa arà in brazz una ragazzella; innanz ch' t' arriv, l' arà za impres al fugh in t al forn pr cusert; la t dirà: tin sod sta criatura, tant ch' a vaga sù alla cassa a tor la robba da sunar, mó la robba srà sì fatta, ch' la s' andarà aguzzar i dint pr magnart. Tì in qual mentr tassa in t al forn la ragazzella, e n' aver cumpa-sion a ngotta, perchè zà l' è caru salvadga; chiappa pò camminand i sun, ch' in attaccà dop all'

uss in t' una scattla, e scappa vi, innanz ch' torna zo la zè, se nò t i sbrighà; mò sovra al tutt (e guarda ben d' far quell ch' at digh) sovra al tutt, ch' an t scapass mai averta la scattla dai instrument, perchè t' accattariss da far. La Palmirina fi tutt quell ch i diss al so mros, senza aver po- ra d' ngoita, e quand la turnava indrj con la scattla dov i era deutr i sun, zà la n pssi star du' battri al nas, e dn' l'avrir. Subit ch' la fu averta, as miss a vular fora pr ajar tutt sti instrument, as vdeva sù in alt in aria quj un flaut la un mandulin, un pò piú in la un oboè, e pò un violin, e una tiorba, e timpan' e salteri; i fevvn pò la più bella meludj, perchè i sunavn tutt in t' una volia, ch' s' Palmirina i n' avess avù vuja, la srè sta una delizia da stari a udir; mò l' aveva talment sù i chiù, ch' la n' saveva ch' partì s piar pr chiappari: la i andava currand sotta con l' brazza rossa, rossa cm' un tocch, es zigava tutta instizzì. A lassaren mò la Palmirina in st gran affanu, es turnaren a finir al raccont dla donna salvadga, e cosa success alla partenza dla Palmirina. Quand la donnazza fu turnà zò dop essers aguz- zà i dent, e ch' la vist ch' la ragazza n'era più lì, la s fi camminand a una finestra, es gridò alla porta, dsend:

*Porta, mi bella porta,*

*Asquizzat ben trammez gula razza storta.*

La porta i arspos mò lì, tolè, es diss:

*Bsgnarà mò, ch' t' àv pazinzia tì, st' cuntent,*

*Ch' la m ha miss un puntal, ch' è contra al vent.*

La donna salvadga chiamò subit al cavall, es diss:

*Cavallon, sù, cavallon,*

*Dà a qustj una chioppa d' calz in t al vintron:*

e al cavall arspos:

*Mò mì nò ' ch' an' sta ben*

*Perchè la m' ha purtà a dunar dal fen.*

In ulum la s' ficcò a chiamar al can fort quant la psseva:

*O là, o là, cagnazz:*

*Morsga ben gulf, e arvinla in t al mustazz:*

Al can si vulto, digandi:

*Oh adess sù, oh just vè, ho tù st prillin:*

*Oh an' fazz d' sti cos, a chi m' dà dal panin:*

Intant la Palmirina, ch' era là drì ai sun tutta arrabbì, l' in- cuntrò Tron e Losna, ch i fi una gran rumanzlina, es dsava:

mi ni n' ho vist mai una donna braghira cmod t i t: t ha pur anch vist per la tó maldetta curiosità, cosa t'è intravvgnù: oss, dis, là pur ch' a vui anch pr sta volta ajutart: al cminzò a stuffillar tant, ch' tutt i sun vgnin' zó, es turnonn in tla scatola, lù i la di, e pó diss: porti mò alla maminna. Quand qustj la vist arrivar sana, e salva, ai vgn al diavl attorn, perchè la s figurava ch' la fuss za bella e cotta arrostit, la diss in cor sò: ah in fin mi surella m' è contra! traditora! la n m' ha gnanch vlù dar st content. In st mentr vign in cà la sposa nova, perchè verament Trou e Losna s' fèva al spos, es era anch questa la più mala femmina: l'era propri una pesta, la steva just ben lì in quela cà con quegli altr; ai cridava pò misericordia attorn quel pulidezz, ch' la parè agn volta piú urrenda. Intant só madonna fi una bella cenna, e pò, pr vder pur s' al psè prignar qualchun, la fi apparecchià la tavla vsin a un pozz, e pò i fi sedr lì a gallon l' sou sett fioli con una tozza pron in man impresa, e a la Palmirina la i in di dou, es vols, ch' la sdiss propri in s la piazza dal pozz, con pinsir ch' i vgniss, sonn, e ch' in t al dar un crudott, la fuss cascà in t al pozz. In qual mentr ch' andava vgnand innanz, e indri l' vivand, e ch' s' andava bvend, al spos, ch' dseva aver alzà un pó al gomd, diss alla Palmirina: oh bella fiola, m' vnt ben? l' ar spos: ps ps ps ps, dla carra; e lù: mò st' m' vù dunca ben, ch' n m' dat un basin, e l' diss: oh ch al monta qui deccò: l' ha lì la sposa, ch' al s in fazza dar da l'j, ch' al s la liga pur lì al coll, ch' l' è quella, ch' i ha da far stì còs: al bon prò i fazza, e ch' l' ava la sanità, e un putt maschi. La sposa, ch' era, cmod ai ho ditt, la più gran berghintona, ch i fuss da qui di, saltò sù, dis: eh madó simona, cosa? av puzza sotia al nas, n' èl vera? oh guardà mò vù, ch' la fa la ritrosa, es n' accetta un invid si fatt, e mí, ch' son quella ch' a son, basò un pigurar, s l perchè am dunnò una mistnechina. Al spos, ch' sintì sta gnixa, ai vgn ben ben sù i chin a segu, ch' an psè piú magnar, ch' al becca n' andava nè innanz, nè indrj, mò pur al dissimulò, dsend: eh adusi pur: nssun sà quell, ch' bui in pgnatta. Quand fu finì la cenna, e ch' i avu dsparchià, al mandò a lett sò madr, è l' sou surell; d.s., andà pur mò vù, donn, ch' andarò mò anca mí in t' la mi stanza qui con la signora sposa, basta

sol ch' vîgna la Palmirina atirarm zò i scuffa. Mentr ch' i s' dsputjav'n, Tron e Losna turnò in t al discors dal bas, ch' n' i avè vllù dar la Palmirina quand i ern a tavla; al diss con sò mujer, dis: aviv mai vist d' piz d' sta schizignosa quì, ch' n' m' l' h' vllù basar? e la sposa arspos: ch', s' l' è una matta, perchè m' cmod a dseva, m' lassò ben ben basar da un pigurar, sol perchè am dunass una mistucchina; guardà mò s' la n' v' avè da basar vù, ch' si quì bell zovn. Tron e Losna n' pssì più star ai sign, es arspos tutt instizzi: l' è donca vera, ch' t' al basas? e la sposa diss: un poco. Tron e Losna n' fi nè a' tr ben, nè altr mal, sn' ch' al chiappò un curtell, es la scannò, pò fi una busa zò in cantina, es la supplì, mentr ch' tutt ern a lett, e pò di la man alla Palmirina, dsendi: tì t' srà mi mujer: oh tì tì ben una donna onorata! I andonn pò a lett, e la mattina a bunora al vîgn in t la stanza la dunazza salvadga madr dal spos a purtar la suppa alla sposa nova, mò l' arnias ben curta, quand la vîst ch' la n' era più quella, e ch' in só lugh ai era la Palmirina, ch' l' i avè tant in odi. Sò fiol pò i cuntò cosa l' avè fatt, ch' al n' av brisa pora. La vecchia arab-bì em' un tor cors là da qula sò surella, pinsand d' psær bat-tr consì pr ammazzar la Palmirina, senza ch' Tron e Losna la pssiss ajutar, mò la sav pr strà ch' la s' era arrustì pr al gran d'ulor d' aver vist la sò ragazzella cotta in t al forn, es s' sinteva anch la puzza d' brusa luntan un p'zol. La donna salvadga di in tanta dsprazion, ch' l' andò d' posta a cuz-zunar la testa contra al mur, tant ch' ai squizzò fora al cervell. Tron e Losna fi pò in mod, ch' la Palmirina fiss la pas con l' cugnà, e da lì innanz i stin tutt in pas, es s' vîst in lor, ch' al vîgn vera al proverbi:

*Che chi la dura,*

*Finalment trova pò la sò vintura.*

## La Fola d' Sol, Luna, e Talja.

**A** I era una volta un gran cavallirazz, ch' ai nassl una fiola, es i miss nom Talja. Quand la fu d' qualch stman', al vols ch' vgniss tutt i strulgh d' quel paes a considerar la sò fisonomj, es i diss l' ora, e al punt, ch' la fiola era nadda, tant ch' i mttissn pò lor insem cosa i avè da intravgnir. Sti zent, quand i avvn diut, e dtt dl mattiri, finalment ijn dissn pò una più grossa degli alir, pr parer d' essr vgnù li a far cvell, e pr livars dai garitt al signor padr; i dissn donca ch' la toea portava un gran piugul d' murir pr causa d' una d' quell scurzetti. ch' in in tal lin, ch' casclin zò dai randj segond ch' as fila. St signor, quand al sinti quai, al maudò un ordio ch' nssuna aviss ardir d' cumparir in cà sò nè con la rocca, nè con di randj nè d' lin, nè d' garzol, sott pena dla sò disgrazia. Mò un di mò, ch' la Talja era sù grandsina, l'era alla finestra, es vist passar pr la strà una vecchia ch' filava, l'j ch' n' aveva mai vist nè rocca, nè fus, ai piass tant qual prillar dal fus, ch' la chiamò sù la vecchia, es vol vder cmod s' feva, e pò vols tor l'j la rocca, e cminzar a tirar zò d' quegli agucchià d' lin, perchè li an' i era nssun, ch' vdis, nè ch' pssiss bravar. Mò cosa mò: la puvrina in t al filar ai andò sotto a un' ungia una d' quel scurzetti e cascò in terra morta. La povra vecchia s' ficcò a correr zò pr quel scal, ch' la feva tri, o quatr scalin alla volta, tant s' ruzzlavla mai fort pr pora dn' aver di dsgust. Quand pò al signor padr sav la mort dla fiola, l' av a murir auca lù d' affann, es fi dl dsprazion, ch' us' ponn dir. Finalment, zà ch' an i era più remedi, al la lassò in qu' istess palazz, es la fì accundar in t' una bella cariga d' vlud sotto a un baldacchin d' bruccà, e pò abbandonò qual palazz, dop ch' l' av fatt assrar tutt l' port, es andò a star in città, perchè sta casa era in campagna, e mai più, mai più vols apparir in qual vers pr n s l' accundar. Da li a qualch temp ai fu un cert Re, ch' andava a caccia, es i scappò un falcon dentr da una finestra d' st tal palazz; al

fi battr, e chiamar, e turnar a battr, mó zà nsunn arspòs, perchè nssun i era. Quand st Re fu sta pazient un pezz, ai vign vija d'intrar dentr pr qula fnestra, es fi tor una scala da pirù, es muntò lù istess sù in t' la scala pr vder, ch' razza d'cá era questa, ch' avè un bell aspett, e pó era dsabbità; l' intrò donca pr la fnestra, es cminzò a zlrar pr tutt l' stanzi maraviands, ch' n i fues anma nada. Finalment l' arrivò a qula stanza, dov era la sgnora Talja, ch' era zà lì cm' è incantà. Al Re pinsò ch' la fuss una, ch' durmìss, es la cminzò a scussar, dsend: eh, eb dormla? àla mal? mò lj, eibó; ai cminzò a guardar, es vlist ch' l' era tant bllina, ch' la i piass molt ben lj, es fi i sù cunt, si ben ch' l' avè mujer, ch' al pssè tor anch questa, e pò diss: mò zà ch' la vol far la nanna, l' è pò mli ch' a la porta mì quì in s' al lett, ch' la starà piú comda, e cm la s' desda, an i dullrà la vita. Quasi fi, al la chiappò es la purtò in s al lett, dov al s fermò anca lù, perch' l' era strach, e pò da lì a un pucchett l' andò a far i fatt sù, e lj armas lì a lett, mò sempr cm' è morta, e st Re n' s' arcurdò d' st avveniment, so' da lì a un gran pzzol. Intant la sgnora Talja, quasi bella e morta, da lì a nov mis la fi du tus lj, cioè un masch, e una femmna, es n s addì d' ngotta in t al fari. Quisti funn gvernà da dou fad, ch' funn avvissà d' sta cosa pr vè dila só art; sti donn attaccon i fandsln al pett dila sò mamma, es' n' accattonu mai al cavdell, e lor s' attacconn al dida d' una man, e tant l' succhionn tutti, ch' j arrivonn a succhiar qual did, ch' aveva la scurzetta d' lln sotto l' uggia, la qual vign a ussir; tant quant la fu nssì d' in t la pell, la sgnora Talja arsussitò. A lj i pars d' aver sempr durmì. La prima cosa in t l' avrir i ucch, la s vlist attorn sti dū rabbucchi: la n sav mai cosa s' pinsar; la diss; mò ch' diavl cmod èla sta cosa? La vdeva pó ch' ai era purtā da magnar, mò la n' vdeva da chi, perchè gli ern zà quel dou fad: lj n' vols pó mettrs gran malincunj, ès cunsiderò ch' l' era mli ch' la s piass pinsir d' allivar i su tus, cmod in effett la l' fi con un amor spasmà. Intant qual Re, ch' avè fatt sta bella ovra, s' arcurdò da lì a un pezz d' st' accident ch' j era intravgnù, es vols turnar là; andand a caccia, es intrò pr l' istessa fnestra. Quand al vlist, ch' non

sol la n'era più addurmintà, mò ch' l'aveva qui d'ù fandsia, l'av un'algrezza, ch' n' s' pò esprimr. Al s'vulio pò ai tus, ch' au' s' pssè saziar d' basari: guardà, al dseva, n'manj, i bi d'ù massarin. Al cuntò pò alla Talja cmod era andà sta cosa, dsendi: a son un Re vedla, e ij i cuntò ch' anca ij era fiola d' un sgnor d' impurtanza, es ho nom, dis, Talja, al sò servizi. Al Re s'fermò pò l' da li n' sò quant di, mò al bisugnò pò ch' as licenziass, es i prumiss, ch' al srè ben turnà a vderla, e ch' al srè pò vgnù a torla, pr cundurla alla cort ij, e i fands-in; al masch a i miss nom Sol, e alla femmna Luna. Quand al fu a casa, al n'aveva mai altr in bocca, che Talja, Sol, e Luna; quand l'andava a lett, cm' al magnava, cm' al spaszava, sempr sta Talja, e Sol, e Luna. St Re aveva zà mujer, e la sgnora i aveva pres qualch sospett, a sintiri sempr in bocca sti nom, e pò anch perchè la vist ch' al sti vi acquist tutt qui di senza saver al perchè. Cosa filla ij? la chiamò al secretari, es diss: sintim, sgnor cusslin, s' vù n' tgnarj d' man in t' una cosa, an si mai più pr aver bisogno d' nssun, mò altrtant, s' am sri gajin, mal guai a vù, ch' am basta l'anm d' darv al malann pr tutt al temp ch' a campà: mi vui saver chi è qustj, ch' mi marì va nominand tutt al di: guardà d' n' m' arpiattar ngotta. Al secretari, ch' ai fi gola a sintir tutt qui l'offi, e dall' altra part ai fi pora quel minazz, al pres al parti d' cuntarila tutta tal e qual, perchè zà lù era infurmà d' agn' cosa. La Regina n' fi altr ben, nè altr mal, sn ch' la di ordn espress all' istess secretari, ch' andass là dalla Talja, e ch' al fias vista d' andari da part dal Re, dsendi ch' ai cmandava ch' la i cunsgnass i sù fiù, perchè l'aveva vuja d' vderi. La sgnora Talja ij cunsgnò tutta alligra, e la furfanta dla Regina, quand la i avv, la fi chiamar al cugh, es i diss: tolè sti d'ù ragazz, av cmand assolutissimament ch' ai scannadi, e pò ch' ai cusadi in vari manir, part in fricasce, part arroast, e stuvà, e ch' soja mè, es vù ch' i s portn tra l' piattanz, ch' magnarà sò maestà. D' fortuna al cugh era un' om amurevl purassà, e quand al vist sti dou sì belli criatur, ai in sav tant d' mal, ch' al n' i vols altrament far murir, es i traffugò, dandi in man a sò mujer, ch' i tign sempr arpiattà, e pò lù cumprò d'ù cavrizz, es i acumodò in cinquanta manir. Quand fu vgnù a dsnar al Re,



la Regina era tutta alligra, perchè zà la crdeva ch' tra quel piattanz i fuss i ragazz, e al Re mò just qula mattina magnava più d' gust, ch' an suleva far, ch' ai pareva ch' la robba fuss fatta con piú diligenza dal solit, es andava digand: sagra! cmod è mai bon st friccandò! mò l' è pur squisit sta mattina st' arrostit! o ch' cosa jotta st' stuvà, e la Regina dæva: ch' al magna ch' al bon prò i fazza, l' e robba sò, e lù seguitava a ludar l' vivand, e l' j a dir l' è robba sò. Quand lù àv udi n' sò quant volt sta bubbla, ai vign rabbia, es arpos tutt' instizzi: oh guarda, ch' miraqul, ch' l' è robba mil certo, che quel ch' a magn n' srà robba sò, ch' ml da li n' ho avù un quattrin, e d' quell ch' è in sta cà, an' s pò mustrar sicura niint dal sò, e pò s' livò sù tutt' ingrugnà, es andò fora d' cà, ch' al diss ch' al vlè andar a un casin d' campagna. Quest era just al sò pan d' l' j; la vols sfugar dal tutt la rabbia, ch' l' aveva con la povra Talja in st inetr ch' al Re era fora. La chiamò un' altra volta al secretari, es i di ordn ch' l' andass a torla, con dari ad intendr, ch' al Re l' aspttava. L' j subit s' trl sù la prigionjera, es cors tutta alligra, pinsand d' vder al sò sangu, mò la n saveva mò l' j ch' al sò sangu era sì fatt, ch' i l' arvevu da bruser, ch' l' era za ammanvà al fallò. Quand la fu in cort qula srlja dla Regina s' la fi andar dinnanz, es i saltò ai ucch, ch' la l' av a magnar: la parè una vipra; la i diss: oh ch' la vigna, signora marcolfa, ch' l' è tant ch' a desiderava d' inchinarmi, zaltrova, t' m' aricussiss al bell dviadur da mari: brutta lova: guardà, ch' bell zett è causa, ch' mi mari n m' vol più ben: mò basta, t i arrivà a scuntar tutt i d' gust, ch' ai ho mi pr cava sò. La Talja arpos: mò mi, signora, n' n' ho colpa; lù arrivò lì, ch' ai era morta: cosa volla ch' ai fazza mi; ml n' sav ngotta. La Regina saltò sù: eh ben ben: at vui ben mi dar d' ngotta, ch' t' va cercand: allon, dis, ch' s' impija al fugh, ch' é ammanvà zò in t al curtil, e ch' la si traga deutr. La Talja, ch' sinti sta guaccara, si inzinnechiò diinnanz, es i diss: oh signora: ch' la m' daga almanch tant temp, ch' an d' spuja d' sti pù d' pagn: dis, ch' la guarda, i in arcamà d' perl, e d' or, vedla. La Regina arpos: os vi, am cuntent, mo nò pr far a tò mod, mò perchè am pias qual pettanler, e qual stanlin. La Talja s' cminzò prima a cavar just al pettanler,

e in t al trarl vè, al trè un strill, ch' al parè una criatura: dop la trè al stanllin, e pó al bustin, e tutta sta robba strillava con una vos lamintevla, ch' passava al cor. L' era pó lí in braghetti, e qulor eminzon a strampgarsla dri pr trarla in tl' fiamm; mò in quella al turnò d' vj al Re, ch' arrivò just comod fa la timpesta al zucc. Al vist la signora Talja, comod ai ho ditt, ch' n' avè più sn' l' braglin, e pò vist qula zent, ch' s' deva alla fortuna a tirarsla dri pr brusarla: al dmandò d' algrezza d' che i la vlevn brusar, e pò dmandò: dov è armas i ragazz? La Regina diss: mó i ragazz in lì ch i covvn: al i ha magnà in t al dsnar lù; l' impararà d' perdr l' amor alla mujer. Al Re sintend una cosa sì fatta, di in tanta dsprazion, ch' al feva, es dseva dl cos, ch' al parè propri fora d' lù; l' andava chiamand l' sou criatur, es era in tant affann pr avern magnà, ch' an s prà mai dir. Al fi pò turnar a vstir la signora Talja: e pó s' vultó alla Regina, es i diss: ah cagna assassina! t' ha avù tant cor d' far murir dū innocint, e pò s' la t' vgnè fatta, t' vliv brusar sta povra fiola! oh ben: con l' uccasion ch' t' ha fatt purtar zò i fass pr al fallò, a vù mò ch' i servn pr tì, es di ordn ch' la füss trattia là in t' al fugh, e ch' i füss tratt sugh al secretari, ch' era stà lù al bell mzzan d' st trattat. Quèl finn. Al vleva pò ch' s i triss anch al cugh, perchè al crdeva ch' l' aviss cott i fandsin: mò al cugh i vign dinnanz, e tragands in znocch, al diss: mò sacra corona la n' va miga ben, ai ho salvà la vita, veddla, a i sù fiù, mò signor sì: e sal, s' as l' inmazinava la feliz memoria d' qula braganossa dla sò signora, ai era ben in t' un brutt spulvr, veddla. Al Re sintend sta cosa, ai parè d' insuniars, es n' saveva s l' era la gran vuja ch' i füss parer, ch' al füss vera, o pur s l' era d' bon, ch' füss salv i ragazz, e la signora Talja. Al s' vultò pù al cugh, es i diss: s l' è vera quell ch' tn' dj, at assicur, ch' tn' arà più bisogn d' star a pisiar pulpett, nè a vuliar l' arrostit, perchè t' srà al più feliz om' ch' s'ippa al mond. In st mentr, ch' passava sti cos, la mujer dal cugh fu avvisà, ch' sò mari era in di guai, la cunduss lì camminand Sol, e Luna, es diss: caspitina: aspetta mò, ch' a corra, ch' al mal temp n s descargass addoss alla mi cà: Quand al Re i vist, an s' pssè saziar d' basari, e pó fi un' assegn al cugh d' un

tant l'ann, e pò al fi zintilom d'camera, ch'an' saveva cosa s' desiderar. La sgnora Talja spusà dal Re dvintò Regina, es camponn (pr quant i disn) l'j, al Re, e i fiù un gran pezz. I finn pò degli algrezz, per scuntar i travaj, ch' i aveven' passà:

## La Fola dla Sapienta.

**A** I era una volta al Re d' Castell Assrà, ch' aveva un fiol, ch' era al più sulenn zuccon, ch' sippa mai sta al mond: an i era sta vers, ch' l' aviss pussù imparar d' cgnossr l' littr, pr quant i al mandassn alla scola; cm' al tulleva in man un libr, al dseva di dsprpust, ch' fervev rabbia: i avvev lasi d' tgniri la qulazion, d' dari del sculat-tà: eibò: in qula testa an ijn psseva intrar. Sò padr era dsprà, perchè ai parè vergogna, ch' un par sò fuss sì gran ignorant, es dseva: guarda mò vù: vigna ch' mi manca, l' ha d' armagnar al regn in man a st' oca, e pssì credr, ch' bell gvern ha da essr quell. Ai era mò lì in t' l' instessa città una sgnora ch' era una baronessa, ch' ij dsen' la baronessa Zanza; questa aveva una fiola, ch' aveva sol treds ann, mò ch' era virtuosissima: l' era arrivà in qu' età a una scienza grandissima, es era fora d' tutt i studi; insomma l' era all' impar di più gran duttur, e pr la gran fama, ch' l' aveva in t la duttrina, ij dsevv pr sovra nom la Sapienta. Al Re, ch' cgnusseva la madr, e la fiola, fi pinsir, d' dar a scola alla sgnora Sapienta al tos, ch' aveva nom Carlin. Al dseva lù al Re: forse al s' vergugnerà tant a vder, ch' una donna in sà tanta, e che lù è quì indrij con la scrittura, ch' a un bon bisogn questa srà là strà, ch' al farà imparar. Quì donca al le fì passar in casa d' sti signori, e la sgnora Sapienta cminzò a insegnari con un amor, ch' an' s' pò dir: oh sù ben (la dseva) sù gajard; a b c d: mò an i era vers; l' intindeva cmod arè fatt un zocc. Al perfinud sta alla pazinzia ancù, stai dman, e stai dman l' altr, alla fè d' diat aguzz, alla sgnora Sapienta ai scappò la pazinzia, e un di lai lassò andar un smasslon quì putent, ch' al sgnor Carlin vist l' strell, es i brusò sì fort st castigh, ch'

la i di, ch' la rabbia i fi mò far quell, ch n' avè pssù far quà s' vuja diligenza fatta da quì, ch' i avveva insegnà. Al cminzò a far un prufitt sì grand, ch' in puclissim temp al sav lezr al fior d' virtù benissim, e pò cminzò a studiar la gramatica, e pò a far di latin, ch' só padr n' pssè star in t la pell dall' algrezza; i al cminzonn pò a mandar al dutor, e in fin al dvintò virtuosissim lù: tù. Lù però con tutt st' imparar, n' s' era mai d' curdà qual scupplott, ch' al buscò, perchè al s' l' era avù quì pr mal, ch' mai più, mai più la perdonnò ala Sapienza, e semper aveva in ment st' gran oltragg, che al pretendeva d' aver arzvù, e fin in t al durmir al s' insunjava ch' l' ave trovà manira d' vendicars, cmod in eff tt al stabill d' vler far. Intant al passò dal temp innanz ch' s' i fuas presentá l' uccasion d' far sta veudetta, e la signora Sapienza dvintò una zovna granda da mari. Al prencip, ch' stava con tant d' uoch per vder quand al i aviss pssù far qualch trenton, l' audò dal Re só padr a dirì: mi, signor padr, a son ubbligà a l, perchè la n' ha dà la vita; mò dop l, a son ubbligà alla Sapienza, ch' è stà cava ch' à son dvintà quì virtuos; m' trov, ch' ai ho a sta zovna tant l' gran ubbligazi n, ch' pr soddisfarla an i trov altra manira, sn ch' a la sposa, purchè l, signor padr, in sèppa content. Al Re arpos: mò sì ben, Carlin: mò sì ben, dis, certo ch' chi vllss guardar, la n' è para nostra, mò li è mò tant scienifica, ch' vaga mò sù pr zò: pr m' son content. I fin chiamar la baronessa Zauza, es tironn la scrittura, e al sposalizi s' fi con di sfarz, e degl' algrezz, ch' audavn all' ajar. Al prencip dinandò a só padr un quartir in t al palazz, ch' fuas ben separà, perchè al d'iss, ch' al feva per star con la sò libertà, e al Re f' addubbar un palazz, ch' era li a mur, e al prencip ji andò a star con só mujer. Quand al fu lì, al la cunfinò in t' una szanzia sola, e pò di ordn ch' n' s' i d'iss sn un nustr, e una mela cotta, e da bevr dal mezzvin, e mai vols andar s'igh a durmir. La povra Sapienza era la più mal contenta donna, ch' fuas al mond, es n' saveva d' algrezza d' che al la trattass mò quì, la d'è dentr da l: mò cosa i d'ighia mò aver fatt, am cminzò a trattar quì subit ch' al m' av spusà, ch' al n' m' di gnanch temp d' fari al perchè? Da lì a qualch di al vign vuja al prencip d' vderla es andò in t la

stanzia dmandandi cosa fala? La Sapienta arspos: eh, al mi cuchià! al pò mò credr emod a stagh: puvrin: mtiij un didin in bocca, ch' an' sa miga lù emod a poss star con i bi trattamint, ch' arcev, vdi! dis, mò a vrè ben pó saver, ch' eghiribizzi i saltò d' torm pr mujer pr trattarm pò quisi, mò an impurtava brisa ch' al s' incommodass d' cumpartirm st unor. Al prencip arspos: mò av al dirò mi, la mi braganossa, perchè av ho vlù tor. An sò s' a savadi, ch' chi fa un' uffesa s la discorda, mò chi la rcev, n' fa brisa quisi. V' arcurdav, la mi insulenta, d' quel gran scupplot ch' am dissi, quand an insgnavi d' lezzr? cas ch' an' v' l' arcurdassi vù, am l' arcord mi: mi n' v' ho vlù tor per mujer pr altr, sn pr aver camp d' far d' vù emod s' fa dla sussizza. La Sapienta replicò: oh bon! mò la m piaa questa: lù n' aveva da esser si gran zuccon: oh questa è bella! al m' aré da ringraziar, ch' a son sta cava mi, ch' addess l' è un virtuos, e pr ricumpensa a m tratta a sta manira? al n' ha mai sintù dir, ch' al medgh pietos rend la piaga incurabil? Al prencip ch' s' aspttava ch' la i dmandass scusa, al s' maraviò ch' la la portas acquià cimata, es i vulió l' spall, senza dari altra arsposta, e pò emandò, ch' s i dovìss dar la mnestra più pzina d' quell, ch' la s i deva. Da lì a n só ch' giurnat, al turnò da l'j, es trovò, ch' la i deva gl' istess arspost, anzi ch' la pareva più argujanta, lù diss in cor sò: tira pur innanz ti, ch' a i tirarò anca mi, es vdren un poch chi srà al pilin a cedr. Intant ch' passava sti cos, al vign a murir al Re, es armas al signor Carlin patron assolut dal Regn. Al vols piar possess d' tutt l' cità, ch' i eru suddit. Al di ordn ch' al tal di fuss in ordn una gran comitiva d' cavalir, e d' guardi a cavall con un sequit grand d' servitur, es andò in viaz. La baronessa Zanza, ch' saveva zà al mal tratament ch' era fatt alla fiola, pr rimediari, l' aveva fatt far una strà sott terra, ch' arrivava dalla sò casa a quella dov era la fiola, es i mandava agn di carn, e autipast, perchè la n sgangass tant. Sta signora era una, ch' aveva com s' sol dir, qual servizi, ch' era plà; l' avend savù la parteuza dal Re, la fi di livrè nov, e di carrozz sontuos fora d' mod, e pó fi un abìt d' vlud a sò fiola, es la fi accumpagnar da di signori, mandandla v' con st splendor pr

una strà più curta, ch' n' era quella, ch' tgneva al Re, tant ch' la fuss innanz a lù d' un dì in qu' istessa città, dov al s' aveva da fermar. La i fi tor una casa addafitt propri indritt al palazz, dov lù steva: la Sapienta, second i urdn d sò madr, s miss alla finestra acquì addubbà, ch' la parè la bella Lena, e pò fi tant i bî ucchin al Re, ch' al s' cusì fora d' mod, e insomma al l' àv in tl' man, es i du- nò un manilln d' zoi, ch' era zà una cosa da Re. Quand al Re lassò quela città pr andarn a visitar degli altr, la Sapienta turnò a cà, e da lì a nov mis la fi un bell putt mas- sch. Turnà ch' fu al Re, l' andò per visitarla, ordend ch' la fuss morta, mò l' armias curt a vder ch' l' era inton più che mai, es i parlava sempr più con aria, rappresentadi ch' l' avè fatt al sò ben, e gli ubbligazion, ch' al gli avè per qual smasslon. Al Re s' inspirtava agn volta più. L' àv pò da turnar vi per visitar un' altra città, e la Sapienta fu cun- sià dalla signora madr a far cmod l' avè fatt alla prima; la l fi, e la cosa andò cmod l' era andà qu' altra volta, e per regall l' àv un bellissm snillon. La turnò a casa, e da lì a altr nov mis la fi al segond putt; quì success anch la ter- za volta, ch' l' andò là, e quand la fu turnà, d' cò d' nov mis la fi la fola solita d' parturir, e quì dai con sti putt, e tant fussla andà drì a qual Re, con quant la i n' arè fatt, sn ch' sta volta mò la fi una femmna, es aveva avù una cadena d' or. Al Re da lì a uu pzzol turnò vi, mó nò più la Sapienta, ch' n' s' moss. Turnant pó a sò temp al Re alla sò residenza, al trovò, ch' as era spars vos, ch' la Sa- pienta era morta, perchè in effett la bironessa i aveva dà la dormia, es l' avè fatta supplir e gn' cosa, mó la nott se- guent la la fi cavar fora dla sepoltura, es la fi purtar in casa sò d' arpiatt acquì bella e addurmintà. Al Re alzò l' man al cil pr sta mort, es miss camminand in pì un spusa- lizi con una gran signora. Quand fu all' ordn tutt l' cirimo- ni, la sposa vign, e gn' cosa brusava d' algrezza. As fi un gran dsnar, e mentr ch' i ern in t la gran sala a magnar, al cumpars lì la Sapienta con i trì fadsin, es s' agguflò diinnanz al Re, dsendi: a la pregh, sacra corona, a far giu- stizia a sti trì innucintin, ch' i in dal so sangu. Al Re stl un pzzol a rsondr, ch' ai parè d' insuniars, e pò diss: vei

chi l'è! mò, dis, am in decchiar, ch' a cgnuss address ch' la sa molt ben dov al diavl ün la cò; e pò s' vultò ai fandsìn, es i guardò, dsend: guardà quì l' belli criatur! mò, dis, cmod j a la fatt? ai vgn po da pianzr dall' algrezza, quand al sintì la strà, ch' l' aveva tgnù a fari. Al s' vultò pò a quila signora, ch' era vgnù li com sò spesa, es i diss: ch' la cu-patissa mò, questa a l' aveva spusà innanz a lj, au sò mò cosa mi far mi, mi i darò un signor per mari, s la l' vol, quest è quant. Lj s i accommodò, e lù s' turnò a tor la Sapienta, es n i fi mai pié al grugn, ch' l' arrivò pò a capir, ch' l' era sta cavsà dal sò hen.

## La Fola di cincu Fradj.

**A** I era una volta un om da ben, ch' aveva nom Pacchion; quest aveva cincu fiù masch, ch' n' ern gnanch bun da tors da bevr. Al puvret d' sò padr era dsprà, perchè lù dvintava vecch, es vdeva, ch' dop la sò mort i aren' tgnù dmandar la limosna, e pò anch ai aghervava, perchè in ern bun da dari ajut a lù. Un di ai fi un decors, dsendi: i mi ragazz, al cil sa mó lù s' av vui ben, perchè, a dirò com diss quì altr, a sì mi fiù, e mi n' poss far a manch: mò an importa: mi n' poss più più vder v star li con i dint in bocca, e ch' an' v' avadi mai da inzgnar, mi n' in guadagn, es m' era vgnù in pinsir, ch' a procurassi un poch d' andar vi pr al mond a vder s' a pssissi buscar cvell, e pò, s l' ha da vgnir vera qual pruverbi, ch' dis:

*Chi mett al matt da pr sì,*

*Pensa la nott, quell ch' l' ha da far al di:*

pr sta rason la n' v' arè d' andar mal, ch' al prev essr, che quand a vdrj ch' al bsgnarà, em' a vlj magnar, ch' av ruspadì in bissacca, erdim ch' av inzgnarj in qualch manira: mi vrè donca ch' a pruvassn sta cosa sol pr un ann, mò nò d' più: andà un in zà, un in là, s' a vlj, e d' cò dl' ann mi v' aspett, es starò a vder chi è sta al più gajard a imparar cvell. I zuvn finn cmod i diss sò padr; agnuu d' lor s' tols qui pù d' strazz d' pagn, e d' canis, e licenziands

da sò padr, i andonn chi quì, e chi lì, e un n' sav più dl' altr; su che d' cò dl' ann, cmod i ern armas daccord, i s truvonn tutt cinqu a cà. Al pà i fi algrezza, es cminzò apparchiar al tavlin pr dari da magnar, perchè al vlist ch' i ern stracch inadur. In qual mentr ch' i ern al più bell dal dsnar, as sintí cantar uu useil, e al più pznin di cinqu fradji s' livó sù con una gran frezza, es andò lí fora in s' un curdur, e po sti tant a turnar in cà, ch' l' era zà dsparchià. Pacchion sò padr, ch' n' i avè gnauch dmandà a nssun cosa i avevn imparà, quand st' ultin fu tuinà lì a sedr, ai cminzò a interrogar, dis: sù, fiù, con-olam un poch, ch' a senta s' l' è pussibil ch' av pssadi guadagnar al pan! Luzz, ch' era al più grand, arspos prima di altr, es diss: mi ho imparà d' far al ladr, mì son al capuri n d' qui ch' san far di lazz, e truvàr degl' invenzion per rubbar, e quai trist cm' a son, am dò vant ch' ai sippa puch frajù, ch' la scappn d' quì, ch' a ved mí, e quai di bursslin, e dl bissacch, e pò sfundar dl buttegh, e tor zò l' chiavadur, an' i è al cum-pagn. Sò padr arspos: oh bravo alla fè! t' ha ben tí trovà al secret d' guadagnart al pan fina ch' t camp, perchè t in rusgarà puch di grugnù, ch' i t faran la carità d' attaccart a un par d' forch, e quai t n' arà assà, e d' avanz, pr fina ch' t camp; oh puvrett mì! quisti lu di mi guadagn lor. Al s' vultò pò al second, ch' aveva nom Titlin: e ti, dis, cosa sat far? quest arspos: ai ho imparà d' far l' barch: oh, diss sò padr, almanch quèsta è un' art onorata, ch' t' pù andar con al tò mustazz dsevert da pr tutt/ e ti, Rizzon, ( ch' era un d' qui altr ) cosa àt imparà? lù arspos: d' tirar dritt con la balestra, mò quai giustament, ch' a cav un occhi a un gail con una facilità grandissima. Pacchion diss: ch anch quest è qualch cosa: t pù andar a cazza, e pò vendr i animal, ch' t' ammazz, tant ch' t' camp; e pò s' vultò a Jachmiu, ch' era al quart, dimandandi anch' a lò dal sò mstir. Lù diss: mò ai ho imparà d' cguassr un' erba, ch' aruscita i murt mi, tolè. Sò padr arspos: oh una busca! mò se sta cosa è vera, an' i e più dubbi ch' a siamn puvrett: casp: ognun vrà ch' t i vagh aruscitar i murt, ch' t' andarà al cà, ch' t n' prà far la parà, es t dinaran di bí regall. Oss, all' ulon dis, ( ch' l' era al più pznin, es



avè nom Minghett) sù, cosa sat far? quest arpos: mò mi intend al linguazz di usj. Só padr diss: ah! n' t maravjar, s quand t' ir a tavla t i livà sù, quand qu' usell cantava! mò zà donca ch' t' fa al quattr d'vantart d'intendri, diamm mò cosa al dseva? Minghett arpos: mò al cuntava, ch' un om salvadgh ha rubbà la fiola dal Re d' Altgoff, es l' ha purtà sovra a un scui, e i sù n in ponn saver nè ram, nè radis, e al sò pá ha tratt un band, che chi la trova, e chi i la porta, ai la darà pr mujer lù: al n ha pò ditt altr. Mò s' questa è quì, arpos Luzz, nù d' agn' ora aren in garet Giov. perchè mi ch' só rubbar sì ben, am basta l' aum d' livarla all' om salvadgh, just cmod s' fa a spudar in terra. Al pà diss: mò aven d' andar just adess nù: anden dinnanz al Re, e s' al z' dà la parola d' darz la fiola per mujer, nù i aven da prumettir d' truvàrila. Tutt armasn quì d'accord, e Titlin fì subit una barca, e tutt s i missn dentr, es andavn, ch i vulavn. I arrivonn a Altgoff, i dmandonn udienza al Re, es i finn la promessa d' purtari la fiola, purch' lù mantgniss la parola d' darila pr mujer. Al Re arpos: mò sì alla fè, ch' av la darò, dis, av in darè ben quattr di fioli, s' a gli aviss: am fari tropp vù al gran servizi a condurmla. Lor tolssn sù d' rundella, es andonn pr d' là da qual scui, es truvonn l' om salvadgh, ch' era lì al sol cón la signora, ch' era a sedr in s' l' erba, e l' om salvadgh s' era addurimintà con la testa in gremb alla signurina. Lì, quand la vist arrivar sta barca, la s allgrò, es se vlè livar sù dal gust d' vder arrivar sta zent, mò Pacchion i zguò con un did alla bocca, ch' la stiss ferma, e pò s' i accustonn in punta d' pè, es mi-su un gran prdon sotto alla testa di l' om salvadgh, e pò dinn la man alla signora, ch' s' livò in pj, e ajutà dalla destrezza d' Luzz, ch' savè sì ben rubbar, i s la fìnn, e vi in barca, ch' i n vdevn l' ora d' essr a salvament. Mò i n' funn gnanch lontan quant è d' quì a lì ch' l' om salvadgh se dedò, e quand al vist ch' era sta alzà al pezz, al guardò vers al mar, es vist la barca, ch' aveva la Diva. Siccom, oltra all' essr om salvadgh, l' era anch un strion, cosa fìll lù? al s' trasformò in t' una nuvola lù, s' an' v' è d' incommod, es cors pr ajar sovra alla barca. La signora Zvauna s' n' addì, (ch' l' aveva nom quì la signo-

ra) es diss: oh guarda mò lì, ch' gnaccara! vdiv qula cosa, ch' è la sù? la par una nuvla, mò l'è l' om salvadgh vdi: oh tanto benino: mi sò cmod al fa, es i vlgntant la gran termarj ch' a si moss l' convulsion, e al sangu i andò al cor, e in conclusion la mors lì, tù. Rizzon, ch' era quell, ch' tirava dritt, quand al vist avsinar la nuvla, al chiappò la balestra: e toppa: al di just in ti ucch all' om salvadgh, ch' dal gran spasm, al svulatò fora d' in t la nuvla, es di zò, ch' al pars un mazz, ch' cascass, es fi tri, o quattr scramazzù, e pò mors. Quand tutt qui om avn finì d' guardar a qulù i s vultonn alla sò barca, pr vder cosa dsè la signora Zvanna allora, ch' era mort l' om salvadgh; quand i vlstu ch' la n' battè uè pè nè pons, un d' lor diss a qui altr: uhi: lumà mò: sò padr dmandò: mò cosa? Titlìn arspos: mò an i vdi lum? diavl: an capj ch' la signora è morta? Pacchion diss, tutt affannà: oh deni dal nas! oh adesso sì, ch' a dvintaren ricch! oh basta dir, ch' a son mi, oh a spusaren mò la fiola dal Re, ai ho squas ditt, dov s' sol dir! Jacmln stl qued un pzol a sentir st gran baccan, ch' feva sò padr, e pò in ultim al diss: mò che nova? an v' arcurdà più ch' virtù ai ho in mi, an v' si tgnù a ment, ch' a cgnus un' erba, ch' arsussita i murt? vgnì pur vù migh, ch' a psamn smuntar in terra, tant ch' accatta l' erba, e pó n' sta a cercar altr. Sò padr arspos: oh sippt bendett, t' m' ha dà la vita. Jacmln fì vultar la barca vers al regn d' Altgoff, perchè l' aveva vist là d' qul' erba. I andonn a terra, e subit ch' al l' àv colta, al la struffiunò, es striccò d' qual sugh in bocca alla principessa; l' s' cminzò a slungar, e sbadacchiar cindò fa un, ch' ava durmì, e insomma la turnò viva, A pssì credr, ch' algrezza i avvn tutt; i andonn dinnanz al Re, ch' n' s' psseva saziar d' basar la fiola, e d' ringraziar quell person'. Lor pò dssn: oh, sacra corona: al sta mò a l' a mantgnir la parola: nù aven mantgnù la nostra. Al Re arspos: mò a dsì al ver vù, fiù; mò mi fiola mi n' la poss dar sn' a un; s la fuss un purzlin, a darev un zampett a un, una brasadla a un altr, mò quì, a quell ch' am cuntà, avj avù tutt man in t al liberarla dall' om salvadgh: cmod vliv ch' a fazza? Al mazor, ch' era al padr, arspos: al premi ha da essr second la fadiga: ch'

al giudica mó lù chi ha più affadigà d' nù, e ch' al daga la putta a chi s la merita. Al Re dis: oh t' parl pur pò ben! ossù, cuntam agn un d'vù cosa avì fatt. Tutt cminzonn: mi i ho fatt quest, e qu' altr, e mi in t al mod, e in t al tal; quand i fuon d'cò, al Re s' vultò al padr, dmandandi, e vù, nunnin, cosa aviv fatt? Pacchion arspos: mò am par ch' ai ho fatt più mi ch' i n' an fatt tutt' lor insem mi, perchè am son inznà d' dari da magnar, tant ch' i arrivv a st post, ch' i an pssù imparar sti art, ch' s' an' i aviss mantgnù, i srevv tant usvù, ch' n' aren' avù fià da star in pj. Al Re, ch' sintì sti rason, pinsò un pzzol, e pò diss: savj, ch' a fa? tullivla vù, sò padr, mentr ch' a si sta vù, ch' avj fatt sti ragazz, la s' v' aspetta a vù. Ai di una massa d' miara d' lir in dota, es dvintò una cà ricca. Al vign vera al proverbi, ch' dis:

*Cm' as è in dù a ragagnar,*

*Al vinz quell, ch' n i ha a cfar.*

## La Fola d' Ninlin, e d' la Ninlina.

**D**Is, ch' ai era una volta un' om, ch' aveva nom Zannett, quest era armas vedv con dù fiù, un masch, e una femmina; al masch aveva nom Ninlin, e la femmina Ninlina. St om vleva sì gran ben a sti dou criatur, ch' lù s' srè cavà al cor pr darial, e just perchè ai vleva sì gra ben, al pinsò a tor un' altra mujer, perchè i fussn tgnù arstà, e ch' i avissn qualch un, ch' i cunzass i sù pagnarin, perchè lor ern pznù purassà, e lù cgneva andar a buttega, e sti tus n' ern abagliù cmod lù arev vlù. E quì donca pr mala fortuna d' sti lusitt al tols una diavla d' una donna, ch' n' fu sì prest dentr dall' uss, ch' la cminzò a mettr fora al bsli d' una tiuta, ch' av sò dir mi, ch' la n' ingannava nsun, ch' la s feva cgnussr quant la bsava, e tutt al dì, cm' a la vlevi, an s' sinteva altr: cosa sonja vgnù in sta ca? per sbducchiar i fiù di altr? oh am mancava a mi i parti d' chi m' arè tolta, es n' arev avù sti bambuzz da smerdar; oh guarda mò tì! am pssè pur più tost andgar, ch' avè da

vgnir a far sta vita, an son miga vgnù per far la massara, e mi assolutamente, cm'an' i trovà remedi vù, mi mari, mi andarò vù, quand n i vaga i ragazz. Al puvrett d' só mari, ch' da una banda al vleva ben ai fiù, dall' altra al n' arè vlù, ch' qula bragonossa s' dsgustass, an savè ch' partì s' piar, e alla prima al diss assà lù, ch' la n i stiss miga a far tant plador, ch' ai n' avè pln al fus, mò al vist pó, ch' la piava agn volta più fugh, al cminzò a çajar, es i diss: stà inò queda, ch' innanz a dmattina a ora de dsnar a srj contenta, tasj mò, e n' alzà più l' organ'. E in effett, una mattina, ch' la sira innanz i era sta una gran vergna, al chiappò sù qui dú puvr innucintin, es i insfilzò in t' al brazzin al só panir, ch' i addruvavn d' andar a scola, ch' ai l' aveva impl d' pir slcc, d' nus, e d' U secca, e pò i cunduss fora d' una porta in t' un bosch. Quand i funn là, al pà i diss: i mi fandsin, stà mò quí, e magnà sta bona qulazion, ch' avj in t' al panirin, e pó i di auch un fiaschett d' vln, dsendi: tolè: bvj, e magnà: quand avj finì, s' a vlj turnar a cà, av fazz la strà cou una strissa d' cendr, quest v' insgnarà la vù, a cas ch' an savlssi trovar l' uss: addj, l' mi criatur: ai di un bas pron pianzand, ch' a si spzava al cor. I fandsin s'inn là tutt qual di, ch' in s' mossn, mò quand i vlsn vgnir sira, i avvn pora ch' u' vgniss qualch bistia a magnari, es cminzonn a tgnir dèl alla cendr, tant ch' i arrivvonn pianin pianin a cà dal pà, ch' l' era za mezza nott. Quand la madregha i vist, la di in di smani, ch' la n pareva una criatura, ch' aviss l' us d' rason, mò la parè una tigr. La cminzò a dir e ch' madisi, e ch' zà, e là, e ch' al pinsass pur a pruvvedri, ch' li n' vlè più star con lù, ch' la strev andà a cà di sù, ch' la n' era vgnù in qula cà pr limosna, ch' la i aveva purtà calzedr, e caldariua, insomina, la bragunò tant, ch' s' al povr om vols campar, bsgnò ch' al turnass a tor sù i tus, e ch' ai cunduss un' altra volta in t' al solit bosch; al gli impì un' altra volta al panirin, e al fiaschett, e pò quand al fu pr separars da lor, ai diss: i mi car fiú a vdi cosa a son sfurzà a far, al cil sà s' am in creppa al cor: ttntavj mi cred ch' a starj semper mii quí in st bosch, ch' au farlssi in man a qula razza porca d' mi mujer: quand avj finì al panirin, lassala

cantar, e turnà da mèl, s' ai n' avi vuja; av fazz al sintir d' reml, tgnj drj a quest, ch' v' insegnarà la cà, m' vdrò d' porzrev cvell, da star però fora dall' uss. Quand l' àv diu sti parol, al vultò in là la testa, perch' in al vdlssn pianzr, e pr n i vder lù lor. I puvrln quand s i fu finì al magnar, vlevn turnar a cà, mò un asn, ch' era passà pr d' lì, avé magnà al reml, es n' savvn trovar la vl. I stinn pò di di, e di di zirand pr al bosch, mò i s' sluntanavn agn volta più es campavn d' janda, e d' castagn. Mò al cil, ch' n' abbaudona pò mai nessun, fi, ch' la fortuna purtass li un prencip, ch' andava a caccia; quest aveva i can, ch' abbajavn, e Ninlìn àv tanta la gran pora, ch' n' savand quell ch' al s' fìss, al s' ficcò dentr da un gran albr, ch' aveva una gran cava in t' al pè, e la Ninlìna n' vist dov fuss scappà al fradlìn, e piosand d' tgniri drj, quasi currand per la pora la ussi fora dal bosch, es andò vers la mailna, e alla riva ai era di corsar, ch' ern vgnù a terra. Quisti, vdeud sta bella zaquilina, un d' lor ch' era al patron, la chiappò sù in brazz, es la purtò a cà da sò mujer, ch' s' allgrò a vder sta fandsina, perchè l' era dscunsulà per la mort d' una so fiola, ch' era successa poch innauz, e quasi i finn cont d' tgnir sta tosa in lugh d' quella. Oss a la saren mò la Ninlìna in man a sta zent, es turnaren là da qu' albr, dov era arpiattà Ninlìn. I can andavn abbajand li d' intorn, perchè i vdevn ch' ai era cvell li dentr; al prencip, ch' sinteva st pladur, ch' feva i can, di ordn, ch' as guardass con diligenza li dentr; ij guardonn, es trovonn st bell maminìn d' fandsin, ch' n' sav dir d' chi l' era fiol, su' ch' al dseva, ch' l' avè nom Ninlìn. Al prencip al fi tor sù in brazz, es al fi purtar alla cort, e pó al fi mandar a scola, es vols ch si insegnass d' agn cosa, e quand al fu grandsin, ai fi imparar d' far al scalcì, ch' al tajava l' vivand, ch' an s' pssè far d' più. In st mentr mò qual cursar, ch' ai ho ditt ch' avè tolt la Ninlìna, fu dscvert pr un bell ladr, es aveva dri i sbìrr, ch' i fevvn la ronda pr cundurì in person, mò lù s' iuzgnò, es dunò la manza al bariseli, e quì, ch' al cercavn, asironn i ucch, tant ch' al pssì scappar dal lugh dov l' era, e mudar paes: almanch al vlè prubar a mudarl. Mò al purtò al cas, ch' mentr ch'

l'era imbarcà lù con tutta la fameja (mitandi anchi la Ninlina) al vign una timpesta, ch'arvultò la barca d'sotia in sù, e tutt s'andgonn, eccett che la Ninlina, perchè al cil salvò quella, ch'n'avè colpa d'qual mal, ch'feva qui altr. Subit ch'fu prìgulà tutta sia zent, al vign lì vsin vsin alla barca un gran pess: mò e ch'mustazz d'pess! l'era grand cm'è una cà, es era affadà. Quest avers una buccazza granda cm'è un forn, es tols la Ninlina in bocca. La povra tusetta zigava, ch'la crdè ch'st pess la vliss magnar, mò l'armis curta, quand la vist ch'dentr da st pess ai era una casa la più bella ch'a vli-si vedr, e un ort, ch'era tant grand, ch'l'andava infin alla piazza, e un zardìn pìn d'fiur, e dl delizi, ch'la Ninlina n'savè cosa s'desiderar, ch'la steva da principessa. St pess la purtava a spass vsin a un scui, dov i arspundeva al zardìn d'qual prencip patron d'Ninlin, ch'ai steva sigh per scalcì. Un dì, ch'l'era un dì piú gran cald, ch'fussn gnanch sta, al vign zò al prencip a piar un pò d'fresch in qual mentr ch'l'aspttava, ch's'ammanvas al dsnar, perchè qula matùna al feva tantara, ch'ai aveva d'andar di sù amigh. Ninlin in qual mentr era sù in sl'antana a aguzzarr i curtj, perchè l'avè premura d'fars innor, ch'as tratta d' dir, ch'al tajava sì ben i animal, e tutt l'piittanz, ch'l'arè infin tajà a mezz un caveil. La Ninlina mò era lì, ch'al pess i l'aveva purtà, es steva pò lì st povr pess alla pazinzia con la só bocca averta, tant ch'la Ninlina s'divertiss a vedr cosa s'feva lì dla dal prencip, e siccom, emod ai ho ditt, st pess era affadà, al saveva lù quand era ora d'purtar la tosa, e quì l'intravvign ch'la Ninlina vist al fradlin; es l'arvisò, se ben ch'l'era passà di ann, o ch'forza la l'sintiss chiamar, o ch'la fada, cioè al pess, i al dsiss, o ch'soja mi; basta la conclusion è, ch'd'la dentr d'in tal pess la zanzó fort quant mai la pssl, digand:

*O fradlin! oh car fradlin!*

*I curtj in aguzzà,*

*Tutt l'tavl in apparchià:*

*Mò an' importa: a mè m' rìncress,*

*Ch' senza ti a son dentr a un pess.*

Ninllo la prima volta n i di fantasj, mò al prencip ch' era sotto a una lozza, s' vultò a sintir sta cosa in rima, es vist al pess, dis: guardà un pess, ch' parla in rima, al diss ai servirur, dis, guardà un poch s' al pasj tirar con manira. In qual mentr ch' i s' accustavn, e la Ninlina tuccava vi con la sò canzon:

*Oh fradlin! oh car fradlin!  
I curtj in aguzzà  
Tutt l' tavl in apparchià:  
Mò an' importa: a mè m' rincress,  
Ch' senza ti a son dentr a un pess.*

Al prencip convocò tutt i curtsan, es eminzò a dmandar a un pr un, chi avè pers una surella? Ninlin arspos: mò mi am è d' avis, ch' quand ai era pzinò, e vostra altezza m' attruvò là in qual bosch, ch' aviss migh una surlina, ch' era anca l' pzinlloa, e mi n iu ho mai più savù nova. Al prencip diss: mò vgnj un poch quì a gallon a st pess: chi vol saver, ch' la zanzada n s' ditte pr vù? Ninlin s' accustò al scui, es andò vsin al pess, ch' era lì con la sò buccazza averta, ch' era larga sj brazza, es spudò fora la Ninlina, ch' as diss just arvisar a una cummedia, ch' del volt as è vist uscir una qualch niufa d' in bocca a un mostr; mò l' è mó, ch' l' era tant la bella ragazza, ch' l' innamurava. Al prencip dmandò pò cmod era mò stà st' imbroi, e la Ninlina arspos: s' an al sò: an arcord acquì in berlum, ch' una volta ai era in t' un bosch e ch' aveva un panirin pin d' bon' cos, mò an sò pò nè al che, nè al com, es sò ch' ai ho sempr avù nom Ninlina, es m' arcord d' una madre-gna, ch' aveva, ch' z' sculattava tant mè e mi fradlin, ch' anca lù aveva nom Ninlin, mò an sò pò cmod s' chiamass al pà. Al prencip pr chiarirs müss fora un band, ch' dseva: s' ai era qualchun, ch' di ann indrj aviss pers dū fiù, ch' avissn nom un Ninlin, e una Ninlina, e ch' i avissn pers in t' un bosch, ch' i vgnissn al palazz, ch' i n' arevvn avù nova. Zanett padr d' su tus, ch' da qu' ora, a quella, ch' al lassò, an aveva mai più avù ben, per pora ch' i luv i avissn magnà, al cors con una gran algrezza, es diss al prencip; altezza, a son mè quell, ch' pers i fiù, es i cun-

tò, ch' l' avè bsgnà lassari là pr cava d' qula strija d' só mujer. Al princip arpos: oh a fissi verament una bella ovra! a del essr al gran barb-zagn, aver pora d' una femmina: mò, dis, an la savevi bastunar? bsgnarè chiaparla lì, e pò darvù tant a vù, fina mai, ch' a fissi la stoppa lù vdi, e insgnarv d' straffantar d'ù ragazz, cmod era quì. Zannett steva pò lì con al capell in man, es n' savè cosa s' dir, e quand al princip fu andà d'ri un gran pezz rumpendi la divuzion, ai diss: oss basta: av vui mò far vder i vustr fiù. Quand al vist ch' ern i più garbat zuvù, ch' s' pssessan vedr, al pianzè dall' algrezza, es n' s' pssava saziar d' basari. Al princip al fi pó vstir da cavalir, ch' an al vols vder con qula gabanazza; al mandò pò a chiamar qula berghintona d' só mujer, es n' vols brisa ch' al pà s' pariss dalla sò presenza, dand ordn a tutt ch' nssun parlava a quì d' quell, ch' era success. Quand sta braghira i fu dinnanz, ai mostrò quì d'ù zuvnett, d'endì vdiv lì quel dou criatur? li diss: lustrissm sì; e lù, oh ben donca, a vui ch' am fadi servlzi d' dirin cosa s meritare una donna, ch' i aviss stranjà tant, ch' i fussn fin andà a prigul d' essr magnà dai luv, o d' murir d' fam? La dunnazza, ch' n s' aspitava brisa d' essr lì quella, l' arpos: cosa? mò una, ch' avies fatt una cagnità sì granda, mò an farè altr ben, nè altr mal, an' ch' a la vrè assrar in t' una bott, e pò la vrè ruzzlar zò da una muntagna, mi, quest è quell, ch' a farè. Al princip diss: oh bravo, t' l' ha just pronunzià la sentenza cmod l' andava. Viitt, la mi strija? t' fuss ti, ch' t' arduvies pr l' tou stranjezz qual mammalucch d' tò mari a ficcar fora d' cà sti d'ù tus, ch' i in da bella andar in bocca al bistti la in t al bosch: mi, ch' son al princip, e ch' ho da castigar chi fa dal mal, a dagh ordn, es cmand, ch' just in st punt t' sipp ficcà in sta bott, e precipità zò da una gran muntagna. Quì fu subit fatt. Al dì pò una gran dota alla Ninlina, ch' tols un marl ricchissm, al fi un grossessem assegnament a Ninlin, ch' spusò pò una sgnora, e sò padr sti sempr con lor, es campò con altrettanta algrezza, quant' era mai sta l' affann, ch' l' aveva avù. La madregha, quand la fu assrà in t la bott, prima d' murir, la diss;



*Am psseva verament aspittar sta stretta ;  
Perchè chi fa dal mal , dal mal s' aspetta.*

## La Fola di tri Cidr.

AL Re d' Torr Lunga aveva un fiol , ch' al n' al vde-  
va quant l' era lung ; tutt l' sou speranz ern in st fiol ,  
e un' ora i pareva mill' ann , ch' d'iss fora qualch Re , ch' i  
vllss appunzar una fiola pr sposa , tant ch' lù , al Re d'  
Torr Lunga , pssiss dvintar nunnin. Ma pr al cuntrari mò al  
fiol n' era brisa cmod era al padr ; quest mureva d' vuja d'  
vder per cà la sposa dal fiol , e a quell an i impurtava un  
corn d' averla ; l' era un cos salvadgli , ch' n i bastava l'  
anm d' piar amor a ngotta , e quand s i dscurreva , ch'  
bsgnava pinsar a tor mujer , ch' l' era ora , al scussava la  
testa , es arspondeva : oh certo , e quajo : oh mi vui mujer  
vè ! Al sgnor padr era propri dsprà , e quest mò i pareva un  
guai grand , cmod srev quell d' un povr om , ch' n' avlss  
pan da purtar alla sò fameja. Lù i mtteva dinnanz al biso-  
gn , ch' i era , ch durass la sò razza , ès i pianzeva dinnanz ,  
dsendi : oh fiol mi , è pussebil ch' a ne m' v' ladi dar st  
gust ! mò al fiol : ehibó più dur d' un giaron ; l' era una  
testa acquai cucchiuda , ch' an s truvava al cumpagn. Men-  
tr ch' la cosa steva quì , al success un cas , ch' fi cressr  
anch piú l' affanu a qual puvrin dal padr. Una mattina  
quand i ern tutt a tavla , i avev un' arcotta , e al prencip  
in vols tajar zò una fetta , es s fi un tai in t' un did con  
al curtell , ch' as miss a spissinar al sangu , mó al steva tant  
ben qual culor ross con qual bianch dl' arcotta , ch' al pren-  
cip s' innamorò d' qui dú culur , es d'iss : oh s' am d' lsssi  
mó ch' ai fuss al mond una donna bianca , e rossa cmod é  
st' arcotta , e st sangu , e ch' i m la vlssn dar pr mujer ,  
a son ben d' accord , es i d'igh 'mó tant innanz , sgnor pa-  
dr , ch' a son propri in ghirigaja d' cercarn una sì fatta , es  
i dmand address licenza d' andar pr al mond a cercarla , sn'  
chi nò ai vo' l nasser dal mal. Al Re arpos : oh d' un' al-  
tra fatta ! fin address an avj mai vllù ch' s' parla d' mujer ,

adess av la vllì mò andar a cercar just vù : ai ho ben tant accar, ch' a la tulladi, mò mi n' vrè, fiol mi, ch' andassi vi, perchè a savj i gran priguel, ch' in pr al mond, e cosa incontra chi viaza : ah nò, fiol mi, n' abbandunà vostr padr, e lassà ch' vaga dla zent a cercarla pr vù : la sò cà n' strova mai vdl, fiol mi; e quì i feva di simittun, perchè al n' andass, mò al fu tutt un, l' era zà ustinà cm' è un bricch, al s' impuntò, es la vols a sò mod, Sò padr, ch' vlst ch' l' era rissolut, ai di una bona quantità d' zechin, e dū, o trj servitur, e pianzand al le lizenziò, ch' lù a vder partir qual fiol, as i strappò al cor; ai stl a guardar dri sù da una fnestra fina mai ch' al s' vdeva. Al prencip donca lassò al padr quì addulurà, e s' miss a truttar per del campagn, e di busch, e del vall, e dl città, ch' a in vlst magari, e da pr tutt al guardava al donn per vder s' ai n' accattava nna sì fatta, e mai i deva dentr. Quand fu passà di mis, i servitur s' ammallon, e lù i andava lassand al spdal d' man in man ch i devvn zò, e pò n' in vols più tor nssun, e s imbarcò in Gibilterra. Al tols un vassell, es andò in t' gl' Indi, e quì sempr cercava in tutt l' città, e in tutt l' cà s' l' aviss mai accattà una cmod l' aveva lù in t' al cor, e tant muò i pì, ch' finalment l' arrivò all' Isola dl donn salvadgh. Al smuntò a terra, es trovò una vecchia, vecchia, secca, secca, mó secca, mò ch' era la più brutta figura, ch' fuss allora al mond; lù la salutò, e pò s' i nuss a cuntar pr cosa l' era arrivà lì, cioè ai cuntò al bell motiv, ch' l' aveva d' zirar al mond, e ch' dal gran zirandlar, l' era pò arrivà lì. La vecchia s' maravjò d' sta mattiria d' un, ch' psseva star sì ben a casa sò, e ch' s' vllè strassinar per cercar una mujer just mó sì fatta; la i diss pò: oh qual fiol! ch' al s' arpiatta pur, perchè ai dirò: mi ho trei fioli, ch' mal guai al s' accurzissn ch' al fuss quì, gli al magnaren spzà in tant brasadl mezz in t' la teja, e mezz in s la gradella; ch' al scappa vi, perchè quì an' sta ben; mò sl' andarà un pò piú innanz, al truvàrà quell' ch' al cerca. Quand al prencip udì sta cosa, an' s' miss gnanch a sedr es cminzò a correr vl. L' arrivò in t' uu altr paes, dov al trovò un' altra vecchia piz dla prima pr vù d' bruttezza : anch a questa ai cuntò cosa l' aveva li

testa, e l*j* arspos: mò an' sta zà ben in sta cà lù, perchè l' mi ragazzi, sì ben ch' gli in tuseti, gli al magnaran, ch' al parrà unt; mò gran fatt ch' al vagha innanz al trovarà quell, ch' al cerca. Al prencip s' la f*i* a gamb ben e pre-t, es arrivò in t' un lugh, dov i era un' altra vecchia, ch' era a sedr in s' una roda, es aveva un panir insfilzà in t' un brazz, ch' era pin d' bscutìn, e d' cunfett, es deva sta robba da magnar a di asn, ch' l' aveva lì in só cum-pagnj, i qual, quand i avvevn magnà, s' mttevn a saltar in t' una riva d' un fium, e pò devvn di calz a di tacch, ch' ern lì. Quand al prencip fu diinnanz a sta vecchia, al s' miss a cuntar tutta l' istoria dal sò pellegrinagg. La vecchia al cunsulò, e pó i d*i* una qulazion, ch' av impru-mett ch' al s' unzè i baffi, perchè l' aveva una fam ch' al muriva. Quand l' àv finí d' magnar, la vecchia i dunó tel cidr, ch' parevn just colt allora d' in sta piantà, la i dunò anch un bel curtell, e pó i diss: al pò mò d' agn' ora turnar a casa, s' al vol, perchè am inmazin ch' l' ava pin al fus d' st viaz: zà l' ha accattà quell ch' al vleva, ch' an' cerca più altr: baslaman a s*g*uerj. Dis, ch' al vaga a bon viaz, e quand l' è v*is*u al só regn, ch' al s' ferma alla prima fontana, ch' al trova, e ch' al taja un d' sti cidr, ch' al vdrà ussiri d' dentr una bella fada: questa i dirà, ch' am daga da bevr, e lù subit ch' al sippa prout con l' ac-qun, sn chi nó la s' sfumarà cmod fa al vent. Ch' al guarda pò almanch d' essr prest quand al taja al second cedr, ch' anch d' in quell i ussirà una bellissima zovna, ch' i dimandarà anch quella da bevr; mò s' al diavl vliss pò mai ch' al fuss tant innuccà, ch' al lassass scappar anch quella, ai è pó l' ultim cedr da tajar, ch' s' an t*in* pò addaccatt l' ultima, an' sò cosa m i far: pr altr, s' al la pò agguantar, ch' al creda ch' l' ha trovà d' posta la mujer, ch' al cerca. Al prencip àv tant la gran allgrezza d' st regall, ch' an' saveva da ch' là s' eminzar a dar di cuntrassign allà vecchia dal sò gradiment; 'ai basò, prima d' tors d' lì, piú d' cent volt la man, ch' era una manazza tutta plosa, ch' la parè un rizz purzlin, al la ringraziò, es i diss tant: s' a son bon a servirla, ch' la m cinandà, e l*j* pó i arspundè degli altr cirimoni, e in fin lù s' eminzó avviar vers al sò

paes; per viaz ai intravvign qualch prigulazz, cmod intravvìn a chi viazza, mò an' i fu cosa da farn cas. Quand al fu sol luntan una giornata dal sò regn, e ch' al passò pr un buschett, dov i era una funtana, al s' miss a sedr in t' un prà cvert d' malgaritùn, e d' papavr russ, e lì al vols far la pruvana dla mujer, ch' avè da saltar fora. Al cavò d' in hissacca al curtell, es cminzò a tajar al prim cedr: mò bona: d' manch n' fu d' quell ch' i avè dlt la vecchia. Al saltò fora all' impruvvis prest cm' una losna la più bella zovna, ch' an' i è mai dubbi, chi aviss vlù dpinzrla, ch' l' aviss savù far acquisti bella, la pareva d' latt, e d' fravl. Questa subit dls: dam da bevr, mò al prencip era quì pers a guardari, ch' a n' udì gnanch quand la parlò, e li toppa, scappò vi cm' una sajetta. A lù pò ai vign tant al gran affann, ch' as vlè infìn dar di pugn dalla rabbia, ch' al s' era lasà scappar si bella galantarj d' in man; basta, l' avers al segond, e puntualment al fi l' oca anch sta volta, es lasò andar vi anch quella, pr n' essr prest a dari da bevr. L' era acquì ispirtà, ch' as dsè d' villanj da can; al dsè: mò mai ai mi di! avviv mai vist piz? mi cred ch' al b'gnarè darm in sla testa cmod s' fa a una bis-sa: s' an' fuss sta avvisà, a srè da cumpatir: oss, dls, sù pur, a l' altr, ch' a fazza anch sta volta una qualch prudenza. Al tajò l' ultim, es ussì fora una blezza; mò una cosa, ch' era verament jotta; an' i è più dubbi ch' s' in veda una sì fatta. L' aveva tutt l' blezz, ch' s' ponn aver; questa i dmandò al solit da bevr, e lù sta volta n i stì a pinsar, es ijn di. Quand l' av bevù, l' armas lì da lù, ch' al la cuntimplava da un cò all' altr, ch' l' era just tal e qual al s' l' era figurà lù, bianca cm' era gula rcotta, e rossa, ch' la parè d' cinabr, di cavj biund cm' è l' or, e di ucch nigr ammurà, una bella bocca, brl nas, e insoinma bella da un cò all' altr. Al prencip s' andava sfergand i ucch, ch' l' avè pora d' n' s' insuniar, mò al vist pò, ch' l' era verament una donna cmod vè, es si miss a far carezz, e pò i dls: mò sgnurina, an' la vui miga cundur a casa quì senza squarchi, ch' ai la vui cundur cunza da Regina, e pò bsò ch' a la fazza vstir: perchè acquì dspuja, ai srè tropp guardà drì; dis: fènn una cosa; aj è quì un albr, ch'

è incavà qui zò bass in t al pè ch' al par just fatt a posta pr un stanziol; ch'la s'arrampiga, ch'ai darò mi la man, e pò ch'la m aspetta, ch'la pò credr s'am inzgnarò d'turnar prest a toila, es srò accumpagnà dai mi servitur, e carrozz, e abit, e tutt quell ch' i vuol; li diss: mò sgnor sì, mò sgnor sì, ch' al s' serva pur. Lù andò, e lj armas in tl'albr, al qual era propri dri alla sponda dla vasca, dov i cascava l'acqua dla fontana, e l'albr s' vdeva in tl'acqua, e quì anch as vdeva la sò figura d lj. Ora ai era in qula città una schiava mora, ch' fu mandà dalla sò patrona con un calcedr a tor d' qu' acqua d' qula fontana da far una savunà. Qustj vist la zò in tl'acqua l'immagin d' quella, ch' era in tl'albr, la piassò d' essr lj medesima, ch' fuss sì bella, es diss in t' al sò linguaz (ch' i disnn mò, ch' è muresch):

*Cosa vedir? mi star sfortunata!  
Donca si bella star,  
E patrona mi mandar  
Tutt al dè acqua a pigliar?*

Quand l' avv ditt quì, la cuzzunò con quant fià l' avv in tutt dou l' nian al calcedr in s' una masegna, ch' al dvintò una frittella, e pò seguitò:

*Mi non dover tal cosa comportar.*

Quand la fu a cà, la patrona i dmandò: mò e quì, dov è mò al calcedr? La schiava arspòs:

*Aver per dsgrazia battut calcedr,  
Essers rott come fa l' vedr.*

La patrona i criss sta sfrappla, e qu' altra mattina la i dè una barillina, dsendi; tù, imp pò questa d' acqua; li andò là, es vist un' altra volta in tl' acqua qula gran bella fiola, e cridand d' essr lì, la cminzò a sospirar per cumpassion, d' sè medesima, ch' stiss a far la serva;

*Essr quì bella!*

la cminzò a dir;

*Ah non esser propri pccà:  
 Che bellezza s'ì sfundà  
 Sippa sempr destinà  
 A servir! mò n' esser pccà?*

E taff: quand l' àv ditt quai, la sbattì tant fort la barillina in di cudn, ch' l' andò in mill brisll. Quand la fu a cà, la patrona s' miss a zigar, cmod s' pò credr, es i dimandó cosa la i n' aveva mò fatt d' quela barillina; l' arspòs:

*Essr arrivat lì vsin un asen:  
 Mi barill aver posat,  
 E lù calz averi dat,  
 E barill tutt quant sfundat:*

La patrona n' pssì star ai sign dalla rabbia, es chiappò l' al mattarell, es i di tant bastunà in s la schina, ch' l' andò drì fin ch' la fu stracca, e pò vols ch' la turnass vè allora con una brocca d' terra, es i diss: stn' m' va a impir sta brocca con qu' acqua, mal guai a ti. La schiava turnò là tutta ingrugnà, l' impi la brocca camminand, mò in t' l' andar vè, la guardò una buona volta in t' l' acqua, la s vist, o ch' la pinsò d' vedrs acquai bella, es cminzò a esaggerar la só disgrazia, d' aver d' andar tra i pj alla patrona, ch' era iustizzi, dis:

*Mò esser pur mè matta:  
 Mè padrona star stizzada:  
 Mè non voler più udir bravada:  
 Star sì bella, e pò servir?  
 Ah non vler più quest soffrir!*

Quand l' àv ditt quai, la cminzò a sfuracchiar la brocca con un agucchion gross gross, ch' l' aveva in testa, e la brocca cminzò a trar vè l' acqua da tutt qui bus, ch' la spissinava da tutt là. La zovna, ch' era in t' l' albr arpiatà, n' pssì star a i segn dal gran ridr, es fì una sbaccalata fort, tant ch' la mora sintì, es vultò la testa in qual vers, dov l' aveva sintù ridr, es vist quela gran bella cosa: là i diss:

*Ah! cosa vedir?*

*Mì credir esser sì bella!*

*Mò capir ti dover donca esser quella;*

*Ma che far?*

*Perchè via non andar?*

Qula zuvnetta, ch'era tutta curtsj, la i arspos, mó s'an poss, ch'al bsò ch'aspetta un prencip, ch'm'ha da vgnir a tor, ch'l'è andà a pruvedr di abit, ch'am vìn pò a spusar, e perchè an vol ch'a sippa vista in t'al sò regn acquas nuda, am porta di abit, ch'sran bellissm: an' sò miga mò d'ch'robba i sran, mò a cred, ch'certo i sran bi purassà. La mora ch'sintì sta cosa, fi subbit i sù cunt d'vller far un tradim'nt, e buscars l'j, s'la psseva, qual bcunzìn: l'arspos alla zovna:

*Marit nobil donca aspttar?*

*Perchè testa non cunciar?*

*Mì voler, mì saver far,*

*Mi voler, ch'ti bella star.*

La ragazza arspos: mò sì ben, mò sì ben, vgnì pur vi, ch'am farj un gran servizi, perchè al perrucchin s'è tutt sgumbià, es i dila man, perchè la muntass in t'albr, ch'a vder qu' dou man un' insem al parè un pezz d'cavjar, e una zuncà. La mora eminzò con un agucchion a cumpartir i cavj per far vista d'vleri arrizzar; l'era un agucchion da un quattiln; (forza qu'istess, ch'l'avè addruvà a sfuracchiar la brocca) la rign l'dida un poch cmod a dseva in ti cavj, e pò ficcò dentr in la codga dila testa l'agucchion, propri in t'al cervell, ch'la povra ragazza cridava quant la psseva dal spasm, es eminzò a dir: *oh clumbina, clumbina*; in tal dir quì, la dvintò verament la più bella clomba, ch's'psiss vder, es vuló vi. La mora tutta alligra s'dspujò da un cò all'altr, pr arvisars almanch in quest a qula bella ragazza; la fi un faguttazz di sù pagn, ch'n'valev dou gazzett, es i trì vi luntan quant pssì trar al sò brazz, e l'j arstò lì dentr da qu'albr pr aspttar al prencip, ch'la pareva una statva d'carbon. Instant st prencip turnò con una gran quantità di sù cavalir,

e un gran seguit d'altra zent a cavall, al s'accustò all'albr, es trovò li sta cosa. Al di indrì, ch'al crdè d'aver barattà albr, mò al vlist ch'l'era pò quell', es diss: mò a digh, qola zovna, a ch'zugh zughenja? siv vù, o n siv? La mora, ch'vlist ch'l'era ingrugnà fort, la i arspos:

*Ti restar tant maravjà?*

*Mò tropp tard essr turnà:*

*Perch' mìa aria n' psser soffrir,*

*E far qustè negra vegnir;*

*E ti causa essr d' st malann;*

*Star tò dann, star tò dann.*

Al princip diss: mò nna busca! ai dsl una bagattella vù a questa: oh quest è sta un bell guadagn vè. Basta, quì an s'pssè far altr: al chiappò sù qustj es la cminzò a vstir con quì bi abit, ch'l'era ben pò un peccà; ai deva di strap-pntt in t al vstirla, es n parlava, ch'l'avè un zuffazz, ch's' srè ligà con un cavzal, e pò s'avviò con tutta qula zent alla città, e tutt i uscivvn incontra, perchè an i era mai d'avvis d'vder qula bellezza, ch'al gli aveva descritt. Quand al princip i vlist, ai crasì più la rabbia dalla vergogna, perchè al vdeva ch'al Re, e la Regina s'guardavvn, e pò s'strinzevvn in tl spall. Al sinteva pò dla zent pr l'strà segond ch'i passavvn, ch's'andavvn, dmandand l'un l'altr: mò èla questa? oh la vol essr la ladra Regina! ohibò: ohibò: di altr dsevvvn: mò n'sat s'la asià tutt al mond pr addlizzerla, mò sì; es l'ha cattà in t'al mazz. Lù a sentir sti cos, ai vgnè mill rabbi attorn. Ciò non ostant, al Re sò padr, ch'i avè sempr vllù un gran ben, i fì la rinunzia dal regn, e s'al corononn Re, e alla signora bambozza anch'a li ij missn la corona in testa, ch'zigava misericordia. I volasn pò far un gran dsnar, ch'i tolsen fin di cugh imprest, perchè ai era un gran dafar; chi pistava l'pulpett, chi fèva la torta, chi pllava di tucch, chi cuceva l'lasagn. In qual mentr ch'i era st'gran tiritost in cusina, al vign dentr pr'un fenestrin la più bella cluinbina, ch'a vlissi vedr, la qual parlò, es diss: oh cugh, cmod sta al Re, dop ch'l'ha spusà la sò mora? oh ch'bella figurina! Al cugh alla prima n'badò a sta cosa, per-



chè l'aveva tropp da far, ma sta bstiola turnò un'altra volta a dir gl'istess parol, e pò anch la terza volta; al s'cminzò pò a maravjar ch'una clomba parlass, es andò sù alla tavla a cuntar dla bistia, ch'era vgnù. I ern tutt li à sedr, e la sgnora dl'alba cmandò, dis:

*Pigliarla, pigliarla,  
E mi d' lungh magnarla  
Cotta che la sarà,  
Mezza sopra un brodett,  
E l'altra in tant polpett.*

Al cugh turnò zò, es andò con tanta destrezza, ch' ai vgn fatt d'piarla, e pó i striccò la testa, es la bagnò in t' una caldarina d'acqua calda, es la plò: al trì pò l'acqua con l' penn in t' un curtil, ch' era dedrì dalla cusina. An passò trì dì, ch' in qual lugh, dov al gli aveva tratt l'acqua ai nasci un bell albr d'cedr. La sgnora zá s' magnò la clumbina, e j in fuss anch sta degli altr. Al prencip mò non sol al n'aveva vist ch' la la magnass, mò an' avè gnanch udì ngotta d'quell ch' era vgnù a cuntar al cugh, perchè l' avè tant la gran luna d'aver sì brutta sposa, ch' an magnava, es steva sempr con al grugn. Un dì l' era a una finestra a sbadacchiar; sta finestra guardava iust in qual curtillett, dov i era nad st cedr; al s' maravjò vdend li sta pianta quai bella, ch' lù n i avè mai vist, es dïss: oh vè! mò cmod è nad l' qual bel albr d'cedr, ch' n' n' i è mai stà? Al chiamò al cugh, es i dmandò: da quand in zà è nad qual cedr? Lù i cuntò la cosa dla clumbina, e ch' l' era nad dop ch' lù avè tratt li l' penn, e l' acqua. Al prencip dïss: os tint a ment; ch' l' ha da dar fora cvell da sti cidr. Al di ordn sott penna dla vita, ch' nssun aviss ardir d'ruspigar attorn a qula pianta, e ch' s'avis una somma premura, ch' l'an s' guastass, anzi che (al soggiuns) a vui ch' al s' adacqua con gran diligenza. Da l'j a puch dì l' albr miss fora tri bellissm cidr, just cmod era quí, ch' avè dunà la donna salvadgha al prencip. Quand i funn d' qula grandezza, al prencip i fì cujir, e pò s' assrò in t' una stanza, es tols sigh una tazza d'acqua, e con qu' istess curtell, ch' i avè dunà qula donna (ch' al l' avè sempr

tegnù in bissacca) ai cminzò a tajar, e s'intravvign just quell ch'era intravvgnù alla prima; cioè d'saltar fora una bella fada, ch'dmandò da bevr, e pò dl'esser lù quist oca du' ijn dar. Dop al prim, al tajò al second, e medesimament vgn la fada, e dai pur con sti fad, e dai pur a essr lù un gran zuccon. Finalment al tajò l'ultm, es i di da bevr, e li i arnas una bella tosa tal e qual era la prima, ch' l'avè lassà in tl'albr. Questa s' i miss a cuniar al tradiment, ch' i era sta fatt dalla inòra. An s' pò descrivr l'algrezza in t la qual era al prencip pr aver turnà a trovar la bella ragazza; questa era tant granda, ch' an passì sintir la rabbia, ch' i arev avù da far vgnir l'invenzion d' qula strija dla mora; zà a st tradiment l'avè pinsir d' remediari tant prest, ch' an' vols mò gnanch ch' sta cosa al disturbass. I s' finn pò di squas, e dl' finezz, ch' zà senza ch' a li conta, av l' pssj figurar. L' av pò frezza d' far una burla a tutt quì dla cort, mustrandì sta bella tiola, e quist camminand al s' fi purtar di pagu; es la vstì, e pò la chiappò per man, es la cunduss in t la sala, ch' era tutta pina dl' sou zent d' lù, e d' nobiltà, perchè as aveva da far una festa da ball', es i era l' invid. Al dmandò a un pr un, dis, dsim un poch ch' sorta d' castigh meritarè chi avess fatt un tort, e un mal grandissm a sta sgnurina, ch' ai ho quì pr man? tutt arspundevn dl penn tamugnì. In ultm al prencip chiamò la sò bambozza d' Regina, es i dmaudò anch a li cosa l' arev fatt a chi aviss tradì qula sgnora. Li arspos:

*Brusar, brusar,  
E pò gli ossa tutt gettar  
Zò da un mont:  
Acciocchè mai più trovar  
La memoria d' tant affront.*

Al prencip arspos: oh ben donca: con l'uccasion, ch' t i stà il, la mi braghira, ch' t' ha tradì sta sgnora, usurpandì la curona, e fagandt tì Regina ch' an sò da ch' lez, acquist, la mi zaltrona, t' pruvarà anch al castigh, ch' t' merit, es vù ch al s'j quì istess, ch' è sta propos da tì. Ficcaat mò dedrj quì agucchion, ch' t i ficcas a li in t la

testa, e magna mò address qula suppa, e qual brudett ch' t' urdnass con l' sou carn ; leva dal boja , t n' sa ch' la farina dal diavl va tutta in reml ? Subit finì la rumanzina, al fu esegui la sentenza , la fu brusá , e pó spargujà l cendr zò da una muntagna. La sgnora nova armas l j patrona assoluta d' agn' cosa , es finn la sò festa da ball con molta algrezza , e allora al prencip turnò a far l' nozz con altrtttant gust in tl second, quant l' aveva avù dspett in tl' prim.



## La finadga d' tutt d' Fol.

Tutt stion a udir con gli urecch ben dritt st ultima fola; mò s' av arcurdá, quand i cminzonn a dir sti fol, a sarj ch' tutt sti donn li cuntavvn dinnanz a un princip, ch' avè spusá una mora, ch' avè fatt una fufigna, ch' era just in sl' andar d' quella, ch' avè fatt qustj, ch' s' è descritta in st' ultima fola: e s' an v' arcurdassi ben ben al fil, tuliv la pazlozia d' turnar a lezzr la prima fola, ch' av vgnarà in ment agn cosa. Ora, cmod ai ho dritt, tutt stinn attint a sintir st' ultima, mò sicomm l' era zà pales al tradiment, ch' avè fatt qulj ch' era dvintà principessa, acqui ai fu tra qui, ch' ern lì, ch' sbiasmonn qula zanzira, ch' era andà a dsfurnar una fola, ch' pareva in punt missa insem per rinfazzar a qula signora l' sou bugà, Quegli altr donn l' dsevv: oh là n' avè mai da cuntar questa present una, ch' ha sporch la camisa: diavll l' è just just quell, ch' l' ha fatt lì, e certo quella, ch' l' ha dritt, l' è sta un miraql, ch' la n' busca di pugn in t' al mustazz dalla principessa. Cmod in effett, s' an vlj mò altr, s' la n' buscó di pugn, almanch as vist, ch' sta fola i vgnè in garet, es n' li mai altr che arancinar al mustazz, e s' la n' fusa sta quì negra, as srev vist ch' la srev dvintà d' mill culur. Av dsj zà arcurdar, ch' qula bambozza i aveva miss attorn tant al grau asiol d' vnja d' udir dl fol, ch' la n' pssava far a manch, pr altr, s' la n' fuss sta sfurzà dalla fada, ch' düss dar qul istint alla bambozza, l' arev fatt dsffar la cunverazion, quand la sintí qust' ultima. Al pò anch essr, ch' la stiss lì pr n' dar suspect al princip só mari: basta, tra quell, e qul' altr, bisugnó ch' la hvìss st siruppin, mò la düss in cor sò; lassa pur far a mè, s' t' ha cont la fola, t la padirà ben vè. Al princip, ch' ai piaseva mò purassà al spass d' sti fol, n' stí a cercar s' ai era chi fuss dsgrastà, perchè lù n' capì ngotta, es zgnò alla Zoza, ch' düss un pò sù quell ch' l' avè da dir. Sta Zoza era mò quella, ch' arev avù da tucçar al princip pr giustizia, s' qulj n i tuleva

al post. Ora donca quand al prencip i urdnò la fola, la s' livò sù es fi un bell inchin, e pò cminzò. Dis: i è mò dubbi, eccellenza, s' a la cont cmod l'è, ch' a vigna pò in garet a qualchun? perché mi i digh al ver: a son una, ch' bso ch' a l ammolta cmod am la sent: quell ch' ai ho in t al cor, al ho in t' la lengua. Al prencip arspos: mò chi ha mò da essr quell, ch i vigna in garet ngotta? a son mi, ch' cmand, es n' ha da vgnir in garet a nssun, cm' an' m' vin a mi; dis, dsj pur sò quell ch' a vlj, ch' a sò mi, ch' da qual bell buccin an i ha da ussir sn' del cos, ch' accommdn al stomgl. Sti parol, ch' diss al prencip, funn tant stiltà, ch' diinn in t al cor alla principessa mora, e al nssir i feva lapp lapp, e in quant a lì l' arev vlù essr a dzun d' aver fatt dir l' fol, es dubitava molt, ch' l' ultma fuss al principi dla dscverta del sou bugà; la tgnè ditt: tint a ment, ch' al mal temp se dscarga addoss a mi. La Zoza intant cminzò a cuntar tutt i sù affann; prima dla gran malincunj, ch' la pateva, e pò dl' aguraz, ch' i fi qula vecchia, al viaz, ch' la fi pr attruvar al prencip, la fontana ch' la trovò, e in somma tutt quell ch' è in t la prima d' sti fol, ch' a la psà turnar arelze. Quand la mora sintí sta tantanà, la diss tra i dint; oh una busca! e pò cminzò a cridar:

*Ti star zitta non parlar:  
S' ti permettr d' seguitar,  
E mi pugn in panza dar,  
E tò fiol vler ammazzar.*

Al prencip, ch' capì ch' la srè donca sta la Zoza quella, ch i srè tocca in scambi d' qulj, ai vign taut sù i chiù, es i crasi la rabbia a vder, ch' la n vleva lassar finir la parlada, ch' al si vultò con una rabbia, es i diss: allon, a chi dighia? chi it ti? a vui ch' la conta agn cosa da ra a ron: st' m' romp niint niint dond s' sol dir, at ficcarò cvell in t al mustazz; al s' vultò pò alla Zoza, es i diss: seguità pur vù, e lassà gracchiar qulj. La Zoza seguitò a dir dla mastella, ch' la trovò plna quand la s' dsdò, e in ultim zgnand vers la schiava, dis, am è pù sta fatt l' ingann d' averm tolt vostra eccellenza. Quand la fu a numinarl là,

la s miss tant fort a pianze, ch' la n' pass più finir. Al prencip capì allora dal tutt al trent' un, es guardò alla schiava, ch' s' era miss la testa in sen con un grugnazz lungh lungh; al s i miss a dir dl villanj, ch' andon drj degli or, e pò vols ch' la confessass li d' sò bocca tutt al tradiment. Al cmandò pò ch' s fiss una busa in terra in t' un prà, e ch' la i fuss suppli fin alla testa, acciocchè la stintass più a murir. Al spusò pò la Zoza, es fi avvisar al Re d' Vall Plosa, ch' era só padr d' lj, ch' vgniss al fest, ch' funn celebrà con una magnificenza grandissima. Qu-i finì la grandezza d' qula signora pustizza, e quì finiss anca mè l' fol, ch v' aranu secch vù, ch' l' gli avj lett, anch più ch' l n m' àn secch mè, ch' l' gli ho scrìtt.

AL FIN.

000000

Calvin 1800







